



A35d
10
2X...12
1








Vol VI Contd.

VII wanting dissection (1/2)

Cut out.

did it perchance contain the wrong coat of arms.





INDIÆ ORIENTALIS
PARS VI.

VERAM ET HISTO-
RICAM DESCRIPTIONEM

AVRIFERI REGNI GVINEÆ, AD AFRICAM
PERTINENTIS, QVOD ALIAS LITTVS DE MINA VO-
cant, continens, Qua situs loci, ratio vrbium & domorum, portus
item & flumina varia, cum variis incolarum superstitionibus, e-
ducatione, forma, commerciis, linguis & moribus,
succincta breuitate explicantur & per-
censentur.

LATINITATE EX GERMANICO DONATA

Studio & opera

M. GOTARDI ARTHVS DANTISCANI.

Illustrata vero viuis, & artificiosissime in as incis iconibus,
inque lucem edita

à

Iohanne Theodoro & Iohanne Israel de Bry fratribus.

RHODE ISLAND
HISTORICAL SOCIETY,
PROVIDENCE, RI.

JOSEPHUS. BOOKS. DEQUEST.

1883.



Francofurti ad Mœnum ex Officina Wolfgangi Richteri, sumpti-
bus Iohan. Theodori & Iohan. Israel de Bry fratribus.

Anno M. DCIV.

RPJCB



INDIÆ ORIENTALIS

PARS SEPTIMA;

Navigaciones duas,

Primam, trium Annorum, à Georgio Spilbergio, trium
navium præfecto, Ann. 1601. ex Selandia in Indiam
Orientalem susceptam:

Alteram, nouem Annorum, à Casparo Balby, Gemmario
Veneto, Anno 1579. ex Alepo Babyloniam versus,
& inde porro ad regnum Pegu vsque continuatam,
continens.

*Omnium, quæ illi quidem ad Annum 1604. huic vero ad Annum
1588. vsque acciderunt, commemoratione; Regum item,
locorum, populorum, rituumque variorum descriptione
addita.*

Auctore

M. GOTARDO ARTHVS Dantiscano,

*Omnia elegantissimis in æs incisis iconibus illustrata &
in lucem emissa,*


à


IOANNE THEODORO ET IOANNE

Israële de Bry, fratribus germanis.

Francofurti typis VVolffgangi Richter.

Anno 1606.







INDIÆ ORIENTALIS, BREVIS ET DILVCIDÆ

EORVM, QVÆ TRIBVS NAVIBVS, EX
Campovera Selandiæ, sub imperio & administratione Georgii
Spilbergii in Indiam Orientalem proficiscentibus, toto
itinere & nauigationis istius tempore acci-
derunt, Commemorationis

PARS SEPTIMA.



V B initium Maij, die nempe quinto An. 1601. Naves quæ ca-
quando in Se-
landia solue-
runt.
Hollandorum aliqui tribus nauibus, quæ dice-
bantur *Aries, Ouis, & Agnus*, ex Campovera Se-
landiæ, Indiam Orientalem petitori, soluen-
tes, sub vesperam eius diei ad portum, inter
Doueram & Caletum, intermedium appulerunt,
cumque propter tempestates aduersas aliter
non possent, nono Maii, *Dortmundam* affecuti,
ad 14. usque Maii diem ibi substiterunt, naui
minori reparandæ operam dantes, quæ ex tem-
pestatibus modo dictis vitium aliquod contra-

xerat, cumq; panes aliqui ab irrupentibus aquis periissent, abiectis illis,
alios sibi compararunt, de comæatu & rebus necessariis quantum pote-
rant sibi prospicientes. Soluentes autem iterum, *Palnam* quidem Insulam
præteruecti, cursum ad *Capo Verde* direxerunt, quo cum 10. Iulii aduenirent,
administrator quidem generalis Celocem eadem adhuc vespera parari, &
rebus necessariis muniri iubet, sequenti statim die *Puerto Dale* petiturus, ut
quæ in mandatis habebat, ibi expediret.

Vndecimo igitur Iunii à *Capo Verde* vna naui soluens Præfectus, cum non
procul à *Refrisco* abesset, nauigia tria Gallica offendens, quid nauium in *Porto*
Dale subsisteret, quærit? Respondent Galli, nullas sese ibi naues reliquisse.
Verum progressus paululum Præfectus, cum à *Porto Dale* iam non abesset
longius, respiciens forte, tres animaduertit naues ab anchora ibi hærentes,
quæ eodem die aduenerant, *Rio de Camby* petituræ. Nihil autem periculi ex-
timefcens Præfectus, cum sciret liberum esse nationi cuilibet in portu isto
appellere, progreditur audacter. At qui in nauibus illis erant ad tormenta
statim conuersi, arcere eum aditu modis omnibus conabantur, qui abstine-
nere primum à tormentis decreuerat, at cum instare Lusitanos, & à conatu
suo abstinere non velle cerneret, respondendum ipsis omnino statuebat,
factoq; in eos impetu, tanto cum illis feruore decertauit, ut nisi qui in litto-
re erant Lusitani periclitantibus subuenissent, euadere periculum vix po-
tuissent.

Conflictus præfe-
cti cum Lusitanis
ad Puerto Dale

2 DESCRIPTION. INDIAE ORIENTALIS

tuissent. Confluentibus igitur ad portum magna copia Lusitanis, cum inferiore se viribus istis Praefectus cerneret, & glande plumbea in dextro brachio percussus esset, abstinere tandem pugna, & recedere cum suis coactus est. Erant ex Lusitanis trucidati quidem vnus atq; alter, vulnerati verò quam plurimi. At Praefectus conuersis velis *Refrisco* appropinquans, scaphā ingressus est, naui *portum Dale* versus iterum dimissa.

*Praefectus ab Aethi-
opibus quibus-
dam vestimentis
exuitur.*

Constituerat Praefectus, misso ex *Refrisco* ad *Capo Verde* nuncio, duabus quæ ibi substiterant nauibus significare, vt soluentes quamprimum ad *portum Dale* auxilio sibi aduersus Lusitanos venirent. Sed nauis vix dum dimissa, Aethiopes quidam, aliquot *Canois* aduecti, ipsam adoriebantur, trucidatoque quos secum habebat ministrorum altero, vestitu eum exuebant, & vulnus haud leue vtrique manui infligebant. Elapsus ergo tandem ex ipsorum manibus, terra *Refriscum* petiit, vbi à Gallis quibusdam humaniter acceptus, & vestimentis iterum indutus est, vulneribus à chirurgo obligatis atque sanatis. Erat hic fortuitus quasi casus, qui præter omnem expectationem ipsi acciderat, Aethiopibus eius loci amicitiam & familiaritatem cum Gallis & Hollandis colentibus. Cæterum Praefectus ministro quodam nautico, terra ad naues in *Capo Verde* subsistentes dimisso, vt *portum*

*Naues Hollandi-
ce ad portum Da-
le adueniunt.*

Dale versus contenderet, ipsis denunciauit. Itaque decimo tertio Iunii, naues prædictæ ex *Capo Verde* soluentes, cum non procul à *Refrisco* abessent, Praefectumque suum ex Gallorum nauibus allatum sibi coniunxissent, *portum Dale* versus progressæ sunt. Verum enimvero vnicam solummodo nauem, & in ea præter ferri *Millieque* paululum, nihil inuenientes, ne moram ibi plus iusto necerent, Petrus quidam Cornelius, de mandato Praefecti, in terram descendens, ab *Alcayre* & Lusitanis ibi degentibus amicè acceptus est, qui agnito delicto suo, cum mentem Praefecti probè percepissent, recepta ab Hollandis naui sua, de rebus ad recreationem & comeatum pertinentibus quam optimè sibi prospiciendi potestatem ipsis fecerunt, vnde ad 19. vsque Iunii ibi subsistentes, quæ necessaria videbantur, comportarunt omnia.

Hoc facto ex *Puerto Dale* discedentes, conuersis iterum velis, *Refriscum* petierunt, ibique scapham ab Aethiopibus Praefecto non ita pridem ereptam à Gallis, soluto quod pro ea exposuerant precio, recuperarunt, progrediebantur autem statim, cursu suo Occasum versus directo, sic enim Praefectus Guionlefortio suo Viceadmirali, & nauium moderatoribus omnibus seriò iniunxerat, vt, cum ipse ex vulneribus decumbens adesse gubernationi non posset, id summo studio darent operam, vt iuxta Salis Insulas Occasum versus cursum tenerent, ne ad littus *Guinea* forte impingerent, quemadmodum isthic loci accidisse sibi haud raro Praefectus meminerat.

*Deferuntur ad
Capo de Montes.*

Circa vesperam autem 10. Iulii, terra ipsis visâ est, cumque ab ea cursum reflexissent ad littus *Capo de Montes*, delati sunt, quod vt ne fieret, præcauerent, summo eos studio Praefectus paulo ante monuerat. Cæterum sequenti die terram iterum videntes, cum vix miliaris spacio ab ea abessent, ex rupe quadam animaduertunt, *Capo de Bayzos* eam esse, quod tribus ferè miliaribus à *Rio de Zesto* aberat. Praefectus igitur 20. Iulii cum vno ferè gradu ab Aequinoctiali linea abesse se videret, conuocatis Subpraefectis, nauiumque Moderatoribus omnibus, cum Viceadmirali & Cornelio Speccio Commissario, deliberationem instituit, vtrum ex re sua fore putarent, si iter ad Sancti Thomæ dirigerent Insulam, vbi

cum

cum locum istum proximum sibi viderent, communibus votis omnes con-
cluserunt, præ aliis eum eligendum, eoq; modis omnibus contendendum
esse, si forte cibariorum aliquid recentium ibi nancisci possent, siquidem ad
littus *Guineæ* sese iam delatos viderent.

Attingebant 23. Iulii æquinoctialem lineam, vltimusq; paulo progressi, *Veniunt ad insu-*
Viceadmiralem cum Celoce ex conspectu amittebant: sed reuertebatur ad *lam Annabon, &*
eos naus vtraque 26. Iulii, cumque imminere sese Insulæ viderent, quam *quid ibi porro ac-*
ciderit.
Annabon vocant, littus ibi legendum censebant, missoque statim ad inco-
las istius loci nuncio, vti sibi de recenti victu prospicere permetteretur
rogabant. Quo facilius autem id obtinerent, datis ad Lusitanos literis,
Lysabona sese venire significabant, merces à *Sobrecargo* Regis Hispanici
Procuratore acceptas, Brasiliam aduecturi. Cum igitur aduerso vento
ad locum hunc delati essent, sperare sese cibaria sibi ab ipsis tanquam a-
micis non denegatum iri. Mittebant autem ipsis simul, *Sobrecargo* Pro-
curatoris Regii nomine, munusculum aliquod, in cuius recompensatio-
nem malorum aureorum vasculum receperunt, cum responso per literas
gratificari sese illis in hac petitione non velle, qua quidem etiam in sen-
tentia constantes permanebant, licet vti eam mutarent, misso postmo-
dum ministro aliquo, qui Regis nomine iter isthac paulo ante fecerat,
multis modis rogarentur. Videns igitur Præfectus frustra sese tentare o-
mnia, nec perficere aliquid apud Lusitanos istos rogando posse, ex Vi-
ceadmirali & Celocis Moderatore quærit, putarentne aquæ recentis sese
satis habituros, donec Caput bonæ spei assequerentur, qui parum super-
esse, & Celocem quidem inopia eius laborare maxima, cum respondi-
ssent, inito cum Subpræfectis consilio, vi summa tentandum decreuit, an
comparare sibi quibus egerent possent. Nauibus igitur quam proximè ad
littus applicatis, vt tormentis assequi oppidulum possent, scapham qua-
draginta armatis repletam prouocatam ex oppido Lusitanos dimittit, hac
tamen interminatione addita, ne, nisi occasione captata commodissima,
qua impetus sine magna populi iactura fieret, quid inceptarent facile.
Verùm cum à Lusitanis non solum fortiter ex oppido resistentibus, sed
& à fluctuum magnitudine, difficultas ipsis tanta obiiceretur, vt vix pro-
fecturi aliquid viderentur, mutato statim consilio, discedendum potius se
infecta Præfectus, quam præsentissimo suos exponendos periculo censuit.
Itaque vigesimo octauo Iulii, postquam pœnas ab Abrahamo quodam co-
gnomento *Engels*, ob tentatam in naui Viceadmiralis seditionem, sum-
pssissent, ab Insula *Annabon* soluentes, cursum ad S. Thomæ dirigen-
dum statuerunt, cum præsertim & propter ventorum inclementiam ali-
ter non possent, & refectioe admodum indigerent, sperabant enim o-
mnino se & recentes aquæ & cibariorum recentium participes ibi certo
certius futuros.

Aperiebat fere ipsis 31. Iulii desiderata S. Thomæ Insula, verùm Lusita-
nis multa tormentorum displotione ex Castello furentibus, applicare ibi *Præteruehantur*
non audebant: itaq; cum nauigia aliquot in portu herere cernerent, consti- *Insulam S. Tho-*
tuebat quidem Præfectus impetum in ea facere, sed Subpræfectis id disflua- *ma.*
dentibus, quod multi morbo correpti male haberent, & vero vis tanta sine
iactura & dispēdio populi superatu impossibilis videretur, mutato consilio,
progredi & nauigationem continuare coactus est.

Factum est autem primo Augusti die, vt littus *Guineæ* ipsis aperiretur vnà *Ad Corisco Insu-*
cum duabus paruis insulis, itaq; petere illas pleno cursu cœperunt, littus ea- *lam appellant.*
dem vespere ex latere *Corisco* australi legere volentes. Cæterum nocte præ-

senti, cum locum istum multis latentibus scopulis formidabilem esse eos non lateret, proiecta ad septem orgyas anchora, subsistere in mari cogeantur. Progrediebantur autem sequenti statim die ad angulum Insulae septentrionalis, inueniebantque ibi nauem Selandicam, nomine Sphaeram mundi, ad Balthasarem de Moucheron pertinentem. Itaque Commissarium statim & nauarchum istius naus ad se allatum miserunt. Veniebat autem cum eis vir quidam, quem Theodoricus à Wees sex stipatum militibus in maiori *Corisco* reliquerat, ut naues à Balthasare de Moucheron eo aduentantes custodiret, & de illis, quae in *Bouley* siue maiori *Corisco* acciderant, eas admoneret. Cognouit igitur Praefectus ex viro isto, quae ibi accidissent inter Gubernatorem Theodoricum à Wees & milites aliquot suos, quae omnia ad Balthasarem perscripta & cum praedicta Sphaera mundi transmittenda erant. Caeterum Praefectus ut Insulae istius rationem & vires plenius planiusque cognosceret, Viceadmiralem cum Capitaneo Iungerhelt & militibus aliquot tormentariis exploratum omnia emisit.

*Commeatu sese
in Corisco Insu-
la instruunt.*

Ipsi autem ad decimum usque Augusti in maiori *Corisco* subsistentes, de aqua & recentibus cibariis sibi modis omnibus prospexerunt, cumque ex illis, qui ad *Annabon* Insulam vulnerati erant, quidam interea temporis moreretur, eo in praedicta Insula sepulto, literas capsulae inclusas ab arbore ibi suspenderunt, petentes ut Theodoricus à Wees, si forte ad Insulam istam reuerteretur, milites ibi relictos secum iterum abduceret. Postquam vero Guilielmus Barte militum ibi relictorum Praefectus, reditum Theodorici expectare recusans, Sphaeram mundi iam inde discessurus conscendisset, & vero naus istius moderator grauaretur admodum, relictos ibi milites secum omnes abducere, quod commeatu pro omnibus sufficienti instructus non esset, Praefectus eorum misertus, suis adnumeratos secum abduxit.

*Veniunt ad Ca-
po lopo Gosalues.*

Discedentes autem 11. Augusti die ab Insula *Corisco*, cursum suum *Capo lopo Gosalues* versus instituerunt, cumque in itinere in nauem quandam Amstelrodamiensem eundem locum petentem incidissent, ipsi quidem 17. dicta autem Amstelrodamia naus 20. Augusti, modo nominatum *Capo* apprehenderunt. Habebat haec naus moderatorem quendam Iohannem Franciscum Amstelrodamiensem, veniebat autem à littore aureo, & ibi 300. plus minus libras auri puri acquisierat. Caeterum non solum amice se inuicem accipiebant, sed & operas sibi praestabant mutuas, subleuantes alter alterius necessitatem modis quibus poterant omnibus, cumque ad 30. usque Augusti diem ibi commorati fuissent, soluentes iterum, ulterius progressi sunt.

*Consilium ca-
piunt de itinere
feliciter promo-
uendo.*

Videntes porro tantum sibi itineris superesse, ut illud breui temporis spacio absoluere non possent, seque vento contrario multum in itinere suo retardari, nec posse tempestiue vel *Achim* vel alium in India Orientali locum suo proposito conuenientem contingere, certam alimentorum in dies singulos singulis distribuendorum rationem constituere coacti sunt. Sed & ne quid in se quod ad itineris promotionem pertineret desiderari paterentur, 24. Septembris die conuenerunt in Viceadmiralis naui, Praefectus ipse met generalis Georgius à Spielberg, Viceadmiralis Guionlefortius, Commissarius Cornelius Speccius, & Capitaneus Guilielmus Ioannis, de itineris ratione recte instituenda & feliciter absoluenda deliberaturi, reque diligenter examinata, tandem concluderunt.

*Qua ratione iter
suum continuare
& absoluere con-
stituerint.*

Principio quidem, quamprimum id per Dei & ventorum gratiam liceret, cursum versus litus *Monopotappe* dirigendum, atque ibi locum aliquem sub eleuatione 28. graduum, *Medagos de auro* dictum, petendum esse, hinc
ad

ad *Capo S. Maria*, cuius eleuatio 26. graduum est, & paruam quandam Insulam sibi conterminam habet, quæ *Isla de Vacques* dicta, in tabula vniuersali non reperitur, contendendum. Peraçta ibi negotiatione, Insulam quandam *Magotte*, sub eleuatione 12. graduum, petendam, idq; iuxta rationem itineris in Selandia sibi à principalibus suis præscriptam, à qua sibi discedendum nefas putarent. Deinde si fortè contingeret aliquem à præscripta ratione, & à nauibus aliis per tempestatem aberrare, ei summo studio enitendum esse, vt prædictum locum *Medagos de auro* sub eleuatione 28. graduum assequeretur, ibique ei expectandum & subsistendum ad minimum 14. dierum spacio, quo finito si focias naues aduentare interea non videat, locum ei alterum sub eleuatione 26. graduum, *Capo Maria* nempe, petendū esse, relictis tamen priori in loco literis, quibus de discessu isto aduentantes postmodum nāues edocerentur, commorandum autem & in *Capo Maria* ad dies 14. & postmodum recta Insulam *Magotte* petendam, subsistendo ibi integro mensis vnus spacio. Tertio, si fortè vna atque altera prædictarum nauium ad continentem *Monopotappe* terram, sub eleuatione 28. vel 26. graduum, delata, deprehenderet locum istum negotiationibus suis conuenientem admodum & perquam opportunum esse, liberum ei esse debere, negotiationis ibi initium facere, eamque etiam ad plures dies protrahere & cōtinuare, ita tamen, ne intermittat finita negotiatione ad Insulam *Magotte* iter suum conuertere: ibi enim quid factū porro opus sit, vel ex literis, vel ex relictis aliquot personis, cognoscendum esse, licet naues reliquæ abierint.

Porro 17. Octobris die congregato in Admiralis naui militari Senatu, diligens in omnes inquisitio facta est, si qui fortè contra articulos sibi à Comite Mauritio & Principalibus aliis traditos, quos sanctè seruare iurauerant, deliquissent. Cumque transgressores quidam deprehenderentur, pœna ipsis pro ratione delicti irrogata est. Tertio autem Nouembris Præfectus generalis omnibus nauium gubernatoribus denunciari iussit, vt quanto intervallo à *Capo de Bona Esperance* abesse sese putarent, quilibet sententiam suam audacter exponeret. Quod cum fecissent singuli, cœpit ipsis 15. Nouembris continens Africę terra, sub eleuatione 32. graduum, apparere, proiectisq; in sinum S. Helenæ anchoris, ægrè postmodum mouere inde potuerunt. Quamuis enim non semel sequentibus diebus anchoris leuatis discessum pararent, tempestate tamen coacti ad sinum modo dictum reuersi sunt. Interim quidam ad littus descendentes ingentem piscium copiam ceperunt, homines vero nullos animaduertere poterant, quamuis cerui, lepores, porci, &c. haud pauci conspicerentur. Cæterum cum ex naui fumus hinc inde in littore obseruaretur, vnde coniectura de hominum præsentia fieri haud leuis posset, missis aliquibus, qui ferramenta quædam cum syluestribus, si quos fortè offenderent, hominibus permutarent, spes aliqua affulgere Hollandis cœpit, fore, vt vel pecudes aliquot, vel aliud quid acquirerent. At cum confecto fere miliari integro ignem quidem diuersis ardere locis videntes, hominēs animaduertere nullos potuissent, ad naues iterum reuersi sunt, magnam piscium, quos *Huygen* vocant, copiam secum afferentes, qui tanta multitudine in littore isto inueniebantur, vt vltra 375. vna captura comprehensos aqua extraxerint. Cum igitur homines animaduertere nullos possent, soluentes iterum 20. Nouembris secundum littus ob ventorum aduersitatem progressi sunt, donec 28. eiusdem mensis die, superato *Aquado Saldamo*, Caput bonę spei ipsis appareret, vna cum Insula quadam, cui Elisabethæ nomen Præfectus dedit. Sub vesperam autem ibi

*Sinum S. Helenæ
ingrediuntur.*

appellentes, ingentem quasi vrforum, vaccarum, ouium & aliorum animalium vlulatum audiuerunt, qui terrorem ipsis haud exiguum nocte illa incussit.

*Elisabetha Insula
descriptio.*

Cæterum sequenti die, qui 29. Nouemb. erat in terram descendentes, quæ Insulæ istius ratio & commoditas esset, explorarunt. Itaque Insula isthæc Elisabetha, duobus fermè miliaribus à continente distans, sub eleuatione $32\frac{1}{4}$ graduum sita est. Abest autem 20. ferè miliaribus versus Septentrionē à *Capo de bon Esperance*. Eius circumferentia miliaris fermè vnus est, terram habens versus Occidentem admodum paludosam, versus Orientem autem, vbi Hollandi substitierant, bonam & arenosam, locus non admodum eleuatus, sed depressus & humilis est, multis herbis, gramine floribusque odoriferis ornatus, lignis tamen & aqua dulci carens; inueniuntur ibi lupi vel vrſi potius marini, nam vrſorum magis quam luporum formam referunt. Inſidebant autem paſſim petris Insulæ exterioribus, colore, quemadmodum etiam capitibus & gestibus aliis, vrſos omnino referebant, præterquam quod ore erāt paululum acutiori, & posteriori corporis parte claudicantes, pedes enim posteriores manibus similes habebant flaccidos omnino, ita vt trahere eos post se cogerentur. Sed licet officium suum pedes isti non facerent, currendo tamen vel homines præuertere poterant. Aspectu alioqui sunt truculento & horribili, dentib. adeo valentes, vt vel tribus viris negotium faceſſere ſimul & ſemel poſſint, ſpem autem omnem in celeritate pedum repositam habent, qua poſt reſultationem haud exigua tandem vtuntur. Interficiabantur autem ab Hollandis magno numero, quemadmodum etiam aliud quoddam animalium genus, noſtratibus cuniculis non abſimile, Phænicei coloris, ſaporis vero optimi, cum cibo præterquam virentibus herbis alio non vtantur. Præter has autem ſeras beſtias, auium haud exigua ſeſe Hollandis offerebat copia, maximè vero earum, quas *Pinguins* vocant, item quas *Scholuers* Hollandi dicunt. Aues ſunt anatum magnitudine, colore nigro, alimentum haud contemnendum præbentes. Tanta autem affluebant copia, vt vix ſuſtinere earum impetum Hollandi poſſent, nullos enim credo homines antea viderant: veriſimile enim non videtur, naues ibi vnquam, niſi fortuito aliquo caſu, quod his quoq; accidit, appuliſſe. Loci alioqui oportunitas bona videbatur, & recipiendis nauib. haud inconueniens, dummodo aquæ non deſtitueretur beneficio, quam fodiendo tamen inueniri poſſe Hollandi ſibi perſuadebant. Poſſet etiã adipis ſutorii ex vrſorum marinorum pinguedine tanta ibi breui temporis ſpacio colligi copia, vt nauui haud mediocri onerandæ ſufficeret.

*Veniunt ad Insulam
Corneliam.*

Ab hac Insula vltimo Nouembr. ſoluentes Hollandi cum mediocri vento progrediebantur. Apparebat autem ipsis 2. Decembris die mons Menſalis, ſub quo ſinus eſt recipiendis nauibus admodum conueniens, itaque, vt ſeſe aliquo modo recrearent, ad ſinum iſtum modis omnibus contendebant. Circa meridiem autem ad Insulam Corneliam appellabant, in qua cum aliquot aues, quas *Pinguins* vocant, cepiſſent, iterum progreſſi, poſtridie eius diei prædictum menſalem ſinum aſſecuti ſunt, quem diu quidem deſiderauerant, ſperantes ſe aquam ibi recentem, carnesque & alia ad recreationem neceſſaria abunde inuenturos. Inueniebant autem ibi Celocem ſuam, quæ ante duos dies eo aduentauerat, miſſis igitur in profundum anchoris, Præfectus quidem in terram deſcendens locum inueniebat figendis tentoriis perquam oportuno, quibus paratis & explicatis, ægrotos, qui in Admirali & Celoce erant, deferri in terram

*Veniunt ad ſinum
Menſalem.*

terram curauit, si fortè amissam valetudinem recuperare possent, qui ne ab agrestium & barbarorum incurfu periculum aliquod metuere cogerentur, constitutis ante prædicta tentoria duobus tormentis, excubias ibi qui agerent, quosdam illis adiunxit.

Insula Cornelia, cuius paulo ante mentionem fecimus, ab Elisabetha ^{Insula Cornelia} Insula, de qua ante diximus, quinque fere miliaribus versus Austrum abest, ^{qualitas.} à sinu autem mensali vno, Elisabethæ quoad animalia & alia ferè similis, excepto tamen, quod magnitudine, eleuatione, & florum amœnitate eam superet, & cuniculos, quales Elisabetha fouet, non agnoscat. In sinu autem mensali Hollandi quarto Decembris die, traductis ad littus scaphis, omnia adornabant, vt aqua recenti, & rebus necessariis aliis quamprimum sese instruerent. Veniebant autem Æthiopes quidam ad tentoria, cumque beneuolentiam suam illustribus signis declarantes, spem Hollandis fecissent, se pecudes & cibaria alia abundè allaturos, Præfectus vnumquemque fasciculo vitrearum sphæricularum, & haustu vini vno atque altero donatum dimisit, qui hilares sese & lætos propterea declarabant.

Reuertebatur ad eos 5. Decembris die Viceadmiralis, quem à 20. Nouembris die non viderant, quod cum ex sinu S. Helenæ soluissent, ventorum iniuria ab aliis aberrauerat, sequenti vero die aliquos in Celoce ab officio remouit, propterea quod singularem fastum semel atque iterum declarantes, multa superbè & insolenter egissent, aliis in locum ipsorum substitutis. Re autem vltius deliberata, consultum Præfecto visum est, vt Capitaneus Guilielmus Iansen ex Celoce ad clauum Admiralis moderandum vocaretur, ipsi vero in Celoce succederet Cornelius Speccius, Iodocus autem Breem Speccio, & huic Matthæus quidam Schmidius, propterea, quod ex *Madagascar* ad *Insulas Comoræ* nauigandum esset, cuius quidem nauigationis ratio Matthæo Schmidio præ cæteris cognita & perspecta erat, vtpote, qui ante hæc tempora etiam iter eo fecisset, & propterea si cum Celoce præcederet, reliquas naues ducere quam optimè posset.

Ab octauo ad decimum tertium vsque Decembris diem diligenter admodum in convehenda recenti aqua, reparandisque & purgandis nauibus fuerunt, Præfectus etiam semel atque iterum quosdam emisit quæsitum barbaros illos & syluestres homines, qui de adducendis pecudibus spem ipsis frustraneam fecerant. Verum cum re infecta semper qui emittebantur redirent, operæ precium videbatur Præfecto, vt qui in Celoce erant ad Elisabetham Insulam, cuniculos, pinguinas, & aues alias allatum proficiscerentur, vt dum caro alia non suppeteret, haberent tamen quo vescerentur interim famemque leuarent. Cæterum ab illis, qui in tentoriis erant, 14. Decembris ad arma conclamatum est, propterea, quod Æthiopes quidam excubitoribus visi fuerant. Quare Hollandi sumptis statim armis Æthiopes insecuti sunt. Verum enimvero, cum fugam maturè iterum arripuissent, atque ita periculi nihil amplius metuendum esset, ad naues irritò conatu reuersi sunt. Aderat iam dies Decemb. 22. quo Præfectus ab vna naui ad alteram trāsirens vniuersos & singulos ad obedientiā cohortatus est, exhibitisque vnicuique literis ipsius Mauritii manu signatis, rogauit eos, ei fidem datam ne frangerent, præterea Capitaneum nouum Cornelium Speccium, moderatoremque Celocis Matthæum Schmidium, & alios, de quibus paulo ante dictum, suo quemlibet præfecit muneri.

Sinus hic, in quo hætenus sese cōtinuerant, 15. fere miliarib. Septentrio-

nem

*Descriptio sinus
mensalis.*

nem versus à *Capo de bon Esperance* abest, sub eleuatione nimirum 34. graduum & 4. scrupulorum, à Præfecto nomen hoc obtinuit, vt tabularis siue mensalis sinus vocaretur à mōte quodā excelsō admodū, qui in vertice planā & quadratam aliquam tabulā seu mensam referens, ad 9. vel 10. miliaria in mare excurrit, & aduentantib. nauibus indicio est, ne sinū hunc præteruehantur, qui commodam admodum stationem ipsis præbet, siquidem naues quam proximè ad terram adduci possunt, nec quicquam periculi à ventis & tempestatibus aliis metuere necesse habent. In Orientali *Capo de bon Esperance* plaga fluuius sese quidam in continentem terram extendit limpidissimus, quem Præfectus *Rio de Tacquelina* vocauit. Cumque vix dimidio à sinu hoc miliari abesset, sæpe eo excurrentes Hollandi ingentem ibi piscium, Cyprinos nostrates & colore & sapore referentium, copiam ceperunt. Per integros autem tres menses, Octobrem nimirum, Nouembrem & Decembrem australes hic tractus ventos habet tanta cum tempestate & frigore, vt ventis Septentrionalibus in Belgio comparari facile possint.

*Descriptio Capitis
bonæ spei.*

Quod ad regionem Capitis bonæ spei attinet, ea salutaris & bene temperata est, habitationi & variorum fructuum culturæ apta perquam & conueniens. Quamuis enim montosa appareat & collibus multis distincta, interim tamen etiam multis vallibus, syluis, pratisque decorata est, gramina & flores suauissimè olentes magna copia producit, ceruosque & feras bestias alias multo numero nutrit, quæ omnia visu & aspectu longe iucundissima existunt, præterea limpidissimis fontibus scatet quamplurimis, qui non sine gratissimo susurro de montibus altis prorumpentes, fluminibus sese passim insinuant, & cum eis postmodum in mare exonerantur. Abundat insuper ouium, bouum, aliorumque animantium copia satis magna, & incolæ habet colore subflauo, aspectu truculento, statura mediocri, & macilento corpore, pedum magna sunt celeritate, sermonem habent peculiarem, & vestitu ex ceruorum aliorumq; animantium pellibus confuto vtuntur, qui palliis, quibus nos per plateas incedentes vtimur, conferri haud incommodè queat.

*Monumentum
aliquod in In-
sula Cornelia
statuitur.*

*Naues duæ Gal-
licæ ipsis coniun-
guntur.*

Cæterum ex sinu hoc 23. Decemb. die soluentes, circa meridiem ad Insulam *Corneliam* appulerunt, vbi missis in profundum anchoris, omnes pariter in terram descenderunt monumentum aliquod ibi relicturi, quod erat huius & alterius quæ quinque ab ea miliaribus abest insularum nomen, illud enim stipiti alligatum Insulæ præfixerunt, delatis simul ex *Elisabetha* Insula aliquot in eam cuniculis, vt ibi viuentes multiplicarentur. His ita peractis, naues iterum conscendentes progressi sunt, at sequenti 24. Decemb. die, Viceadmiralem ex conspectu amiserunt, itaque ad 16. vsque hinc inde circa *Corneliam* Insulam oberrantes eum diligenter quæsiuerunt. Cum vero tandem frustra sese tempus perdere, & vero ventum sibi fauere cernerent, cursum suum versus *Capo de bon Esperance* direxerunt, quod 27. Decembris cum sese ipsis aperiret, duas simul naues Gallicas de *S. Malo* venientes sibi coniunxerunt. Admiralius earum erat *Monsieur le Berdeliere*, Viceadmiralius autem *Mons. le Connestable de Vitre*, Nauarchus verò *Gwalterus Willeken* natione Belga. Salutabant autem sese inuicem amice admodum, & præfectus cum magno flagraret desiderio cum ipsis colloquēdi, adiuncto sibi *Cornelio Speccio*, ad naues eorū scapha delatus est, quod idem Galli etiam die postero fecerunt, amicè inuicem de rebus variis conferentes. Referebant autem Galli, se in *Annabon*, vbi similiter appulerant, sepulchra aliquot, in iisq; qui ex tribus Hollandicis nauibus interfecti fuerāt, sepultos vidisse, nihil autem periculi sese ibi extimuisse, propterea quod
eiusdem

eiufdem cum Lufitanis religionis effent, descendiffe igitur in terram, vt officio Miffæ interessent, verum à Lufitanis malè admodum acceptos fuiffe, qui aliquibus interfectis, aliquos in vincula conieciffent, eosque non nisi ingenti, millium coronatorum, & aliarum non exigui precli mercium, perfoluto lytro dimittere voluiffent.

Progrediebantur Galli isti aliquo itinere cum Hollandis; sed quia propositum ipsis erat, Ortum versus iuxta *Madagascar*, seu Laurentii Insulam, cursum suum dirigere, ideo 1. Ianuarii Anni 1602. cum sese salutassent, amicè ab inuicem discesserunt. Et quidem coniunctio hæc si diuturnior fuisset, prodesse Hollandis parum potuiffet, propterea, quod Hollandis quidem non nisi tres libræ panis in septimanam, & vñica vini mensura in decem dies darètur; Gallis vero adhuc nihil deesset, qui panis quidem quantum volebant, vini vero in septimanam tres mensuras accipiebant, quod ipsum quidem Hollandis malo haud dubiè exemplo futurum fuerat.

Naues Gallicæ ab Hollandicis separantur.

Quarto & quinto Decembris iuxta terram *de Natalo* progredientes, ingentem tempestatem experti sunt. Terra autem ipsa plana & viridis ab altera quidem parte supra arenarios tumulos in mare excurrit, ab altera autem magis magisque in verticem assurgit. Cernuntur autem in littore isto multa passim flumina miliaris plus minus itinere ab inuicem separata. Et sanè licet scopuli quidem nulli ibi apparerent, rapidissimi tamen subinde fontes in mare sese exonerabant, tanta vehementia, vt nauium cursum inhibere quodammodo viderentur, quæ quidem etiam causa erat, quod à vento vel exiguo, fluctus excitabantur maximi, qui naues non leui exponebant periculo, vnde iuxta littus procedendum ipsis erat vsque ad vndecimum Ianuarii diem. Postmodo cum cursum suum *Monopotappe* vel *Medagos de Auro* versus direxissent, eo fine, vt inde ad *Capo de Sancta Maria* in Insula *de Vacques* progredierentur, atque ita in vno istorum locorum, de quibus 5. Octobris, superioris Anni die iuxta Balthasari de Moucheron & principalium suorum instructionem, inter illos conuenerat, Viceadmiralem expectarent, non poterant tamen ob fluctuum vehementiam illud perficere, itaque vt periculo fluctuum sese tandem eripetent, mateelligere, & cursum *Madagascar* versus conuertere necesse fuit, vt inde postmodum ad Insulas *de Comora* proficiscerentur, vbi similiter vti se expectarent inuicem conclusum erat, si ad prædicta loca pertingere omnino non possent.

Tempestates aduersas experiuntur.

Progressi igitur ad 25. Ianuarii, cum eleuationem Insulæ *Madagascar* assecuti essent, conuocatis qui ad clauum sedebant omnibus, deliberationem Præfectus instituebat, quomodo cursus in posterum tenendus esset. Decretum vero communi sententia est, vt medio inter *Bayzos de Indea*, & *Madagascar* loco progredierentur, cum ventis fauentibus angustias illas superare quam commodissime posse sibi viderentur. Quod si vero fortè mutato vento, cursum mutare necesse esset, interdium quidem explicato vexillo viridi, nocte vero trium tormentorum displosione, Celocem à Præfecto monendam esse, vt quid facto opus esset, maturè cognosceret. Factum est id à Præfecto generali, cum 27. Ianuarii mutato vento cursus etiam mutandus veniret, quem tum infra *Bayzos de Indea*, medio nempe inter *Bayzos* & continentem *Soffala* Regionem instituerunt. Cæterum 29. Ianuarii scapham maiorem militibus quibusdam, rebusque ad sustentationem & munitionem pertinentibus aliis probè instructam Præfectus dimisit, vt perlustratis fontibus illis, quarum plures ibi reperiebantur & loci commodita-

Deliberatio de cursu recte tenendo.

tem & incolarum mores explorarent, cognoscentes, an negotiationes isthic loci exerceri tuto possent, data illis qui in scapha erant sufficienti instructione, quam secuti errorem euitare, & si fortè naues interea ventis urgentibus progredi contingeret, illis tamen iterum coniungi quam rectissime possent.

Appellunt ad littus Regni Soffala.

Primo Februarii ad fines *Soffala* delati, regionem quidem ex odoratu percipiebant, licet eam nondū viderent: sequenti enim primū die circa vesp̄eram ad littus Regni huius appulerunt, subistētes integro fermē miliari à terra, sub eleuatione $18\frac{3}{4}$ graduum. Cæterū Æthiopes, istius loci incolæ, distinctis ignibus & signis ipsis annuentes significabant, aduentum eorum sibi acceptum & gratum esse, quare Hollandi ipsis explicato statim vexillo & tormenti displosione responderunt, vnde colligerent vt amicos non vt hostes sese aduenisse. Tertio autem Februarii missa ad littus cymba, significari incolis Præfectus iubebat, se mercaturam exercendi cum eis gratia eo aduenisse, quo fine ipsis ferramenta quædam & merces alias exhibuerunt, qui certis quibusdam indicis & verbis Lusitanicis respondebant, mercimonia quidem ibi exerceri non posse, sed oportere Hollandos vltius paulo progredi, nempe ad fluentum *Quama*, vbi Lusitanos, & materiam negotiationibus conuenientem essent reperturi. *Aldea* ipsorum *Mourdou* vocabatur, quinque miliaribus Austrum versus à *Quama* distans. Nocte autem ista ingens tempestas ventorum, procellarum, & tonitruum exorta est, vt duas in Celoe anchoras amitterent.

Magnum periculum ad fluentum Quama.

Progressi autem quarto Februarii, iuxta littus ad fluentum *Quama* contenderunt, quo circa vesp̄eram peruenientes, scapham statim exploratum, quæ loci illius commoditas esset, emisertunt, quæ propter fluctuum magnitudinem ad nauem redire non potuit, nam & naus ipsa resistere vehementibus illis fluctibus non potuit, præsertim cum solo inhærere paludoso anchoræ non possent, itaque in magno erant periculo, ne forte ad scopulum aliquem impingerent, & summo conatu ventis fluctibusque per noctem istam resistere cogebantur. Die autem facto, cum progredi vltius conarentur, tantis sese rempestatibus inuoluerunt, vt parum abesset, quin ad breuia & arenas proiecta naui, vitæ bonorumque omnium iacturam fecissent, quod Deus tamen clementer tum prohibuit, fecitque vt ad duo vel tria miliaria progressi, profunditatem decem fere orgyrum inuenerint, vbi proiecta rursus in profundum anchora, Celocem quidem & scapham suam præstolari decreuerant, sed cum solum esset nimis molle & liquidum, inhærere ei anchoræ non poterant, itaque illic iterum solutis ortum versus paulo amplius progressi, solum tenacius & figendis anchoris magis aptum inuenerunt, vbi ad septimum vsque Februarii subistētes, cum Celocem aduentare viderent, versus *Primeras* Insulas cursum direxerunt, scapha sua post se relicta.

Descriptio regni Soffala.

Regnum *Soffala* inter duo flumina, *Manite* & *Quama*, situm, iuxta littus maris extenditur, cuius initium *Soffala* est, Insula nimirum in alterutro dictorum fluuiorum sita, vnde tota regio nomen suum accepit. Reperiuntur autem in *Soffala* Procuratores quidam Lusitanorum, sed in *Quama* arcem & propugnaculum habent, vbi omnis etiam negotiatio exercetur. Terra humilis est & depressa, montium experts, & syluæ si quæ sunt arbores proceras nullas nouerunt, odoratu prius quam visu cognoscitur, propterea q̄ floribus odoriferis sit̄ refertissima. Incolæ omnes nigri Æthiopes sunt constitutione corporis satis bona, & Lusitanis subiecti, q̄ verbis quibusdam Lusitanicis significabant. Arma, quibus vtuntur, arcus & sagittæ sunt. Cæterum

terum vniuersum hoc littus breuiis & arenis ad fluuium *Quama* vsque refertissimum est. Solum autem habet putridum, & aquam obfluctuum vehementiam admodum turbidam. Ipse vero fluuius *Quama* originem suam, vt Ioannes Hugo Lintschottanus scribit, ex *Zagire* palude quadam habere putatur, vnde Nilus etiam ipse prorumpit. Auro abundans est & ebore aliisque preciosissimis mercibus, quas pro linteo, serico, gossypio & id genus rebus aliis, incolæ permutare solent, qui omnes *Æthiopes* sunt Mahometicæ religioni addicti. Inter hæc duo flumina, *Quama* nimirum & *Manice*, regnum *Monopotappe* situm est, quod iuxta Historicorum quorundam sententiam Regi quondam Salomoni aurum & ebur magna copia suppeditauit, quod quidem à vero non omnino alienum videtur, cum & qui *Comeras* inhabitant, negotiationes ibi exerceant, & ciuitates aliquas satis cultas atq; munitas Hollandi ipsimet viderint.

Cæterum fluentum seu *Rio bon Senay*, & Insulas *Primeras* præteruecti, ad Insulam *Di Angoras* cursum dirigeabant, sub vesperam autem septimi Februarii, existens subito tempestas propositum hoc impediēbat. Ea enim per tres integras dies continuata, tanto furore mare concitabat, hominesq; in naui existentes exercebat, vt quamuis adessent, qui nauigationes vel per 25. annos continue exercuerant, fateri tamen omnes vno ore cogerentur, nunquam sese similem procellarum, pluuiarumque furorem expertos fuisse. Nam & qui nauem regebant, quasi virgis cæsi videbantur, & qui ad machinas haustorias constituti, attrahendis ex sentina aquis studebant, vix respirandi spaciū habebant; fluctus præterea tanto sese inuicem protrudebant impetu, vt præ ingenti quem edebant fragore & strepitu alter alterum in naui exaudire quamuis iuxta eum constitutus non posset, sed & nauis ipsa damnum haud leue contraxerat, ita vt panes iam ab aquarum irruptione perire inciperent, & labor omnis, quem impendebant, irritus videretur; itaque & de salute sua iam desperauerant, & singulis momentis mortem expectabant, præsertim cum sine Carbasis, in tanta tempestate, versus littus & oram *Medagascar* periculosissimum in mati locum, ventis adeo furentibus propellerentur.

Tempestatem ex-
peruntur ingētem
& periculosam.

Vndecimo autem die, tempestate illa paululum remittente, & Sole iterum exoriente, vela rursus expandere & ad continuandum iter se parare non dubitarunt. Progressi igitur iterū, cum 17. Februarii die Insulas aliquot ex Comorrhæis viderent, ad vnam earum applicare volebant, profunditate 60. Orgyarum explorata. Accidit autem vt dum anchoras in profundum mittere conarentur, subito vento abrepti, ad mare sese iterum conuertere cogerentur. Continebant tamen sese per noctem istam summo labore in mari, & cum sequenti die tribus plus minus miliaribus à terra abessent, respicientes forte nauiculam animaduertunt, ad prædictam Insulam hærentem, quam scapham suam esse haud frustra cogitabant: veniebat enim ea circa meridiem ad nauem, & lætitiā apud omnes haud exiguam excitabat, cum de eius incolumitate iam pridem desperatum esset. Et sane nisi Deum ipsum ductorem & moderatorem habuissent, de salute omnium, qui in scapha illa erant, actum iam pridem fuisset, præterquam enim quod eandem, de qua paulo ante dictum est, tempestatem experti fuerant, etiam moderatorem suū Georgium Styl, à Lusitanis nempè, in littore fluminis *Quama*, cum alio quodā Ludouico Vogel comprehensum, amiserant. Commotati autem in flumine isto quinque diebus fuerant, quibus subinde *Canoes* cum cibariis quibusdam aduentantes, spem ipsis fecerant de moderatore

Scapham suam
recuperant.

suo breui ipsis remittendo, sed Hollandi blandis eiusmodi verbis nihil fidentes, oportunitatem nacti discesserant.

Veniunt ad Insulam Mulaly.

Non fauebat ipsis ventus tum temporis, itaq; ad 21. vsq; Februarii diem in mari oberrantes, tandem ad Insulam *Mulaly* appulerunt, anchoras ad 20. orgyas dimittentes, interim aliquos cum reti piscatorio piscatum ablegabant, qui cum in littore istius Insulae nihil proficere sese posse viderent, vltterius paulo progressi in scapham incidunt, quam Praefectus ante tres dies ad incolas istius loci praemiserat, visum, an negotiationes cum illis exerceri amicè possent, qui responderant, liberum hoc ipsis & permissum esse omnino debere, mittentes simul Hollandis confirmationis maioris ergo cibaria quaedam ad recreationem facientia. Sed & 23. Februarii, Interpres quidam cum nobilibus aliquot Regis ministris ad nauem veniebant, adducentes secum bouem & cibaria alia, pro quibus à Praefecto vitra quaedam accipiebant, cumq; ad horas aliquot in naui commorati fuissent, honestè à Praefecto dimissi sunt, qui duo simul pocula vitrea, eximia magnitudinis, alterum quidem Turcicum auro certis in locis distinctum & exornatum, vt fauorem ipsius retineret. Caeterum praedictus Mertsmanus & alii multis modis persuadere Praefecto conabantur, vt secum in ciuitatem pergeret, affirmantes nihil omnino periculi metuendum ei esse, sed Praefectus quanto ipsi instabant vehementius, tanto impugnabat acrius, seque in littore eorum redditum expectaturum dicebat. Cum igitur Capitaneus eius loci, gladio isto muneribusq; aliis acceptis, Praefectum in littore esse cognosceret, egressus statim ciuitate, cum multis nobilib. eum amicè accipiebat, offerens ei liberam per vniuersam Insulam negotiandi facultatem, promittensq; nihil quod vsui Hollandis esse posset, in vniuersa Insula ei denegatum iri. Accesserat interea ad ciuitatem istam Regina, cum Praefecto & Hollandis colloquendi gratia, itaq; aliquoties per Ioannem Wouterum & Mertsmanum salutari, & ad se inuitari Praefectum curabat, promittens ei non solum securitatem, sed & filium obsidem, donec Praefectus ad nauem reuerteretur, Sed ille honeste sese excusando, accessum ad urbem omnino denegabat.

Rogatur Praefectus ut in urbem veniat.

Capitaneus regis ad nauem venit.

Caeterum 6. Martii, Capitaneus eius loci, ad nauem, magna nobilium caterua stipatus, accedens, de multis & variis cum Praefecto locutus est. Peritus enim rei nauticae, tabulam Cosmographicam sibi exhiberi petiit, quo facto Hollandis praecipua per vniuersam Indiam loca monstrauit. Non poterat autem ipsi Hollandi beneuolentiam aliquam exhibere, praeterquam, quod musicalib. instrumentis eum oblectarent, nihil enim cibi potusve capiebant, tempus quadragesimale & ieiunio destinatum pretendentes. Itaq; cum per horam vnam atq; alteram ibi fuisset, inter tubarum clangores & crebras tormentorum disphonies amicè a Praefecto dimissus est. Reuersa est autem 8. Martii scapha, qua *Mayotte* & *Anguan* versus ablegauerat, re omnino infecta, nam neq; de nauib. aliquid explorauerant, nec oryzam acceperant. Praefectus vero in terram descendens, assumptis quatuor aliis per mediam urbem profectus est, antequam id Capitaneus urbis animaduertere posset, à nemine enim praeterq; ab aliquo ex Sacrificulis ipsorum cognoscebatur, qui eum ad littus iam ex vrbe reuersum rogabat, vt Capitaneum secum accedere non grauaretur, quod ipse reuersum sese propediem pollicitus quam humanissimè denegabat.

Capitaneus musicos sibi mitis expetit.

Delectabatur Capitaneus admodum musica instrumentali, rogabatq; 16. Martii, musicos sibi paululum cōcedi, qui per noctem & dies duos apud ipsum commorati, panni gossypini aliquantum & mediocris staturae bouem obtinuerunt. Interim duo in naui moriebantur, coquus nimirum & restiarius, qui

qui q̄ per dies in terra delituisse, morbi sui causas ab incolis cōtraxisse putabantur. Non cessabant autem etiamnum incolæ Præfectum rogare, ut in terram descendens se aliquādo inuiferet, at ille in denegando persistens, nō posse se dicebat ad illos durante hoc ieiunii tempore venire, p̄pterea quod non posset frontem cum illis exporrigere & latari, utpote cum quib. cōuiuari non liceret, q̄ ita moris apud Hollandos esset, quæ excusatio ridicula ipsi quidem videbatur, sed in posterū tamē à petendo abstinebāt. Cæterū Capitaneus misso ad Præfectum ministro aliquo ei significabat, nauem aliq̄ à suis ab altera Insulæ parte visam esse, quæ quidem etiam 24. Martii circa meridiē ad eos aduenabat, eratq; Celox, quam aliquot iam septimanis non viderant. Latantes igitur Hollandi, pro nauis istius conseruatione gratias Deo agebant maximas. At nihil interim de Viceadmiralis naui cognoscere poterāt, etiam si qui in Celoce erant aliquādiu in *Mayotte* fuissent. Cum autē ad 20. miliaria à *Mayotte* discessissent, inuenerant in mari virū aliquem, qui seipsum in *Canoe* quadam alligauerat, sociis suis reliquis naufragio extinctis. Liberatum igitur illum & solutum rursus ad *Mayotte* traduxerant. Vnde secundo aggressi, nauem offenderant haud exiguæ magnitudinis, quæ ex ciuitate quadam continentis veniens, versus *Madagascar* cursum suū instituerat, itaq; illam expugnantes, multos in ea inuenerant *Melatos* quos vocant, h. e. Semi-Lusitanos, & linguæ Lusitanicæ peritos, qui aliquot mancipia venum deportabant. Ex hoc naui saccos aliquot oryzæ, & panni gossypini non parum, qualis in *Cambaya* & *Meliade*, continentis ciuitatibus, parari dicitur, vna cum vestimentis & armis Lusitanicis abstulerant, *Melatis* cum sua nati iterum dimissis.

Celocem diu amissam iterum recuperant.

Ingens eodem die tempestas extitit, & malus in naui fulmine percussus in aliquot frustra siue partes distractus est, ita ut vix colligēdo eum postmodū reparare & continere potuerint. Accedebat autē 25. Martii Capitaneus eius loci ad Celocem, Præfectum eius naus, Cornel. Speccium salutaturus, cui omnem etiā beneuolētiā declarabat, cumq; Præfectum generalē ibi forte offenderet, rogare eum iterū cœpit, ut ad eādas suas aliquando venire dignaretur, indicans simul, *Caresmo* seu ieiunii sui tempus iam finitū esse, cōstituisse se igitur ludos aliquot Hollandis exhibere, & genio cū eis indulgere. Respondēbat igitur Præfectus, cōmodiorem paulo tempestatē vbi nactus esset cōpositis reb. suis ad eum se venturū. Non erat autem hoc ipsi cordi, nec ex animo ita dicebat, sed constituebat potius nunq̄ ad eum pedem deferre, sed & Cornel. Speccio id iniungebat serio, ut nō ipse modo in terrā non descenderet, sed & suos quantū fieri posset, ab ea detineret, posthabita omni incolarū beneuolētiā, cum quib. liberē vnicuiq; cōuersari hactenus licuerat. Parabant autē Holladi discessum, sed tacitē tñ, ne incolæ qcq̄ eius p̄sentiscerēt. Interea Capitaneus significari Præfecto generali iubet, visam esse ab altera Insulæ parte, adhuc vnā nauim. Itaq; sp̄e Præfectus de Viceadmiral. aduētu concipiens rogari Capitaneū curat, ut suis liceret arborē quandam ex sylua p̄ parādo nouo malo afferre, q̄ ipse non modo nō denegabat, sed & aliquos adiūcturum sese Hollandis promittebat, qui eos in syluā, vbi ligna parādo nouo malo idonea inuenirentur, deducerent. Instabat igitur Mertsmanus diligēter admodū apud Capitaneū, ut opus illud in actū p̄duceretur, sed ille occupationes subinde nescio quas p̄tēdes, in aliud semper tēpus reiciebat, itaq; Præfectus hoc animaduertens, abstinendū tandē à petitione hac censebat, imperans similiter Ioan. Woutero Secretario, ut bona, quæ in terram traduxerant, paulatim ad nauim rursus deferri curaret, q̄ ipsum quidem vel ante octiduū ipsi iam indicatum fuerat. Verū vterq; tam Mertsmanus quā

Malus in naui à fulmine distrumpitur.

Rogant Capitaneum ut lignum aliquod pro nouo malo parando sibi concedat.

Wouterus nimis magnam incolis adhibuerant fidem, & propterea etiam Generali persuadere aliquoties conati fuerant, ut in terram aliquando visum Capitaneum descenderet, quod ipsum tamen palam, audientibus multis, Generalis recusauerat, ut paulo ante dictum est.

*Mittuntur quidā
in urbem pro pa-
randq̃ nouo malo.*

Cæterum Mertsmanus 30. Martii in terram profectus, remissa statim scapha, adiungi sibi quosdam petiit, qui secum in syluam proficiscerentur, spem enim sibi factam de adiungendo sibi interprete quodam, qui ad syluam se deduceret, quo facto remanendū sibi per noctem in terra fore, quod opus & iter illud expediri aliquot horarum spacio non posset. Circa vesp̃eram autem Wouterus Secretarius ad nauem reuersus, sequenti die summo mane sibi redeundum ad urbem esse, spem enim sibi de boue aliquo factam, quem statim ibi mactaret. Addebat etiam hoc, rogatum se à Sacrificio & aliquot nobilibus esse, daret operam ut Præfectum generalem secum adduceret, Regem enim suum ad ciuitatem tum venturum esse, ut de rebus variis cum eo conferret. Indigebant autem aqua recenti, ideo cum intellexissent, eam in sinu quadam dimidio miliari à statione sua distante hauriri commodè posse, 31. Martii, scapham suam maiorem cum 11. personis & 6. doliis, ad hauriendam aquam Præfectus generalis ablegauit, cum expresso mandato, ut nihil cunctantes opus maturarent, & ad nauim mox reuerterentur, licet vel tria tantum dolia repleta haberent. Expetebant autem & nauis moderator Cornelius Iansen & alii, ut cum dies Solis esset, liceret sibi paululum in terram descendere, & in urbem animi recreandi gratia proficisci, quod à Generali quidem ipsis vel inuitis denegatum est. Cæterum Woutero apud Præfectum admodum instante, ut sibi permitteret bouem iam mactatum & paratum ad nauem traducere, consensit quidem Præfectus, sed hac tamen lege, ut nihil ibi aliud ageret, sed accepto boue, confestim reuerteretur. Assumptis igitur tribus vel quatuor personis, cum cymba minori ad littus est profectus.

*Hollandi quidam
ab incolis detinen-
tur.*

Circa meridiem autem eius diei, cum nec scapham nec cymbam redire cernerent, dislosionem Præfectus semel atque iterum fieri, & vexillum explicari iussit, unde cognoscerent sui, redeundum sibi ad nauem esse. Cum autem nemo compareret, aliter quidem cogitare non poterat, quam eos ab incolis captiuos detineri, præsertim cum nec ullum nauigium siue *Canoe* ad nauem pergeret, quæ magna copia aliàs commeare hinc inde visa fuerant. Circa vesp̃eram autem animaduertebant multos ex incolis in littore sese currendo exercere, ac si festum quoddam solemne & sollemnia gaudia celebrarent. Itaque coniunctis aliquanto propius nauibus, militaria sua retia explicarunt, onerantes tormēta & ad pugnam sese parantes, ut qui quid monstri ab incolis aleretur nescirent.

*Coguntur discede-
re relictis post se
quibusdam ex po-
pulo, & utraque
scapha.*

Primo autem Aprilis, cum cognoscere non possent, quid de suis in ciuitate actum esset, explicato vexillo albo, ad tertium vsque diem expectarunt, an forte aliqui ex urbe aduenturi ad nauem essent, sed illi *Canoe* suas in littore continentes, ne signo quidem vlllo indicarunt, cupere sese cum Præfecto & aliis, eorum nomine qui captiui detinebantur, quicquam conferre, Hollandi autem scapham nullam amplius habentes ad littus accedere non poterant, itaque cum nulla occasio esset cum incolis colloquendi, discessum modis omnibus parabant, ut eo commoti incolæ, mentem suam explicare & colloqui cum Præfecto, si fortè ita liberet, eo magis properarent, cum planè intermitterent, inito cum Cornelio Speccio & moderatoribus aliis consilio, anchoras leuare & discedere constituerunt. Cæterum hoc facto facile se vlscisci de incolis istis potuissent, deferrebantur enim ad
pagum

pagum quendam piscatorium, in quo ducenta ferè tuguria, & multæ arbores erant, homines autem omnes in pedes se coniecerant, & naui ipsum ferè littus attingebant, ita vt facile descendere in terram, & *Canoam* aliquam acquirere potuissent. Verum Præfectus non videri sibi consultum dicebat, vllum hostilitatis ibi relinquere vestigium, quamuis ipsi iniquè admodum & præter omne meritum suos in vrbe detinerent. Cum enim nulla vquam cum quoquam intercessisset contentio, sperabat etiamnum Præfectus fore, vt præditorum sibi in naui beneficiorum memores, suos tandem ad nauem remitterent, itaque hinc inde oberrantes ad quintum vsque Aprilis moram ibi trahebant. Tandem autem videntes tempus sese inutiliter perdere, & incolas sese ipsis exhibere non velle, versus *Mayotte* & *Angouan* cursum suum dirigere statuerunt, vbi Reginam harum quatuor Insularum, *Angafisa*, *Mulaly*, *Angouan* & *Mayotte* habitare sciebant. Cæterum dum moram ita necerent, illi, qui in Celoce erant, quasi dedita opera, nocte tranquilla & placida ab illis discesserunt.

Amittunt iterum Celocem suam.

Sic igitur relictis post se scaphis suis, à sexto ad 9. vsque Aprilis, inter maximas difficultates aduerso vento nauigantes, cum portum *Mayotte* afsecuti essent, cum noua sua cymba, quam interea in naui parauerant, ad paruam quandam Insulam traiecerunt, aquam recentem allaturi. Postero autem die ad terram paulo amplius appropinquant, cum proiecta anchora plus aquæ attulissent, animaduertunt camelum siue funem anchoræ a scopulis sub aqua latentib. ita attritum esse, vt parum abesset, quin iacturam anchoræ facerent. Itaque proiecta statim anchora alia, hanc vndis liberatam conseruauit. Atqui nec ipsa resistere vento & fluctibus diu poterat: sequenti enim die, vt huius funem vndarum & scopulorum attritu ferè dissolutum esse animaduertentes, tertiam expromere anchoram coacti sunt. Erant profecto non in nullo tum temporis periculo, puppis enim seu posterior naus pars breuius & arenis imminabat, nec procul aberat scopulus quidam admodum ingens, qui disfluentibus & recedentibus aquis, subinde se conspiciendum præbebat.

Cæpit autem ipsis 11. Aprilis die ventus non nihil fauere, itaque leuatis anchoris progressi sunt. Quamuis enim cameli & funes omnes fere attriti essent, ipsi tamen pro auxilio diuino gratias Deo agebāt, siquidem per multos scopulos & breuia nauigandum ipsis fuerat, quæ nunquam antea præfenserant. Toto autem quo in *Mayotte* fuerant tempore, ne vnum quidem *Canoa* vel nauigium viderant, sed & nullo signo incolæ testabantur aduentu eorum sese delectari, cum tamen erga Celocem & scapham suam, satis humanos sese antea præbuisent, & potestatem ipsis liberè in terra conuersandi, & negotiationes suas exercendi fecissent. Videntes igitur neminem ex incolis ad se venire, ipsi etiam in terram descendere & colloquium eorum expetere non auidebant, præsertim cum cymba vterentur exiguæ magnitudinis & vltra 25. personas in naui sua non numerarent, quarum tamen bona pars morbo correpta decumbere cernebatur.

Pericula à scopulis experiantur.

Constituerat autem Generalis, idq; communicato cum moderatoribus naus consilio, *Angouan* versus nauigare, & de Celoce sua ibi inquirere, inde postmodum ad *Mulaly* se iterum conuertere, si forte populū suum liberatum recuperare posset. Imprimis enim magno tenebatur desiderio cognoscendi, an Regina etiam in *Angouan* habitans factum illud, quod in *Mulaly* acciderat, improbatura esset. Verum enimvero exorta sub nocte tempestate, vela demittere cogeabantur, erantq; qui murmurantes nō videri sibi consultum dicebant, vbiq; locorum appellere, & nauim tot tantisq; subinde periculis expone-

Præfectus captiuos in Mulaly liberatos admodum cupit.

exponere, siquidem pauci essent numero & anchoris tam crebro leuandis exponetidisq; vix sufficerent. Non mouebatur quidem hac murmuratione Generalis, sed tamen videns, ventum sibi, *Mulaly* versus tendenti, plane contrarium esse, conuocatis moderatorib. & vniuerso in naui populo, sententiam suam exponere eos iussit, putarentne ad *Mulaly* Insulam pertingere sese ea tempestate posse, admodum enim sese cupere populum suum ibi detentum liberare? Responsum ab omnibus est, nulla ratione durante Zephyro Insulam istam assequi sese posse, siquidem contrario fluctu & vento, vel sedecim conficienda essent miliaria. Dicebant praeterea non esse consultum, vt vbiq; locorum appellerent, cum mira esset paucitas eorum, qui bona vterentur valetudine, cumque nota iam satis & perspecta incolarum perfidia esset, siquidem nec eorum, qui in *Mayotte* habitant, ad nauim quispiam accesserit, quod contra morem & consuetudinem ipsorum esset, spem omnino nullam sibi superesse videri, vel de populo suo liberando, vel de scaphis & nauigiis suis recuperandis.

*Constituunt iter
suum continuare.*

Cum igitur res ipsa quasi loqueretur, non expedire, vt moram ibi diutius neccentes, iacturam temporis maiorem facerent, essentq; recenti aqua & lignis parum instructi, quæ quidem in *Mayotte* comportare propter periculofam nauis stationem non potuerant, Generalis ad omnium qui in nauis erant testimonium prouocauit, quod nihil quidem intentatum reliquisset eorum, quæ ad liberationem populi sui facere potuerint, quod ipsum etiam omnes vno ore verum esse affirmabant, testes sese eius fore necessitate id postulante semper promittentes. Decretum igitur tandem vnanimi omnium consensu est iter suum promouere, & ad eum locum, quo à Principalibus suis ablegati essent, destinare. Itaque progressi Septentrionem versus cursum direxerunt. Cæterum ventus circa vespertam in Austrum paulo vergere videbatur, quo viso periculum etiamnum faciendum esse concluderunt, an ad Insulam *Mulaly* pertingere possent. Sed remittebat paulo post ventus, & in Zephyrum rursus vertebatur, vt necesse esset in sententia de itinere continuando persistere. Sperabant tamen Deum populo suo in Insula *Mulaly* iniuste detento auxilio futurum, liberationemque vel aliunde oblaturum, praesertim cum incolæ de nulla iniuria sibi illata conquiri possent, essetq; ipsis pro omnibus abunde satisfactum.

*Quot personas in
Insula Mulaly re-
liquerint.*

Progressi igitur populum suum in Insula ista relinquere non sine macero & stomacho cogeabantur, quorum fuerant in scapha quidem vna vndecim, qui aquam recentem allatum abierant, in scapha vero altera duodecim, qui in syluam lignum aliquod pro parando nouo malo allatum profecti fuerant, & tandem in cymba minori, Secretarius ille, qui cum quatuor aliis bouem allatum abierat, qui omnes 28. erant praestantissimi quique & exercitatissimi ex omnibus quos in naui habebant. Sed & ex illis, qui in nauis supererant, duo paulo post moriebantur, faber nempe lignarius & quidam alius Antwerpianus. Cæterum 20. Maii quarta iam vice Aequinoctialem lineam superabant non procul à littore *Meliade*. Maii autem 23. eleuationem 9. cum dimidio graduum iuxta *Cochien* assecuti, ad littus *Melabre* declinabant. Verum cum periculum esset, ne vento & procellis ad breuia propellerentur, conuerso magis in Austrum itinere, *Capo de Comoria*, 26.

*Veniunt ad regnum
Matecale.*

Maii die obtinuerunt.

Terra huius *Capo* humilis nonnihil erat & depressa, acuminata tamen ab altera parte, & in verticem seu collem aliquem rotundum erecta, vt stationem minus commodam praebere videretur, itaque directo versus *Poincto de Galle*, angulum nempe aliquem Insulae *Celon*, quæ 28. Maii se videndum

cedendam exhibebat, cursu, iuxta terram *Celon* progressi sunt, breuia quæ ibi habentur & Syrtis 29, Maii magna ex parte superantes. Progrediebantur autem versus fluuium *Matecalo*. Cumque exitum quendam, quasi fluuium è longinquo viderent, venientes eò, locum animaduertebant esse multis arboribus, quas *Coques* vocant, confitum, Erat autem iuxta eum pagus quidam *Pagode* seu templo insignis, itaque missa in profundum anchora, cymbam Præfectus ad incolas ablegabat, quorum aliqui cum *Canoe* quodam ipsis obuiam procedentes, cum de *Matecalo* interrogarentur, paulo amplius versus Septentrionem progrediendum ipsis esse respondebant. Hollandi igitur perspecta illorum beneuolentia & humanitate, aliquot cultellis eos donarunt, qui auxilio se ipsis die postero venturos, & aliquos adiuncturos promittebant, qui iter *Matecalo* versus eis monstrarent, quod etiam factum est. Nam 31. Maii quendam ablegabant, qui terra *Matecalo* versus profectus, de Hollandorum aduentu Regem suum edoceret, qui vocatur *Dermuts Tangadare*. Sub vespere eius diei portum *Matecalo* ingressi, multas naues ibi parari videbant. Sedes autem regia à portu isto integro adhuc miliari distabat, nec vllum ibi fluuium inueniebant, præter eum, qui sex fere miliaribus ultra portum istum reperitur, tot breuiis tumulisq; arenariis refertus, vt vix sex vel septem pedum in eo profunditas reperitur.

Primo Iunii die Indiani quidam, de natione quam *Cingales* vocant, ad nauem venientes, Interpretem quendam linguæ Lusitanicæ peritum se cum adducebant, qui piperis & cinnami satis ibi haberi dicebat, Præfectumque Regium, qui *Modeliar* ipsis vocatur, vehementer expetere, vt Generalis in terram descendens ad se veniret, velle enim se coram cum eo colloqui. Reuersus eodem tempore Legatus, qui voluntate Generalis terra ad Regem profectus erat, idem responsi attulit, piperis nempe & cinnami satis ibi adesse, dicebat præterea, humanissimè se à Rege acceptum, & liberalissime habitum esse. Itaque Generalis *Cingales* illos & Interpretem aliquot poculis vitreis & rebus aliis donatos honorificè à se dimisit.

Promissionem & spem piperis & cinnami acquirendi accipiunt.

Postero die, qui erat 2. Iunii, Generalis ipsemet cum tribus vel quatuor personis in terram descendit, inueniens in littore quinque Elephantres, quibus Generalis ad *Modeliarem* deportandus erat. Multos hiludos dabant, & modo genua flectendo, modo promuscide eleuatos in altum homines tergo suo imponendo, admodum erant delectabiles, nam pro optimis & prudentissimis per vniuersam Indiam habentur. Ad *Modeliarem* autem perueniēs Generalis, optimè ab eo acceptus est. Cumq; iterum dimitteretur, fidem dedit, se postero die reuersurum, & cum eo ad Regem de *Matecalo* profecturum esse, quod ita etiam factum est. Tercio enim Iunii acceptis variis munusculis, & cantoribus, qui fidibus canerent sibi coniunctis, ad Regem profectus est.

Generalis Præfectus ad Modeliarem pergit.

Venerat interea nobilis quidam cum *Canoe* ad nauim, sex vel octo miliarib. ex Septentrione aduectus, is instare apud Hollandos admodum cœpit, vt cum naui sua ad locum istum, vbi is habitaret, se reciperent. At incolæ ex *Matecalo* modis omnibus repugnabant, secum eos retinere studentes lucri forsitan ab eis percipiendi gratia. Quarto autem Iunii Generalis per literas suis in naui significabat, se breui vnâ cum Rege ad nauem venturum esse, quod quidem etiam sequenti die factum est, Rege cum vel mille viro- rum & ministrorum comitatu ad littus procedente, & Generalem simul secum adducente, qui cum impetrata à Rege venia ad nauem iterum re-

Generalis à Rege reuertitur.

uersus esset, quæ sibi accidissent, commemorabat omnia; *Matecalo* enim adueniens à præcipuis quibusdam viris, obuiam ei procedentibus, ad Regem deductus fuerat, qui satellites plus quam 600. arma omnes manibus tenentes habens, ipsemet quoque euaginatam manu gladium gestans, se conspiciendum Generali præbuerat. Amicè autem eum & benignè accepit, qui munuscula ei varia exhibuit, & instrumentali musica non exiguam ei lætitiā creauit. His ita peractis ducebatur Generalis in domum Regii *Modeliar*, & lautè ibi excipiebatur. Sequenti autem die ne domo pedem efferret, sed cum suis se in ea contineret ad vesperam vsque, serio ei iniungebatur, quæ appetente deductus ad Regem, & grauiter quod Lusitanus esset accusatus est, ita vt vix multo labore contrarium probare, & opinionem de se conceptam ex animo Regis euellere potuerit. Quæ confutata, cum libertati restitutus quo vellet eundi potestatem accepisset, ad suos iterum reuersus est.

Generalis merces
pro oneranda nauis
sua expetit.

Promiserat ei Rex, effecturum sese, vt 15. dierum spacio mercium satis pro nauis sua oneranda acciperet. Itaque ablegatis quibusdam aliis, qui eum in littore tamdiu detinerent, varia ei munera offerri iussit. Sexto autem Iunii ipsemet rursus in terram descendens, ad Regem contendit, subsistebat is etiamnum in littore, & pluribus subinde armatis confirmabatur, qui magno numero ad eum confluebant. Expetebat autem Generalis merces asportari pro oneranda nauis sua, cui amicè Rex procuraturum se dicebat, vt intra quinque dies maximam partem acciperet, iubens interea, vt nauis exonerata in terram bona sua traducerent, siquidem multus populus cum Elephantibus ea abductum aduenisset. Sed & *Modeliar*, vt cum nauis sua propius accederent, & vel littori quam proximè iungerentur, quod ipsi cum suis nauibus facere solerent, expetiit. Mouebatur hac iniqua petitione suspicio apud Generalem, non candide secum, sed fraudulenter actum iri. Intellexerat autem etiam paulo ante ex quibusdam Æthiopibus & Turcis negotiationes ibi exercentibus, nihil aut parum admodum piperis ibi reperiri, quod ei colligendo & vendendo operam incolæ non darent, callide igitur ad omnia se paratum esse quæ expeterent simulans, vt nauem ad littus eo melius traderet, auxilio sese maiori opus habere dicebat, petens *Pilottam* seu moderatorem aliquem & quosdam præterea alios sibi adiungi, quorum opera in promouenda nauis vteretur, quos statim ei concedebant, petentes tamen loco Generalis quatuor Lusitanos alios sibi relinqui. Male habebat Generalem, quod persuasum ipsis nondum videret, se cum suis non Lusitanum sed Hollandum esse, negabat igitur etiamnum constanter, sibi cum Lusitanis aliquid commune esse, atque relictis in littore tribus ex suo comitatu, ipse cum vndecim *Cingales* ad nauem profectus est.

Generalis aliquot
Cingales in nauis
captiuos detinet.

Cæterum reuersus ad nauim descendere secum octo *Cingales* iussit, vt se in transponendis aliquot vasis & saccis onerariis peruolutandis iuuant, qui cum conclaue aliquod in inferiori nauis parte ingressi essent, occluso statim ostio, eoque probe munito, ibi eos derinuit, postea Interpretem & duos *Cingales* reliquos, ad loca varia in nauis ducens, cum, quibus instructi bonis essent, eis ostendisset, redire ad Regem iussit, eiq; significare, se octo illos *Cingales* in nauis retinere velle, donec qui in terra essent Hollandi ad nauim remitterentur. Cæterum bonorū se sat habere, quæ vsui esse Regi possent, dūmodo de pipere & cinnamo aduehēdo curā susciperet. Scripsit vero simul etiam literas ad Regem, monēs eum, ne Consultorib. male consulē-

ſilentibus aures præberet, ſed ſciret ſi piperis & cinnami copia aliqua ad-
eſſet, ſe tot mercibus abundare, vt ſatiſfieri Regi ſufficienter queat. Cau-
ſam ſi cognoſcere vellet, cur octo illos *Cingales* in naui detineret, eam eſſe
ſciret, quod inconfiderate admodum bona nauemque ad littus traduci ex-
petiuiſſent, quamuis nec piperis nec cinnami quicquam adhuc adeſſet, &
quod pro Luſitanis haberentur, vnde facile quidem foret cauſam aliquam
inuenire, bona ſua in littore detinendi. Quod ſi candide ſecum Rex agere
& mercaturâ bona fide exercere velit, effecturû ſe affirmabat, vt de merciû
bonitate & ſolutione honeſta nemo conqueri merito poſſet. Cum his lite-
ris aliquot rurfus munera Regi obtulit, ſperans omnino piperis & cinnami
copiam aliquam ſeſe tandem accepturum, ſed & vexillis in naui explicatis,
omnium tormentorum diſpoſitionem in honorem Regis fieri præcepit,
quod ipſum tamen terrori ei magis, quam oblectationi fuiſſe, poſtmodo co-
gnitum eſt atque perceptum.

*Generalis literas
ad Regem mittit.*

Acceptis hiſce literis, Rex eadem adhuc die Interpretem remiſit, qui
ceruinam, vitulinam & carnes alias, cum aliquot gallinis, butyrique & fru-
ctuuum recentium copia non exigua Generali offerens ſignificaret, patere
ei vniuerſam ſuam terram, vt ea pro libitu ſuo vtatur. Sed & tres illi, quos Ge-
neralis in littore reliquerat ad nauem reuerſi, non eſſe temere inde ſoluen-
dum dicebant, Regem enim ſatis pollicitum eſſe piperis & cinnami ſeſe
procuraturum, velleque, vt ne quid de ſua fide dubitarent, tres vel quatuor
Cingales ſecum in naui retineant, donec petitioni ſuæ ſatiſfactum cernant,
ſed & de incogitantia illa, quod voluiſſet nauem ad littus propius admo-
ueri, multis ſeſe verbis purgaſſe, petiſſeque ſibi veniam dari, quod conditio-
nem nauis iſtius exploratam non haberet. Daturum autem operam ſedulo,
vt allato pipere & cinnamo, ſatiſfactum petitioni ſuæ cernerent.

*Rex de Matecalo
dolum apud Gene-
ralem excuſat.*

Septimo Iunii die ſpecimen aliquod piperis Generali exhiberi Rex iuſ-
ſit. Cum autem parum eſſet, & magni æſtimaretur, Generalis illud emere
recuſabat. Itaque Rex cum ſpe ſua fruſtratam ſeſe videret, poſtero die à lit-
tore ad ciuitatem ſuam iterum conceſſit. Hollandi autem 9. Iunii cum ſca-
pha ſua ad littus adueſti, aquam recentem & alia quibus opus haberent af-
ferebant, cognoſcentes interim à quibuſdâ, qui Luſitanicam linguâ calle-
bât, Regem de *Matecalo*, de quo hætenus dictum eſt, Luſitanis tributarium
eſſe. Ne igitur fruſtra ibi tempus tererent, mittebat Generalis, 10. Iunii ad
Regem legatos duos, quæſitum an efficere non poſſet, vt voti ſui compotes
facti, piper & cinnamum acciperent? Quibus ille reſpondit, poſſe ſe id qui-
dem efficere, ſed merces illas à Rege quodam alio afferendas eſſe. Si igitur
ita Generali conſultum videatur, velle ſe aliquot ex ſuis cum vno atque altero
Generalis miniſtro ad Regem iſtum hoc nomine ablegare. Hoc audito Ge-
neralis ſeſe ipſum eo iturum profeſſus eſt, intelligēs nempe Regem eum in
Candy eſſe, moxque obſides à Rege de *Matecalo* quinq; expetiit, quos facile
etiam obtinuit, erant vero Conſiliarius *Panneka* nomine, Centuriones duo,
& duo gregarii milites alii, qui cum Elephantibus quibuſdam ad littus ve-
nientes Generali ſeſe offerebant.

*Rex de Matecalo
ad ciuitatē ſuam
reuertitur.*

Sic igitur ſecundo iam ad Regem de *Matecalo* Generalis profeſſus eſt,
qui ne iter hoc ipſemet ingrederetur modis omnibus ſuadebat, quod lon-
gum admodum & moleſtum eſſet. Re igitur deliberata cum ſatius eſſe Ge-
neralis depræhenderet legatum quendam alium cum muneribus quibuſ-
dam ad Regem iſtum ablegari, ipſe quidem 15. Iunii ad nauem iterum eſt
reuerſus. Interea dum ſubſiſtere ibi & reſponſum expeſtare Hollandi co-
gerentur, negotiationes cū incolis exercētes, multos preciosos lapides per-
mutabant,

*Generalis legatū
mittit ad Regem
de Candy.*

mutabant, nempe Pyropos, Carbunculos candidos, Topazios, Baccas, Granatos, Chrysolitos, Cyanos albi & caerulei coloris, Crystallos & id genus alios, quos satis magna copia coaceruabant, licet non usque adeo praestantes essent, & propterea etiam minoris emerentur.

Generalis ad Regem de Candy vocatur.

Reuertebatur 3. Iulii Legatus, quem ad Regem de *Candy* Generalis destinauerat, cum duobus Regis istius Procuratoribus, qui literas ad Generalem datas, & munera varia, aureos nempe annulos, & res preciosas alias, quas ipsi *Segonsos* vocant, à Rege suo afferebant. Amice autem admodum salutato Generali, expetebat Rex, ut sepositis omnibus negotiis quamprimum ad se venire non grauaretur, paratum enim sese esse omnem ei beneuolentiam & officia debita exhibere. Circa vesperam eiusdem diei ueniebat ad eos *Guionlefort*, Viceadmiralis nimirum cum sua naui, quam Arietem vocabant, ex cuius aduentu ingens apud Hollandos extitit laetitia, cum à 24. Decembris superioris Anni ad hoc usque momentum eam circa *Capo de bon Esperance* errori inuolutam & à se abductam non vidissent. Cæterum instituta deliberatione decretum est communi sententia, ut Generalis ad

Generalis ad Regem de Candy proficiscitur.

praedictum Regem de *Candy* proficisceretur, cum praesertim hoc ipsum ei etiam à Principalibus suis in Selandia iniunctum esset, ut Regem hunc salutaret, & literas Principis Mauricii, de foedere cum Rege isto, pro oppugnandis communibus hostibus, & defendendis communibus utriusque amicis, faciendo ei exhiberet. Sic igitur Generalis nihil quicquam itineris molestia deterritus, assumptis quibusdam muneribus, & decem ministris sibi adiunctis, quorum aliqui fidibus canere quam optime poterant. 6. Iulii die iter ingressus ad Regem profectus est.

Viceadmiralis iungitur iterum Admirali.

Cum Arietem Viceadmiralis nauem aduentare viderent Hollandi, tormentorum aliquot dislosiones, in honorem simul eorum qui à Rege de *Candy* legati aderant, factae sunt. Accidit autem ut Balistarius quidam, cum nimium sibi fidens tormenti supra modum onerati dislosionem facere vellet, eo disrupto ita laederetur, ut paulo post mortuus fuerit. Haeserat autem Viceadmiralis cum naui sua aliquamdiu in sinu *S. Augustini*, Insulae *Madagascar*, ibique tantam pertulerat tempestatem, ut deperdito naui malo in magno vitae necisque periculo omnes fuerint. Et tempestas quidem illa eodem se exeruerat tempore, quo Generalem viuentorum & procellarum à littore *Soffala* soluere coactum fuisse, supra dictum est: itaque quilibet sibi inuicem commemorabant, quantum periculorum & incommodorum ab eo tempore experti fuissent, Deo pro tam clementi ex illis liberatione, & paterna sua conseruatione, gratias agentes maximas.

Generalis à Rege de Candy reuertitur.

Cæterum dum Generalis abesset, de alimentis & rebus necessariis aliis satis superque sibi in utraque naui prospexerunt, redimentes subinde ab incolis lapides aliquot pretiosos, & scapham etiam ablegantes, commodiorem paulo stationem & portum pro nauibus quaesitum, quem inuenire tamen non poterant. Generalis autem 28. Iulii ad suos iterum à Rege de *Candy* reuersus, Subpraefectum suum *Iungerhelt*, qui infirma valetudine & itineris molestia defatigatus, sequi & progredi ulterius non potuerat, duorum ferme dierum itinere post se reliquerat. Habebat autem tres Elephantes secum, & sex ministros, quorum beneficio & auxilio adiutus, nauem ultimo Iulii die tandem affecutus est.

Quid Generali in itinere acciderit.

Porro quæ fortuna Generalis Praefecti haecenus fuerit, & quid ei non in itinere solum, sed & in regia Regis de *Candy* aula acciderit, ex sequentibus patebit. Principio cum iter ingressus esset ad Regem de *Matecalo* peruenit, qui cum una cum Legatis Regis de *Candy* splendide exceptum, aliquot annulis

annulis aureis donauit, paratisq; Elephantis & lecticula, ministros aliquot ei addidit, à quibus vna cum supellectile sua, & sociis ire non valentibus, deportaretur ad terram vsque senioris Regis. Accipiebantur autem vbique liberalissimè, utebanturque hospitiiis semper gratuitis. Cum vero ad regionem senioris Regis venissent, *Modeliar* eius cum tympanis & tibiis obuiam eis processit, acceptosq; honorifice in *Aldea* seu aulam suam deduxit, cibo & potu eos lautissimè reficiens. Cubiculum, vbi dormirent, linteaminib. candidis obductum vndique & exornatum erat, quod maximi honoris signum est, qui in *Celon* alicui exhiberi & præstari potest. Offerebat autem Generalis seniori isti Regi vt & *Modeliari* munera quædam, qui discessuro significabat, Regem non solum gratias ei pro muneribus oblati agere, sed & amicè rogare, vt in reditu ad se reuerteretur, addita hac promissionè, non solum omnem suam regionem, siquidem ad eam appellere alio tempore vellet, apertum, sed & omnem beneuolentiam ei declaratum iri.

Hinc porro progressus Generalis, lecticula delatus est ad *Aldea* seu aulam Reginæ cuiusdam, duobus miliaribus à Regis senioris aula distantem, Regina hæc filia prædicti Regis, & vna ex vxoribus seu concubinis potius Regis de *Candy* erat, qui hanc *Aldea* ei concesserat. Profecta autem erat ad ciuitatem *Vintane*, ad quam cum Hollandi postero die venirent, procedentes ei obuiam vel sex *Modeliari*es cum multo populo tibiis tympanisq; & instrumentis musicis aliis instructo, honorificè eum exceperunt, deducentes eum ad hospitium similiter candidis linteaminibus obductum. Manserant ibi per duas noctes. Regina vero, cuius modo mentionem fecimus, significari Generali iussit, magno sese teneri desiderio eum videndi, addita promissione, se omnem ei beneuolentiam vbi reuersus se in *Aldea* sua compellaturus esset, declaraturam. Sita est ciuitas *Vintane* ad fluuium *Trinquamale*, in cuius ripa multæ triremes & naues aliæ ad ministerium Regis de *Candy* extruebantur. Distat à mare quidem 9. à Regno autem *Matécalo* 21. & à *Candy* itidem 9. miliaribus. Estque ab illustri *Pagode* seu templo quodam rotundo præcipuè celebris, cuius fundamentum seu basis circumferetiam habet 130. passuum. Exurgit autem in summam altitudinem, & vndique dealbatum est, excepto vertice seu summitate eius, quæ auro instar pyramidum obducta, oculos aspicientium, Sole nimirum radios suos ad eam proiiciente, admodum perstringit, habetq; turrim quadrata forma magno artificio elaboratam & conspicuam.

Cæterum plura in ciuitate ista habentur templa, & monasterium etiam pro monachis, qui vestitu flauo induti per plateas incedere conspiciuntur, umbellam manibus pro sole à capite defendendo gestantes, sunt enim rasi instar monachorum nustratium & sphaerulas etiam precatorias manibus gestant, sed cruce insigniti non sunt, labia autem semper mouent quasi tacite secum aliquid mussitantes, & magnam sanctitatis speciem præ se ferentes, vnde in magna sunt existimatione, à laboribus oneribusque publicis semper excepti & liberi. Monasterium eorum ita extructum est, vt nostratium formam ferè referat, habet enim peristylia, delubra & sacella, nitidissimo auro vndiq; obducta & ornata. Sed & statuae in delubris sacellisq; conspiciuntur vtriusq; sexus quam plurimæ, quas dicunt eorum repræsentare effigies, qui præ cæteris sanctè vixerint. Inpositæ sunt autem vt plurimum aris sacellorum, & vestibis auro & argento nitentib. indutæ. Ante ipsas ingentia candelabra à puellorum nitentium statuis gestantur, in quibus cerei & candelæ nocte dieque semper ardentes cernuntur. Singulis autem horis ad hæc sacella monachi preces & alia sanctitatis suæ officia peractû confluunt.

Monachi in India.

Monasteria in India.

Festi alicuius solemnitas in India.

Erat, dum Hollandi ibi essent, solemne aliquod Festum ipsis celebrandum, itaque congregati monachi omnes, pulchro ordine, bini & bini per ciuitatem progrediebantur. Abbas vero vel Præpositus eorum Elephanti infidebat auro argentoq; refulgens, & baculum inauratum manibus supra caput eleuatis tenens. Præcedebant eum aliquot monachi pulchro ordine, variis partim instrumentis musicis, vt cornibus, tympanis, tubis, cymbalis, nolis, tintinnabulis, peluibus, & id genus aliis ludentes & mirifico concentu perstreptentes, partim cereos facesque ardentes gestantes, post eum sequebantur multi viri, itidem bini & bini. Agmen vero mulieres & puellæ claudebant, eodem ordine incedentes. Pulcherrimæ autem quæque puellarum, antequam egrederetur & reuertèretur in ciuitatem hæc pompa, multos ludos dabant, ducentes choreas, & saltationibus mirè tripudiantes, superna corporis parte vmbilicotenens nudæ prorsus, inferna supparis seu indumentis vario colore distinctis præcinctæ, & brachia, auriculas manusq; auro & gemmis exornatæ. Singulis autem dieb, quidam ex incolis ad templa & sacella prostrati conspiciuntur. *Sombayo* seu preces suas tali modo peragentes, vt in terram sese primum abiiciant, postea surgentes, manib. supra caput complicatis verba quædam tacito murmure mussitent. Certe qui monachos hosce, monasteria item & ritum processionis probè intuentur & perpendunt, aliter cogitare & statuere non possunt, quam quod nostrates monachi maximam suarum ceremoniarum partem ab illis mutuati sint & didicerint, siquidem & hunc morem habeant, quod statuas suas florib, variis exornent, quas passim ad vias, compita, angulos platearum, & arbores collocare solent, eadem ratione, qua in Papatu matris Christi effigiem hinc inde ad idololatriam prostare cernimus.

Rex de Candy suam læticam Generali in occursum mittit.

Ex *Vintane* porro ciuitate progressi, ad *Aldea* seu aulam Regis filii perueniunt, vbi similiter laetè satis & honestè sunt excepti. Caterum cum itinere vnus adhuc diei à *Candy* abessent, Rex propriam suam læticam cum Elephantis aliquot ipsis in occursum misit, itaque Generalis læticam alteram & eos omnes, qui ex *Vintane* eum hucusque comitati fuerant, amicè & honorifice à se iterum dimisit. Erat autem lætica ista Regio admodum ornatu conspicua, Attalicoque panno strata. Rex vero de salute Generalis non parum sollicitus, singulis horis alimenta, fructus & vinum afferri ei curabat, quod quidem ibi plantatum crescit virtute, sapore & colore Lusitanico vino non absimile. Veniens autem ad fluuium quendam non procul à ciuitate, cogeatur ibi subsistere, sti patus multis proceribus, qui *Modeliæ* ipsis dicuntur. Cum ad horam ferè expectasset, mittebat ad eum Rex supremum suum *Modeliar* siue Præfectum, *Emanuelem Dios* nomine, cum multis Lusitanis, qui omnes Regi seruiantes dissectis auribus erant. Acceptus igitur ab illis Generalis ad urbem porro ducebatur, comitantibus eum circiter mille armatis, qui Turcæ partim, partim *Æthiopes*, *Singales*, *Casseros*, *Lusitani*, &c. erant, octo vexilla, quæ à Lusitanis non ita pridem recuperauerant, præferentes. Erant ibi qui tibiis canentes, variisq; musicalibus instrumentis perstreptentes insignem lætitiā declarabant. Cumque in urbem venissent, & aulam regiam prætereuntes ad destinatum Generali diuersorium contenderent, insigni triumpho multaque tormentorum dispositione excipiebantur. Generalem comitabatur Capitaneus Iungerheltus Flissingensis, præcedebant vero tres tubicines cum vexillo Principis Mauritii, sequentibus ministris quatuor, quorum alter vexillum Lusitanicum sericeum Regi donandum gerebat, pro quo Rex postmodum aliud à Lusitanis non ita pridem recuperatum ipsis obtulit. In diuersorio omnia more Lusitanico parata

Vinum in India crescens.

Generalis ciuitas Candy ingreditur.

parata erant, manebatque apud Generalem Emanuel Dios cum quibusdam Lusitanis aliis, ut ipsi ministrarent. Peraeto prandio mittebat ad eum Rex tres equos ephippiis phalerisq; egregie ornatos, expetens ut ad se veniret, qui assumptis aliquot muneribus ad eum profectus est, cumque Regem salutasset, muneraque illa deposuisset, Rex candido indutus vestitu munera contemplatus est, & filio coniugique contemplanda transmisit, postea obambulando cum Generali de rebus variis contulit, finitoque colloquio ad diuersorium eum iterum remisit, qui antequam abiret, classicum canere, fidibusque oblectare Regem ministros suos iussit, qua ex re insignem Rex voluptatem percepit, multoque abeuntem tibiaram clangore profectus est.

Generalis ad Regem in Candy proficiscitur.

Postero die, cum acceptis à Rege equis, ad aulam iterum profectus, & à Rege honorifice exceptus esset, multa quidem Rex de negotiationib. Hollandorum, deque piperis & cinnami venditione cum eo locutus est, at vero cum de pretio conuenire inter eos non posset, iamque Generalis diuersorium suum repetiturus esset, interrogabat eum Rex, quanti aromata modo dicta emere vellet? Qui non propter aromata eo se venisse respondebat, sed ut mandato Principis Mauritijs satisfaceret, quod erat, ut Regem salutaret, omnia beneuolentiæ officia ei offerret, & si fortè opera sua indigeret, paratum esse Principem auxilia ei contra communes hostes Lusitanos mittere, testatum ipsi faceret. His auditis Rex præ gaudio exultare, & cum multa gratiarum actione beneuolentiam hanc acceptare videbatur: comprehensum enim in medio Generalem à terra non nihil eleuabat, & quicquid piperis cinnamiq; paratum haberet (quod 3000. tamen libras non excedebat) dono ei se daturum affirmabat. Excusabat autem hanc piperis & cinnami inopiam, causamque eius esse dicebat, quod negotiationibus hisce operam hætenus non dedisset, sed & arbores aromaticas ipsemet extirpari iussisset, ne hostibus suis Lusitanis veniendi in regnum suum causam ullam relinqueret.

Generalis causam aduentus sui Regi exponit.

Conferebat autem præterea Rex cum Generali de rebus variis, monstrans ei omnia arma, quæ à Lusitanis recuperauerat. Sed & ad Pagodas siue templa, quorum multa ibi cernuntur, traduci eum curabat, ut videret imagines & statuas in eis repositas tanta multitudine, ut numerari vix possent, quæ pleræque tantæ proceritatis erant, ut vel malum in naui superarent, templa autem ipsa ex quadratis lapidib. extructa erant, concamerato opere, ut vel cum Pontificiorum templis certare posse viderentur. Cum ista omnia Generalis vidisset, quærebat ex eo Rex, ecquid hæc ipsi templa placerent? qui respondit, viuos sese homines aspicere, quam statuas eiusmodi vita carentes, quæ nulli officium aut beneuolentiam exhibere possent, male. Cumq; Rex porro, si Hollandorum templa imaginib. Mariæ, Petri, Pauli & aliorum Sanctorum, more Lusitanico exornata non essent, ecquid etiam in Christum crederent Hollandi rogarer? Respondit ei Generalis, Hollandos quidè verè Christianos, sed non Pontificios siue Romano-Christianos esse, templa nullis imaginib. cōspicua habere, sed firma fide in vnum verum Deum celi terræque creatorem credere. Quærebat porro Rex, an Deus Hollandorum mori non posset? Itaque Generalis, cum mortalem quidem hominem nulla ratione Deum esse posse probasset, affirmabat ei expresse, statuas & imagines nullius momenti esse, nec quenquā in necessitatib. iuuare posse, addita admonitione, ut illis relictis, fiduciam suam in Deum rerum omnium conditorem collocaret. Hæc omnia bene intelligens Rex, omnia se à Deo habere dicebat, conquerens de iniquitate & malitia suorum subdito-

Templa in vrbe Candy.

Colloquium Generalis cum Rege de religione.

rum

rum siue *Singales*, quod nimirum ad furta & rapinas propensi nimium essent, & id operam darent, ut clam aliis quicquid possent, arriperent. Responderebat Generalis, nihil quidem tam occultum esse posse, quod Deum lateret, qui nihil impunitum relicturus, sed suo tempore omnem iniustitiam vindicaturus esset, quod ipsum intellexisse sese Rex tali similitudine probabat. Verum est quod dicis, inquit, nam quod quisque seminavit, idem etiam metat oportet.

*Generalis à Rege
ad prandium in-
uitatur.*

Plures quidem sermones inter eos habitos hic referre operæ precium non est. Sequenti vero die Rex missis ad diuersorium equis, ad prandium Generalem cum vniuerso comitatu suo inuitabat. Cumq; ad aulam venisset, deducebat eum cum sociis suis in cœnaculum tapetibus preciosissimis stratum, & mirum in modum exornatum. Disposita ibi cernebatur subsellia Hispanica multa, & in tabula siue mensa oblonga omnia Christianorum more parata erant, lauteque Generalis cum suis accipiebatur, cantoribus interrim variis instrumentis perstreptentibus. Generalis autem donabat Regem imagine, quæ Principem Mauritium equo insidentem armatum, pugnamque in Flandria 2. Iulii, Anno 1602. habitam, referebat, quæ Regi admodum grata erat, cumque Generalis pugnae exitum rationemque confœderatarum Prouinciarum, & belli, quod tot iam annos Principis Mauritijs auspicio Prouinciæ cum Hispano gererent, historiam Regi exponeret, ingentem inde lætitiâ & voluptatem Rex percepisse se testatus est.

*Rex de Candy of-
fert Hollandis suâ
operam in extru-
endo Castello ali-
quo.*

Commoratus autem ibi est Generalis quinque diebus, neque enim expedire sese citius poterat, cum Rex nunquam finem faceret quærendi de statu & conditione Prouinciarum Hollandiæ. Effigiem Mauritijs Principis à Generali sibi oblatam in loco primario affigi curabat, ut in conspectu eam semper & recenti memoria haberet. Cæterum cum aliquando ad habitationem Reginæ duceretur, qui honor putatur maximus, videretque ibi Generalis Reginam cum filio & filia iunioribus Principibus more Christiano indutam, affirmabat ei Rex, se cum Regina & Principibus suis paratum esse, vel humeris suis cæmentum & lapides asportare, si confœderatis Prouincijs, Principique Mauritio aliquando placeret in regione sua propugnaculum aliquod vel Castellum excitare, quod ut commodius fieret, se locum eis conuenientissimum permissurum, quod ipsum quidem etiam literis aliquot ad Principem & Prouincias datis confirmauit, Generalem obsecrans, ut domum aliquando reuersus cum Prouincijs hac de re agere vellet.

*Generalis duos
Musicos Regi do-
nat.*

Sed & multis muneribus Generalem Rex donauit, cumque musicalibus instrumentis admodum delectaretur, sibi que aliqua permitti peteret, Generalis non solum instrumenta varia ei donauit, sed & Erasmi Matisbergium & Ioannem Kempelium in omni instrumentali musica exercitatissimos iuuenes eis adiunxit, quod Regi quidem tam gratum fuit, ut non solum iuuenes eos in aulam suam statim reciperet, sed & seipsum in arte Musica exercere inciperet. Regina quidem, & Princeps iunior, Matisbergium à secretis sibi esse volebat, Rexque ipsemet linguam addiscere Belgicam incipiens, regnum suum nouam Flandriam vocabat, tantamque præ se ferebat lætitiâ, ut gratum sibi Generalis aduentum esse nemo dubitaret, qui Regem ita etiam informauit, ut quin Hollandis quidem amicus, Lusitanis autem inimicus perpetuo futurus sit, dubium esse nullum possit.

*Generalis à Rege
iterum abijt.*

His ita paratis Generalis quidem à Rege iterum dimissus est, qui in lingua Singalica vocatur *Fimala Derma Suri Ada*, cuius nominis origo & ratio postea declarabitur, ubi ad illa peruenimus, quæ post obitum magni Regis

Regis in *Darma* acciderunt. Adiungebantur autem Generali multi Elephantes & satellites, quibus ad naues suas perduceretur, sed & iacula quædam maiora, quæ *Sergonsios* nominant, Rex ei donabat, quibus fidem & constantiam amoris sui confirmaret, similiter & inauratum *Somberero* cum mancipiis aliquot, quorum opera in itinere vti posset. Atque ita Generalis hinc inde per totam illam regionem profectus est, absq; vilo sumptuum dispendio, præterquã quod munera quædam Regi & aliis obtulit, totumq; iter 22. dierum spacio confecit.

Ad naues autem iterum reuersus, constituit circa vltimum Augusti diem inde soluere & iter suum continuare, quo quidem tempore tempestates, quas *Monson* vocant, ex Oriente expectabant. Cum autem præter viginti duos in naui sua non numerarentur amplius, ex Viceadmiralis naui, in qua 45. adhuc erant, personas aliquot assumebat, licet non deessent, qui factum hoc reprehenderent, quos ipse tamen amicis verbis ita placabat, vt perficiendo itineri factum hoc apprimè necessarium & vtile esse, palam profiterentur.

Circa quintum Augusti veniebat ad naues *Modeliar* siue Capitaneus supremus *Emanuel Dios* nomine, cum aliis quibusdam Subpræfectis & 120. armatis. Hic ablegatus erat à Rege, vt naues perlustraret, cum Generali de rebus quibusdam necessariis conferret, & locum quendam, vbi alio tempore applicare cum nauib; suis Hollandi possent, ipsi ostenderet. Huic omnia humanitatis & beneuolentiæ officia sunt exhibita. Cumq; cœptam amicitiam iureiurando vtrinque confirmassent, ad littus iterum cum multo armatorum comitatu, duobus nauigiis imposito, traductus est, vnde singularem ipse lætitiã percepit. Accidit autem octauo Augusti, cum *Modeliar* adhuc in naui esset, vt viderent in mari nauigium aliquod, itaque Generalis scapham statim suam cum armatis aliquot comprehensum illud emisit, qui ei appropinquantibus triremem esse animaduertent, onerum 45. capacem. Quamuis autem 46. viri in ea numerarentur, superare tamen sese à scapha Hollandorum, quæ vix 14. armata erat: viris, permittebant. Gubernator triremis istius *Antonius de Costo Montero* dicebatur, onerata autem erat maxima parte *Arecca*, fructu Hollandis parum vtili, cinnami, piperisque modico. Cum igitur *Modeliar* hoc videret, confirmabatur penitus in animo suo, vt crederet vere hostes Lusitanorum Hollandos esse, de quo hætenus aliquo adhuc modo dubitauerat. Accipiebat autem ex triremi arma quædam, ipsamque triremem Generalis cum omni *Arecca* Regi donabat, qui cum excursore id intellexisset, non parum inde lætitiæ voluptatisq; percepit.

Nono Augusti prædictus *Modeliar* iter iterum ingressus est, Regi omnia quæ vidisset commemoraturus. Profectus est autem cum eo Gionlefortus & alii, promissa aromata allaturi, quæ paulo post eorum abitum nauib; illata sunt, erantque cinnami siue cassiæ 60. piperis vero 16. & corcomæ quatuor sacci. Gionlefortus vero ad Regem veniens, honorificè cum sociis exceptus, & aliquot annulis aureis donatus est. Quamuis autem plus cinnami siue cassiæ in ciuitate superesset, expectare tamen Hollandi, donec illud tam longo itinere adueheretur, non poterant, cum præsertim tempestates *Monsonii* præforibus essent. Itaque absente Gionleforto, de rebus necessariis sibi prospexerunt, vt quamprimum ipse reuersus esset, iter inde soluentes iterum ingrederentur. Cæterum cum 11. Augusti die iterum nauigium aliquod Lusitanicum *Arecca* onustum comprehendissent, illud Regi de *Matecalo* donarunt, qui licet Generali paulo ante potestatem dedisset Lu-

Generalis discessit cum nauib; suis parat.

Modeliar Regis ad naues venit.

Triremis Lusitanica ab Hollandis expugnata Regi de Candy dono datur.

Gionlefortus ad Regem de Candy proficiscitur.

fitanos hostiliter persequendi, auxilio simul ad hanc rem promisso, iam tamen protestari & indignari quodammodo videbatur, quod iniuriam Lusitanis in Regno suo inferrent, idque ideo ut suspicione sese apud Lusitanos liberaret, quorum, ut cognitum postmodo est, tributarius aliqua ex parte existit. Sequenti die aliud nauigium *Arecca* similiter oneratum ceperunt, in quo viginti personae numerabantur, quos omnes ad naues suas traxerunt, fructum illum *Arecca* pro gemmis & cibariis aliis permittentes. Supradictus interea *Antonius de Costa Montero* captiuitate sese per custodis incuriam liberauerat, qui poenas negligentiae suae satis graues dedit. Reliqui autem Lusitani de redimenda naui agentes, tempus protrahabant, cupientes Hollandos illic detinere, donec a Monsonii tempestate apprehenderentur. Verum ipsi dolum subolfacientes, cum in tribus hisce nauigiis centum fere viros cepissent, quosdam in nauibus secum retinuerunt, reliquos vero ad Regem de *Candy* traduci curarunt.

Hollandi ex Matucalo solunt.

Primo Septembris die Gionlefortus cum sociis suis ad naues iterum reuersus est, literas à Rege & munera aliqua afferens. Cum igitur *Monsonii* tempestates iam iam instarent, concluderunt omnino sequenti die inde soluere & iter suum continuare, idque eo magis quod viderent Lusitanos dolo malo redemptionem nauium simulare, ut ita à tempestate apprehensi in extremum periculum inciderent. Postquam itaque Generalis ad littus cum scapha profectus quaesiuisset ex incolis, nunquid eis Hollandorum aliquis quid deberet, addita promissione se debitum omne persoluturum, & vero neminem esse cui aliquid deberetur, cognouisset, nocte ea, quae 2. Septemb. diem sequebatur, nauigiis Lusitanicis duobus, in testimonium quod vere Lusitanorum hostes essent, igne accensis, ex portu illo soluentes abierunt, *Achian* in *Sumatra* Insula sitam petituri.

Historia Regni Celon.

Rex Darma, quomodo ad regnum peruenit.

Antequam autem itineris huius & nauigationis cursum pertexamus, placet hic commemorationem instituere eorum, quae in regno *Celon* post mortem Regis *Ragu* acciderunt, & quomodo regnum *Candy* in Insula hac *Celon* situm potestate & imperio Lusitanorum sese liberauerit. Rex huius Insulae *Celon*, dictus *Mara Ragu*, tres habebat filios legitimos Regni heredes, & vnum illegitimum nomine *Darma*, natum in vrbe *Setavacca*, quae Regum in *Celon* sedes est, matre vulgari & ignobili *Bailliardeerse*, ex earum nempe mulierum numero, quae propter insignem saltandi peritiam in aula regia habentur. Hic *Darma* cum à prima pueritia in bello educatus esset, insignem belli gerendi notitiam sibi comparauerat. Cumque prudentia & fortitudine multum valeret, iamque milites omnes sibi fauentes haberet, constituit tandem secum, patre suo *Mara Ragu* fratribusque tribus, Regni nempe heredibus legitimis sublati, Regnum ad se transferre. Cum igitur hoc ex animi sententia ipsi successisset, ad ciuitatem *Setavacca* perueniens Rex in *Celon* saluatus est. Scribunt aliqui, hunc *Darma* tonsoris siue Chirurgi cuiusdam filium fuisse. Sed Hollandi cum in Insula hac versarentur, de ortu eius diligentissime inquirentes, cognouerunt, eum verè praedicti Regis *Mara Ragu* filium fuisse, licet non negauerim, eum in bello scientiam huius artis sibi comparasse, & eius amantem postmodum semper fuisse. Erat autem durus in *Singales*, & magnam tyrannidem passim exercebat, quod videret eos animo à se alieniori quam milites esse, & ut factum suum probarent, adduci non posse. Verum militibus gratus erat & acceptus, viuebatque semper in armis, omnia Lusitanis propugnacula, *Columbo* & *Mannar* exceptis, eripiens.

Erat in praedicta Insula aliud adhuc regnum, *Candy* nempe, Regibus illis quae

qui in *Setanacca* sedem suam habent, non subiectum. Hoc regnum potentia & opibus multis abundabat, subditosque habebat plerosque omnes *Singales*, qui prædictum *Darma* pro Rege suo agnoscere nolebant, perpetuumq; cum eo bellum gerebant, Lusitanorum vñ præsidio. Cum igitur ei semper propter scuitiam & tyrannidem nimiam infensi essent, factum tandem est, ut veneno extinctus tolleretur, quo sublato *Singales* quidem cum Lusitanis egerunt, ut modicum ipsis soluentes tributum in pace & tranquillitate viuerent. Hac itaque ratione accessus Lusitanis ad Insulam *Celon* patefactus est, ut hincinde in portub. maris & locis aliis propugnacula excitare pro libitu suo possent. Reliquerunt autem inhabitantibus Ethnicæ suæ superstitionis exercitium liberum, & cognationem etiam cum illis contraxerunt, matrimonia hincinde libera facientes, ut inde appareat, diuitias Lusitanis & opes momentaneas maiori, quam religionem Romanam curæ esse, cum præsertim multi inter *Singales* Ethnicos passim mixti habitare videantur, vbi nec templa aut sacella vlla, nec sacerdotes monachique reperiuntur, vnde cum ipsis etiam Ethnicis in multis iam sentire deprehendas.

Darma rex veneno tollitur.

Accidit autem, ut cum Rex in *Candy* moreretur, esset ibi *Modeliar* siue Præfectus supremus quidam, qui dicebatur, *Fimala Derma Suri Ada*. Hic in iuuentute sua ex *Candy* ciuitate in propugnaculum *Columbo* dictum delatus fuerat, eratq; filius primarii cuiusdam Principis in *Candy*, cumq; in religione Lusitanica institutus esset, baptizatus est, & fratris Philippi Hispaniarum Regis nomine, *Ioannes de Austria* nominatus est. Porro ex *Columbo* ad propugnaculum aliud *Goa* dictum delatus est, vixitque ibi cum gubernatio eius propugnaculi esset penes Emanuelem Sofam Cortinium, cum Matthæus Albericus Viceregis nomine eo veniret. Hic igitur *Fimala Derma Suri Ada*, cum vir factus prudentia fortitudineq; maxima præstaret, à Lusitanis *Modeliar* siue Præfectus in *Candy* factus est, ut secundus à Rege gerendis maximè bellis præficeret. Putabāt quidem Lusitani, eum sibi fidelē fore, cum in Christiana religione institutus & baptizatus esset, at vero ipse cum nō milites solum, sed & *Syngales* Sympatriotas suos sibi admodū fauentes haberet, & iam potentia opibusq; valeret plurimum, Regem seipsum constituit, omnesq; Lusitanos in *Candy* liberè habitantes extirpauit, bellum Lusitanis apertum denunciāns. Videntes igitur Lusitani, spe sua sese frustratos esse, cum superesset adhuc filia defuncti Regis, quam ipsi in propugnaculo *Mannar* educari & baptizari curauerant, Catharinę nomine ei imposito, Reginā eam facere, & Petro Lopes de Sofa, Gubernatori in *Malacca* despondere nitebatur, moxq; contracto ex *Goa* & aliis locis ingenti exercitu, eam sub prædicti Petri Lopes imperio ad ciuitatem *Candy* traducebant.

Rex in Candy mortuus quomodo ad regnum peruenit.

Cum igitur tantas secum adduceret Petrus Lopes copias, viribusq; suis *Ioannes de Austria* diffideret, cedendum eius furori ratus, relicta ciuitate lucos & dumeta cum armatis aliquot occupauit, transitus ad urbem omnes obseruauit, ne quid comæatus ad eam perferretur prohibuit, Lusitanosq; omnes vbicunq; extra ciuitatem constitutos trucidauit. Hisce difficultatibus coactus Lopes ex vrbe tandem egreditur, locumq; vñdiquā patentem occupat, aperto Marte cū *Ioanne de Austria*, qui in Singalica lingua *Fimala Derma Suri Ada* vocabatur, conficiendus. Congressi igitur die quodā Dominico Anni 1590. vterq; exercitus, licet Petrus quidem Lopes 40. Elephantēs & exercitatisimos secum haberet milites, superatus tamen tandem à *Ioanne de Austria*, & in pugna interfectus est, Elephantibus omnib. comprehensis, Lusitanis vero cæsis partim, partim cōprehensis & in seruitutem reductis.

Rex in Candy Lusitanos superatus.

Rex in Candy Regisfiliam Catharinam in uxorem ducit.

Mores Singalensium.

Civitas Candy turribus & aedificiis illustratur.

Hieronym. des Ouedo à Rege in Candy in fugam ventus.

Emanuel Dios quomodo supremus Modeliar factus sit.

Impetrata hac victoria, regia iam potestate plenariè vti Ioan. incipiebat, Catharina Regis filia matrimonio sibi iuncta, à qua iuniores suscepit Principes. Erat autem Catharina illa tum temporis annorum nouem vel decem. Victoria vero ista non quidem viribus & potentia Singalensium, sed post Deum, in cuius manu sunt omnes exercitus & fines terræ, prudenti administrationi ipsius Regis Ioannis adscribenda est: *Singales* enim, etiam si corpore sint robusto & firmo, laborem tamen & res aduersas tolerare non possunt, cumque omnes ferè bonis & opibus abundant, cibis deliciarioribus vescuntur, omnem in diuitiis suis fiduciam ponunt, & laborare sibi turpe ducunt. Cibos, præsuri, foliis arborum *Bonannes* imponunt, bibitori *Gorgelanes* vsurpant, hoc est, vasa fictilia formam ollæ referentia, quæ quidè ori non admouent, sed per immissam arundinem euacuant, Cibos, quos manibus semel contrectatos absumere non possunt, nemini præterea offerunt, sed canibus detiorandos obiciunt, nec enim quisquam tam abiectæ conditionis apud illos est, qui, quod alius contrectauit, ori admouendum censeat.

Edita hac strage Rex Ioannes regnum suum tranquillè obtinuit, *Tranqueros* & propugnacula Lusitanorum, qui illis relictis ad *Columbinum* propugnaculum confugerant, subuertit, & ad colendam pacem regnumque suum amplificandum omnes cogitationes conuertit. Cœpit igitur arcem regiam & multa templà extruere, turribus item & aliis aedificiis, more apud Christianos vsitato, urbem *Candy* illustrauit, laborem perficientibus Lusitanis, qui in pugna illa captiuitatem subierant, sed & castellis & propugnaculis passim in regno suo excitatis, contra insultum & impressionem Lusitanorum sese probè muniuit, noui subinde aliquid inueniens, quo contra hostes suos vtatur.

Anno post pugnam hanc quarto vel circiter, cœpit Hieronymus des Ouedo, Dux exercitus in *Celon*, variis modis regno *Candy* insultare, sed conatus omnes frustranei erant, donec cum multis copiis, demandato Regis Hispanici, ad apertum bellum procederet, multos *Caualleros Fidalgos* ex *Goa* secum adducens, quorum ibi ingens est frequentia. Existimabat autem regnum omne iam superatum esse & expugnatum, verum vt ad locum *Balene*, vbi prædictus Lopes casus fuerat, progressus, ibique castra sua metatus esset, Rex Ioannes contra eum profectus, tanta fortitudine in eum mouit, vt nisi instructam semel aciem summa vi à dissolutione cohibuisset, eandem quam Lopes ante hæc tempora fortunam expertus certo certius fuisset. Verum ille exercitum suum in ordine cohibere, & inter decedendum etiam pugnare edoctus, ad quintum vsque diem se sustinuit, donec, licet non sine multorum militum iactura, propugnaculum *Columbinum* tandem iterum assecutus periculum euaderet. Ab hoc quidem tempore ad manus venire & in aciem procedere amplius non sunt ausi, licet subinde velitari pugna ex castellis & propugnaculis suis, quæ *Tranqueros* nominant, & spacio integri vel dimidii miliaris ab inuicem remota sunt, vires suas ab utraque parte exercere videantur.

Accidit circa festum Paschatos Anno 1602. vt Emanuel Dios, qui iam supremi *Modeliaris* vel Præfecti locum in *Candy* obtinet, & tempore eo, quo Lopes caderetur, cum aliis captiuis in *Candy* ciuitatem delatus, hactenus ibi se sustinuerat, ad Hieronymum des Ouedo in *Columbinum* propugnaculum concederet, rationem sese inuenisse dictitans, sublato è medio Rege, *Candy* ciuitatem Lusitanis tradendi. Talia dictitans gratus admodum & acceptus Hieronymo erat, qui non fidem solum ei adhibebat, sed

sed & iureiurando eum sibi obstringebat, vt cum quinque Lusitanis aliis, tribus nempè Præfectis, Christiano Iacobino, Alberto Primero, Ioanne Pererro, & duobus gregariis militibus, in urbem profectus, operam suam Regi offerret, quo insidias eius vitæ struere & pmissis suis satisfacere commodius posset. Donabatur multa in hunc finem pecunia, addebanturque promissiones splendidae, certo enim sibi persuadebant Lusitani, sublato Rege, Regnum sese facile sub iugum suum pertracturos. Et sane Hieronymus ille nihil sibi aliud persuadebat, quam ciuitatem & regnum iam in sua manu esse. Emanuel autem Dios perfugam sese ex Columbino propugnaculo simulans, cū ad Regem perductus esset, exponit ei quid inter se & Hieronymum de Rege interficiendo actum esset, monet eum de insidiis, quas in occulto Hieronymus constitutus habebat iuxta fortificationem *Ballene*, quam primo omnium expugnare constituerat. Rex igitur nocte illa cum multis armatis fortificationem seu propugnaculum istud ipsemet ingreditur, cumque quinque illi Lusitani, qui cum Emanuele aduenerant, putarent, Emanuele suam operam Regi offerre, adest statim Emanuel eosque per obscuros aliquot transitus ad Regem deducit, habentes secum egregios *Transchados* seu pugiones Iaponicos, quibus Regem trucidarent. At ille comprehendi statim eos & in vincula coniici iussit, quibus etiamnum detinebantur, quando Generalis cum Rege sermonem haberet, cui vnum etiam expugionibus istis Rex donauit. Pro hac autem & simili sibi nauata opera Rex Emanuele istum honore supremi *Modeliar* siue Præfecti, qui honorā Rege proximus est, dignatus est, cum præsertim ob singularem prudentiam & fortitudinem in regno suo admodum conspicuus esset, & in oppugnandis Lusitanis nulli labori parcere videretur, quemadmodum eius rei eo quidem ipso tempore, cum Generalis apud Regem esset, haud obscura signa dedit, excursionem ad *Tranqueros* siue propugnacula Lusitanica aliquoties facta, & spoliis haud contemnendis in urbem secum allatis.

Cæterum Rex in *Candy* regionem tenet satis amplam, multis ciuitatibus & oppidis, frequentique populo conspicuam, subditi eius abundant oppibus, vestitu vtuntur decenti ab umbilico in terram demisso, qui vero graciliores sunt & procero non nihil corpore, *Roppillios* siue thoraces adhibent multis annulis insignes, ab auriculis gemmas habent dependentes, & pugionibus armati incedunt. Mulieres nudo incedunt pectore, vestitum vero ab umbilico ad pedes demissum admodum nitentem & decorum habent, verecundo sunt aspectu, & corpore satis eleganter disposito, capita capillo proprio tegunt, quem sine vllis fasciis siue sericeis siue linteis ita inuoluere & componere norunt, vt reticulum capillare seu vittam eas gestare in capite putes, in collo monilia gestant, & armillas in brachiis, gemmis & auro conspicuas, digitos vero in manibus pedibusq; aureis annulis exornatos habent. Ædificia inhabitant artificiose extructa & eleganter ornata. Viuunt vero semper in delitiis, & cibis vescuntur admodum delicatis, quos mulieres quidem coquere & parare quam optimè norunt. Regionem incolunt gallinis, piscibus, ceruis, pauonibus, porcis, butyro, lacte & melle, nec non variis fructibus, veluti sunt *Annanes, Bonnanes, Coques, Jacques, Manges*, mala aurea & id genus alia, abundantem, carne vero bouilla, vaccina, & bubula plane abstinent, nec vino etiam vlllo delectantur. Habitant autem inter Singales illos multi Æthiopes, Turcæ & gentes aliæ, quibus omnibus peculiare ius, peculiarisq; religio est. Præ cæteris autem frequentes ibi *Bran-*

Vestitus populorum in Candy.

uocant, quæ manè domo egressis prima occurrunt. Hoc cum aliquando Generalis cur facerent rogaret? à Deo sibi ita imperatum & mandatum esse, responderunt. Cum vero pergens Generalis, omnia quæ vel in terra vel aquis viuunt Dei nostri esse, eumque, cum populus eius sumus, hisce omnibus imperandi & vescendi potestatem nobis dedisse, diceret, responsum nullum accepit.

Polygamia in Insula Celon.

Negotiationes in Insula Celon.

Cæterum non in regno *Candy* solum, sed per vniuersam Insulam *Celon* moris est, ut viri tot vxores ducant & habeant, quot nutrire & sustentare possunt, itaque virgines vix decimum ætatis annum assecutæ, ad matrimonium abripiuntur, mortui vero igne cremantur. Oryzæ in regione ista tantus prouentus est, ut magna copia ad alia etiam loca transferri possit, itaque multæ passim Canoes, Champanes & alia id genus nauigia passim in portibus ibi cernuntur pro coemenda oryza, verum negotiationes exercere sine Lusitanorum permisso non licet, itaque tributum eis persolunt, ut suis studere commodis in pace possint, idque exemplo Regis in *Matecalo*, qui licet regionem habeat multo populo abundantem, possitque Lusitanorum facile iugum exequere, tamen pacis magis quam belli studiosus, ut subditis suis negotiari passim in maris littore liceat, tributum Lusitanis persoluit annuum, oryza nimirum tantum, quantum vix 50. coronatis redimi possit. Rex vero in *Candy* tributum nullum persoluit, vna cum duobus fratribus, qui ante hæc tempora similiter cum Lusitanis in Columbo vixerunt, & ab eis baptizati sunt. Hi Regem contra Lusitanos iuuant, sed tacite tamen & occultè, ne Lusitani id sentiant. Imperat autem Rex in *Candy* populis ab utraque ripa fluminis *Trinquanemale* habitantibus, quod flumen ciuitatem *Vintane* præterlabitur, in qua triremes & nauigia Regis parantur.

Insula aromatum & metallorum diues.

Porro diues est hæc Insula cinnami & piperis, nam hæc aromata magna ibi copia crescunt, verum *Singales* nullam illis colendis operam impendunt. Reperiuntur vero etiam in regno *Candy* multa metalla, nempe ferrum & cuprum, suntque montes auri & argenti feraces, sed Rex fodinas nullas admittit. Gemmas & pretiosos lapides, qui in *Candy* reperiuntur, nemini colligere aut distrahere & vendere licet, præterquam ipsi Regi, qui eos quidem in thesaurum non reponit, sed cum illis opus habet, colligere iubet quantum satis est. Instabat quidem Generalis apud Regem, ut permutare sibi lapides aliquot pretiosos liceret, sed repulsam patiebatur, & ne pergeret hoc amplius expetere, offerebat ei Rex ducentos lapides omnis generis, affirmans se eos ipsis dono dare, nullos autem vendere aut permutare velle. Interim tamen ab aliis multis permutando acquirebant Hollandi lapides, existentibus quotidie in littore regni *Matecalo*, & ad naues confluentibus, qui eorum mercaturam exercebant, clam tamen & tacite, ne à Rege id animaduerneretur. Hoc quidem certum est, gemmarum in Insula hæc maximum esse prouentum, nam & in fluminibus si arenam eluas, & in canalibus vrbs *Candy*, varii lapides inueniuntur. Sed & christallum ibi reperias, & si fodere ibi & inquirere liceret, dubium non est, quin ingens sese pretiosarum rerum copia sit oblatura. Lapidibus præterea operarii multi multa que ligna extruendis ædificiis, nauibusque parandis idonea, ibi reperiuntur, nec salinæ ipsis desunt, ut ita Insula hæc nulli quo ad fertilitatem cedere videatur. Terra est bona & omnium quæ ad necessitatem & sustentationem nostram pertinent, ut in nostris regionibus ferax, dummodo quis sit, qui colendo agro operam impendat. Sed & gossypium & zingiber, *Corcoma* item, *Cardomoma*, *Mirabelanes*, &c. ibi reperiuntur. Macis etiam & nucum myristicarum aliquis prouentus est. Cumque cælum bene temperatum sit,

fit, non æstus ibi nimius, nec frigus nimium deprehenditur. Sed dolendum est interim vera eos Dei agnitione carere, quamvis spes aliqua sit; fore ut ipsis lux agnitionis diuinæ in posterum affulgeat, cum populus sit non pertinax & obstinatus, sed placidus & humanus, qui non solum admonitiones libenter admittit, sed & meliorem informationem, si quando erroris conuincatur, expetit. Quod si superstitionem eorum quis reprehendat, benignè respondent, aliter sese institutos non esse, eamque religionem longo vsu in sua regione receptam esse, addentes interdum non ignorare sese idola quæ colant nullius pretii esse. Regina Catharina templum profanum nullum ingreditur, Rex vero in gratiam subditorum *Singales* ea interdum frequentare cogitur.

*Spes agnitionis
Dei in regno Can-
dy aliqua.*

In dicta iam sæpe Insula *Celon* multi visuntur peregrinatores, qui peregrinationem suscipiunt ad montem *Adami*, visum ibi vestigia eius, in quo quidem monte *Ioannes Rex* ipsemet etiam aliquando fuisse, & mensuram vestigiorum in urbem *Candy* secum attulisse dicitur. Cum festa sua celebrant, multa sacrificia idolis suis *Singales* offerunt, nouitque Rex optimè pecuniam & opes à subditis suis extorquere, templa enim extruere incipit, pecuniaque in hunc vsu opus sibi esse asserit, mox imperfecta relinquit, non sufficere pecuniam contributam dictitans, exactionesque nouas subinde excogitat. Nummis vtuntur argenteis, quos *Larins*, & aureis, quos *Fannons* vocant. In templo quodam siue *Pagode* eximie magnitudinis, quod conspicuum est illis, qui à *Poincto di Gallo* soluentes, *Matecalo* petunt. Statua quædam eleuata est admodum procera, strictum manu gladium tenens. De hac referunt *Singales* miraculum aliquod, nempe quod cum Rex *Ioannes*, qui ludibrio statuam istam semper habuerat, aliquando templum illud ingressus esset, statua gladium manu vibrarit & commouerit, ictum quasi minitans, ut in stuporem Rex totus versus sit. Hoc si verum est, ludibriis Diaboli totum adscribendum, qui idololatriam hac ratione stabilire voluit. *Singales* enim tanti hanc statuam hocque templum faciunt, ut donec illud saluum sit, mundum interire non posse dictitent. Tota autem regio abominationum plena est, nam si quando morbo aliquis corripitur, statim ad statuas confugiunt, & sacrificium Diabolo offerunt, quo fine quidem sportulas habent in ædibus suis repositas, quibus colligunt, vnde Sacrificium faciant, sperantes liberationem ex calamitatibus sese hac ratione impetraturos. Reperiuntur, aliqui qui idolum ad formam capitis Elephanti ex ligno vel saxo fabrefactum pro impetranda prudentia inuocant. Et quidem eiusmodi abominationes variæ ibi reperiuntur, ut optandum sit, quosdam Christianos Principes laborem hunc ab idololatria loca ista perpurgandi suscipere, quod quidem factu difficile non foret, si essent qui summo studio & pio zelo gloria Dei rem aggredirentur, cum populus sit tractabilis, ut antea dictum est. Nam quod ad *Lusitanos* quidem attinet, illis curæ non est, quomodo miseri & excæcati homines ad Deum conuertantur, sed quomodo commodum suum ipsi promoueant. Respexit hunc finem Generalis, cum *Erasmum Matisbergiū* ibi relinqueret: cum enim videret, Regem virum admodum prudentem, summo studio de politix & religionis apud nostros constitutione inquirere, sperauit, hac ratione fore à superstitionibus Ethnicis paulatim abducere, & ad agnitionem veritatis peruenire, quod ipsum quidem *Erasmus* modis omnibus sese promoturum pollicitus est.

*Peregrinationes
& miracula dia-
bolica in Celon.*

Quod ad magnitudinem & circumferentiam huius Insulæ *Celon* attinet, ea quidem ingentis olim capacitatis fuit, sed non parum ei hodie maris in-

ris in-

*Quantitas & di-
mensio Insulae Ce-
lon, cum praecipuis
eius locis.*

ris iniuria in parte Septentrionali decessit. Existimatur tamen adhuc in cir- cumferentia ferè 300. miliaria continere. Portus habet capiendis nauibus admodum idoneos, imprimis autem commendatur Portus ille quem vo- cant *Poincto di Gallo*, vbi statio nauium est tam commoda, vt vix meliorem tota India inuenire queas. Loca vero praecipua cum eorum ab inuicem di- stantia ita recensentur. Principio à *Poincto di Gallo* Occasum versus, ad *A- lican* numerantur 9. miliaria, inde ad *Verberin* est miliare vnum, ad *Calutre*, numerantur tria, ad *Columbo* sex, ad *Negombo* quinque, ad *Gilau* itidem quin- que, ad *Putalon* decem, ad *Mannar* vero octodecim. Iam ab altera parte à *Poincto di Gallo* Ortum versus si contendas, occurrit primo *Bellingan*, quod à *Poincto* abest 4. miliaribus, inde ad *Mature* numerantur duo miliaria, ad *Dondoure* vnum, ad *Tannadar* itidem vnum, ad *Halpilanam* duo cum dimidio, ad *Aialle* tria, ad *Velebe* nouem, ad *Tansalier* septem, ad *Trincoly*, quod tem- plum vel *Pagode* est, duodecim, ad *Matecalo* quinque, & tandem ad *Trinqua- male* decem numerantur. Hæc loca omnia in littore maris sita sunt, à *Co- lumbo* vero versus ciuitatem *Candy* iter suscipienti, occurrit primo *Tranque- ro grando*, numeranturque ad hoc oppidum tria miliaria, hinc ad *Malevae- no* numerantur miliaria duo, ad *Crovabely* tria, ad *Manieratuete* quatuor, ad *Dively* tria, ad *Matappety* duo, ad *Altonnor* vnum, ad *Ganiattany* itidem v- num, ad *Ballene* vnum, & ad *Candy* vnum. Postremò si à *Matecalo* ad ciuita- tem *Candy* quis contendat, occurrit ei primo *Aldea More*, abestque à *Mate- calo* dimidio miliari. Inde ad oppidum *Oncattoiy* numerantur duo miliaria, ad *Viado* itidem duo, ad *Neguritti* quinque, ad *Nilvaele* duo, ad *Vegamme* qua- tuor, ad *Vintane* sex, ad *Vendro* quinque, & tandem ad ciuitatem *Candy* qua- tuor.

*Generalis ad A-
chian ciuitatem
venit.*

Haëtenus de Insula *Celon* & regno *Candy*, iam vt cœptum nauigationis cursum pertexamus, cum ex *Matecalo* soluissent, *Achian* ciuitatem in In- sula *Sumatra* sitam 16. Septembris assecuti sunt. Inuenerunt autem ibi Ce- locem suam, quam iuxta *Comoram* Insulam noctis & tempestatum iniuria ex conspectu suo amiserant. Praefectus eius nauis Speccius, cum sibi nihil polliceri posset de reliquarum nauium aduentu, & nauem suam aquarum & tempestatis iniuria admodum deprauatam videret, diffideretque suis vi- ribus, egerat cum Generali Anglicarum nauium Praefecto, Lancestrio, vt Celocem istam cum omni, qui in ea adhuc supererat, populo in suum con- uictum reciperet, & tria piperis onera gratis ad Londinum ciuitatem vsque secum transportaret. Facta erat hæc transactio ante Generalis aduentum, qui cum adueniret, ad prandium statim à Lancestrio inuitatus est, vt de hac conuentione edoceretur, à quo cum intelligeret se cōstituisse portum *Ma- lacca* petere, ibiq; nauem aliquam Hispanicam, quæ à S. Thoma *Malaccam* aduentura dicebatur, oppugnare, obtulit ei Generalis suam operam, vt na- uim istam eo commodius & rectius expugnaret.

*Generalis Regem
in Achian accedit.*

Antequam autem abiret, in terram prius cum decem personis aliis de- scendit, literasque Regi à Comite Mauicio allatum profectus est. Venien- tem autem ex nauí exceperunt statim Hollandi aliqui, qui pro exercenda negotiatione ibi relictí fuerant. Ducebant autem illum secum in domum, quam inhabitabant, vt ibi responsum Regis expectaret, quando nimirum ad aulam pergere & literas ei exhibere deberet. Cum igitur paululum cum Belgis illis locutus fuisset, aduenit statim *Corcon* siue *Sabandar*, Regemque, quando vellet, accedendi liberam ei potestatem fecit. Itineri igitur sese quamprimum accingens, aulam regiam cum *Guionlesorto*, & praedictis Bel- gis, qui erant *Cornelius Iolit*, *Ioannes Mertsen*, *Lucas Ianfon*, *Nicolaus Peterfen*,

Peterfen, & Philippus Graue de Sencion, ingressus est. Veniens in aulam admissus non solum ad Regem est, sed & amicè ad modum exceptus. Cumque post oblata Regi munera, literas Mauritii, quæ pro beneuolentia Regis & negotiationes exercendi licentia consequenda scriptæ erant, ei exhibuisset, breuem & modestam admonitionem addidit, vt Rex incommodum Anno 1599. duabus nauibus à subditis suis illatum, inultum non haberet, sed si fieri posset, aliquo modo recompensaret, qui respondit, se seuerè admodum in auctores istius facti animaduertisse, nec quenquam impunitum reliquisse, ita vt etiam filio suo, qui Rex in *Pedier* iam esset, non percerit, propterea quod malum hoc non prohibuisset; addebat & hoc debere Generalem liberè indicare, si quos eius facti auctores nosset, daturum sese operam, vt impuniti non maneant. Cæterum liberalem sese & beneficium erga Generalem exhibebat, inuitabat enim in eius gratiam aliquot regni sui proceres, qui cum potando exhilararent. Sed & mulieres cantu, choræis & tripudiis haud parum afferebant ipsis oblectamenti, cum præsertim auro & gemmis pulcherrimè exornatæ incederent. Finito prandio cum abitum Generalis pararet, gladio Indico inaurato, & veste auro intertexto nitente, eum Rex quemadmodum & Gionlefortum donabat.

Cæterum Generalis 21. Septembr. cum Lancestrio & reliquis Anglis inde soluens, & mari sese iterum committens, reliquit interea ibi Corneliū Speccium, alterius nauis Præfectum, vt cum Gionleforto pipèris cœmendi curam susciperet, ipse autem *Malaccam* petens, 25. Septembris ad Insulam *Pulo punaon* dictam delatus est. Primo Octobris cum paruam quādam Insulam, *Isla de Gerro* dictam, attigissent, hærebant ibi, nauim Hispanicam præstolantes. 11. Octobris, cum nauigium aliquod è longinquo viderent, ablegabant statim cum cymba aliquos qui illud explorarent. Erat autem nauis quādam ex *Iore*, hominesq; omnes ad Hollandorum aduentum eam reliquerant, beneficio *Canoes* euadentes. Est hisce Indianis perpetuum bellum cum Achienfisibus, ideoq; frequenter iuxta portum *Malacca* conspiciuntur, insidias Achienfisibus struentes. Decimo tertio Octobris aliam nauim videntes, cursum suum ad persequendum illam direxerunt, incedebat illa plenis velis, & secundo vento, itaque cum periculum esset, ne noctis beneficio elaberetur, placuit Lancestrio, vt Generalis Hollandorum, cum Præfecto Middeltonio, iter rectà ad nauim illam susciperent, ipse vero cum Philippo Graue de Sencion, & Celoe quam ab Hollandis emerat, in insidiis laterent, & iter ipsi præuerterent, vt licet Generalis manibus se subducerent Hispani, periculum tamen non euitarent, & alter alterum certo signo in auxilium vocarent. Erat nox illa admodum obscura & tenebrosa, itaque Generalis scapham suam cum aliquot armatis præmittebat, vt nauem istam in conspectu retinerent, qui cum eam assecuti essent, reuersi ad Generalem, referebant esse eam nauem Lusitanicam eximæ magnitudinis, neminem autem in ea ad interrogata respondere quicquam voluisse. Præceperat suis armatis Generalis, vt si interrogarentur quales naues adessent, responderent pertinere eas ad classē Andreæ Fortado, quem in finibus *Malacca*, *Sunda*, & *Moulucca*, subinde oberrare, & versari nouerat, negotiationes aliarum nationum impediturus. Lusitani interim cum nauī suā ad Generalem & Præfectum Middeltonium appropinquantes, nihil ad interrogata respondebant, sed tormenta statim displodere incipiebant, itaque Middeltonius accenso igne signum dabat Lancestrio, vt cum reliquis nauibus appropinquantes auxilium sibi præstarent. Dispositis igitur in ordinem tormentis, cum reliquæ etiam naues aduenirent, tanta tormento-

Generalis cū Lancestrio *Malaccam* versus nauigat.

Oppugnat nauem aliquam Lusitanicam.

rum disputatione Lusitanos oppugnabant, ut trucidatis non paucis, perforata naus aquam admittere inciperet. Cum igitur dies illucesceret, & in freto *Malacca* ad Insulam *Darrij* usque pugnautes progressi essent, deditio- nem facturum Lusitanorum Praefectus, scapha ad Lancestrii nauim aduectus est, egitque cum eo, ut Lusitani, qui adhuc in naui superessent, salui & incol- lumes dimitterentur, & naus exonerata bonis Praefecto Lusitanorum resti- tueretur.

*Naus Lusitanica
expugnata bonis
spoliatur.*

Sic igitur 14. Octobris Lusitani omnes ad naues Anglorum sunt tra- ducti. Cum vero omnes primarios viros esse, vel ex habitu & vestitu appa- reret, nihil ipsis mali illatum est, beneque cum vxoribus & liberis habiti sunt, Middeltonio & Generali Hollandorum ad hoc constitutis, ne quid ipsis iniqui accideret. Interea cum naus exoneraretur, conclaue Praefecti saluum relictum est, in quo mulieres quaedam cum ministris aliquot sese con- tinebant, similiter & Scribis, Pilotisq; & Marineris plerisque; supellex sua re- licta est, cum diligentes admodum in exoneranda naui sese ipsos exhibe- rent. Occupati autem in hoc negotio erant integrum octiduum, transfe- rentes ad naues Anglicanas 960. *Ferdes*, 80. cistas, & 40. *Cannestres*, praeter- ea & lintheamina varii coloris, vestimenta item & arma cum cibariis edulisi- que satis copiosis, corium vero, oryzam, oleum item & butyrum in naui re- linquentes, ne naues suas nimis oneraret. Ingens autem tempestas & pro- cella circa 20. Octobris, eos comprehendit, tanto cum impetu in eos fu- rens, ut cogerentur a naui ista Lusitanica desistere. Lusitanis igitur omnib. in suum locum iterum restitutis, nauim dimiserunt, qui summa cum laetitia abeuntes, gratias pro liberali tractatione, & declarata erga sese discretionem Anglis agebant. Praefectus equidem Lusitanicus strenue pugnando suis non defuerat partibus, ideoq; etiam honeste habitus est ab Anglis, & cum lau- de iterum dimissus. Gemmarum quidem & pecuniae parum in naui reper- tum est, numerabantur autem in ea Lusitanorum *Mesticos*, *Marineros*, in an- cipiorum, liberorum & mulierum 600. fere, omnes honesto & egregio ve- stitu suo quidem more induti. Tanta vero naus ista magnitudinis erat, ut 1400. vasa caperet, prora puppiq; proceritate & altitudine sua malum na- uis alicuius 200. onerum apud nostros aequante.

*Lusitani cum na-
ui sua iterum di-
mittuntur.*

*Colloquia inter
Hollandos & Lu-
sitanos.*

Habita sunt interea cum Lusitanis varia colloquia. Cumque interro- garent quae causa esset, quod Hollandi tam longinquum susciperent iter, respondebant ipsi, causam praeterquam Castiliae & Portugaliae Regi nemi- ni imputandam: cum enim tam iniquus sit, ut ad negotiationes exercendas admittere eos nolit, coactos inde Hollandos loca remotiora adire, & tam Orientalem quam Occidentalem percurrere Indiam, quemadmodum iam in China negotiationes dudum exercuissent, & fretum Magellanicum, Mardellur, & Philippinas & loca alia percurrissent. Mirabantur autem, quod nauibus Hollandi tam paruis respectu suarum nauium vterentur. Cumq; Generalis inter alia ipsis exponeret, quomodo in Insula *Celon* fuisset, ipseque relictis in portu regni *Matecalo* nauibus suis, ad regnum *Candy* terra profectus cum Rege *Fimala Darma Suri Ada*, qui Christiano nomi- ne Ioannes d' Austria dicitur, locutus fuisset, & 60. canestres cinnami, pi- perisque non parum cum multis gemmis & muneribus aliis, in signum amicitiae, ab eo accepisset, mirari id satis non poterant, videbaturque ipsis res non contemnenda, cum ob potentiam suam omnibus Lusitanis formi- dini esset.

*Reuertuntur in por-
tum ad Achiam.*

Post victoriam hanc cum *Achiam* versus cursum iterum reflecterent, mul- tas tempestates experti sunt, ob mutationem aeris tempore *Mossonii*, Aste- que-

quebantur autem portum 5. Nouembris. Cumque Carbasa, haud parum detrimenti à procellis acceperant, reparandis illis dies aliquot consumpserunt. Non erat ipsis animus diu ibi cōmorandi, cum parum vel nihil piperis & aromatum ibi tum haberetur, Angli licet septem ibi mensibus substitissent, & pecunia satis instructi essent, vix 50. onera piperis acquirere potuerant. Relicta igitur domo, quam nuper extruxerant, ad iter sese parabant, quemadmodum & Gallicarum nauium Præfectus *Le Berdeliore*, qui ne septem quidem onera habebat, Hollandi vero octo plus minus onera acceperant, soluentes pro quolibet *Baere*, hoc est, pro 380. libris Belgicis, 30. *Tapelas*, hoc est, totidem libras monetæ Belgicæ. Tria illa onera piperis, de quibus ad Londinum vsque ciuitatem vehendis cum Lancestrio conuenerat, ad naues eius traducebantur. Cumque omnia parata essent, soluentes inde 20. Nouembris die, versus portum *Malacca* iter & cursum suum direxerunt, quem *Queda* nominant. Cum autem ob ingentes tempestates eum assequi non possent, ad Insulas *Nicoubares* 23. Nouembris appulerunt. Incolæ harum Insularum, Gentes *de Mattos* à Lusitanis vocantur, suntque homines nulli fidentes, & quibus etiam parum fidei habendum, aduolarunt tamen statim multis nauigiis afferentes gallinas & mala aurea, quorum cum aliquam copiam permutando acquisiuisent, soluentes iterum, *Sumatram* versus contenderunt, sperantes fore, ut si Angli & Galli inde discessissent, aliquantulum adhuc piperis pro tolerabili precio ibi acquireret. 28. Nouemb. die cœpit ipsis quidē terra de *Sumatra* apparere, sed ppter nimiam procellarum ex freto *Malacca* prorumpentium vim, portum ciuitatis *Achien* assequi non poterant, itaq; cum cursum intendere non possent, hinc inde oberare in mari coacti sunt.

Tertio Decembris Insulam quandam è longinquo cōspexerunt. Cumque propter tempestates & cœlum nubilosum, eleuationem obseruare non possent, disputatio inter illos de nomine istius Insulæ exorta est, quæ quidē cōponi non poterat, donec ad eam appellentes viderent, Insulam eam esse quā *Nicoubars* vocant, mirabantur vero admodum, q; cum meridiem versus summo studio contendissent, procellarum & ventorum iniuria tam longe ad Septentrionem propulsi essent. Erat ipsis curæ, sinum aliquem, vbi recentem aquam haurirēt, petere, verum cum locus nullus sese ipsis offerret, decreuerunt iterum *Achiam* versus cursum reflectere, quo tandem superatis multis difficultatibus, cum vnica duntaxat anchora aduenerunt. Rex vt de aduentu Generalis certior factus esset, missa statim scapha, vt ad se veniret rogabat, qui 26. Decembris die cum muneribus quibusdam ad eum profectus, cum beneuolentiam suam re & verbis erga Hollandos declarare Regem cerneret, statuit ibi ad tempus subsistere, & bona sua ex naui in terram venum incolis exponere.

*Cogitur Achiam
ruffos petere.*

Primo Ianuarii Generalis iterum ad Regem profectus est, de Rege in *Candy* cum eo collocuturus. Referebat autem ei omnia, quæ inter se & Regem in *Candy* acta essent, imprimis autem quod hostis Lusitanorum esset accerrimus, quod ipsi quidem gratum & iucundum auditu fuisse, vel inde apparebat, quod legatum postmodo ad Regem in *Candy* mitteret; & dubium quidem non est, quin auxilium Rex in *Candy* ab hoc Rege in *Achien* aduersus Lusitanos sit accepturus. Donabat eum Generalis tormento æneo 300. librarum, thorace item ferreo & armis aliis, quæ omnia ipsi gratissima erant. Significabat autem ei Generalis, se mercatorem quidem nō esse, sed legatū Principis Mauriti, cuius rei testimonium essent literæ sigillo Principis munitæ, propterea etiam pecunia non esse instructum, quam

*Generalis de Rege
in Candy cum re-
ge in Achien ser-
monem instituit.*

propipere & aromatibus solueret. Interim tamen habere se in naui suam multas merces, utpote ferrum & linteamina varii coloris, quae ex naui Lusitanica acquisierant. Petebat igitur, ut si Rex eiusmodi mercibus delectaretur, daret sibi ducentos *Baeres* piperis, & merces illas in solutionem acciperet. Cumque placere Regi permutationem hanc animaduerneret, mensem sese vnum atque alterum ibi permanfurum pollicebatur.

Scapha cum pipere & quibusdam Hollandis submersa.

Septimo Ianuarii cum sex plus minus *Baeres* piperis à Rege accepissent, ingens tempestas subito exoritur scapham vndis oppletam suffocauit, perieruntque cum pipere isto nouem Hollandi, reliquis septem (fuerat enim 16. in scapha) periculum mirabiliter euadentibus, & in Insula *Gomerpoel* herbis sese & foliis arborum sustentantibus ad diem usque seprimum, quo ad naues iterum sunt reuersi. Eandem ferè fortunam experta est etiam scapha alterius nauis nempe Arietis. Cum enim 10. Ianuarii ad littus aliqui eius beneficio traducendi essent, vi fluctuum subito in eam insurgentium superata & subuersa est. Submersus est autem hoc casu chirurgus eius nauis solus, reliquis cum apprehensa scapha periculum euadentibus. Non parum hoc infortunio Generalis mouebatur, verum cum sciret nihil sine prouidentia Dei accidere nobis posse, ad patientiam sese componebat. Remittebant autem venti postmodum, ita ut sine periculo merces suas ad littus traducere & lucri exinde facere haud parum possent.

Naues duae Selandicae ad Achiam ciuitatem adueniunt.

Ceterum dum ita circa merces suas distrahendas occupati essent, appulerunt ad illum portum duae naues Selandicae, quarum altera *Vlissingen*, altera vero *Goes* dicebatur. Veniebant autem ex *Matecalo* in *Celon*, ubi reliquerant nauem tertiam *Zierieze* dictam, expectantem ibi Gubernatorem suum Sebal dum de Weert, qui ad Regem in *Candy*, à quo Generalem Hollandorum amicè acceptum fuisse in *Matecalo* audierat, se contulerat. Sub finem autem Ianuarii Nicolaus Petri Vlissingensis, & Lucas Iansonius Antwerpensis ab *Achien* versus *Galecutum* profecti sunt, exploratum qualis ibi negotiatio cum lucro exerceri posset. Erant hi duo ex societate Selandica, quae reparandis & purgandis nauibus suis, donec isti reuenteretur, operam dabat. Generali quidem Rex in litore domum inhabitandam detulerat, quae ab Anglis ex lapidibus extructa & aduersus incendium probè vndique communita, conclauibusque & cellulis, eleganter exornata erat, aulam quadratam non paruae capacitatis sibi coniunctam habens. Hanc domum Angli abeuntes, Regi donauerant, ut inde facile coniicere posses, reuerti ad hunc portum eos vix in animo habere. Itaque Generalis insignem quidem Principem Mauritium ei, dum ibi esset, affixum voluit. Interea & nauis tertia *Zierieze* ex *Matecalo* aduenit, cum Sebaldo de Weert, cui in regno *Candy* multum honoris & beneuolentiae exhibitum fuerat. Antequam autem ad Regem venisset, literas acceperat ab Erasmo Matisbergio, quem à Generali ibi relictum, Rex Secretarium suum fecerat, ex quibus didicerat quomodo sese ibi gerere & erga Regem exhibere deberet.

Sebald. de VVeert venit à Rege in Candy ad ciuitatem Achiam. Gionlefortus moritur.

Dum igitur in portu ad *Achiam* ciuitatem haerent, graui correptus morbo Iungerheltus, nauis alterius, quam Arietem vocabant, Praefectus die suum obiit. Mortuus vero est etiam 7. Martii Gionlefortus, qui Viceadmiralis in eadem naui antea fuerat, iam autem ab officio remotus erat, propter conspersionem aliquam, quam contra Generalem & communem utilitatem in populo molitus fuerat. Octauo autem Martii appulerunt ad portum hunc tres naues ex Hollandia, duae nimirum ex Amstelrodamo, quarum altera *Hollandia* dicta, Gubernatorem habebat Melchiorum Voglerum, altera vero *Accipenser*, Gubernatorem Nicolaum Simonem Michaellem. Tertia erat Sepes Hollandica ab Enchausen, Praefectum habens Iacobum Petri,

Petri, Gubernatores hiquamprimum aduenissent ad nauem *Zierieze*, Sebaldu de Weert salutatum sese traduci curabant: instructi enim erant li-
teris, quibus prædictus Sebaldu constitutus erat Viceadmiralis illarum na-
uium, quæ sub Admirali Widebrando Warwiccio negotiationes in Orien-
tali India exercebant. Hæc constitutio vt grata erat omnibus, ita maximè
etiam necessaria videbatur, cum trium Selandicarum nauium Præfecti æ-
qualem haberēt potestatem, atq; ita summò necessarium esset, superiorem
aliquem constitui, cuius auctoritati & arbitrio reliqui submitterentur.

*Sebaldu de Weert
constituitur Vice-
admiralis.*

Afferebant præterea nuncium secum de Hollandicæ Selandicæque so-
cietatum firmata confœderatione, itaq; Generalis Hollandorum, hoc nun-
cio accepto, constituit statim, vt imposterum quamdiu simul essent, vexil-
lum nullum explicarent, ingressus etiam nauem *Zierieze*, vbi Viceadmi-
ralem cum vniuerso Senatu militari congregatum sciebat, obtulit eis suam
& suorum operam, si forsitan ea opus haberent, quod ipsis omnibus gratum
& acceptum accidit. Sed & mercès & pecuniam suam ipsis obtulit, vt ita
causa omnis maiori precio coemendi pipëris euitaretur, illud solummodo
expetens, vt sibi naues suas præ cæteris onerare & piper coemere liceret.
Cum primus in portu isto fuisset, & à Rege etiam promissionem illam acce-
pisset, quod præ aliis quicunque etiam aduenturi essent, piper accipere de-
beret; Respondit Viceadmiralis, se de petitione hac in Senatu deliberatu-
rum. Interea vero Generalis omnia parauit vt prima occasione inde solue-
ret, relicturus ibi *Arietem*, nauem scilicet alteram & Cornelium Speccium
cum mandato, vt omnia probe curaret, & primam quamq; pipëris vecturam
acciperet.

*Generalis offert
suam operam con-
fœderatis Selandis.*

Accidit autem, vt 23. Martii Viceadmiralis Generalem interrogaret,
an *Arietem*, prædictam nauem confœderatis vendere velleret: dicebat enim
constituisse se propediem inde cum omnibus nauibus soluere, quo facto fu-
turum, vt naus ista sola ibi relicta haud parum experiretur à Lusitanis peri-
culi, cum præsertim sufficientibus ministris instructa non esset, & ad septi-
mum vsque mensem ibi adhuc subsistere cogeretur, donec vecturam suam
acciperet. Generalis igitur re deliberata, tandem 25. Martii respondit, se
nauem istam venditurum, si honesta & æqua conditione id fieri posset, in-
ita enim ratione, depræhenderat nauem istam vix sedecim adhuc mensibus
itineris sui cursum absoluere posse, & vero adhuc 1200. libras plus minus re-
quirere, sed & 300. libris opus habere pro victu & sustentatione, si in portu
ad *Achiam* ciuitatem septem vel octo mensibus ipsi hærendum esset, do-
mum vero reuersam vix tantum precii refundere posse. Exoneratam igitur
& euacuatam prius omnibus rebus, quæ ad sustentationem & munitionem
pertinent, nempe cibariis & armis, omnibusq; mercibus aliis, pro 325. libris
eam tandem Viceadmirali cōcessit. Sed & 24. onera pipëris in gratiam Ge-
neralis sese prima occasione empturum, & cum Præfecto Cornelio Speccio
gratis domum transmissurum Viceadmiralis promittebat. Cumq; conue-
nisset inter eos, quod non maioris pipëris emere quam 12. *Tapelis* vellent, nisi
forsitan extrema id necessitate postulante, & quidem cum communi Con-
fœderatorum consensu, consultum iudicarunt, Regem coniunctim acce-
dere, eiq; significare, quod licet Cornelius Speccius domum eam, quam Ge-
neralis à Rege acceperat, inhabitaret, reliqui vero quos Viceadmiralis ibi
relicturus esset, in Belgarum diuersorio sese continerent, ad vnicam tamen
societatem omnes pertinerent, nec quemadmodum edibus, ita etiam com-
mercio disiuncti essent, fecissent enim hoc, vt ab incēdiorum periculo mer-
ces suas eo melius conseruarent atq; vindicarent.

*Generalis Arietē
nauem suam ven-
dit.*

Generalis Regi in
Achien valedicit.

Contractus hic ex re vtriusq; partis erat, nam Generalis quidem com-
meatu & populo ex hac naui in suam translato, vires suas mirificè confir-
mabat. Viceadmiralis vero, quæ maioribus suis non posset, hac mediocri
naui facile aditurum sese loca & multum profecturum sperabat. 30. igitur
Martii Generalis cum Viceadmirali & Præfectis aliis ad Regem profecti
sunt, vt & valedicerent ei, & quos ibi relicturi erant ministros siue procura-
tores commendarent. Rex eos amicè & honorificè accepit, donatosq; cer-
tis muneribus dimisit, constituerat quidem eleganti gladio & poculo au-
reo Generalem donare, sed cum ea nondum perfecta essent, tempus vero
non pateretur eum diutius ibi commorari, donauit ei Rex inter alia duo-
decim *Baeres* optimi piperis, & honorificè eum à se dimisit. Cum igitur o-
mnem non solum beneuolentiam, sed & immunitatem & libertatem bona
sua ex nauibus ad littus, & inde ad naues iterum absque vlllo telonio transfe-
rendi Generalis ibi expertus esset, bona Hollados spes habuit fore, vt quic-
quid vellent, in posterum apud hunc Regem faciliè obtinerent.

Generalis ex portu
Achien si soluens
Procuratorem ibi
aliquè relinquit.

Rebus igitur omnibus perfectis, cum Cornelio, qui vnà cum Iulio Mi-
chaele & duobus ministris in *Achien* mansurus erat, imperasset, vt non so-
lum conuehendis illis 24. piperis oneribus, sed & mercibus, quæ adhuc su-
peressent, cum lucro distrahendis, & pecuniæ benè collocandæ studeret,
tertio tandem Aprilis ex portu illo soluentes abierunt, relinquentes ibi Lu-
sitanos quosdam, qui pro honesta rémuneracione salui conductus literas à
Generali acceperant, metuentes nimirum sibi ab Hollandis, cum ne maxi-
ma quidem naus, quæ à S. Thoma versus *Malaccam* contenderet, periculum
euadere potuisset. Ceterum Generalis quidem Bantamum versus iter suum
direxit. At vero Viceadmiralis Sebaldus de Weert, qui ducebat secū septem
naues, cum Generali aliquot anchoris camelisq; siue funibus subuenisset,
multa tórmentorum dispoſitione ipsi valedicens, Insulam *Celon* petiit.

Generalis iter suū
versus Bantamū
dirigit.

A quarto igitur Aprilis ad vigesimum vsque secundo vento vtentes, iu-
xta littus *Sumatra*, nauigarunt, lineam *Æquinoctialem* quinta iam in hoc i-
tinere vice superantes. Sunt in hoc littore multi sinus multique anfractus
& multæ Insulæ. Cum vero nec *Pimiamerum* nec *Ticos*, vbi libenter appu-
lissent, inuenire Generalis posset, cursum suum ad fretum *Sunday* dirigi ius-
sit, in quo duæ admodum eleuatæ cernuntur Insulæ, ad quarum alteram
Sebely nomine, aqua dulci multisq; arboribus & apris refertam appulit. In-
terim ventus ingens exortus ad 25. Aprilis diem eos ibi detinuit, quo ad cō-
tinentem *Iaua* delati sunt, vbi cum cibis recentioribus coemendis studerēt,
de nouem nauibus Germanis ad *Bantamum* hærentibus certiores facti sunt,
videntes simul etiam cymbam aliquam, qua Germanorum aliqui vehebantur,
qui ad nauem tamen Generalis appropinquare, quod Lusitanos in ea
esse metuerent, recusarunt.

Generalis Banta-
mum aduenit.

Superatis igitur tandē multis laborib. 27. April. ad *Bantamum* appulerūt,
inuenientes ibi Admiralem Widebrandum Warwiccium, cum nouem v-
nitarum societatum nauibus, qui simul atque de Generalis aduentu certior
factus esset, ablegato Petro quodam Cornelio, vt ad sese veniret, eum roga-
uit, morbo enim correptus in Insula *Dovo Poelo* decumbebat, vt ipsemet
eum accedere non posset. Abest hæc Insula à *Bantamo* exiguo miliari, quo cū
Generalis aduenisset, literasq; aliquot à Viceadmirali Sebaldus de Weert,
Admirali obtulisset, amicè ab eo exceptus, atq; post multa de nauib. sociis,
quæ cum Sebaldus de Weert, *Celon* Insulam petierant, colloquia, honorificè
iterum dimissus est. Sequenti die cum inuitatus iterum ad Admiralem ve-
nisset, ibique omnes prædictarum nauium Gubernatores congregatos in-
uenisset,

uenisset, rogauit eum Admiralis, vt si vestimentorū & lintheaminum, quæ ex superata naui Lusitanica acquisiuerat, aliquid adhuc in naui sua reliquum haberet, nemini id præterquam sibi venderet, Generalis id se facturum stipulata manu ei promissit.

Postero die, 29, nempe Aprilis, Generalis ad littus ciuitatis *Bantami* profectus est, vt Anglos ibi negotiationem suam exercentes saluaret & compelleret, qui gratum sibi eius aduentum esse multis verbis testabantur, rogabant autem idem, quod Admiralis antea, nempe vt lintheamina Indica, quæ haberet, sibi venderet; verum Generalis modestè se excusans, omnia Admiralii iam diuendita esse, nec posse se contractū illum rescindere dicebat. Veniebat autem interea *Sabander* ex ciuitate, eum salutatum, monebatque, vt si piperis coemendi gratia aduenisset, *Roby, Roby, Byle, Byliken*, hoc est, telonium & vectigal, more consueto solueret. At ille nauem suam mercibus iam satis oneratam esse dicebat, appulisse vero ad ciuitatem hanc socios aliquos quæsitum, quos in patriam rediturus comites itineris haberet, quod si igitur telonii quid sibi adhuc deberetur, compellare eum Admiralem Warwiccium iubebat, ad cuius societatem ipse quoque pertineret.

Generalis urbem Bantamum ingreditur.

Cæterum cum Sympatriotis suis melius quam Anglis faueret, Generalis vendidit 5. Iunii die lintheamina & vestimenta sua Indica prædicto Admirali Warwiccio 16400. dimidiis Philippicis, hac tamen conditione, vt quantum piperis naui sua capere posset, ei traderet, & rerum necessariorum defectum, accepto tolerabili precio, suppleret. Quo facto, initium coemendi piperis à procuratore Admiralis factum est, soluente pro singulis faccis 60. librarum, quinque dimidios Philippicos. Soluentes autem ex portu isto naues duæ *Chinam* versus abierunt. Cumq; *Cornelius Iansonius Nennip* ciuis Enchusianus, qui navigationis huius cursum ad 27. vsque diem annotauerat, morbo quodam corripereetur, præter omnium expectationem 15. Iunii die vitam cum morte commutauit.

Generalis vendit Admirali lintheamina sua Indica.

Appulerunt aut porro ad portum *Bantami* 20. Iunii die, Admiralis Iacob. Hemskirchius cum naui sua, cui *Candido Leoni* nomen est, & Viceadmiralis eius Ioannes Pandlus cum naui quæ vocatur *Alcmaer*, adducentes secum eximia magnitudinis nauem Lusitanicam, quæ ex *Macan* Chinæ veniens *Malaccam* petere voluerat. Hanc nauem expectarant non procul à *Torre*, vbi in manus eorum post conflictum & pugnam satis vehementem tandem incidit. Erat ea eupro, alumine, serico & auro rudis, multisq; rebus aliis pretiosissimis onerata, ita vt septuagies cetera millia florenorum excedere putaretur. Mirabantur autem Lusitani non parum prudentiam Admiralis Hemskirchii, qua in oppugnanda & superanda naui sua usus esset. Percipiebat igitur Generalis insignem ex hac victoria lætitiā, præsertim cum intelligeret simul ex illis, quomodo Selandi ad Sanctam Helenam, & Angli etiam iuxta *Lixs* fluuium naues aliquot Lusitanicas exsuperassent. Non minori autem voluptate afficiebatur Hemskirchius Admiralis, audiens quomodo Generalis ad *Matecalo* in *Celon* Lusitanis trirēmes aliquot eripuisset, & particeps etiam fuisset expugnatae nauis illius Lusitanicæ, quæ à S. Thoma *Malaccam* versus nauigare voluerat. Erant hæc omnia cunctis auditu iucunda, cum honestius esse, vi aperta Lusitanos aggredi & adotiri, quam ipsis blandiri & inimicitiam quam corde premunt verbis dissimulare, omnes putarent.

Iacobus Hemskirchius nauem Lusitanicā expugnat.

Cæterum cum viderent Iauani, augeri quotidie nauium in portu ad *Bantamum* numerum, nolebant amplius eo quo cœperant precio piper suum vendere, existimantes fore, vt, velut ante hæc tempora factum, alter alterum

Generalis nauem suam Agnum ditum ab Anglis redimit.

urgendo,

urgendo, quo citius vecturam suam acciperet, plus pecuniæ se numeraturum diceret. Verum cum Iauani precium mutare & augere vellent, cessabant procuratores vnitarum nauium, & ab emendo plane abstinebant, donec ad constitutum primo precium iterum descenderent. Generalis igitur videns tolerabili precio piper iam coemi posse, *Agnum* nauem suam, Anglis, vt supra dictum est, diuenditam, iterum redemit, reparatamq; octingentis fassis piperis oneravit.

Generalis nunciū
accipit de Sebaldō
de VVeert à Rege
in Candy interfecto.

Dum hæc ibi agerentur, appulit 13. Augusti die ad portum *Bantami* nauis quædam Selandica, quam *Goes* siue Anserem vocant. Eius Gubernator *Petrus Ianson Soet*, triste admodum nuncium ex Insula *Celon* afferens, dicebat, Viceadmiralem Sebaldū de Weert vna cum 50. plus minus personis in *Matecalo* à Rege in *Candy* miserabiliter interfectū esse. Stupebant ad hanc relationem omnes, maximè vero Generalis, qui aliquoties Rege isto conuersatus, & summam beneuolentiam ab eo non solum, sed & ab omnibus eius subditis expertus fuerat: quærebat igitur ex Gubernatore, quid causæ Regem ad tam crudele facinus impulerit? Qui respōdebat, existimare sese causam huius facti hanc fuisse, quod quatuor naues Lusitanicas, quas expugnauerat Sebaldus, cum omni populo saluas & incolumes dimiserit; cum tamen *Modeliar Emanuel Dios* ipsemet in *Matecalo* fuisset, petiissetq; Lusitanos & Mesticos aliquot ad Regem transmitti, quod obtinere tamē non potuerat. Addebat porrò Gubernator ille, Reinerum Iansonium, quem Generalis apud Regem reliquerat, datis ad Viceadmiralē literis, eum monuisse, vt si gratiam Regis conseruare vellet, Lusitanos ante aduentum eius non dimitteret. Rex enim accepto de expugnatione nauium Lusitanicarum nuncio, iter ipsemet ingressus erat, in *Matecalo* Lusitanos aliquos sese reperiaturum sperans. At vero Viceadmiralis accepto de aduentu Regis nuncio, Lusitanos omnes cum nauibus suis dimisit. Ira igitur accensus Rex, sinistri aliquid alere Viceadmiralem, & Lusitanorum vti quidem profiteretur, verū hostem non esse suspicari cœpit.

Rex in Candy vēr-
rus Lusitanorum
hostis est.

Rex ille Lusitanis planè nullam fidem habet, semperq; insidias sibi strui existimat, si cum Lusitanis amicè agatur, idque inde factum quod apud Iesuitas in *Goa* & *Columbo* educatus, multa perfidiæ ipsorum exempla obseruarit. Cum igitur in *Matecalo* esset, Viceadmiralis splendide admodum cum trecentorum armatorum comitatu obuiam ei processit, petens vt nauem suam ascendere dignaretur. At ille quasi ægrè ferens tot armatos in terram suam procedere, iussit eum populum suum ad naues iterum remittere, esse enim de quo secretò cum eo agat. Viceadmiralis igitur maxima populi sui parte dimissa, cum aliquot tantum Præfectos tubicines & ministros alios secum haberet, cœpit iterum rogare, vt ad nauem suam Rex procederet, Rex vero postulabat, vt cum nauibus suis versus promōtorium seu *Poincto di Gallo* pergeret, & se in expugnando *Poincto* illo iuaret: constituisse enim sese exercitum suum terra eo ducere, & promontoriū illud expugnare. Viceadmiralis operam quidem suam ei offerebat, rogabat tamen vt nauem suam prius conscenderet. Cumq; id se facturum Rex recusaret, respōdit ille, siquidem Rex nauem meam aspernetur, operam ipsi etiam meam in expugnando *Poincto di Gallo* denegatam sciat. Quo audito Rex ira accensus, *Matta esto can*, inquit, & statim horrenda illa cædes secuta est.

Generalis dolet
suorum amicorum
interitum.

Et hæc quidem tragœdiæ istius summa est, quæ Generalem quidem ingenti affecit mœrore, qui dolebat non tantum ob interitum tot præstantissimorum amicorum, sed & propterea quod metueret, interruptam esse hoc inopinato casu amicitiam, quam cum Rege illo cōtraxerat, à quo literas ad Princi-

Principem Mauritium & vnitarum Prouinciarum ordines acceperat, quibus auxilium contra hostes suos Lusitanos ab Ordinibus Rex petierat, quos ipse vero odio persequitur, vt ex multis argumentis colligere difficile non fuit. Compræhenderat Generalis quoque dum in portu ad *Matecalo* hæret naues aliquot Lusitanicas, easq; Regi donauerat, accipiebatq; *Modeliar* tum quorquot Lusitanos, & *Mesticos* expetebat, qui ad Regem cum optimis, quæ in nauibus reperiebantur, armis delati sunt. Sed & decedens ex *Matecalo* triremem nouam multa *Arecca* oneratam igne cremauit, vt *Singales* viderent verè eum Lusitanorum hostem esse. Quod si igitur Viceadmiralis ille idem fecisset, infortunium hoc omne euitasset.

Sed hæc hætenus de Viceadmirali isto. Porro 28. Augusti Generalis ex portu Bantami soluens abiit cum nauibus duabus aliis, quarum altera *Concordia* dicebatur, & Præfectum habebat *Ioannem Mermannum*, altera *Potentia* ab *Enchausen*, Præfectum habens *Arnoldum di Valee*. Comitabatur autem abeuntem Admiralis Warwicius, cum Celoce cui nomen est *Roterodamo*. Cumque quinque plus minus miliaribus à *Bantamo* abessent, accipiebat Generalis ex Celoce illa circiter 1200. saccos piperis, quos in portu nauis suæ imponere noluerat, ne cogeretur telonium vel vestigal mille & quingentorum dimidiorum Philippicorum pro qualibet nauis persolvere. Isti loci Admiralis etiam rationes cum Generali conferens, pollicitus ei est, quod quatuor millia dimidiorum Philippicorum pro pipere adhuc soluere, & nauem, quæ *Mauritius* vocatur, eo onerare vellet, offerens ei pro residuo quod Generali adhuc debebatur, literas Collybi, continentes summam 5625. dimidiorum Philippicorum, quos domum reuersus à Principalibus seu Curatoribus Indicarum nauigationum acciperet.

Sic igitur tandem Generalis post infinitos labores & pericula plenariam vecturam pro duabus suis nauibus, quæ vocantur *Ouis* & *Agnus*, nempe 5500. saccos piperis, Gemmarum item, Cinnami siue *Cassia*, Serici, Macis, *Indigo*, qui color est cæruleus preciosissimus & nucum myristicarum haud exiguam copiam diuina fauente gratia accepit. Antequam autem abiret, proponebat Admiralī deliberandum, an vellet merces illas ad se recipere, & sua nauis suisq; sumptibus in Belgium deuehere, hoc enim si facturus esset, constituisse se dicebat cursum suum *Chinam* & *Iappaniam* versus dirigere, & postea per Septentrionem domum redire. Cum igitur Admiralis hoc facere recusaret, ipsique auctor esset, vt, cum mercibus adeo iam abundaret, vt necesse haberet 2500. saccos piperis alteri cuidam in Belgium deferendos committere, cursum suum in Septentrionem non conuerteret, sed recta domum contenderet, itaque secuturum sese eius consilium pollicitus Generalis, bona cum gratia 30. Augusti die à populo *Pinion* soluit & iter suum domum versus direxit.

Manferunt autem in portu *Bantami* quinque adhuc confœderatarum nauium, & Admiralis Hemskirchius cum tribus nauibus. Comites autem Generalis erant *Concordia* & *Potentia* ab *Enchausen*, naues nimirum duæ, vt ita quatuor simul soluentes inde discederent. Ex his quatuor nauibus Generalis primo mense vexillum præferebat, secundo mense *Concordia*, & sic consequenter donec in patriam redirent. Sub vespèram autem primi diei ad continentem *Sumatra* appulerunt, vbi cum diès aliquot conuehendis aquis attribuisent, quarto Septembris die, explicatis iterum velis, progressi sunt, ad octauum Nouembris vsque, quo Caput bonæ Spei 34. gradibus versus Septentrionem à se abesse deprehenderunt. 26. autem Nouembris die omnes quatuor naues in portu Sanctæ Helenæ conuenerunt. Cūque recreandis

Generalis ex portu
Bantami soluit.

Generalis accepta
plenaria vectura
Admirali valedi-
cit.

Generalis in comi-
tatu duarū aliarū
nauium domum
repetit.

corporibus ibi per dies aliquot studerent, venit ad eos 29. Nouembris mercator quidam, *Guilhelmus ab Hagen* nomine, cum naui non admodum magna, quam *Venatorem* vocabat. Is mense Martio ex portu Bantami soluiffe se dicebat, quod omnibus quidem mirum auditu fuit. Non audebat autem cum naui sua Caput bonæ Spei contingere, cum à procellis & fluctibus admodum læsa esset, itaque Insulam, quæ *Mauritius* vocatur, se petiturum, ibique, quod supererat hyemis, quatuor nempe menses integros, reparandæ naui daturum dicebat.

Generalis continuato itinere domum tandem saluus reuertitur.

Ex portu Helenæ 29. Decembris iterum soluentes 6. Ianuarii Anno 1604. ad Insulam *Trinidado*, quæ octo gradibus Austrum versus ab Æquinoctiali linea distat, peruenerunt, superantes lineam ipsam 14. Ianuarii, quod quidem sexta iam vice in hac nauigatione factum esse, ex illis, quæ hætenus annotata sunt, constat. Primo Martii, cum affecuti essent eleuationem 49. graduum, venit ad eos nauta quidam Lubecensis, qui per procellas & tempestates maximas malum & carbasa amiserat. Primus autem omnium Generali triste illud de obitu Serenissimæ & Potentissimæ Elisabethæ Angliæ Reginæ nuncium afferebat. Octauo Martii ventorum iniuria in Angliam reiecti, ad Londinum ciuitatem applicarunt, indeq; post dies aliquot iterum soluentes, tandem 24. Martii die ad Vlissingensis ciuitatis portum appulerunt, gratias agentes Deo Opt. Max. quod post tot pericula in patriam eos tandem reduxisset incolumes, eratq; eorum aduentus omnibus longe gratissimus, quod ex frequenti ciuium concursu & congratulatione omnium colligere difficile non fuit.

F I N I S.

NAVI.



NAVIGATIONIS EX ALEPO AD REGNUM PEGVI

VSQVE, NOVM CONTINVIS ANNIS

à Casparo Balby & aliis absolutæ
descriptio.

CAPVT I.

*Cur non mentio hic quoque fiat itineris ex Venetiarum vrbe,
Alepum vsque, & totius operis distributio.*



Quod ut iter, quod ex Venetiis Alepum ducit, tritum satis & nemini ignotum sit, superuacaneum fuerit eius rationem hic percensere. At vero cum multi quotidie repellantur, qui ex Venetiis Alepum versus nauigationem suscipiant, operæ precium fecerit, qui itineris, quod ex ciuitate Alepo per Babyloniam versus Indiam Orientalem ad Pegu vsque ducit, rationem breuiter exposuerit. Quod ut hoc quidem Tractatu fiat comodius, ad decem præcipua capita, ceu partes libri, Lectori erit attendendum. Principio enim obseruabit, quo itinere Alepo Babyloniam, deinde quomodo Balsaram, tertio, quomodo ad Ormy, quarto quomodo ad Diu, quinto ad Chianul, sexto ad Goa, septimo ad Cocchi, octauo ad S. Thomam, nono ad Pegu, & tandem ad Martabam, sit nauigandum.

Decem huius operis partes.

CAPVT II.

De itinere quod Alepo Babyloniam ducit.



Vt itineris ratio, quod Alepo Babyloniam ducit, rectè describatur, sciendum est, mercatores quosdam 13. Decembris Anno 1579. Alepi congregatos, cum iter illud ingredi velent, mercibus suis camelis & mulis impositis, equos suos conscendisse, & vespere in loco quodam diuertisse, qui Bebe vocatur, sequenti die summo diluculo iter iterum ingressi venerunt vespere ad Saguir locum reficiendis viribus admodum conuenientem, ubi cum per noctem illam mansissent, egressi tertio die, Albiram ciuitatem sub vespere assecuti sunt. Ingressi autem ibi nauem, superato Euphrate ad urbem contendebant. Cumq; intelligerent loca ista pyratibus & latronibus abundare, nec tutum esse ibi pernoctare, absque vlla mora merces suas, à multis adiuti, quos ad hanc operam peculiariter conduxerant, ad nauem transferebant, & ad sinistram ciuitatis latus se traduci curabant, appellentes ad ædes cuiusdã, qui dicebatur Mustafa, & nauis istius Dominus erat, de-

Bebe.

Saguir.

Albir.

Quo loco Euphratem conscendere mercatores soleant.

bebatq; eos porrò ad locum quendam *Fellugia*, vnius diei itinere à Babylonia distantem traducere. Cum autem ad ædes *Mustafa* venissent, obducebant nauem illam totam velamine siue stragulo, quod in hunc vsum Alepi parare curauerant. Cumque quintus Ianuarii esset, & ipsi propter intensissimū frigus continere se in naui non possent, conducebant quatuor vigiles, qui die nocteq; in naui manentes curam eius agerent, ipsi autem manebant in ædibus *Mustafa*, qui omnem ipsis beneuolentiam exhibebat, excogitatis variis mediis, quibus melancholiam ipsis adimeret, quam ex metu latronum superioribus diebus contraxerant, idque neque iniuria, paulo enim ante eorum aduentum pyratæ, *Caravana* seu naui serico onerata direpta, tres mercatores, duobus grauissimè vulneratis, interfecerant.

Munera qua *Sangiaccio* eiui ministris in *Albir* sunt offerenda.

Die huius mensis 15. mercibus & cibariis suis naui *Mustafa* impositis, ad *Sangiaccio* ciuitatis *Albir* sese conferebant, offerentes ei munera sua, nempe quatuor ex saccharo paratos panes, quatuor cereos constantes singuli *Saia* vno, quod est moneta, libram Venetam, vel apud nos duodecim cruciatos valens, & aliquot globulos saponis siue smegmatis Alepici. Sed & *Cacagia* prædicti *Sangiaccio* famulus panem ex saccharo confectum vnum, cereos duos & smegmatis parum accipiebat. *Emin* vero, qui ad telonium istius loci sedet, vno pane ex saccharo & saponis paululo donabatur. Tamen si autem frigus ipsis nō parum molestum esset, illudq; cum multa niue indies augeretur, cogebantur tamen ibi hucusq; cōmorari & naues, quarum aliquæ ad societatem suam pertinentes adhuc venturæ dicebantur, expectare.

Nauium quibus in Euphrate curritur descriptio.

Naues hoc loco vnitæ alia à nostris forma constructæ sunt: constant enim duplici fundo ex asseribus, eo fine constrato, ne ex impulsu fluctuum facile mergantur, fundo huic corbes imponuntur, cooperiunturq; postmodum asseribus, ita dispositis, vt alter alteri duorum digitorum latitudine immineat, rimulas autem, quas vel musco vel stupa lini obturare nostri solent, ipsi gypso oblinunt, vsum mali ignorant, prora instar Venetarum scapharum acuminata est, aliquanto tamen plus eleuata, puppis vero incuruata est figuram rotundi Delphini præsentans. Huic clauis loco annexū est lignum tres passus longum, cuius extremitati segmentum aliquod asseris affixum est, & hoc quidem ligno nauem modo in dextrum modo in sinistrum ducere latūs possunt, Patrono siue Gubernatore in medio naui constituto, & lignum illud ad placitum suum mouente. Naues autem singulæ trabes habent siue transra duo, alterum in anteriori, alterum vero in posteriori parte, duplici fine constrata, nempe, vt & naues firmiter contineant, & remigibus inferuiant. Sedentes enim, vt in triremibus fieri apud nos solet, remos, qui ligna tantū oblonga sunt segmentum asseris extremitati affixum habentia, trahunt.

Ab *Albir* ciuitate soluentes iter iterū ingrediuntur.

Cæterum cum naues, quas expectarant, aduenissent, ipsique vestigal siue tributum, pro singulis nempe nauibus, 19. Venetos more ibi vnitato soluisent, conduxerunt pro sua naui quatuor ministros remiges, quorum auxilio ad ciuitatem *Anna* perducerentur, numerantes singulis tres Venetos. Soluentes igitur circa meridiem ab *Albir* ciuitate, parum promouebant, vix enim pagum *Cassera*, qui in dextro Euphratis latere non procul ab *Albir* ciuitate abest, attingere poterant. Sequenti 16. Ianuarii die iter iterum ingressi vespere ad pagum *Maxara* delati sunt, qui in sinistro fluminis latere alteri cuidam oppositus est, qui *Cerchis* vocatur. Cogebantur autem ibi subsistere & tres ex societate sua naues expectare, quæ cum nimio onere grauata essent, fundo adhærentes progredi non poterant, donec allata ex *Albir* ciuitate naui adhuc alia, pondere suo aliquantulum leuarentur.

Octauo igitur tandem die post aduentantes non solum multis modis deformatae erant, sed & altera ad saxum illisa tantum aquae hauerat, ut omnes reliquarum etiam nauium ministri totam noctem hauriendis & extrahendis ex ea aquis insumere cogerentur. Interea dum reparandis nauibus studerent, aduenerunt adhuc duae naues plumbo oneratae, Babyloniam similiter petiturae, coemerat enim plumbum illud in *Albir* ciuitate *Chiaus* quidam, eo ad munitionem vsurus. Ut vitet autem quilibet periculum, quod a saxis & lignorum impedimentis, quae abscondita in Euphrate latet, nauibus imminet, operam dabit sedulo, ne nimio naues suas onere grauet prematque.

Ceterum moram hoc in loco nectabant ad vndecimum vsque diem, quo soluentes iterum ad *Tolle vivi* sub vesperam delati sunt, vbi cum naues quatuor in fundo consedisent, ad meridiem vsque sequentis diei commorandum ipsis fuit, donec magno cum labore & periculo inde dimouerentur, progressi autem eodem die ad *Metao Lantache*, pagum in dextro fluminis latere situm, requiebant ibi per noctem. Sequenti vero die iterum progressi, ad desolatum quoddam castellum, *Caltatelnegjur* nomine, vesperi appulerunt. Postero die depugnandum ipsis semel atque iterum cum Arabibus fuit. Quidam enim ex nauium altera in terram descendentes inciderant in Arabes, fuissentque proculdubio ab eis in captiuitatem abducti, nisi qui in reliquis nauibus, sclopis, arcubusque & armis aliis instructi erant, auxilio ipsis venissent. Delati autem sub vesperam ad *Zoxeniafir* pagum, totam noctem armati vigilabant, metuentes, ne forte ab Arabibus, qui ex rapinis viuunt, opprimerentur. Altera die pagum *Miserafi* in dextro fluminis latere situm assequiebantur, vbi non tantum ob frigus maximum, sed & ob metum latronum, a quibus castellum *Beles* e regione situm, raro vacuum reperitur, parum quiescere poterant.

Vt illuxit autem dies, iter iterum ingressi *Blis* pagum in sinistro latere situm attigerunt, tractum illum a saxis & lignis adeo periculosum depræhendentes, ut licet merces suas, per naues variè distribueret, aquam tamen omnes haurirent. Subsistere igitur ibi vno atque altero die cogebantur. Reparatis autem iterum nauibus, vesperi ad *Meliolçura* appulerunt, vna ex nauibus, quae ad radicem arboris cuiusdam illisa cum bonis omnibus submersa fuerat, post se relicta. Verebantur aliqui fore, ut cogerentur bonorum aliquid in suas naues recipere, ne igitur maiori quam ferundo essent onere grauerentur, cum duabus nauibus statim discesserunt, reliqui vero cum quatuor nauibus ibi remanserunt, daturi operam ut bonorum aliquid saluarent. Ad erant autem statim latrones bona illa abrepturi, verum mercatores sclopis suis in fugam eos coniecerunt, qui partem etiam bonorum in nauculam, quam vacuum secum haecenus duxerant, exponebant, nauemque ingenti conatu ex vndis protractam aliquo modo reparabant, integrum diem ibi subsistentes. Cumque postero die modicum illud quod ex naufragio recuperauerant; nauis iterum imposuissent, progressi ad *Chalagiabar* in sinistro fluminis latere, sequenti vespera ad *Elaman*, & iterum sequenti ad *Suriech* appulerunt, castello *Belesurie* post tergum relicto.

Die 25. Ianuarii continuato itinere ad *Raccha* in sinistro fluminis latere appulerunt. Locus hic eleganti castello conspicuus est, quod *Sangiaco* quidam Turcicus inhabitat, qui missis aliquot ministris interrogabat, an pannorum laneorum aliquid in nauibus haberent. Negabant mercatores, at illi funiculis, quibus conglobata mercatorum bona erant, vi dissectis atque disruptis, inquirere non cessabant, donec quatuor pannos coccino preciosissimo

limo tinctos inuenirent. Hos *Sangiaccio* oblatos, ipse diffecari statim curabat, referens mercatoribus se praesentem ipsis pecuniam pro illis numeraturum. Sequenti autem die Aethiopes aliquot in naues vi summa irruentes, imperare *Sangiaccio* dicebant, ut quincuncem pro singulis mercibus vestigalis nomine persoluerent. Erat hoc iniquum postulatum, nam pro integra naui, quicquid etiam mercium in ea sit, praeter octodecim *Saie* alias non numerant, itaque commotus tandem precibus & intercessione quorundam mercatorum Turcicorum, de proposito suo remisit, pro pannis tamen nihil persoluit, itaque ut damnum maius vitarent, iacturam istam dissimulantes, cum praesertim inter peregrinos agerent, neminemque a suis partibus ibi haberent, progrediebantur, pernoctantes vesperi in *Elamora* pago ad dextrum fluminis latus sito, sequenti vespera ad *Aman* appulerunt, inde sequenti ad *Avagia Abulena*, & iterum sequenti ad *Casabi*, qui pagus in dextro fluminis latere situs est.

*Elamora.**Aman.**Avagia Abulena.**Casabi.*

Sequenti die, qui primus Februarii erat, postquam horas tres nauigando consumpsissent, aperiebat sese ipsis castellum quoddam desolatum cum ciuitate *Celebi*, quae in dextra fluminis ripa raris habitatur incolis. E regione ab altera parte fluminis cernebatur castellum itidem desolatum alterum, quod *Zebebe* vocant. Paulo autem ante vesperam nauigandum ipsis erat subter montem altissimum, cuius extremitas adeo supra fluuium propendebat, ut iam iam corruere videretur, & sine horrore maximoque metu aspicere non posset. Erant ibi in maximo metu: nam non solum rupes & scopuli ruinam minabantur, sed & multa in flumine saxa deprehendebantur, a quibus damnum contrahere naues facile potuissent. Itaque cum nox iam iam immineret, cernebanturque in sinistra fluminis ripa latrones passim plurimi, morte illo vix superato, pernoctare in dextro latere statuebant, ubi monti huic nomen *Elterostrovil* esse cognouerunt.

*Celebi.**Zebebe.**Elterostrovil.**Dismontate.*

Secundo Februar. venerunt circa metidiem ad locum admodum lapidosum, quem *Dismontate* vocant: tanta enim copia, qui a monte decidere solent, subinde lapides ibi confluxerant, ut vel ad 20. cubitus ascendisse aquae viderentur. Fusis igitur ad Deum precibus, cum aliter non possent, progrediendum tandem censebant, ubi diuina tamen gratia, & nautarum prudentia factum est, ut periculum euaderent. Sub vesperam autem in latere fluminis dextro ad ciuitatem *Elder* appulerunt, quae olim quidem portus *Catena* dicta fuit, nunc autem a *Sangiaccio* Turcico & *Cadi* quodam possidetur, multisque honestis viris uxores pulcherrimas habentibus habitatur. Moris ibi est, *Sangiaccio* & praecipuis eius ministris munera offerre. Itaque cum hac de re mercatores edocerentur, exhibebant ei eadem adhuc vespera tres panes saccharo confectos cum duodecim frustulis & 20. orbiculis praestantissimi smegmatis, ministro autem eius donabant vuarum passarum manipulum cum duodecim frustulis smegmatis, similiter & *Cacag.* ex singulis nauibus duo smegmatis frusta accipiebat. Conciliabant autem sibi hisce muneribus tantum fauorem, ut summam beneuolentiam postmodum hoc in loco experirentur.

*Elder ciuitas.**Ciuitas Elder eui
olim Porto Catena
dicta.*

Ciuitas haec veteribus *Porto Catena* dicta est, idque uti omnibus videbatur tantum propter impedimenta saxorum, quibus cursus & fluxus aquae certis in locis inhibetur, quae quidem impedimenta miram vetustatem referunt, & cum affixos sibi repraesentent clauos ferreos fluxui aquarum obiectos, ad quos allisae naues naufragium euitare non possunt, hostibus a ciuitate arcendis olim destinata fuisse credibile est. Caeterum cum vestigal 6. Venetorum, & duorum *Maedini* pro singulis nauibus soluissent, quod quidem naues omnes quibuscunque mercibus oneratae pendere ibi coguntur, quinto

Februa-

Februarii, inter media illa saxorum impedimenta cursum suum tenentes, iterum progressi sunt tanta angustia, ut vix transire sine detrimento possent. Sub vespere appellentes in latere sinistro ad pagum *Muachisr*, pernoctandum ibi censebant. Postero die iterum progressi, cum horas quatuor nauigando consumpsissent, cernebant ad sinistram fluminis ripam, veterem ciuitatem *Elpisara*, & post horam vnicam *Cabur* fluuium ingrediebantur, qui ex *Merdin* oritur, & cum Euphrate se coniungit, aquam habens alterius ab Euphrate coloris, nempe rubram, salutarem tamen & grati saporis.

Hora ab exorto sole septima cernebant ad dextram castellum *Rahabi*, quod à *Sangiaccio* Elderensi tenetur, & iuxta illud veterem quandam & ruinofam urbem, quæ incolas paucos & variè dispersos, qui *Rahabilatici* vocantur, habet. Hoc in loco horam vnam atque alteram subsistentes, nauem alteram, ferro præter alias merces nimis grauata, aliquo modo leuarunt; vespere autem ad *Zoxosuldari* in sinistro fluminis latere appulerunt. Postero die cum horas tres nauigando traduxissent, videbant in dextro latere ciuitatem *Siara*, cumque eius Præfecto Turcico nempe *Sangiaccio*, munera debita, nempe patinam vuis passis plenam, quinque particulas smegmatis, cum vasculo vini, ministro vero eius tres smegmatis particulas obtulissent, & vctigal nempe duo *Saie* pro qualibet naui soluissent, progressi, *Gorur* castellum eodem adhuc die apprehenderunt.

Octauo Februarii circiter horam nonam sub rupe montis *Carteron*, ipsis transeundum erat, qui ab undis ita excauatus erat, ut omnibus horrorem & timorem incuteret, idque eo magis, quod fissuras variis in locis accepisse montem illum viderent, quibus ruinam singulis momentis minaretur. Cum autem cursus fluminis ibi celerrimus esset, vnicus horæ quadrans metu isto eos liberauit, quo facto, desolatam iam plane urbem *Romi* viderunt, & sub vespere ad *Heldegi* in dextro fluminis latere appulerunt. Sequenti vespere ad castellum *Sora* delati in naui pernoctarunt. Non procul ab hoc castello sita est desolata quædam vrbs à nemine habitata. Fuit autem ea, ut ex multis indiciis colligi facile poterat, tantæ magnitudinis, ut vel *Alcaturum* Ægypti superarit; dicebant enim nautæ, se à maioribus suis accepisse, ciuitatem hanc 366. portas habuisse. Nominatur hodie *Elerfi*, & ita desolata est, ut præter murorum & turrium aliquot rudera nihil ibi conspiciatur amplius, cum olim insigne emporium extiterit, & multis celeberrimis ditissimisque ciuibus habitata fuerit. Post meridiem cum ad miliaria octo, relicta post se *Elerfi*, progressi essent, cernebant aliam quandam desolatam *Anga* nomine. Quæ licet non vsque adeo magna fuisse putaretur, multa tamen molendina habuisse, indicio erat, quod decem plus minus ab ipsis etiamnum numerarentur, vnde conicere licebat, Euphratis fluuium ab eo tempore, quo ciuitas ista hominibus inhabitata fuit, variè mutatum, & multis modis auctum fuisse. Sub vespere cum turrim quandam ciuitatis *Caima* vidissent, delati sunt ad artificiosum quoddam opus, quod tribus rotulis aquam ex Euphrate haustam, per canalem ad agros humectandos propellebat. Pernoctabant autem, cum ulterius progredi non possent, in *Sema*, magnum ea nocte frigus sentientes.

Sequenti die, qui erat 11. Februarii, transeundum ipsis erat per angustias admodum periculosas, prolapsa enim erant ab vtraque fluminis parte aliquot ædificia, inter quæ magna cum difficultate nauigandum, cum aut periculum illud superasset, offerebat sese ipsorum oculis domus magnifica *Capilchelbi*, & 4.

*Edir.**Rechtalmel.**Zaffara.*

horis post, alia, *Aravedi Fochelcurmi* dicta, iuxta quas duæ etiam angustiae reperiuntur non minus quam priores periculosa. Circa meridiem assequantur castellum *Edir*, quod in colle elegantissimo ad sinistram fluminis extructum cernitur. Appellebant autem in *Rechtalmel*, expectaturi donec procellæ & venti magna vehementia furentes aliquo modo remitterent, quod ubi factum esset, seruato inter duo moleudina cursu, vesperi ad *Zaffara* per-tigerunt.

*Elmesetana.**Anna castellum.*

Duodecimo Februarii per multas angustias non sine periculo & difficultate maxima ipsis nauigandum erat. Horam autem circiter duodecimam ad sepulchrum cuiusdam, quem Orientales populi in Sanctorum numero habent, delati, subsistere cogebantur, donec nauæ panes aliquot nauticos biscoctos in sepulchrum abiecissent, dicebant enim naufragium ibi multos subito fecisse, qui de bonis suis sepulchro isti nihil obtulissent. Progressi postmodum in oppido *Elmesetana* pernoctarunt. Sequenti die in locum omnium periculosissimum inciderunt, eo autem multo labore superato, videbant domos, turres & hortos, nec non splendida quædam ædificia ad radices montis cuiusdam extructa, qui ab altera parte in fluuium excurrens elegantem Insulam faciebat, malorum aureorum feracem, quam ipsi præternauigantes ad dextram relinquebant, progressi autem paulo amplius, turres, hortos & ædificia alia, insulamque priori non dissimilem, nisi quod paulo maior & satis crasso muro circumdata esset, in quo incolæ interdum sedentes conspiciuntur. Præter hasce duas Insulas habentur etiam syluæ ibi & multæ malorum aureorum, citrinorum & aliorum fructuum arbores. Cumque non procul ab inuicem Insulæ hæ duæ distent, multæ nauigantibus angustia non sine multo periculo superanda sunt. In sinistro fluminis latere post exsuperatas angustias illas occurrit castellum *Anna*, octodecimæ ferè molendinis conspicuum, in quibus latrones sese quamplurimi continent. Sic igitur in itinere ab *Albir* ciuitate, ubi Euphrati sese committere mercatores solent, ad hoc usque castellum *Anna*, dies 40. consumpserunt inter multa & varia non solum naufragiorum, sed & latronum pericula: nam ab Arabibus quidem nunquam tuti erant, qui licet neminem interficiant, bonis tamen obuios quosque spoliant, & postmodum in pedes sese coniciunt. Oportet igitur iter hoc ingressuros sclopetis bene instructos esse: nam nulla magis atma quàm sclopos reformidant, nec facile appropinquant ubi sonum & dislosionem scloporum audiunt. Dominus siue Dux horum Arabum *Aborise* nominatur, vir ob annuos redditus, quos non ex telonio solum & vectigali, sed & ex fructibus terræ, omnibusq; pecoribus habet, diues admodum & potens.

Diana.

Cæterum loca illa, in quibus 40. hisce diebus pernoctarunt, desolata magna ex parte, syluis & montibus horrida, & à latronibus admodum periculosa erant, exceptis *Albir*, *Racha*, *Elder*, *Beles*, *Rabi*, *Rabilatica*, *Siara*, *Elcuxi*, *Elmesetana*, & hoc castello *Anna*. Hæc enim loca certos suos incolas habent. Et quidem castellum hoc *Anna* pertingit ad ciuitatem aliquam, quæ ab omni parte, excepta illa quæ castellum respicit, formam Insulæ repræsentat, & *Diana* vocatur. In hac vrbe Arabum Dux *Aborise* sedem suam habet, qui imperium Arabico *Sangiacc* tradidit, cui nomen est *Cerali*. Munera quæ *Aborise* à mercatoribus accepit, erant 10. frustra smegmatis, *Cerali* vero offerebantur sex particulæ cum manipulo vuarum passerarum, & eius ministro siue satelliti duæ cum duobus paribus cultrorum germanicorum.

Locus hic multis dactylis, oliuis & malis aureis abundans est, habitaturque multis Æthiopibus, Iudæis, Turcis & aliis, qui operam dant parandæ aquæ

aquæ vitæ seu vino igni eliquato, cuius ibi maximus vsus est. Per totam autem vitam nihil magis student, quam ut modo hunc, modo alium artificiosè circumueniendo decipiant, & bonis exuant, vnde nemo facile præternavigare potest, qui nõ ab illis defraudetur. Accidit hoc vni ex nauib. illis quæ cæteras præuertens aliquanto citius portum assecuta fuerat, illa enim præter fas & æquum 60. Venetos soluere cogebatur, iamque aduentantes naues reliquas eodem modo excepissent, nisi illis *Cogia Solimannus* quidam & *Ottomannus Magrus* adfuissent: nam cū hi duo viri primarii & magnæ auctoritatis essent, omnibus in eorum gratiam honoris plurimum exhibebatur. Quamuis autem pœnæ nomine nihil accipere ab ipsis possent, cogebantur tamen munera offerre, duobus nempe *Bassis*, & Seniori ciuitatis, qui dicebatur *Cacagia*, cui libet duos panes saccharo cōfectos, cum duodecim particulis, & quindecim orbiculis smegmatis. Hoc facto nihil inquirebant amplius præterquam ordinarium vētigal, nempe duo *Saie* pro singulis fasciculis, vel 18. *Maedini* si pannus esset.

Cæterum cum intelligerent ibi iter reliquum admodum periculosum esse, prospiciebant sibi de aliis nautis, soluentes ei qui ad clauum federet 9. *Saie*, gregario vero ministro sex, cum frusto smegmatis & vuarum passarum manipulo. *Emin* vero qui ad telonium sedet, veniebat 14. Februarii die, vētigal suū allatum. Huic primo in patina vuas passas & nuces comedendas exhibebant, postea donabant ei quinq; smegmatis frustula, & tres vuarum passarum manipulos. Scriba autem *Eminis* istius mittebat eis dono duos pisces, quem ipsi remunerabant decem frustulis & aliquot orbiculis smegmatis. Tandem cum à *Cogia Solimanno* omnem ibi beneuolentiam experti fuissent, donabant ei 20. frustula & aliquot orbiculos smegmatis, cum pectine eburneo. Cumque ab eo admonerentur, ut quamprimum iter ingrederentur, aduentare enim quendā *Subassi*, qui pannos aliquot & alia petiturus esset, tribus ante vesperam horis iterum soluentes abierunt.

CAPUT III.

Continuatio itineris ab Anna ad Giuba vsque.

POST QUAM igitur castellum *Anna* reliquissent, perueniunt paulo post ad quatuor scopulos, vbi aqua tantis sese fluctibus exonerabat, ut quid facerent præ metu & timore nimio nescirent. Superato autem per gratiam Dei, remigum & ministrorum quos nuper conduxerant opera, hoc periculo, in tantas ab ædificiis & molendinis vtrique fluminis ripæ adiacentibus incidebant angustias, ut vix nauibus suis eas transire possent. Assequebantur autem vesperi Insulam *Anatelbes*, in qua cum rudera murorum cernerentur, ciuitatem olim fuisse à nautis intelligebant, quæ terræ motu perierat, quod quidem verisimile videbatur, cum etiamnum in sinistro latere turris conspiceretur, quam de castello, vbi qui de terræ motu reliquias superesse dicebant. Expectabant autem in hoc loco vnam ex nauibus, quæ ad castellum *Anna* remanserat, quæ tamen ut reliquis iterum cōiuncta erat, progressi iterum reliquerunt post sese in latere sinistro syluam quandam palmarum hominibus habitatam. Erat autem propter molendina quædam fluuius ibi frequentibus saxis ab vtraque parte ita oppletus & coarctatus, ut vix transitum reperire nauæ possent, diligenti tamen eorum cura factū est tandem, ut duabus horis angustias & difficultates illas omnes superarent, postea inuenerunt in sinistro fluminis latere multa ædificia, quæ

G

vocal-

Cabini. vocantur *Beniabem*, & Insulam *Beggiam* multis amygdalis confitam, locus vero ipse vocatur *Cabini*. Ab altera parte præter solitudines & montes palmes quibusdam confitos, nihil cernitur. Post meridiem multa numerabant molendina, unde colligere poterant, loca etiam à flumine remota ab hominibus habitari. Ad sinistram cernebant arcem *Sberie*, & paulo post aliam, cui nomen est *Zovia*. Relinquebant autem post se etiam parvam Insulam *Zera*, multis lignis refertam, pagum item *Giera* multis molendinis conspicuum. Item *Adlelie* pagum, & vndique habitatum castellum *Busobileia*, *Ederita* itē & *Germa*, quæ loca omnia ad sinistram sita sunt, donec tandem habitatum hominib. pagum *Benexi* assequerentur, vbi per noctem illam requierunt.

Sequenti 16. Februarii die, iter iterum ingressi post horam vnam atque alteram ad duos pagos peruenerunt sibi inuicem ab vtraque fluminis ripa oppositos, quorum alteri in sinistro latere, *Simia*, alteri in dextro, *Dera* nomen est. Non multo post alius est multorum ædificiorum, *Gielma* dictus, itemq; in latere dextro alius nomine *Sia*, sex molendina habens. Cum vero tractus hic multis pagis & villis conspicuus sit, quorum nomina Lectori tædiosum nimis est cognoscere, præcipuorum tantum annotabimus nomina, qui ab vtraque fluminis ripa & littore visuntur. Itaq; ad sinistram occurrit primo *Dulel*, postmodo *Asop*, paulo post candidus mons *Begheri*, vna cum pago *Cicida*, villæq; sequentes, *Verixa*, *Gida*, *Dulab*, *Lulap*, inter quas sylua quædam palmarum ferax cernitur, cui nomen est *Setifia*. Peruenerunt autem paulo post ad vicum *Dulebgidit*, relictis post sese duabus in latere dextro exiguis Insulis, lignarum feracibus, quæ cum non ita pridem extitissent, nullo adhuc nomine gaudebant. Caterum progressi vltius pertingebant in latere dextro ad vicum *Zibida*, inde ad *Vrasa*, ad *Amerie*, ad *Elbara*, & tandem ad *Fuochelbera*. Hoc superato in tantas incidebant iterum angustias, multis saxis constrictas, vt vix transitum inuenire possent. Superatis vero hisce quoque angustias, aperiebat sese ipsis in latere dextro castellum *Albusabur*, postmodo pagus *Butfora*, *Giedida*, *Forusia*, itemq; duo montes albi, & molendinum vi aquarum ita à littore abreptum, vt quasi Insulam aqua vndiq; cinctam constituat. Sed & vicus *Segadid* cum multis aliis ædificiis, turribus, & murorum desolatorum ruderibus ibi cernere est.

Tandem ad ciuitatem *Aditi* delati sunt, quæ castello paulo maiori quàm castellum *Anna* fuerat, conspicua, in Insula quadam sita est, quæ in transitu ad dextram relinquitur. Non procul ab hoc loco in montis cacumine fanum *Sechaita* extructum est. In ciuitate autem *Aditi*, habitat quidam *Sangiaccio* ab *Aborise* Arabum Duce eo missus. In opposita fluminis ripa, turris quædam & sepultura, quales ibi vsitata, cernuntur. Caterum progressuri ab hac ciuitate per summas angustias inter mœnia ciuitatis & saxa quam plurima, ad munitionem sex molendinorum disposita, transire cogebantur, ita vt ne remos quidem adhibere possent. Cumq; Æthiopibus eius loci parum fidendum esset, absque vlla mora oblatis *Sangiaccio* eius loci muneribus, nempe duobus *Saie*, sex particulis smegmatis & vuarum passarum manipulo, tribus ante vesperam horis abierunt. Videbant autem passim ab vtroq; latere multa ædificia, turres, hortos & syluas palmarum feraces, relictisq; ad sinistram duabus paruis Insulis, ad tertiam delati sunt multis ædificiis conspicuam, in qua *Cacagia* prædicti *Sangiaccio* habitat. Transitus ibi similiter admodum angustus, & à fluctuum impetu satis periculosus est, eoque vix superato, in alium nihilo meliorem, propter molendinum saxi & lapidibus constructum inciderunt.

Postquam

Postquam igitur multas Insulas præteruecti essent, ad locum quendam vesperi delati sunt, qui *ZeZirnaly* vocatur, multis hortis, ædificiis, turribus, & frutetis palmarum in dextro fluminis latere conspicuum, vbi per noctem illam requierunt. Sequenti die cum horas circiter trēs nauigando consumpsissent, obtulit sese oculis ipsorum locus, duabus turrib. & tribus ædificiis conspicuus. Aberat autem non procul facellum quoddam, in quo primum quendā suæ religionis Patronum sepultum iacere nautæ dicebāt, qui simulatq; ad locū illum venissent, orare cœperunt, preces suas donēc oculis ipsorū expositum facellū illud esset finire nolētes. Cæterum cum multos lapides marmoreos, multa molēdina, ædificia, syluas & fruteta palmarū post tergū remisissent multaq; pericula superassent, tandē ad oras ciuitatis *Giuba*, quæ in sinistro latere sita, & aquis vndiq; circumdata est, venerunt. Ciuitas hæc ab vtraque parte castello fortissimo munita, multis ædificiis conspicua est, habetque solum fertile admodum & fœcundum. Vectigalis loco de naui qualibet duo *Saie*, sex particulas sīnegmātis, & vuarum pāssarum manipulum accipit. Incolis quidem parum audebant fidere, quod per insidias mercib. suis inhiare eos deprehenderent, itaq; soluto statim vectigali, itineri sese iterum commiserunt, videntes toto isto tractu hortos malorum aureorum & dactylorum feraces quamplurimos. In sinistro latere templum erat *Siechgiba* dictum, quod magna cum deuotione ab incolis frequentatur.

CAPITULUM IV.

Continuatio itineris à Giuba vsque ad Felugia.

NON possum hic intermittere, quin Lectorem commonefaciā, quod vtile admodum sit & ad promouēdum iter maximopere faciat, si munerā quædam *Sangiaco* in *Giuba* eiusque *Emini* offerantur. Verum enim est hic illud Poetæ, Munera crede mihi placant hominesq; Deosq; facile enim ab eis impetratur & perficitur munerum interuentu, quod alioquin factū impossibile videtur. Postquam autē soluentes ab hac ciuitate paululum progressi fuissent, viderunt in sinistro latere Insulam, muro vndique conclusam, multisq; arboribus frugiferis & aliis constam. Estq; vt breuiter dicam, totus hic tractus rupibus, ædificiis & molendinis abundans. Duabus horis post, quam *Giuba* soluissent, in vadū delati, ad ciuitatem *Nausa* peruenerunt, quæ in Insula quadam ad dextram fluminis sita est iuxta montem quendam, ruinoso templo conspicuum. Totum hoc territorium, multis ædificiis, hortis, molendinis, albis montibus, syluis & dactylorum frutetis conspicuum est. Superatis autem eo die plus quam quadraginta angustiis, appulerunt vesperi in *Giaregiuola*, loco solitario. Cumq; ibi pernoctassent, sequenti 18. die nauigationem suam continuantes, viderunt in transitu multā dactylorum fruteta, molendina, insulas & pagos *Ziriza*, *Bostamia*, *Besina* & *Zizire*, quorum descriptionem breuitatis gratia hic omittimus.

Circa meridiem assequebantur ciuitatem *Eit*, quæ ad dextrum fluminis sita, multis latronibus Arabibus habitatur, qui *Zizaeri* dicuntur, & castellum non procul ab vrbe tenent. Cogebantur in hac vrbe tantum vectigalis, quantum in castello *Anna*, pendere, quod per *Eminem* quendam pro Bassa Babylonie colligitur, tota enim ciuitas ad Arabum Ducem *Aborise* pertinet. Ne igitur mercatores à prædicto *Emine* circumuenirentur, offerebant ei primo in duabus patinis vuas passas & nuces, petentes vt illis videretur, quod ipsi quidem ita placuit, vt non modo nihil iniquum ab ipsis

Lacus bitumine
feruens.

postmodo postularer, sed & plus honoris quam vllibi factum esset, eis exhiberet, praesertim cum & *Sangiaco* & eius Scribae munera cuilibet, nimirum patinam vuarum passarum & quinque orbiculos smegmatis; offerre eos videret. Progressi autem quarta ante vesperam hora, montem conspexerunt eleganti templo conspicuum, similiter & fruteta dactylorum, molendina, colles & aedificia varia. Cumque vespera facta esset, appulerunt ad Insulam quandam vna ex nauibus, quae mercatores quosdam Turcicos, qui locum quendam spectatum in terram descenderant, expectabat post se relicta, quae paulo ante noctis medium ipsis se iterum coniunxit. Locus autem quem contemplatum mercatores isti abierant ille est, ex quo bitumen profluit. Reperitur enim non procul ab *Eit* ciuitate lacus quidam, pice seu bitumine perpetuo ebulliens atque feruens, cuius vsus est in aedificiis nauibusque extruendis. Incolae enim aedes suas ex arborum ramis constructas multo bitumine ita oblinunt atque obducunt, ut parietes & muros piceos eas habere non immerito dicere possis, naues itidem ex ramis dactylorum parantur, & bitumine vndique obducuntur. Liberum autem & permissum cuilibet est capere de hoc bitumine siue pice quantum expetit, maxima enim copia ebullire quotidie cernitur. Inter feruendum autem ingentes bullae exurgunt, quae tuniore nimio postmodum disruptae campum vndique bitumine siue pice deformant. Nec verentur incolae affirmare, tanta picem illam copia efferuere & in terram profundi, ut, nisi Euphratis inundationibus illa eleuata subinde abduceretur, in ingentes montes iam dudum excreuisset. Ex lacu autem isto piceo riuulus aliquis, quod mireris, resultat aquae dulcis & potabilis, quam incolae eius loci ad potum adhibere possunt.

in Euphrate ad-
uerso flumine na-
uigari non potest.

Ceterum 19. Februarii relicta Insula ista, iter iterum ingressi sunt, ut illuxit autem dies, conspexerunt in dextro latere insignem montem marmoreum, sed & nauem ibi offenderunt, ex *Felugia* aduerso flumine regressam, & *Eit* ciuitatem petentem: nam eo usque in reditu nauibus illis peruenire adhuc possunt, quas angustiae impofterum non transmittunt, quod notandum quidem illis est, qui nauigia sua in *Albir* ciuitate Babyloniam profecturi coeunt, ut nimirum ea vel in *Eit*, vel in *Felugia*, diuendant, nec reduci illa sese posse sperant, idque ob angustias & loca periculosa alia, quae in Euphrate, ut haecenus ostensum, satis multa occurrunt. Quam autem nauem 25. Ducatis Hungaricis in *Albir* quis emit, eam in *Felugia* vel *Eit*, maioris vendere non potest, quam quatuor vel ad summum quinque Ducatis. Porro cum progredierentur paulo amplius, in saxa & solitudines inciderunt, praeter montes & syluas nihil videntes. Erant autem in cacumine montis alicuius admodum excelsi duo sacella, quae *Maleben* vocabant. In flumine ipso multas minores Insulas, & inter eas aliquam paulo reliquis maiorem cernebant, quae ab aqua in duas partes diuisa *Elchaligi* vocatur.

Elchaligi.

Non procul ab hac Insula collis est, & in eo turris quaedam desolata, ubi ad tres ferè horas haerere cogebatur, propter ventum ipsis admodum contrarium, qui ut cessauit, placato iterum flumine navigationem continuauerunt, ad aedificia quaedam desolata delati, de quibus praeter delineamenta & vestigia nihil fere reliquum erat, quae tamen indicio satis magno esse poterant, quod à primariis olim hominibus habitata fuissent. Tractus hic vocatur *Avoſi*, multis arboribus syluestribus, & inde consequenter, multis etiam ceruis, apris, vrsis & feris aliis abundans. Cum autem vna ex nauibus praecessisset, ut ad littus appellens pernoctare commodius ibi posset, contendebant reliquae remis omnibus illam sequi; cum vero non satis cautè agerent, accidit ut in arenam delati totam illam noctem ibi haerere, & metu grassan-

transstantium magno numero latronum Arabum in armis stare, sclopisque instructi vigilare cogerentur. Cæterum cum desiderata lux sequentis diei iterum appareret; promotis magno labore nauibus, post horam vnam atque alteram, ad vicum quendam in sinistro latere deferebantur, qui totus ex ramis arborum & peculiari quodam luto, quod *Caraguol* vocant, excitatus erat; incolas trium linguarum, Æthiopice, Turcice, & Aghamicæ siue Persicæ peritos habens. Noua hi homines agros suos rigandi ratione vtuntur: vtres enim ex pellibus caprarum vel aliarum ferarum (quarum magna ibi copia est, imprimis vero leonum, qui agricolis tam molesti sunt, vt ne exire quidem sine armis audeant) paratos molendinorum rotis alligant, quas boues postmodo circumagunt, vt hausta ex Euphrate aqua, per canales in agros latè propellatur.

Noua ratio rigandi agros.

Cum autem hunc locum ad sinistram post se reliquissent, multa passim conspiciebant ædificia ita disposita, vt pagum constituerent, qui *Cozzur* nominatur. In dextro latere fluminis sacellum cernitur cum campana, cui *Misfat* nomen est, & habetur locus hic initium siue ingressus in Eremum, *initium solitudinis.* Pernoctabant autem tum in finibus *Caraguoli*, cuius tractus tantæ longitudinis est, vt integro die superari nauigando nō possit. Incolæ huius loci nec Turcæ sunt, nec Æthiopes, nec Persæ, sed à vicinis pro eiusmodi habentur hominibus, qui sine legibus viuant. Sequenti 21. Februarii die continuata iterum nauigatione, post exortum Solem, riuum quendam conspexerunt, qui ex Babylonia profluens hoc in loco Euphrati miscetur, & vix cymbas minores admittit. Non multo post videbant etiam syluas, in quibus Babylonii ligna sua cædere solent. Quamuis autem parum cessarent, non poterant tamen ante meridiem de *Felugia* ciuitate quicquam videre, donec post meridiem ea sese ipsis conspiciendam daret, ad quam quidem tertia ante vesperam hora salui & incolumes omnes appulerunt, Euphrate, qui gruibus aliisque volatilibus cœli nunquam destituitur, tandem relicto. Asserunt Æthiopici populi riuum quendam ex Euphrate non procul à *Balsara* in Tigrim alium item in Golfum siue sinum Persicum sese exonerare, cuius beneficio ad *Ormy* vsque perueniri possit. Piscium quos Euphrates suppeditat, optimi sunt, qui *Fratt* ipsis dicuntur, sunt enim nō solum boni saporis, sed etiam præ aliis salutare, & capiuntur tanta copia, vt exteris etiam nationibus cibum præbeant. Populorum iuxta fluuium hunc habitantium aliqui *Gurgi* vocantur, Mahometho addicti; alii Arabes sunt, ex rapto viuentes; alii denique Turcomanni, qui à rapinis abhorrent & iurati Arabum hostes sunt. Cum igitur ad *Felugia* ciuitatem venissent, soluerunt pro singulis nauibus quatuor *Saie* & tres *Maedini*, alligatasque ad palum naues exonerare paulatim incipiebant.

Felugia.

CAPVT V.

De oppido Felugia, & reliquo versus Babyloniam itinere.



PRIDVM *Felugia* sesqui dierum itinere à Babylonia distat, quod *Felugia.* quidem à peregrinis mercatoribus admodum frequentatur. Quicunque enim Alepo Babyloniam proficiscuntur, naues in hoc oppido exonerant, & bona sua camelis imponunt, Babylonia vero reuersi naues hic conscendere & Euphrati se committere coguntur. Incolæ huius loci nauium loco ratibus vtuntur, lignis enim aliquot oblongis colligatis, & asseribus stratis, merces imponunt, hinc inde eas deferentes.

Mercatores ea vespera, qua aduenerant, naues exonerare non poterant,

continebant igitur merces suas in nauibus, donec sub vesperam sequentis diei 23. cameli aduenirent, quorum opera merces inde abduxerunt. Non proficiscebantur autem omnes simul, sed postquam cum magistro *Caravanarum* conuenissent, ut pro singulis camelis 7. *Saie* solueret, cum alias, si magna eorum frequentia adfuisset, 30. *Maedinis* singulos habere potuissent, noctis beneficio clam sese inde subduxerunt, iter suum Babyloniam versus dirigentes. Relinquebant autem vnum ex sociis suis in *Felugia*, qui mercium, quæ adhuc ibi supererant, curam ageret, donec ipsi camelos remitteret, qui delatus ad Præfectum oppidi, cogebatur, antequam camelos mercibus oneraret, *Gianitscherum* cuiusdam *Chiaus* & *Emin* eius loci pecunia & muneribus aliis placare, & cum magna *Caravana* inde discedere.

Vigesimo quarto Februarii quamprimum sol exoriretur, iter fecerunt per pontem fluvii alieuius, qui ex Euphrate promanans Tigri non usque adeo dissimilis est. Circa meridiem perueniunt ad oras desolatæ urbis cuiusdam, quæ *Sendia* nominatur, & hora dimidia post ad principium veteris Babyloniam, quod principium hodie *Facheria* dicitur. Progressos autem eadem via excepit *Nareisa* vesperi, qui locus medio inter Babyloniam & *Felugiam* itinere, à latronibus & leonibus admodum infestus est. Cogebatur autem nihilominus ibi pernoctare. Cumque dies iterum illuxisset, itineri sese accingentes, iuxta veterem Babyloniam progressi sunt, ita ut ad sinistram ea relinqueretur. Conspiciebant autem non pauca muri admodum crassi rudera, cum vestigiis ingentis veteris ciuitatis turris, in loco qui *Carcusrate nēmeru* vocatur.

Cum venirent ad *Mascadon*, apparebant ipsis pinnæ templorum nouæ ciuitatis Babyloniam. Cumque plus quam integri diei itinere in latere veteris ciuitatis progressi essent, cuius quidē finis siue terminus *Dureicus* nominatur, conspexerunt etiam templum eius ciuitatis maximum & incredibile altitudinis. Et sane fateri omnes, quotquot hoc opus intuentur, necesse habet, hanc tam præstantem & ad perpetuitatem olim excitatam urbem singulari fato & ultione diuina, propter multiplicia peccata & nefaria scelera ab hominibus in ea perpetrata, desolatam periisse. Est enim illustre speculum iræ diuinæ aduersus peccata, cum & terra omnis inter *Felugiam* & *Babyloniam*, quantumuis bona admodum & pinguis, nec arbores nec herbas vllas producat, sed tota sterilis & desolata sit, nec quicquam præter fungos gignat, boni tamen saporis, ita ut etiam crudis illis *Æthiopes* vescantur. Non procul ab hac veteri ciuitate conspiciuntur adhuc rudera castelli cuiusdam, quæ *Calagiamus* vocant, estque quinque sacellis conspicuum, quorum tria iuxta viam, qua mercatores hi proficiscebantur, duo vero ab altera parte sita sunt. Hora prima post meridiem perueniunt ad *Rachiche* in littore Tigris fluvii nouæ Babylonii opposito, vnde in ciuitatē per pontem ligneum, 37. nauigiis, quæ catenis ferreis colligata sunt, impositum, iter patet. Manebant autem mercatores hi in *Rachiche* donec merces suas in ordinē iterum disposuisset. Ut igitur omnia hæcenus dicta, breuiter repetatur, sciendū est, mercatores hos ex Alepo ad *Albir* ciuitatem, equis trium dierum itinere vestos esse, ubi *Caravanam* conduxerunt usque ad Euphratem fluvium. In itinere autem ab *Albir* usque ad nouam Babyloniam 49. dies consumpserunt, propter temporis iniuriam, æstiuo enim tempore longē citius & commodius illud absolui potuisset.

De sumptibus ad iter Alepo Babyloniam versus necessariis.

ALEPO versus *Albir* profecturi, pro clitellis singulis camelo impneondis soluere coguntur 60. *Maedinos*. Est autem *Maedino*, moneta quædam quatuor solidos Venetos valens, qui totidem cruciatis apud nos efficiunt. Pro clitellis singulis mulo imponendis soluuntur 45. *Maedini*.

Pro clitellis singulis in *Albir* soluuntur vectigalis nomine 10. *Maedini*. Muneris loco *Emini* præstantur 400. *Maedini*, & pro auertenda iniuria, quæ peregrinis alias infertur 200. *Maedini*.

In quatuor patinæ vuarum passarum, & 20. frustula smegmatis, sumptus fiunt 35. *Maedinarum*.

Pro naui, quæ 30. plus minus clitellarum onerâ capiat, soluuntur 60. Ducati, siue 2400. *Maedini*.

Pro comæatu & cibariis omnis generis 200. *Maedini* requiruntur.

Vectigalis nomine in *Racha*, pro clitellis singulis soluenda sunt 5. *Maedini*.

Tres patinæ vuarum passarum, & 25. frusta smegmatis, constant 25. *Maedinis*.

Aborise in *Raii*, vectigalis nomine 20. Ducati, siue 800. *Maedini* soluuntur.

Vectigalis nomine in *Der* soluuntur 5. Ducati, seu 230. *Maedini*.

Quatuor patinæ vuarum passa ruin & 20. segmenta smegmatis, valent 35. *Maedinis*.

Pro vectigale in *Ossara* requiruntur 10. *Maedini*.

Pro duabus patinis vuarum passarum, & 10. segmentis smegmatis, 17. *Maedini*.

Vectigalis in castello *Anna* nomine, pro singulis clitellis soluuntur 10. *Maedini*.

Quatuor patinæ vuarum passarum, & 20. segmenta smegmatis, 35. *Maedinis* valent.

Vectigalis nomine in *Adite* pro singulis nauib. 10. *Maedini* soluuntur.

Duæ patinæ vuarum pass. & 10. segmenta smegmatis, constant 17. *Maed.*

Vectigalis nomine in *Giub*, pro singulis nauib. soluuntur 10. *Maedini*.

Pro 2. patinis vuarum pass. & 10. segmnetis smegmatis, 17. *Maed.* soluuntur.

Vectigalis nomine in *Eit*, pro clitellis singulis numerantur 10. *Maedini*.

Pro 4. patinis vuarum passarum, & 20. segmentis smegmatis 35. *Maedini*.

Sumptus qui in munera fiunt, vbi ad *Felugia* perueneris, sunt 30. *Maedini*.

Pro clitellis singulis, camelis merces ex *Felugia* Babyloniam transferentibus imponendis, soluuntur 30. *Maedini*.

Et hi quidem sumptus sunt, quos mercatores Alepo Babyloniam proficiscentes in itinere necessario expendere coguntur. Quid autem in victum quilibet infumere voluerit, meum hic nō est annotare, cum metiri se quemque suo modulo ac pede oporteat.

CAPVT VIII.

De noua Babylonia.

BABYLONIA noua, quæ hodie à Turcis *Bagiodet* nominatur, insigni sua amœnitate, vel cum Damasco certare posse videtur, hortos enim habet delicatissimos & arborum præstantissimarum copia pulcherrimas. Turres & pinnæ templorum tam eleganti aduentantium oculos fulgore perstringunt, ac si ex Iaspide aerizusa omnes constarent. Ciuitas ipsa populosa quidem est, sed non vsque adeo magnæ

magnae capacitatis, nec multorum admodum ædificiorum. Quia autem portus est præcipuus, & transitus in Arabiam, Persiam & alia loca, multis quotidie mercatoribus exteris frequentatur, qui multas ibi negotiationes exercent, id quod ex *Carauanis* magna quotidie copia ibi transeuntibus colligere difficile non est. Ex Armenia transfertur eo, quicquid ad victum & sustentationem pertinet, idque Tigris beneficio, quo fluuiio ad ipsa urbis mœnia perueniri potest. Nauium autem loco Armeni ratibus vtuntur, colligata enim ligna aliquot oblonga, caprinis pellibus aere completis siue inflatis imponunt, asseribusque consternunt, vt continendis mercibus idonea fiant. Vt ad urbem autem cum eiusmodi ratibus ventum est, asseres quidem & ligna omnia diuenduntur, vtres vero siue pelles caprinae, aere euacuatae, camelorum opera in Armeniam iterum reducuntur.

Sita est ciuitas in regno Persico, sed longo iam tempore à Turcis possessa. Transfluuium, qua Arabiam respicit, capellam habet, quod *Rachiche* vocant, multis ædificiis & mercatorum tabernis siue officinis conspicuum, in quo plerique peregrinorum mercatorum diuertuntur. Cum autem inde ciuitatem ingredi expetunt, si fluuius ex multiplici & frequenti pluuiâ, aliquo modo excreuerit, pontem aperire in medio coguntur, vt eius pars altera ad ciuitatis mœnia tum pertingat, altera vero in littore prædicti castelli recumbat, & transeundum tunc quidem nauigiis in ciuitatem est non sine magno periculo, cum nauigia illa fluctuum impetu facile subuersa vndis mergantur. In sinistro ciuitatis latere castellum alterum extructum, & pro defendenda ciuitate, tormentis militibusque multis munitum est. Tertium vero in ciuitatis medio, area late patenti perquam elegatissimum cernitur, & à *Bassa* quodam ceu Gubernatore ciuitatis inhabitatur, qui satellitum multis militibus constans secum habet. Præterea multis thermis hæc ciuitas gaudet, ita vt vel sexaginta in ea numerentur. Ipsa vero urbs vetus admodum apparet, excepto castello seu arce, quam Gubernator pulcherrimam & splendidissimam inhabitat.

CAPUT VIII.

De turre Nimrodica prope Babyloniam.



TURRIS Nimrodica plus quam octo leucis siue miliaribus Gallicis à Babylone distat, cis Tigrim, in loco plano & patenti Arabiam versus sita, nominatur ab Æthiopibus *Difela*, plane autem desolata est, & ruina sua ingentes quasi circumquaque montes excitauit. Fundamentum quidem adhuc integrum est, sed lapidibus fere obrutum, qui quidem omnes initio ex argilla, admixta lini stupa parati & solis æstu indurati coctique fuere, vt contra omnem externam vim subsisterent. Maior apparet absentibus longius, minor vero propius accedentibus, idque contra aliorum ædificiorum rationem, quæ accedentibus propius maiora semper redduntur. Ratio vero huius rei videtur esse, quod sola in patenti admodum planicie constituta, præter murorum desolatorum rudera, nihil sibi coniunctum habet.

CAPVT IX.

De ponderibus, mensuris & numismatibus ciuitatis Babylonie.



De ponderibus etiam, mensuris item & monetis in Babylonie visitatis aliquid dicamus, sciendum est pondus Babylonicum, quod ipsi *Mano* vocant, idem esse cum eo, quod Alepi *Rotolo* dicunt, valetq; apud nos quincuncē siue quinq; uncias. Itaq; 68 $\frac{2}{3}$ *Mano* & 100. *Rotolo* Alepicæ constituunt 720. libras Venetas minores, quarū quælibet semuncias 24. continet. Centum *Mano* faciunt vnum *Cantaro* Babylonicum; centum & quadraginta sex *Rotoli* Alepica; 1052. libras minores Venetas cum semunciis quatuor. Mercatores autem inter vendendum & emendum solo minori pondere, quod *Mano* vocant, vtuntur.

Mensuram Babylonii aliam non habent, quam quæ ipsis *Pichi* dicitur, quæ tamē paulo maior est illa, qua Alepienses vtuntur. Centum enim mensuræ Alepicæ tantum 82. Babylonicas constituunt.

Numismata *Saie* sunt, quorum quodlibet quinque *Maedinos* facit, *Saie* vero & *Maedini* vno in loco cuduntur, faciuntque 40. *Maedini* ducatum vnum Sultanicum siue Turcicum; quadraginta vero septem constituunt vnum *Zechinum* Venetum. Nummi argentei valent 33. *Maedinos*. Philippici vero Hispanorum valent, quantum in pondere habent, drachmæ nempe quælibet 100. *Maedinos*, nullum enim certum habent pretium, & cum mercatoribus de monetis sermo est, plerumq; centum *Metecchali* nominantur, qui Alepi faciunt 150. drachmas. In domo autem monetaria, Babylonii monetas exoticas & peregrinas iuxta pondus centum drachmarum permutant, & quinque *Maedinos* de valore siue pretio detrahunt.

Quod ad vectigalia ipsorum attinet, de omnis generis mercibus semissem plerunque accipiunt, de coralliis vero & ambra quincuncem cum dimidio. At de pannis Anglicanis, linteaminibus pretiosis, pannis bombycinis, vndulatis, gossypinis, holofericis, scutulatis, Damascenis & aliis, quincuncem accipiunt, siue emanantur siue vendantur. Omnes autem merces maioris æstimant, quam vulgo venduntur. *Toaso*, *Boabo*, & *Scribis* sex debentur pro singulis mercatorum fasciculis *Maedini*. Primus enim ex ministris illis, nempe *Toaso*, fasciculos apertos ad pul 1 canum trāferri curat, vt merces recte perlustrari possint, *Boabo* autem ad hoc constitutus est, vt telonium siue domum soluendis vectigalibus destinatam aperiat, claudat, purget & custodiat. *Emini* vero, qui rei nummarie præest, 30. *Saie* muneris loco offerendi sunt, nisi quis malit, vt nauem postmodo ingressus, colligatos mercium fasciculos, amisisse se pecuniam aliquam querens, aperiat, & omnia variè disiciat atque confundat.

CAPVT X.

De itinere quod ex Babylonia Balsaram ducit.



Mercatores nostri cum aliquot diebus Babyloniæ fuissent, & omnia non solum vectigalia, sed & munera ministris exhiberi solita persoluissent, coeperunt 13. Martii, Anno 1580. merces suas in nauem duplicatam transportare, tales enim omnes naues sunt, quibus *Balsaram* itur, nominanturq; hanc ob causam duplicatæ, quod ab interiori parte asseribus vndique sint obductæ, vt fluctibus

Nauium Babylonicarū descriptio.

H

resistere

resistere eo melius possint. Et quidem notandum hic est Babylonios nulla habere ligna, ex quibus naues suas conficiant, sed asseribus uti illarum nauium, quæ ex *Albir* aduentantes ad *Felugiam*, dissoluuntur. Proram autem admodum eleuatam, puppim vero depressam faciunt, clauus enim ex asseribus palmarum multis funiculis tam artificiosè colligatus & contextus est, ut quatuor digitorum spacio ab inuicem distantes asseres, aquam undiq; transmittant. Transtra quibus remiges insideant, in naui nulla sunt, sed extra nauem lateribus adhærent, quotiescunque autem remos ducunt vmbilicotenus in altum assurgentes ab aqua eleuantur. Utuntur alio qui etiam alio genere nauium, quæ instar lincris siue aqualiculi alicuius oblongæ & graciles sunt, habentq; clauum ut reliquæ, sed & carbasa adhibent, quæ superiori sui parte ad trabem siue malum in prora alligata, utrinq; integro passu extra naues prominere videntur. Remi palis siue infurnibulis & batillis nostris non ab similes sunt, segmenta enim asserum ab vna parte hastilibus alligantur, quæ, quemadmodum & malus cui carbasa adhærent, varie incuruata & inflexa cernuntur.

Postquam igitur mercibus suis nauem onerassent, nocte ea, quæ inter 13. & 14. Martii intercedit, soluentes, cursum suum versus *Balsaram* in fluuiio Tigridirexerunt. Venerunt autem cum sol proximo die oriretur, ad desolatam urbem *Giuanchesera*. Cumque fluuius hic Nilo non admodum dissimilis, pulcherrimus & placidissimus sit, nullis lapidibus, saxis, lignorumve remoris, ut Euphrates refertus, quæ nauigationem periculosa redderent, absque omni metu progredi poterant. Nihil autem toto die visum ipsis est, præterquam facellum aliquod, & ab utroque latere fruteta quædam palmarum, iuxta quæ apri pascentes ad fluuium subinde potum properabant. Cæterum cum desolatos duos pagos, quorum alter *Zidide*, alter *Chert* nominatur, post se reliquissent, tota nocte progressi nihil præter aliquot tentoria siue tuguria pastorum Arabum ad pecora sua excubantium viderunt, donec sequenti die, qui erat 16. Martii, in dextro latere pagum hominibus habitatum *Duleb* nomine, & non procul ab eo in medio flumine Insulam quandam minorem multis arboribus confitam, offenderent. Progressi igitur tertia noctis hora ad *Elmara* appulerunt, ubi vestigalis nomine tres ducatos Turcicos *Sangiaco* soluere cogeantur.

Hoc in loco Tigris in duo diuiditur flumina, quorum alterum *Balsaram* versus labitur, alterum cum flumine *Settigivalex* coniunctum in Euphratem sese tandem exonerat. Quamuis autem angustior iam inde fluuius reditur, ipsi tamen iter suum continuantes, animaduertebant regionem istam in sinistro quidem latere populis, qui *Gurgi* vocantur, in dextro autem ab Arabibus, habitari, qui vitam suam in tentoriis degunt & ædes prorsus ignorant. Arabes hi fluuij ex parte utuntur: nam ad castellum *Gurigielaia* profecti, omnem solitudinem peruagantur.

A meridie assequebantur locum *Gher*, ubi alius *Sangiaco* habitat, qui vestigalis nomine pro qualibet naui duos ducatos exigit. Regio hæc multis abundat leonibus, qui gregatim subinde potum venire ad fluuium solent, estque ibi fluuius quoad latitudinem non maior Medoaco qualis Parauii, vel Nicro, qualis Tubingæ visitur. Sed & latronum ibi Arabumq; magnus prouentus est, qui tantum ex rapto viuentes tot sagittas in præternauigantes aliquando eiaculari solent, ut ad littus applicare, & bona sua inter ipsos distribuere, ut mortis periculum euadant, cogantur. A bombardis autem & sclopis sibi admodum metuunt, & propterea dislosionem bombardarum audientes naui appropinquare non audebant.

Sequenti

Sequenti 17. Martii die multos in agris pastores videbant, qui pecora sua pascentes omnes in tentoriis habitant, sub vesperam autem ad *Encaserami* appulerunt, quo loco sepultus quidam est, quem in Sanctorum numero Arabes habent. Cum igitur & nautarum aliqui, quos in naui secum habebant, Arabes essent, quamprimum locum illum assequerentur, dactylorum & panis bis cocti aliquid piscibus deuorandum obiciebant.

Haecenus tam in Euphrate quam in Tigri, bono & salutari aere vsi fuerant, qui putredine hic infectus foetorem naribus, qualis in sinu seu Golfo Veneto existit, obiciebat, durabatq; foetor iste ab hoc loco vsque ad *Margheram*. Cum autem nox facta esset, & ipsi securi vt antea pregrederentur, ventus subito exortus, abreptam magna vi nauem in aestuarium admodum periculosum proiecit, itaque in magno versantes metu, socios, qui in reliquis quatuor nauibus erant, acclamabant, quorum si sine opera & auxilio fuissent, in Arabum manus certo certius incidissent. Sequenti die, horam circiter tertiam post exortum solem ad pulcherrimum locum peruenerunt, qui *Casale* vocatur, & à *Sangiaccio* quodam habitatur. Hoc in loco labitur fluuius *Maroan*, qui ex sinibus Persiae erumpens in Tigrim sese hic exonerat, idque ingenti impetu, vt longe etiam ampliorem Tigrim faciat. E regione huius *Casale*, ad dextram domus alia, *Corcab*, & non procul ab ea, tertia *Socher* dicta cernuntur. Quia autem fluuius hoc in loco maior fit, iam imposterum in crementa & decrementa sua, maris instar habet, singulis enim sex horis accrescens, sequentibus sex horis decrescit, idq; propter Golfum aquae salae Persicum, qui non procul inde abest.

Paulo amplius progressis aperit sese vicus *Elcharer* frequenti populo habitatus, & e regione eius alius quidam desolatus, nomine *Calaetel*. Solent autem hoc in loco crescentib. ex aestu maris vndis nautae appellere & naues in littore alligare, propterea quod consurgentes aquae vi & impetu, retroagantur, quantumvis remis eas promouere nautae laborent. Agri ab vtraque parte fluminis hominib. habitantur. Reperiuntur autem ibi equi, crines habentes virides & oculos flauos, similiter & muscae albae, quae mercatorib. in naui admodum infestae erant, cum vesparum instar laedant, & quasi acu homines pungant. Caetrum cum propter affluxum aquae vsque ad tertiam horam noctis ibi subsistere cogerentur, progressi postmodum circiter noctis medium ad ciuitatem *Corno* appulerunt. Habitat in ea *Sangiaccio*, cui vestigalis nomine pro qualibet naui 25. *Saie*, & pro quolibet mercium fasciculo 2. *Saie*, soluendi sunt, nisi pannos quis vehat; tum enim pro quolibet fasciculo 4. *Saie* numerantur. Perseuerabant autem ibi ad sequentem vsq; diem, qui 20. Martii erat, cumq; iterum progressi essent, riuulum quendam depræhenderunt ex Euphrate profluentem, qui cum Tigri hoc in loco miscetur. Excitatum est ibi propugnaculum aliquod *Sersisauzaca* nomine, praesidioq; militum pro compescendis & auertendis latronibus firmatum.

Paulo post tanta sese latitudo fluminis aperuit, vt vix Nilo cederet, eratque ab vtraque parte pagis elegantissimis conspicua. Ingens autem hoc loco solis aestus interdum depræhenditur, quo vel homines etiam suffocantur & perimuntur. Accidit enim, vt quatuor ex mercatoribus in terram descendentes, ire aliquantisper vellent, cumque lassi & defatigati considerent vires recollecturi, à vento quodam calidiori subito obruerentur & suffocati perirent. Vnde sacellum eo loco ædificandi incolae occasionem arripuerunt, quod hodie *Manforbene Sieb* vocatur.

Paululum progressi Insulam *Ebenanmer* conspexerunt frequenti populo habitatam, aliamque iuxta eam *Zezircatelatamo* nominatam. Populi

puli hi peculiari artificio capiendi pisces vtuntur, possuntque vitam suam commodè traducere, cum frumento abundant, eoque non vulgari, sed eiusmodi cuius grana vel nuges equare magnitudine sua videantur, cuius rei rationem hanc esse quidam opinantur, quod tot agris abundant, vt illi, ex quibus frumētum iam collectum est, 20. plus minus menses quiescere possint, donec sementis in eis iterum fiat. Maximus hic oryze prouentus est. Cumq; mercatores ad vesperam vsque nauigassent, venerunt ad castellum *Manoi*, vbi vectigal de mancipiis siue coemptis siue captis persoluendū est. Totam autem noctem nauigando traducentes, cum ab utroque fluminis latere multos pagos & arces vidissent, proximo die, qui 21. Martii erat, salui & incolumes, ciuitatem *Balsara*, secunda post exortum solem hora assequabantur.

CAPUT XI.

De ciuitate *Balsara* vel *Basora*.



CIUITAS *Balsara*, alias *Basora* dicta, in Arabia, Turcis hodiè subiecta est, cum antea fuisset sub potestate Arabum, qui *Zizaeri* dicuntur, qui etiamnum hodie satis amplam regionem possident, & à Turcis superari non possunt, idque propter æstus & vicissitudines maris, quod accrescens in insulam quasi in regione ipsorum facit, decrescens autem eam omnino deserit, vt ita nec terra nec mari exercitus eo traduci queat. In ciuitate *Balsara* Sultanus firmissimum semper præsidium non sine magnis sumptibus sustentare cogitur. Ea vero ipsa 15. leucas à mare abest, negationes aromaticas exercet. Aromata enim ex *Ormus* eo magna copia transferuntur, cumque dactylis, oryza & frumento alio abundet, salutari tamen & potabili aqua destituitur, quam qui sitiunt, dimidii diei itinere aliunde afferre coguntur. Qui enim ex fluuio ciuitatem istam præterlabente bibunt, morbi statim aliquid contrahunt. Rustici enim & agricolæ agros suos fimo humano stercoreare cōsueuerunt. Cum igitur ab inundationib. ad agros aquæ ascendit, de fimo isto tantum secum trahit & abducit, vt non solum ipsa corrumpatur, sed & aerem interdum inficiat, vnde pediculi, pulicis, cicinici, muscarum & id genus aliorum insectorum, ingens apud eos prouentus.

Agri fimo humano stercoreantur.


Vectigal quod hoc loco persoluendum semissis est, & accedunt multa alia incommoda atque grauamina, quibus *Emin* mercatores onerare solet, qui eousque impudentiæ progressus est, vt tantum muneris, quantum *Bassa* ipsemet accipiat. Etiam si enim ipsemet *Cicale* Præfecti nimirum in *Messina* filius existat, effecit tamen vt pannis aliquot mercatores priuarentur, simulans initio se eos præsentem pecunia empturum. Iniquius equidem cum ipsis nullibi actum est: nam & maius sensissent incommodum, nisi quidam *Scander Aga* ad *Bassam* pertinens pro ipsis intercessisset, qui cum intellexisset ex *Bassa* suo, infidias mercatoribus paratas esse à piratis, qui *Nutechi* vocantur, & non solum bonis peregrinantes spoliare, sed & vita priuare & naues eorum plane submergere solent, eos non solum de periculo hoc admonuit, sed consilium etiam dedit, ne iter suum maturarent; sed nuncium & tempus melius expectarent.

Non contemnendum hoc consilium rati mercatores, amicitiam contraxerunt cum mercatoribus aliquot, qui *Bagiani* vocantur, vt cum ad ciuitatem *Campagiam* pertinerent auctis aliquo modo viribus tutiores aduersus pi-

ratarum insultus essent. Populus hic admodum superstitiosus est, semel tantum in die comedit, nihil præter oryzam, panem & lac. in cibum assu- ^{Bagani populus} mens, nullum quantumuis abiectissimum animal vita priuaret, ita ut etiam ^{superstitiosus.} pediculis & pulicibus parcant, quos in chartam colligentes postmodum in patenti campo dimittunt. Quod si murem à puero quodam in *Balsara* compræhensum cernerent, certo eum precio redimentes dimittebant. *Barbam* non alunt, præterquam quæ superius labrum vestit, quamuis & hanc raderet quidam soleant. Comam autem siue capillos capitis prolixos admodum habent, eosque ad verticem conuolutos pilcolis contegunt. Vestitu utuntur oblongo candido, eumque in crucis formam in pectore disponunt. Lingua ipsis peculiaris est ab Indianorum idiomate parum discrepans. Colore sunt fusco. Mortui de mandato consanguineorum suorum igne comburuntur, cinerisque pars in ignem coniicitur, pars vero in aerem dissipatur, & pars in aquam dimittitur, parte quarta in terram defossa, quod æquum censeant & rationi consentaneum, ut qui ex quatuor elementis constat homo, post mortem suam in eadem resoluatur, ut ita cuilibet elemento quod suum est restituitur.

CAPUT XII.

De ponderibus, mensuris, & numismatibus ciuitatis *Balsara*.

 **Q**UOD ad pondera, mēsuras & numismata huius ciuitatis attinet, ^{Mano.} *Mano* quidem vnū, quinque *Rotolo* Alepica, & apud nos sextantē cum vna tertia constituit. Nouendecim *Mano* faciunt *Cantaro* Alepicum, quod 100. *Rotolo* continet, apud Venetos vero 720. libras minores, 24. dipondii siue semunciis constantes. Viginti *Mano* constituunt *Cantaro* in *Balsara*, quod Alepi 104. *Rotolo*, Venetiis vero 748. ^{Cantaro.} libras cum 18. semunciis facit. *Mino* autem in hac vrbe pondus præcipuū est, quod ad omnes fere merces ponderandas adhibetur. Mensuræ in hac ciuitate *Pichi* ut in *Babylonia* vocantur, & cum illis per omnia conueniunt. ^{Pichi.}

Moneta utuntur cuprea, vocaturque *Eftinni*, quorum 12. vnum *Maedin*, ^{Eftinni.} quemadmodum & Alepi faciunt, apud Venetos vero valent 4. solidos, & apud nos Germanos tres fere cruciatis. *Maedin* vero moneta est argentea, ^{Maedin.} similis ei quam *Sadin* in *Ormus* vocant, in vtraque facie signum aliquod Turcicum referens. Duo eiusmodi *Maedini* faciunt vnum *Damin*. Alepi totidem *Maedinos*, Venetiis 8. solidos, & apud nos Germanos 6. cruciatis. ^{Damin.} *Damin* vero itidem moneta argentea est, signum Turcicum in vtraque facie referens. Horum vnum cum dimidio faciunt vnum *Saie*, quemadmodum & Alepi, Venetiis vero 20. solidos, & apud nos Germanos 12. vel 13. cruciatis. *Saie* ciuitatis *Balsara* eiusdem sunt precii cum illis in Alepo. Ad vnum ^{Saie.} enim 20. *Eftinni* siue 1. *Larino* numeratur, quæ in Alepo constituunt septem cum dimidio *Maedin*, Venetiis vero 26. solidos, & 8. *Bagatin*, duodecim vero *Bagatin* constituunt 1. solidum, sex vero solidi faciunt 4. cruciatis. ^{Bagatin.} *Larino. *Larino* moneta est non rotunda aut quadrata, sed oblonga, calami scriptorii instar, cuius in longitudine octauam partem equat, in extremitatibus non nihil incuruata, signum Turcicum referens. Duplex autem huius monetæ genus est, alterum quod in Turcia cum signo Turcico, & alterum quod in *Ormus* cum imagine & signo Regis istius ciuitatis cuditur. Qui primus hanc monetam cudere cœpit, erat Rex *Lar*, qui longo tempore in Persia latè imperauit, iam autem eo angustiarum redactus est, ut nihil ei reliquum sit, præter exiguam regionem, quæ ad mare Persicum pertingit. Amicus est Regi in*

Ormus, & propterea iuratus hostis Lusitanorum. Et hæc quidem moneta optima & præstantissima habetur, cuius per vniuersam Indiam vsus est. Sex autem *Larini* faciunt vnum Venetum, Alepi 40. *Maedinos* Venetiis 8. libras, & apud Germanos 28. plus minus bazenos. Venetus *Zechia* ex auro, siue ducatus Turcicus valet 7. *Larin*, & 1. *Damin*, quæ faciunt Alepi 48. *Maedinos*, & 4. *Flussos*. Venetiis 9. libras, & 14. solidos. Moneta Veneta venditur 100. *Matecallis* & 88. *Larinis*, quæ faciunt 150. drachmas Alepicas. Vbi notandum quod plerunque inter mercatores, centum *Matecallis* agatur, qui, vt dictum, faciunt 150. drachmas Alepicas. In vrbe autem *Vocena* continet vnũ *Zecca*, qualia quidem in castello reperiuntur, centum drachmas, & numerantur ad minimum quinque; *Maedini* pro centum drachmis, quales in regione ista frequentes sunt.

Vestigal quod hoc in loco tam de coemptis quam de venditis soluitur mercibus, semissis est. *Toaso* autem & *Boabo* de qualibet fasciculo mercatorio 6. *Maedini* debentur, quos exigunt à mercatoribus, quando bona sua siue merces ex telonio auertere incipiunt. Quod si *Emin* eius loci pluris æstimare merces, quam par est, velit, datur ei potestas retinendi tantum de mercibus, quantum 6. *Maedini* de centenis constituunt, id enim mandato & ordinationi Magistratus eius loci conuenit. Soluta autem vestigali solet *Emin* omnes merces probè contueri, & peculiari quodam signo signare, vt si forte in reditu alias afferri contingat, fraus omnis vitetur, cum præsertim *Æthiopes* admodum fraudulentis sint, & variis technis vtantur. Cum supra *Matecalli*. monetæ illius mentio facta sit, quam *Matecalli* vocant, notandum est, quod eorum centum in *Balsara*, 18. semuncias Venetas in pondere habeant, & vt dictum, 150. drachmas Alepicas faciant. *Cantaro*. *Cantaro* in Damasco & Tripoli continet 100. *Rotoli*, qui faciunt 618. libras Venetas minores, semunciarũ 24. *Cantaro* autem Alepicum continet 100. *Rotoli*, qui faciunt 720. libras Venetas minores. *Cantaro* in *Aman* continet 110. *Rotoli*, qui faciunt 740. libras Venetas minores. *Noli* ciuitatis *Balsara* cum nauigiis, quæ vocantur *Terradi* vsque ad *Ormus* contracta, persoluantur habita ratione magnitudinis nauium. Quæ enim *Carra* decem capiunt, de illis 180. *Larin* persoluantur, quæ 15. præstant 270. quæ 20. 360. quæ 30. 540. soluunt, & sic cõsequenter. Vbi *Carro*. notandum q̃ per vnũ *Carro* in *Balsara* intelligantur 4. *Cantara*. Domino *Terradi* siue nauis istius 1. *Cantaro*, reliquis autem nautis tria *Cantara* cedunt, vt ita totum naulum siue precium, quod pro vectura & traiectu soluitur, sint 4. *Cantara*, quæ vbi solueris, nihil à te expetere amplius possunt: nam de victu nautæ sibi ipsi prospicere coguntur. Quod si vero in ciuitate *Ormus* maiori quam vsitatum, onere naues suas onerasse intelligantur, nihil pro eo precii postulare possunt. Christiani enim in ciuitate, velut in sua patria versantur, & nautæ isti nihili æstimantur, quod quidem nisi obstarer sæpe maiore naues suas onerarent pōdere, quā ferre possent, siquidem auaritia eorum tanta sit, vt etiam nauium propriarum rationem nullam habeant, vbi lucri aliquid inde percipere sese posse sciunt, quod quidem mercatores hi, cum damno & vitæ periculo ipsimet sunt experti. Necesse igitur est, vt quis suus ipsius rationem diligentem habeat, & in præsentia vel ipsius *Emin* vel alterius cuiusdam honesti viri, omnia peragat, quamuis bonorum & honestorum virorum mira apud ipsos paucitas, qui pessimi omnium, quotquot Arabia nutrit, habentur.



NTE QUAM ab hoc loco discedam, notatu dignum aliquid commemorare libet, q̄ mirabile quidem & incredibile Lectori videbitur, verissimum autem est & certissimum. Curant mercatores, qui ex Babylonia *Balsaram* & hinc rursus in Babyloniā merces suas transuehunt, negotiationesq̄ suas hinc inde exercent, columbas sibi aliquot ex Babylonia afferri, idque in columbario aliquo obscuro, ne videant quō deferantur. Has ubi acceperint in loco itidem obscuro fouent, donec earum opera uti velint. Quando igitur precium aromatum in *Ormus* vel augetur & ascendit, vel minuitur & descendit, inscribunt hoc ipsum chartis easq̄ complicatas aliquot columbis alligant, iamq̄ ex ciuitate ad miliare vnum vel alterum prolatas, liberas dimittunt, tunc licet non omnes domum redeant, reperit tamē vna vel altera habitationem suam pristinam unde ablata fuit, idque vnius diei spacio; quod ubi animaduertit dominus, eam compræhendit, literasq̄ inquirat, & statum ciuitatis *Balsara* cognoscit. Quæ quidem res magni momenti est, cum vnico die per literas alter alterum tāto interuallo à se remotum edocere de rebus scitu ei necessariis possit, idq̄ tam occultè & absque omni sumptus & pecuniæ dispendio, quod idem quidem etiam ex *Ormus* annunciari columbarum ministerio potest.

*Columba literas
ex Balsara Baby-
loniam deferunt.*

Postquam igitur mercatores nostri omnia quæ debuerāt persoluisse, & nuncium etiam de non magnopere timendis amplius prædonibus accepissent, conducebant sibi 19. Aprilis die Anni 1580. nauem aliquam, quæ *Balsara* in *Ormus* perducerentur, soluentes pro ea 200. *Larinos*. Licet autem alias tantum non necesse sit persolvere, ipsi tamen minores eam tunc accipere non poterāt, propterea quod nullæ præterea onerariæ naues adessent; quæ autem aderant ad alios vsus essent destinatæ. Mercibus igitur omnib. nauis illatis sub vesperam diei 21. eam ingrediebantur, moxq̄ sequenti die soluentes ex canali ciuitatis *Balsara* abierunt. Cum autem in Tigrim iterum delati, ad sepulturam alicuius, quem Sanctum nautæ prædicabant, peruenissent, in loco *Siccali* dicto expetebant nautæ à mercatoribus aliquam pecuniam, ut sacrificiū Sancto illi offerre possent; quo peracto naues quidem alligabant, propterea quod aquæ crescere viderentur, & quidam ex nauib. aliis, (erant enim septem numero) promouere nihil quicquam possent. A meridie licet aquæ iterum decederent, non poterant tamen contra ventū nauigare, sed per noctem ibi hære cogebantur. Sequenti autem 23. Aprilis die, secundo vento iterum progressi pertingebant ad Insulam quandam *Fugiadi* nomine, multis & arboribus & ædificiis conspicuam, licet in medio flumine sita esset. Inueniebant ibi multas naues, illis quibus ipsi utebantur similes, quarum uti descriptionem subiiciam operæ precium videtur.

Siccali.

Fugiadi.

Naues hæ in fundo excauatæ sunt & vacuæ, asseribus insigni artificio in prora puppiq̄ ita cōiunctis, ut aluum in medio faciant, quamuis aliquanto angustior, quam in nauibus ad *Caramusali* conspicitur. Puppis aliquanto eminentior est prora, clauumque sibi alligatum habet, qui ad latera vix duorum digitorum spacio moueri possunt. Gubernator trabi insidens funiculum manibus tenet, qui clauo ita alligatus est, ut in quam partem à Gubernatore trahatur, in eam clauus nauim propellat. Malum habent in medio consistentem, carbasa vero ei alligata in inferiori parte velut in quadris excauata sunt. Cum autem in puppi obseruant, velum quoddam minus ipsis

*Nauium in Or-
mus descriptio.*

ipsis *Sambusa* dictum, dimittunt, illudque ab vno latere in aliud ad ventum dirigunt, postmodo aliud velum parti illi, in qua remiges sedent, alligatum, inferiori sua parte puppim versus trahunt, moxq; velum minimum ad verticem siue supremam mali partem protrahunt, eique vexillum aliquod affigunt. Funiculum autem cuius beneficio hoc velum attractum, & reliqua omnia malo alligata sunt, trabi postmodum, cui Gubernator, naus insidet, alligant, vt dimoueri non possit. In puppi naus cooperculum habent, triū vlnarum altitudine ex lignis & storeis siue regetibus arcendis pluuiis destinatum. Sed & quatuor vexilla in puppi ad quatuor latera, & vnum in medio erecta cernuntur. In prora autem duæ constitutæ sunt anchoræ, quibus nauem, si ita necessitas ferat, retineant. Carbasa ex crasso constant linteamine, suntq; maiora & minora pro libitu nautarum. *Pennon* pro firmanda antenna, in prora naus constitutus, eam velut æquilibrium continet, ne vel in hanc vel in illam partem nimis inclinet. Focum ad malum naus firmatum, puppim versus conuertunt, ad latus eius situlæ duæ, seu vasa quibus aquam hauriant, *Tangi* ipsis dicta, ex funiculis & clauis ligneis confuta, & piscium adipe, vt naus ipsamet illinita, pendent. Cæterum naus ipsamet intrinsecus ramis palmarum vndique suffultæ & obductæ sunt: ita tamen vt rami isti neque latera neque fundum contingant, sed inter suffulturam illam & nauem ipsam spacium relinquatur, ne merces ab irrumpentibus fortè aquis humectatæ corrumpantur. Naui autem semper cymbam aliquā coniunctam habet, quæ peculiari etiam velo instructa est, ne maiorem illam in cursu remoretur. Cum enim tempestas aliqua ventorum exoritur, velum illud per puerum in cymba illa sedentem explicari, rursusq; ventis cessantibus contrahi curant.

Fegida.

Mare ingreditur.

Iam vt ad cœptum iter reuertamur, 22. Aprilis circa meridiē, in signem & dactylorum feracem Insulam *Fegida* dictam assequebantur. Ager ibi ab vtraque fluminis ripa fœcundus est & bene cultus. Flumen ipsum latitudine sua Nilum ferè æquat, & quasi stagnum aliquod efficit, vnde riuus quidā per oras *Bairen* & *Asgionfan* transiens, tandem in mare exoneratur. Circa vesperam ad Insulam aliam applicarunt, mari quod *Golfo* siue sinum Persicum vocant, vicinam, vbi per noctem substituerunt. Postero die cum horam vnā atq; alteram nauigando traduxissent, ad mare delati, vento omni destituebantur, cumque circa meridiem ventum sibi aliquo modo deprehenderent aduersum, in dextro latere Arabiam versus firmatis anchoris nocte ea permanserunt.

Fines Imperij Turci.

Ratio noua reparandi naues in flumine harentes.

Sequenti 25. die, secundiori vtentes vento, directo in Austrum cursu, fines Turcici Imperii exteriores relinquebant. Pro vitando autem angulo, qui Persiam versus sub vndis excurrrens *Rasalchel* nominatur, in altero latere Arabiam versus se continebant, progredientes felici itinere ad medium vsque noctis, cum subita tempestate exorta, carbasa & clauis frangerentur, ipsique ingenti periculo exponerentur. Durabat hic ventus ad vesperam vsque 27. Aprilis, itaque illi sedato mari progressi sequenti 28. die ad Insulam *Gebel* appulerunt. Cum autem naus foramen aliquod ex tempestate contraxisset, aquamque sorbere animaduertetur, patronus siue dominus eius in mare se dimisit, foramen illud obice vel cuneo ligneo obturaturus. Quamprimum enim fissuram aliquam in naui animaduertunt in aquam descendentes, tamdiu sub naui hærent, cuneoque, cui equorum setæ annexæ sunt, rimam illam inuestigant donec attractis per rimam setis, læsum ab vndis locum inuenisse se deprehendant, tunc enim adacto per rimam illam stipite siue cuneo, & obturato hac ratione foramine, ipsi salui ex vndis reuertun-

uertuntur. Sunt qui fastis ex cornibus caprarum retinaculis nares compri-
mant, vt eò diutius sub aquis commorari possint, quod licet illis, qui id non
viderunt, incredibile videatur, verum tamen est, & mercatoribus nostris
haud semel compertum.

Circa meridiem eiusdem diei conuersa nonnihil prora, angulū alium ^{Naufragij pericu-}
Persiam versus excurrentem, quem *Casarus suad* vocant, declinaturi progre- ^{lum.}
diebantur, donec sequenti die *Silaum* assequerentur, qui locus reparandis
nauib. perquam opportunus habetur, & quidem expediebat ipsis, quod ad
hunc locum peruenerint & horas aliquot reparandis nauib. impendere vo-
luerint. Tanta enim tempestas in eos paulo post irruit, vt maiore in vita sua
mercatores isti non viderint. Contendebant ipsi equidem remis velisq; ad
promontoriū aliquod applicare, vbi saluare sese & tuti latere à periculo pos-
sent, verum tātus erat fluctuum impetus, vt cum quinq; adhuc leucis à pro-
montorio abessent, clauus nauis in duas partes rumperetur, parte altera in
aquam prolabente, altera vero funiculorū beneficio puppi cui alligata erat
adhærescente. Poterant nauæ isti vel piscium instar natæ, itaq; duo ex il- ^{Nautæ piscium in-}
lis omni fluctuum impetu neglecto atq; posthabito in mare sese abiiciebāt, ^{star natæ va-}
arreptamq; partē illam clauo iterū colligabant, vt vti eo aliquo modo iterū ^{lentes.}
possent. Concipiebant ibi spem aliquam fore vt periculum hoc euaderent,
sed spes illa frustranea erat, paulo enim post clauus totus vi fluctuum auulsus
abripiebatur, cogebaturq; ipsi carbasa sua explicare, & quo fors eos missura
esset, sequi. Cum igitur de salute sua desperantes Deo sese precibus quisq;
commendarent, & mortem singulis momentis expectarent, fluctibus mon-
tium instar sese eleuantibus, naui vero clauo destituta, modo in hanc modo
in illam partem inclinante, accidit, vt anteriori nauis parte ad littus fluctuū
impetu proiicerentur, in quo alia quædam nauis hærebat. Videntes igitur,
qui in ea erant quanto iactaretur hæc nauis discrimine, processerunt eis ob-
uiam, compræhensamq; funibus ad littus protraxerunt. Quantum inde ex-
titerit inter mercatores nostros gaudium, vel coniectura assequi cuiq; faci-
le est. Gratulabantur equidem sibi inuicem, Christiani quidem Æthiopi-
bus, & Æthiopes Christianis, confidentesq; peractis precibus & gratiarum
actione ad Deum, cibo & potu sua corpora reficiebant, totam postmodo
noctem aquis ex naui hauriendis insumentes. Locus hic vbi auxilium hoc
ipsis obtigerat, *Naturz* dictus est. Commorati autem ibi integro biduo, cum ^{Naturz.}
nauem suam reparassent, clauum alium ei alligassent, & de rebus necessariis
sibi prospexissent, soluentes iterum iter suum continuarunt, videbant au-
tem prætereuntem nauem aliquam, quæ ante 40. dies ex *Ormus* ciuitate sol-
uerat, & metu piratarum iter suum continuare nō audens in Insula quadam
substiterat. Hanc paulo post ex Insula *Chermon*, alia sequebatur, nuncium ^{Piratarum crude-}
afferens de piratis, eos nempe ex *Golfo* siue sinu Persico discessisse, & non so- ^{lissimi & saussis-}
lum bona mercatorib. eripere, sed & submersis nauib. vita eos priuare sole-
re. Pirati hi *Nutechi* vocantur, suntq; omnium, quorum in historiis vnquam
mentio facta, crudelissimi atque sæuissimi. Venerant autem ex longinquis
locis per duos transitus *Calmet* & *Pußerin* dictos, in hoc mare, & à Lusitanis i-
ta excepti sunt, vt cæsis quamplurimis fugam arripere qui superfuerant co-
gerentur.

Cæterum sub occasum solis ex prædicto loco soluentes cursum suum
iuxta littus dirigebant, aperto mari sese committere non audentes. Perue-
nerunt autem sequenti die ad locum aliquem *Barisaris* dictum, vbi ingentes ^{Barisaris.}
admodum pisces mare nutrit, delphinis non ab similes, qui minores ita per-
sequuntur, vt cogant eos sæpenumero ad littus proflire, & sese incolis istius

Homines quinque
vel 6 leucas na-
tando conficere
valentes.

Populi natandi pe-
ritissimi, solum pisci-
bus cum oryza
vescentes.

Lar.
Piratarum peri-
culum.

Andrabè.

Quais.

loci prædam exponere. Postquam autem totam illam noctem nauigando traduxissent, assequebantur 2. Maii die Insulam *Cailon*, à qua non longe meridiem versus alia distat, quæ *Lar* vocatur, iuxta hanc Insulam videbant ingentem serpentum sub aquis hinc inde natantium copiam. Directo autem in Austrum cursu conspiciebant oras Persicas, regionem sterilem admodum & infœcundam, habitatam populo paupere & rerum omnium indigente, qui si quando nauem videant præterire, posthabito omni periculo, mare ingrediuntur, & sæpe quinque vel sex leucas natando conficiunt, donec eam assequantur & eleemosynas ab ea obtineant, quibus vel panis bis cocti, vel datylorum vel aliorum cibariorum aliquid communicari & exhiberi solet. Natatores autem hi pilam aere tumetem sibi subiicere solent, ut super eam quasi quiescant, ne fractis forte & debilitatis viribus, mergantur. Cæterum pilæ istæ foramen habent, quod corpore suo pressum ab aquarum influxu tuentur. Quando igitur aliquid ipsis communicatur, in pilam statim illud ingerunt, cum nudi alioqui incedant, & ubi eleemosynas suas recondant, præter pilas illas nihil habeant, quæ duplex ipsis officium præstant, alterum, ut super eas natantes requiescant, & alterum, ut accepta munera in illis recondant. Populi hi in natando piscibus similes sunt, nec reperiuntur, (ut nauæ nostrorum mercatorum, qui tamen & ipsi nandi erant peritissimi, ipsimet fatebantur) qui cum eis conferri possint. Cibus ipsorum pisces tantum sunt & oryza, illis enim, sicut nos pane & oryza, vescuntur. Vnde videre est piscibus eos loco panis uti, quod idem & animalia ipsorum, utpote canes, felines, gallinæ, &c. faciunt, cum præsertim nec frumentum, nec herbas, nec arborum fructus in regione sua habere possint.

Cæterum mercatores nostri totum diem nauigando traducebant, ut istam Insulam superarent, sub vesperam autem in fretum aliquod inter Insulam *Lar* & oras Persicas incidebant, ubi pirati sese occultare solent. Cum igitur in freto hoc nauigantes Insulam quandam aliam, priori non absimilem, assecuti essent, ecce naus quædam piratica multis armatis instructa eis obuiam processit. Itaque mercatores ea visa, amicos sese primum ipsorum esse simulantes, imperterriti cursu eis appropinquabant, ita tamen ut nemo præter remiges & naus Gubernatorem sese conspiciendum præberet, donec adesse eis quam proximè viderent. Tum vero statim ad bombardas & sclopos suos conuersi, ita eos adoriebantur, ut sagittarum lancearumque cum gladiis in manibus, obliui, remos quantum possent impellerent, & ad Insulam suam properarent. Quamprimum autem eam assecuti essent, accenso igne fumum ingentem excitabant, eo forsitan sine, ut piratis aliis signum darent, & ita fortiores in mercatores impetum facere possent. At illi cum, nauibus cæteris in tempestate supra commemorata amissis, solos sese esse viderent, ingruente iam nocte, conuertebant cursum suum in Orientem, relictaque post tergum *Andrabè* Insula, itemque alia cui *Caris* nomen est, sequenti 3. Maii, quamprimum dies facta esset, procul à terra se abesse depræhendebant, quæ *Quais* vocatur, viridis admodum & pulchra aspectu. Prima hæc terra erat, quam in finibus Persicis gramine, herbis & arboribus decoratam viderent, tota enim regio illa sterilis, saxea & desolata est. Circa meridiem cursu in Austrum directo, animaduertenterunt piscem nigrum, qui populis illis *Cherso* dicitur, nauem sequi, & cum magnitudine sua ipsam nauem superaret, aquam faucibus expuere, tanta altitudine, & sine horrore intueri eum non possent.

Sub vesperam proiecta anchora ibi quiescebant, quod mare placidum esset, & ventus nullus audiretur. Sequenti die relicta post se Insula

Furur

Furur post meridiem in duas naues incidebant, quæ ante quinque dies ex Insula *Ormus* soluerant. Afferebant autem nuncium de piratis, nullum ab eis in tota ista regione totoq; *Golfo* seu sinu periculum metuendum esse, cum ab illis qui in *Ormus* habitant emissis aliquot triremibus, in fugam versi, & ex regione ista exterminati essent. Omnes autem Insulæ istæ, quemadmodum & tota regio à *Furfur* & *Basidon* usque frugiferæ sunt, & ab hominibus habitantur.

Sequenti die, nempe 5. Maii, depræhendebant in Insula *Basidon* triremes illas seu naues prædiarias, ex *Ormus* ablegatas, proiecta igitur anchora sua substituerunt, nauigium quoddam de prædiariis illis expectaturi. Quamprimum enim aduentantes Præfectus viderat, ablegato ad nauem nuncio, ad colloquium mercatores inuitabat, cumque ad littus venissent, quærebat ex eis, ecquid literarum ad Præfectum siue Capitaneum in *Ormus* haberent, militemque ex classiariis suis eis adiungebat, qui ad *Ormus* usque ciuitatem eos comitaretur. Cum igitur aliquem sibi adiunxissent, maris istius expertum secundo vento progressi, ad tres illos vicos, *Basidur*, *Iersar*, & *Cerbil* appulerunt, postea conuerso versus Septentrionem itinere, cum angulum quendam euitare vellent, subito in arenam delati sunt, ex qua magna difficultate sese vix explicare poterant, cogebanturq; ibi hære per totam fere noctem, donec crescentibus ob refluxum maris vndis, naus iterum eleuata progredereetur. Continuato autem versus Septentrionem itinere, sub iugo montis transeundum ipsis erat, freto tam angusto, vt funes etiam adhibere certis quibusdam in locis ob defectum aquarum, & nauem protrahendo iuuare cogerentur, cum præsertim multis etiam saxi transitus iste abundaret. Hoc superato assequebantur duas Insulas, quarum circumferentia octo leucarum est, continuatoque versus Septentrionem cursu, sub vesperam ad vicum *Lefratie* appulerunt, in quo nautæ quibus tum utebantur, habitabant. Hi abeuntes cucumeres fructusque alios mercatoribus afferebant, erantq; ibi gallinæ & capræ tolerabili pretio venales, vt ita de rebus necessariis sibi prospicere commode mercatores possent.

Cæterum nautæ ad naues reuersi, fissuris rimulisque omnibus in naui obturatis, continuato itinere, in tantas delati sunt, ob montium & saxorum frequentiam, angustias, vt vix ingenti cum labore & periculo transire possent, quare cum in opertum rursus mare peruenissent, reperta 9. passuum profunditate, quiescendum ibi per noctem putabant. Sequenti 9. Maii die, Orientem versus iuxta littus progressi, multos agros, pagos, hortos & ædificia cernebant, quorum incolæ cibum alium, præter pisces, dactylos & oryzam non habent, panem enim, quemadmodum & populi in reliquis Insulis habitantes non solum non habent, sed non norunt quidem, adeo, vt si quis panem nauticum bis coctum ipsis exhibeat, statim an Rhabarbarum sit in terrogent. Lingua vtuntur Persica. Nomen autem Insulæ est *Boreche*, in longitudine Candiam referens, & 360. vicos maiores, pagis minoribus non computatis, continens.

Post meridiem eiusdem diei aperuit sese eis tractus Insulæ *Boroch*, iam *Rasatabel* dictæ. Cumq; illam post se reiecissent, cœpit eis apparere desiderata *Ormus* Insula, in cuius portum sub vesperam, cum nimirum mensem & diem integrum, à 9. nempe Aprilis ad 10. usq; Maii diem in itinere fuissent, feliciter appulerunt.



ORMVS ciuitas est non magnæ quidem capacitatis, sed tamen valde populosa, sita in Insula quadam, quæ licet ad 30. leucas se extendat, tam sterilis tamen est, vt præter lignum & sal nihil producat, sed aliunde quæ ad vitæ necessitatem pertinent, acquirere cogatur. Illa autem ex finibus Persiæ, sex miliaribus ab Insula remotis, tanta copia aduehuntur, vt nullarum rerum penuria in ciuitate hac deprehendatur. Non procul à ciuitate propugnaculum est pulcherrimum ad mare extructum, in quo Præfectus Regis Portugalliæ *Don Consaluo di Mienxa*, habitat. Is potestatem habet Reges in *Ormus*, qui semper ex Persis eliguntur, & quorum modernus *Siafirusia Gialaledi* nominatur, nomine Regis Portugalliæ coronandi, illisq; imperandi, vt mandatis suis pareant, & sese ad nutum suum componant. Incolæ ciuitatis maxima parte Lusitani sunt, itemque Agiami, Æthiopes, Ethnici, Iudei, aliarumq; nationum & religionum mercatores, qui variis mercib. negotiantur. Reperias enim ibi omnis generis merces & aromata, pannos item laneos, linteos, sericeos siue bombycinos & gossypinos, cum coraliis, ambra & id genus rebus aliis. Magna autem imprimis ibi equorum negotiatio est, qui inde in Indiam transferuntur.

In eligendis Regibus hunc seruant modum. Principio Rege aliquo defuncto, alium eligunt regio sanguine & stemmate prognatum, non tamen absque consensu Præfecti Lusitanici, idq; adhibitis variis ceremoniis. Postmodo electus cogitur fidem & obedientiam Regi Portugalliæ promittere, quo facto, porrigit ei Præfectus nomine Regis sui Sceptrum & Coronam regiam, eumque magna solemnitate in arcem Regiam, quæ in vrbe est, deducit. Reges hi vitam honestam & satis splendidam agunt, reditus habent copiosos, & nulla prorsus grauamina experiuntur, cum Præfectus Lusitanicus eos tueri, & iurisdictionem eorum conseruare cogatur. Desert autem Præfectus iste Regibus, si forte cum eis aliquo proficiscatur, debitum suum honorem, sed ipsis iter aliquod ingredi, nisi id Præfecto prius significarint, non licet.

Æthiopes in ciuitate illa aliquot sacella habent, quæ ab eo tempore quo Lusitani ibi dominantur impetrarunt. Eleuatio poli in ciuitate est 25. graduum, portumque habet mediam inter Septentrionem & Orientem plagam spectantem. Pro auibus in hac Insula conseruandis exponuntur quotidie ad fenestras vascula quædam fictilia & cuprea, granis & aqua repleta, vnde cibum potumq; habere possint. Hoc enim nisi fieret, breui tempore omnes extinguerentur, nec vlla amplius per totam Insulam auis appareret. Abundant autem suis, quæ maximè in littore maris pascuntur. Aqua potabilis ex Persia in vasis quibusdam fictilibus maris beneficio ipsis affertur, estq; salutaris admodum & palato grata. Ex iisdem locis accipiunt etiam fructus, oua & pecudes omnis generis. Vinum autem ex *Goa* partim, partim ex *Balsara* allatum, non vsq; adeo magno precio venditur. Vrna enim Veneta ad summum 4. coronatis venit, & tamen ipsis carum nimis videtur, itaq; ipsi sibi aliud ex vuis passis, quæ ex Babylonia & *Balsara* accipiunt, nucibusq; myristicis, quæ ex Arabia fructifera octingentarum leucarum itinere eo perferuntur, conficiunt.

Numerantur in ciuitate hac quinque templa & armamentarium vnum, fornicibus decem constans, quarum qualibet peculiares habet naues præfidiarias,

fidias, ad hoc constitutas, ut iis mare à piratis & prædonibus vindicetur, tutusque peregrinis mercatoribus accessus præstetur. Fœminæ omnes, Christianis solum exceptis, aurum naribus appensum gerunt, atque ex eius magnitudine de facultatibus earum iudicatur. Æstatis tempore tantus ibi feruor & æstus est, ut præterquam matutino & vespertino tempore, domo exire nemo audeat. Naues in portu constitutæ ramis palmarum & storeis siue mattis ad aquam usque obteguntur, hoc enim nisi fiat, resoluta estu solis nimio pice corrumpuntur. Hyems, initium in medio Nouembri sumit, & ad finem Ianuarii usque durat, tempus reliquum est uti in Italia moderatum, excepta æstate, quam supra modum calidam experiuntur.

Dum mercatores nostri in hac vrbe versarentur, factus est ibi 21. Iulij, horam circiter pomeridianam tertiam ingens terræmotus, sed non diu tamen durauit, nec damni inde illi multum vrbi illatum est. Ingens autem eodem tempore auri & margaritarum thesaurus in ædibus primarii cuiusdam *Visir* inuentus est, quem Præfectus nomine Regis Portugalliæ ad se recipiebat. Hic *Visir* eadem potestate qua *Vice Re*, seu vicarius Regis præditus est, & nomine Regis in *Ormus* telonio assidet. Sed & duo alij, Regis Portugalliæ nomine ad telonium sedent, itaque si mercium aliquid domo mercatoria effendum sit, fieri id, nisi tribus hisce personis præsentibus, ut Scribas & alios taceam, non potest.

CAPVT XV.

Vbi, quando & qua ratione margaritæ capiantur.

QUAMVIS in *Ormus* margaritæ non capiantur, cum tamen Insulæ, quibus hoc fieri solet, non procul ab hac Insula remotæ distent, aliquid de captu earum hic annotare visum est. Omnium igitur, quæ haberi possunt, margaritæ præstantissimæ & optimæ sunt, quæ in Insulis *Bairen* & *Gionfar* reperiuntur. Reliquas enim omnes candore, magnitudine & rotunditate superant, quæ in alijs minoribus Insulis capiuntur, quales sunt *Latif*, *Lafen*, *Barechator*, *ZeZirafilbar*, *Alul*, *Seran*, *Dsiue*, *Daas*, *Emegorcenon*, *Ancevi*, *Zerecho*, *Delmephialmas*, *Sirbeniaft*, *Al-*
dane, *Festebruatich*, *Cherizorn*, *Dibei*, *Sarba*, *Agiman*, *Ras*, *Emelgorvien*, *Rasagiar*, *Daoin*, *Rasaelchime*, *Sircorcor*, *Casab*, *Conzar*, *Mesendenderadi*, *Lima*, *Debe*, *Chorf*, *Chelb*, *Sarar*, *Suet*, *Mestiar*, *Garagiat*, *Tewu*, *Golat*, *Fur Gatile*, *Sam*, *Gameda*, *Bacha*, & *Iadi*. Nam in omnibus hisce locis margaritæ inueniuntur, sed non usque adeo elegantes & rotundæ, sed oblongæ & incuruatæ siue gibbosæ, tam maiores quam mediocres atque minores. Inuentæ sunt quidem ante hæc tempora & in *Muscato*, qui locus 60. leucis ab *Ormus* abest, margaritæ admodum pretiosæ, verum locus iste nullas amplius suppeditat, reperiunturque ibi hodiè pisces gallis gallinaceis similes, quorum venenatus morsibus, qui capere margaritas instituunt, statim necantur.

Vbi generentur margaritæ.

Modus generationis.

Quando capiuntur.

Generantur vniones & margaritæ ex pluuiâ, quæ in Aprili cadit. Est enim in mari genus aliquod ostreorum, vim aliquam sese commouendi naturalem habetium, instar *Cappefante* in Italia. Hæc in Aprili ad superficiem aquæ ex mari eleuata, sese aperiunt, conceptisque de pluuiâ aliquot guttulis, conclusa iterum in fundum maris se dimittunt, vbi omnes istæ guttulæ in vniones siue margaritas commutantur. Non capiuntur autem nisi sub finem Iulij & per totum Augustum, non enim citius maturescunt, sed crudæ & molles instar visci & bituminis in ostreis reperiuntur. Insulæ equidem, quæ à *Comeri* ad *Chilao* & *Seilan* usque se extendunt, omnis id nominis ha-

bent, ut margaritarum Insulae dicantur, nouerunt enim earum incolae optime tempus, quo margaritas capere oporteat, quod cum iam instat, peritissimos quosque natandi sub aquas dimitunt, exploratum quo loco quamplurimum ostrearum margariferarum contineatur. Hoc enim cognito, mox tabernas & tuguria quaedam ex stramine & alia leui materia ad eum locum excitant, assumptisque rebus ad victum necessariis, toto capturae tempore ibi commorantur, quae peracta mansiunculas illas iterum destruunt. Permittitur autem unicuique margaritas capere, cum Regi Portugalliae, quem admodum etiam Ecclesiae Cathedrali ad Sanctum Paulum, certum suum tributum hoc nomine persoluant.

Quomodo capiantur.

Quamdiu margaritarum haec captura durat, semper in mari praesidiariae aliquot naues cum multis classiariis militibus constitutae sunt, qui piscatores margaritarum a piratis & praedonibus defendant. Congregantur enim in vnum locum multis nauigiis piscatores, simulque ex oriente sole a littore in *Golfum* seu mare progressi, varie sese distribuunt, cumque locum sibi quisque peculiarem elegerunt subsistentes funiculos aliquot, quibus lapides alligati sunt, ex nauigiis ad fundum usque demittunt, postmodo claustrum ex caprarum cornibus factum naribus aprat aliquis, aures vero oleo quodam, quod aquam non admittit, inungit, atque ita appenso ad collum sacco, apprehendens ex funiculis illis aliquem, ad imum usque maris descendit. Summa autem celeritate repleto ostreis sacco, signum illis, qui in naui sunt, commoto funiculo praebet, qui commotione hac visa nihil cunctantes, piscatorem cum ostreis extrahunt, ne iusto diutius sub aquis manens, quod quidem vsuuenire haud raro solet, suffocetur. Ceterum vno egresso descendit alius, continuaturque piscatio haec ad vesperam usque, donec omnes descenderint & officio suo perfuncti sint, ubi saepenumero accidit, ut si commodum offenderint locum, nauiculam suam ostreis probe repletam domum aduehant. Reuersi autem ad tuguria sua, quaelibet societas, quae vna naui utitur, ostreas suas in vnum aceruum cumulant, nec tamen eas attingunt donec captura prorsus finita est, tunc enim assidentes aceruo suo, eas absque omni labore, cum mortuae iam sint, aperiunt, margaritas eximunt, & in pertuso aliquo vase aeneo percolantes, rotundas a longiusculis separant, illas enim utpote praestantissimas, Lusitani coemunt. Secundum genus, quod rotundam figuram plane respuit, vocant *Aia di Bengala*. Tertium, quod aliquo modo, non tamen perfecte rotundum est, *Aia di Canara*. Quartum vero minimarum & vilissimarum margaritarum genus *Aia di Cambaia* vocant. Ad sunt enim statim, qui separatas hoc modo, & secundum genera sua distributas aestiment, ne ab aduentantibus mercatoribus, qui exiguo temporis spatio omnes postmodo coemunt, ipsis tanquam simplicioribus rudioribusque facile imponatur, cum praesertim infinita pericula, non solum ab aquis, sed & ab arenis & saxis sub aqua latentibus, experiri & superare margaritarum piscatores cogantur.

*De ponderibus, mensuris, monetis & vectigalibus, in ciuitate Ormus
usitatis.*

PRo aromatibus & mercibus aliis diuendendis varia in hac ciui-
tate pondera habent. *Droga* enim habent interdum 3. *Cantara* Droga.
& 3. *Rubi*, interdum vero 4. *Cantara* & 25. *Rotoli*, quæ omnia Ba- Cantara.
ro nominantur; continetq; *Baro* maius & minus 20. *Frassolas*. Frassola.
Vnum autem *Frassola* facit 100. *Mano*, atque ita *Baro* quodlibet 200. *Mano* Mano.
continet. Quodlibet *Mano* habet 24. *Chiasso*. Quodlibet *Chiasso* habet 10½. Chiasso.
Metacalli, quodlibet *Cantara* cōtinet 4. *Rubi*, vnum *Rubi* sunt 32. *Rotoli*, vnum Metacalli.
Rotolo sunt 16. vnciæ, vna vncia habet 7. *Metacalli*. Itaq; vnum *Cantaro* ha- Rubi.
bet 128. *Rotoli*, quæ faciunt 192. libras Venetas minores. Rotoli.

Bari in *Ormus* sunt multorum generum, cumq; nominatur *Baro* maius, in- Bari.
telliguntur 7. *Cantara* & 24. *Rotoli*, quæ faciunt 1380. lib. Venet. minores.

Monetæ hoc in loco vsitationes sunt *Lecca*, valet autem *Lecca* vnum 100. Lecca.
Asari, quæ faciunt 190. *Larini*, vel 38. *Pardai*, & dimidium *Larin*, si 5. *Larini* ad Asar.
Pardao vnum computentur. *Asar* vnum sunt 10. *Sadini*, vnum autem *Sadino* Larini.
sunt 10. *Danari*. *Larini* quinq; faciunt 1½. *Sadini*. Si autem spectes monetas Sadino.
Alepicas, *Sadino* idem est quod *Maedin*, vna autem eius quarta facit 5. solidos
Venetos, qui *Larini* in *Ormus* facerent 26. solidos Venetos minores.

Mensura in *Ormus* duplex est, vna vocatur *Caudo*, & superat mensuras A. Caudo.
lepicas integro quadrante, cui enim *Alepi* dantur 100. *Pichi*, is in hac ciui-
tate reperit 103. Quod si mensuram hanc cum ea, cuius in *Balsara* aut Baby-
lonia vsus est, conferas, superabit eam 25. partibus cum duabus tertiis. Qua-
re cui in *Babylonia* aut *Balsara* dantur 100. *Pichi*, quarumcunq; mercium,
is in hac ciuitate depræhendet se habere 125. cum duabus tertiis.

Sed & aliud mensuræ genus habent, quod *Vara* vocant, transmissum Vara.
nempe à Rege Portugalliæ in hanc ciuitatem, vt vilioris precii mercib. ad-
hiberetur. Hæc mensura palmos quinq; digitos vero 20. continet, & su-
perioris mensuræ *Couedo*, vnam saltem quartam partem cum duabus tertiis
constituit, vt qui 100. *Couedo* coemit, si hanc mensuram *Vara* adhibeat, non
plus quam 60. reperiat.

Quod ad vectigalia huius ciuitatis attinet, admiratione dignum est, q.
naues quæ ex *Goa* aut aliis Indiæ locis, mercibus onerata in portu huius ci-
uitatis appellant, si tantum mercium aduehant, quantum decem equis o-
nerandis sufficit, ne minimum quidem teruncium vectigalis nomine per-
soluant, sed planè liberæ sint: Rursum autem, si tantum nō adferant, quan-
tum decem equi ferre possunt, vectigal totum persolvere cogantur. Præ-
terquam enim quod longo vsu ita receptum apud eos fuerit, Rex Emanuel
etiam consuetudinē hanc non ita pridem cōfirmavit. Quod si quis decem
equos mercibus suis onerasset, vnum vero in itinere deficere & mori con-
tingeret, necesse est, vt, nisi perspectę fidei sit, caudam demortui istius equi
resectam ad *Eminum* perferat, si liber à vectigali esse velit. Cæterum vecti-
gal in *Ormus* deunx est: nam de centenis singulis vndecim persolvere mer-
catores coguntur, quorum decem quidem Regi Portugalliæ, vnum vero
præfidiariis nauibus cedunt. De speculis, perspiciliis, sphæruleis precato-
riis, & id rebus aliis vitreis, vectigal nullum soluitur. Iudæi autem, Armenii
& Æthiopes, præter deuncem hunc aliud adhuc vectigal præstare cogun-
tur, nempe quadrantem, seu tria de centum, quod *Caida* ipsis vocatur. Caida.

De vectigali & sumptibus, quos ab Ormus usque ad Chiavul, Goa, & Cocchi, naues facere coguntur.



DOPULI, qui vocantur *Imoccaiari*, soluunt pro tabula vna 60. partium, 6. *Larin*.

Pro ordinaria seu consueta *Cassa* aquæ rosarum, 8. *Larin*.

Pro vnoquolibet *Cantaro* seu 128. *Rotuli*, 10. *Larin*.

Pro vnoquolibet *Cantaro* amygdalarum 9. *Larin*.

Pro *Cantaro* *Ruina de Calagnii* 12. *Larin*.

Pro *Cantaro* mercium vitrearum 8. *Larin*.

Cassa continens quinque *Pardi* soluit 10. *Larin*.

Casoni maiores singuli 14. *Larin*. Mediocres vero 12. *Larin*.

Tamari usque ad *Moscatum* soluunt pro quolibet *Fardo* 3. *Sadin*.

Tamari usque ad *Diu* vel *Chiauul* soluunt pro quolibet *Fardo* 4 $\frac{1}{2}$. *Sadin*.

Quod si vero merces pro 10. equis in nauibus vehantur, vectigalis quidem nomine nihil præstatur. Quod ad nautas attinet, ipsosmet de sumptu suo sollicitos esse oportet.

Iam cum debitum omne mercatores nostri in *Ormus* persoluissent, muneraq; non pauca Præfectis eorumq; ministris obtulissent, constituerunt iter suum *Goam* versus dirigere. Antequam autem ad itineris istius descriptionem descendam, visum est mentionem hic facere aromatum, quæ in *Ormus* reperiuntur, eorumq; pondera cum ponderibus Venetis conferre.

Sic igitur *Baro* vnum nucum myristicarum, ex 3. *Cantara* & 25. *Rotoli* constans, habet 68 $2\frac{1}{2}$. libras Venetas minores.

Tria *Cantara*, quæ ex 71. *Rotoli* constant, *Caryophyllorum*, habent 68 $2\frac{1}{2}$. libras Venetas minores.

Tria *Cantara* *Macis*, quæ constant 71. *Rotoli*, habent 68 $2\frac{1}{2}$. libras Venetas minores.

Tria *Cantara* stanni, quæ constant 86. *Rotoli*, habent 705. libras.

Tria *Cantara* *Cassia*, quæ constant 86. *Rotoli*, habent 705. libras:

Sandalii optimi ex *Malacca* tria *Cantara*, quæ constant 86. *Rotoli*, habent 705. libras Venetas minores.

Sandalii vilioris ex *Cucci*, quatuor *Cantara*, quæ constant 25. *Rotoli*, habent 805 $\frac{1}{2}$. lib.

Verzinii Cantara 4. *Rotoli* 13. lib. 787 $\frac{1}{2}$.

Spicanardi Cantara 4. *Rotoli* 25. lib. 805 $\frac{1}{2}$.

Argenti viui Cantara 3. *Rotoli* 86. lib. 705.

Piperis oblongi Cantara 4. *Rotoli* 25. lib. 805 $\frac{1}{2}$.

Sandaraca 4. *Cantara* 25. *Rotoli*, lib. 805 $\frac{1}{2}$.

Galanga ex *China*, *Cantara* 4. *Rotoli* 25. lib. 805 $\frac{1}{2}$.

Zingiberis albi saccharo conditi Cantara 3. *Rotoli* 64. lib. 672.

Myrobal. condit. Cantara 4. *Rotoli* 25. lib. 805 $\frac{1}{2}$.

Moschi Metacalli 7. faciunt vnciam vnam Venetam minorem.

Ambra grisea opt. *Metacalli* 7. faciunt vnciam vnam.

Ambra nigra Metacalli 7. faciunt vnciam vnam.

Benzoin Cantara 4. *Rotoli* 25. lib. 805 $\frac{1}{2}$.

Benzoin sublimat. opt. Cantara 4. *Rotoli* 25. lib. 805 $\frac{1}{2}$.

Lacca ex *Pegu*, *Cantara* 4. *Rotoli* 13. lib. 787 $\frac{1}{2}$.

Lacca ex *Bengala*, *Cantara* 4. *Rotoli* 13. lib. 787 $\frac{1}{2}$.

Zingiber

Zingiber ex *Buli*, Cantara 4. Rotoli 13. lib. 787 $\frac{1}{2}$.
 Zingiber ex *Mecha*, Cantara 4. Rotoli 13. lib. 787 $\frac{1}{2}$.
 Zingiber *Beledi*, Cantara 4. Rotoli 13. lib. 787 $\frac{1}{2}$.
 Nuces condit. Cantara 3. Rotoli 64. lib. 672.
 Cardamomi opt. ex *Barzolar*, Cantara 4. Rotoli 25. lib. 805 $\frac{1}{2}$.
 Cardamomi ex *Bengala*, Cantara 4. Rotoli 25. lib. 805 $\frac{1}{2}$.
 Zingib. condit. ex *Giaga*, Cantara 3. Rotoli 64. lib. 672.
 Myrobalani *Chebui*, Cantara 4. Rotoli 25. lib. 805 $\frac{1}{2}$.
 Myrobalani omnis generis, Cantara 4. Rotoli 25. lib. 805 $\frac{1}{2}$.
 Aloe succotrina, Cantara 2. Rotoli 86. lib. 705.
 Aloe Epatica, Cantara 3. Rotoli 86. lib. 705.
 Sacchari candid. Cantara 3. Rotoli 96. lib. 720.
 Sacchari *Mezan* vel mediocris, Cantara 3. Rotoli 96. lib. 720.
 Croci Cantara 3. Rotoli 64. lib. 672.
 Ligni Chinenfis *Ganta*, h. e. Cantaro dimidium seu sesqui Rotoli lib. 2 $\frac{1}{2}$.
 Thuris opt. in granis, Cantara 4. Rotoli 13. lib. 787 $\frac{1}{2}$.
 Turbith Cantara 4. Rotoli 24. lib. 805 $\frac{1}{2}$.
 Abelmeluca, Cantara 7. Rotoli 24. lib. 1380.
 Nuces gomitæ, Cantara 7. Rotoli 24. lib. 1380.
 Rhabarbari Cantara 4. Rotoli 25. lib. 805 $\frac{1}{2}$.
 Specula fract. Cantara 3. Rotoli 96. lib. 720.
 Sacchari Canar. Cantara 3. Rotoli 64. lib. 672.
 Curcuma, Cantara 4. Rotoli 13. lib. 787 $\frac{1}{2}$.
 Sylvestris cassiæ Cantara 3. Rotoli 61. lib. 859 $\frac{1}{2}$.
 Cucculæ Orientales, Cantara 7. Rotoli 24. lib. 1380.
 Comin, Cantara 7. Rotoli 24. lib. 1380.
 Tamarin, Cantara 8. Rotoli 25. lib. 805 $\frac{1}{2}$.
 Salarmoniaci Cantara 3. Rotoli 86. lib. 705.
 Zedoariæ amaræ, Cantara 4. Rotoli 61. lib. 859 $\frac{1}{2}$.
 Cubebarum Cantara 4. Rotoli 25. lib. 805 $\frac{1}{2}$.
 Gamphoræ, Cantara 3. Rotoli 86. lib. 705.
 Myrrhæ Cantara 3. Rotoli 86. lib. 705.
 Costi dulcis, Cantara 4. Rotoli 25. lib. 805 $\frac{1}{2}$.
 Boracis Cantara 3. Rotoli 86. lib. 705.
 Asæ foetidæ, Cantara 3. Rotoli 86. lib. 705.
 Cerae flauæ Cantara 5. Rotoli 86. lib. 705.
 Serapini Cantara 4. Rotoli 86. lib. 705.
 Cassiæ ex Campagia Cantara 4. Rotoli 24. lib. 805 $\frac{1}{2}$.
 Styracis liquidæ Cantara 7. Rotoli 24. lib. 1380.
 Tutia Cantara 3. Rotoli 75. lib. 690.
 Onto subtil vel vnguenti subtilis Cantara 7. Rotoli 24. lib. 1380.
 Olei omnis generis Cantara 7. Rotoli 24. lib. 1380.
 Nucleorum ex nucibus Indicis Cantara 7. Rotoli 24. lib. 1380.
 Ques de Calencha Cantara 3. Rotoli 96. lib. 720.
 Aluminis Rochæ Cantara 3. Rotoli 96. lib. 720.
 Copræ de nucibus Indicis Cantara 4. Rotoli 13. lib. 787 $\frac{1}{2}$.
 Ligni paradisi de Cucci & China, Cantara 3. Rotoli 86. lib. 705.
 Ligni paradisi de Malacca Cantara 4. Rotoli 25. lib. 1805 $\frac{1}{2}$.

Itineris ex ciuitate Ormus vsque ad Diu descriptio.

PERACTA in Ormus negotiatione cum incredibili cupiditate quidam ex mercatoribus nostris tenerentur Indiam Orientalem perlustrandi, egerunt cum *Don Consaluo*, qui tum temporis Praefectus seu Capitaneus Insulae & ciuitatis Ormus erat, ut sua nauis in *Goam* traderentur. Nihil autem vestigialis nomine, praeter ordinarium tributum *Crugie* ipsis dictum, persoluebant, cum alias omnes peregrini quadrantem siue tria de centenariis numerare cogantur, exceptis solis Lusitanis, quibus etiam mercatores nostri à Praefecto adnumerabantur. Quare cum *Nolo* siue naulum, ordinarium nempe navigationis precium, pro se & mercibus suis persoluissent, cymbam, qua mercatorum bona ad naues peruehantur, ingressi, ad nauem praedicti *Don Consaluo* se traduci curabant. Conscensa igitur naue circa meridiem 29. Septembris ex portu soluentes inter ingressi sunt, peruenientes eodem adhuc die ad Insulam Bonae spei, ubi proiectis duabus anchoris per noctem illam sequentemque integrum diem substituerunt, donec merces suas in nauis sua disposuissent.

Insula Bonae spei.

Larac.

Sub vespere 30. Septembris cum Austrum ventum nimium sibi conuenientem flare animaduernerent, eleuatis anchoris progrediebantur, assequentes sequenti diluculo Insulam *Larac*, qua ad dextram relictâ, postero die, qui 2. Octobr. erat, ad angulum quendam, saxi aliquot munitum, cui nomen est *Masedon*, in latere Arabiam respiciente deferebantur. Cumque ei oppositus esset in latere Persico alius, quem *Diamat* vocant, cogebantur inter hos duos angulos non sine magno periculo cursum nocte ea tenere. Ceterum cum non hos solum angulos, sed & scopulos quamplurimos alios, nempe *Giasch*, *Colmobarech*, *Giachni*, *Pacheston*, *Zanca*, *Gordon*, *Palme*, & *Rasazira* nauigando superassent, & iam terra omni ex oculis ipsorum se subducente, praeter coelum & aquam nihil viderent, cogebantur per *Golsun* siue sinum quendam, longo admodum & periculoso tractu, cuius aqua alba & lactea apparebat, nauigare. Continuato autem itinere sub vespere 10. Octob. apparebat ipsis in Occidente ingens Cometa horrido admodum aspectu, qui caudam suam in Austrum proiciebat, radios subinde aliquos versus ortum spargens. 13. Octob. Balanae ipsis duae, vix tantillo quod sagittae iactu assequi possis spatium, à nauis remotae, cernebantur tanta magnitudine, ut quantum ex superficie dorsi ipsarum conicere licebat, nauem suam longe superarent. Sequenti vespere coelum quasi apertum, ignem vomere, & tanta copia expuere videbatur, ut incendium nauis suae metuerent. Ignem hunc sequebatur accensus quidam vapor, qui stellae assimilatus, magnitudine quatuor passuum, cernebatur sese instar ignitorum radiorum in mare demittere. Erant ab hoc visu non parum exanimati, continuata tamen navigatione pro-

Pisces pinnis suis homines lethaliter ledentes.

grediendum sibi censebant, videntes interim magnam piscium copiam circa nauem suam à fluctibus ferri & protrudi, quasi mortui essent. Monebant autem nautae ne quis eos contrectaret, esse enim ex eorum genere, qui acutissimis suis pinnis, non solum manus contrectantium vulnerarent, sed & venenum quasi affunderent, ut manus inde intumescerent exquisitissimos dolores, quandoque & mortem ipsam hominibus afferrent.

Balana triremem longitudine sua superans.

Non poterant adhuc terram videre, quamuis dies noctesque navigationem continuassent. Cernebant autem rursus 15. Octob. horam circiter 9. matutinam, ingentem balenam, quae longitudine sua triremem maximam superabat,

p̄erabat, & aquam tanto impetu in altum euibrabat, vt malum nauis suæ excedere videretur. Progressis nocte illa *Tesloni* aliquot rotundi & candidi in mari apparebant similes coronatis argenteis Venetis. Itaq; nautæ inde colligebant non procul sese iam à finibus Indiæ abesse, sed fallebat ipsos coniectura. Nam etiam si integrum adhuc biduum nauigādo absoluerent, non poterant tamen vel fundum depræhendere, vel terram vllibi videre, quod mirum ipsis videbatur, cum præsertim iam dies aliquot præteriiissent, quibus terra ipsis nulla visa esset. Minuebantur autem quotidie cibaria, equis præsertim 22. quos in nauī secum habebant, pabulum & aquam potabilem magna auiditate absumentibus, vt periculum famis imminere ipsis certissimum videretur.

Nautæ itaque, vt nihil in se desiderari paterentur, gradus eleuationis diligenter obseruabant. Cum vero ad 21. vsque Octobris ita nauigassent, cœperunt ipsis serpentes aliqui in aqua apparere, colligebant igitur inde se sexaginta amplius leucis à finibus Indiæ non abesse amplius, siquidem eiusmodi serpentes tractum illum suppeditare scirent. Circa meridiem cum Nauarchus eleuationis gradum obseruaturus esset, depræhendit lunam ex ventorum varietate halonem contrahere, quod cum ante tres annos similiter factum diceret, & tantam postmodum tempestatem in mari extitisse, vt quamplurimæ naues hoc ipso tractu naufragium fecerint, non exiguum mercatoribus timorem incussit. Habent autem nautæ, qui hac nauigare consueuerunt, vexillum aliquod, quod Sancti Thomæ nominant, suntq; in ea opinione, quod, si vexillum hoc in mare abiiciant, illud pacificum statim & quietum reddatur. Nauarchus igitur ipsorum præuisa tempestate, vexillum suum requisit, illudq; ventis obiciens eos ita compescuit, vt tranquillitas in mari maxima existeret, & quilibet animum rursus concipiens meliora speraret.

Vexillo S. Thomæ
venti placantur
& sedantur.

Sedato hac ratione mari profunditatem Nauarchus explorare cœpit, cumque orgyarum 40. eam reperiret, lætitiā omnes haud exiguum conceperunt, quæ paulo post augebatur, cum & hirundines & grues præteruolare viderent, quæ volucres terram non abesse iam longius argumento ipsis erant certissimo. Postquam igitur vario vento ad 23. vsque Octobris, si essent, significabat ipsis, qui excubias in corbe mali agebat, terram sese videre, quam putet esse regionem *Diu*, cum nimirum Septentrionem versus se extendat. Circa meridiem eius diei nauem aliquam cernebant Insulam *Diu* petentem, quo cum & ipsi contenderent, vna atque altera ante vesp̄eram hora littus Insulæ *Curinal* aslequebantur. Erant ibi aliquot sacella, & iuxta ea innumera gryllorum noctu stridentium, præterea etiam muscarum, à quibus non parum molestiæ in nauibus percipiebant, multitudo; sed & pisces aliqui decem & amplius passus lati in littore illo sese conspiciendos præbebant, magnum strepitum excitantes, quos nautæ illi *Lachan* vocabant.

Diu.

Non procul ab hac Insula Septentrionem versus aliam cernebant Insulam, cuius solum rubicundum apparebat. Sequenti autem vespera applicantes iuxta propugnaculū *Diu* inueniebant ibi duas naues præsidiarias Lusitanorum, qui referebant superioribus diebus quinque naues ex *Mecha* venientes in portu illo naufragium fecisse, & in angulo seu extremitate portus non ita pridem 65. varii generis nauiculas submersas periisse, addentes præterea, Cardinalem, qui Rex Portugalliæ fuerat, postquā Romano Pontifici regnum suū pro arbitrio & libitu suo constituendum obtulisset, diem suum obiisse. Sed & hoc dicebant, Lusitaniam duplicem iam experiri p̄-

nam, pestem nimirum & Regis Hispanici militem, aeremq; in *Goa*, cadauerum ex quadrimo bello trucidatis hominib. Elephantibusq; multitudine, maximopere infectum & perniciosum redditum esse.

Rex in *Magor* baptis-
mū admittit.

Appulit in portum hunc 27. Octobris die naus quædam alia præstidaria ex *Goa*, nuncium ferens, quod potentissimus Rex in *Magor*, disputatione aliqua cum Canonicis ad Sanctum Paulum non ita pridem instituta, eo adductus esset, ut constituerit baptismum vna cum coniuge & duob. filiis admittere, quo facto spem etiam de reliquis subditis cōcipi posse, fore ut ipsi quoque ad Christianam religionem conuertantur, cum Æthiopes hætenus ethnicis superstitionibus fuissent addicti. Cæterum ut appareret hanc in Rege conuersionem non simulatam sed seriam esse, preces cum sese singulis diebus coram crucifixi imagine peragere dicebant. Rex hic potentior est Imperatore Turcico, vel etiam Rege Hispano, & consistit potentia eius in innumera Elephantum & equorum copia, siquidem tota eius regio, cuius octo millium leucarum circumferentia est, vndique illis abundet. Erat hoc nuncium bonum equidem, verum cum mercatores nostri paulo amplius progressi ad ciuitatem *Diu* peruenissent, illud quidem quoad Regis ipsius personam verum esse, subditos autem eius tantum abesse, ut imitari Regis exemplum vellent, ut etiam vitæ eius, propterea quod baptizari se curauerit, insidias struerent, cognouerunt.

C A P V T XIX.

Descriptio ciuitatis Diu.



C I V I T A S *Diu* non quidem multorum est ædificiorum, sed multæ tamen negotiationis, siquidem naues quamplurimæ omnis generis mercibus oneratæ, quæ ex Media venientes, *Ormus* ciuitatem petunt, ibi appellant. Sita est in parua quadam Insula regni *Cambaia*, sub 11. poli gradu, angulum *India* respiciens, vnde prima est, ad quam in navigatione ex *Ormus* ciuitate, in *Indiam* suscepta, peruenitur. Propugnaculo gaudet omnium fortissimo quotquot Lusitani in tota hac regione possident: nam eleuato maximo scopulo impositum, & duplici circumquaque vallo cinctum est, ut insuperabile & inuidum habeatur. Sub ingressum eius tormentum constitutum cernitur, tantæ capacitatis, ut sedere in eo quis erectus possit, dicunturque plura & maiora ibi fuisse, cum à Rege Portugallia expugnaretur, quæ postmodum in Portugalliam traducta sint, supersunt tamen ibi adhuc tormenta cum sclopis, bombardis, & id genus aliis armis quamplurimis. Canalis siue transitus nauium inter propugnaculum & continentem est, ut ita naus transire absque Lusitanorum permisso nulla possit, cum præsertim tormentis suis ex propugnaculo ad continentem vsque pertingere facillime possint. Inter propugnaculum autem & ciuitatem columna posita est, tribus sagittis in motem stellæ dispositis, pulcherrimè exornata & coronata, in signum, quod naues isthac transeuntes vectigal persolvere debeant.

In littore maris portus est gradibus aliquot 50. passus longis ornatus, per quos merces eleuantur & demittuntur. Collocatæ autem sunt in portu illo duæ columnæ siue pyramides, quarum quæ in dextro latere cernitur, insignia Regis Portugallia, altera vero in sinistro latere tres sagittas exhibent, de vectigali Portugallia Regi soluendo monentes. E regione portus huius domus mercatoria est, duobus vexillis Cruce insignitis, sub ingressum conspicua, & area tantæ capacitatis prædita, ut pallatium Ducis Vene-
torum

torum superare videatur. Multis autem cameris & tabernis vbi merces deponantur, distincta est, reperiunturq; ibi multi Scribæ & librarii, pleriq; tamen superstitionibus ethnicis additi.

Mare hoc in loco à Præfecto quodam plusquam 50. præfidiariis nauibus, quæ singulæ suum peculiarem Subpræfectum habent, à piratis tutum redditur. Ciuitas ipsa satis pulchra est, multis tabernis mercatoriis pro omnis generis mercibus, & aliquot templis elegantibus columnis impositis conspicua, à Lusitanis muro vndique cincta firmissimo, qui ab vtraque portus extremitate terminatur. Pro defensione sua duos sortita est Præfectos, quorum alter in arce siue propugnaculo, alter in domo excubitoria residet. Multis abundat herbis, maximè vero raphanis & id genus aliis, fœniculum etiam & cucumeres habet, nec volucris destituitur, præterquam quod anates & gallinas non habeat, quæ ex *Chiaul* eo deferuntur.

Incolæ bouina, veruecina & suilla carne parce vtuntur. Mulieres ornatui parum indulgent, nec fucandis faciebus operam dant, præterquam gentiles Æthiopicæ, quæ dentibus nigro colore inficiendis multum student, quo enim nigrioribus cernuntur dentibus, eo amabiliore & chariores viris habentur, itaque vt dentes eo melius conspiciantur diductis semper labiis incedunt. Corpora mortuorum igne cremantur, cineresque in quatuor elementa distribuuntur, ea ratione, quod, cum homo ex quatuor elementis constet, æquum sit, vt eo defuncto, quodlibet elementum, quod suum est, recipiat. Moris est in *Cambagia*, vt vxores mortuis maritis suis pretiosissimas vestes induât, gemmisq; & margaritis sese mirum in modum exornent. Quando igitur corpora defunctorum rogo imposita iam cremantur, ipsæ ad ignem accedunt, vestes & ornatum omnem exuunt, atque inter astantes amicos variè distribuunt, postmodo canentes atque saltantes in ignem sese coniciunt, vt vna cum corporibus maritorum suorum comburentur. Et quidem hanc consuetudinem tam sanctè obseruant, vt si qua id facere recuset, pro impudica & perfida in virum suum habeatur.

Vinum in hac ciuitate non reperitur, quod illis quidem in locis crescat, potum vero ex nucibus myristicis, oryza, dactylis, & vuis passis conficiunt, qui grati quidem saporis est, sed stomacho multum nocet, cum vt Aqua vitæ seu vinum igne eliquatum eum vrat atque inflammet. Suppeditat hic locus Zingiber etiam. Cancros autem habent miræ magnitudinis. Aer nocturno tempore supra modum frigidus est, ita vt vix perferri queat, interdiu autem tantis ibi æstus à sole depræhenditur, vt vestitum tolerare nemo possit. Mare eius loci pisces producit squamis candidis oppletos, & iuxta branchias ab utroque latere alatos, qui eleuati ex vndis, alarum suarum beneficio, ad sclopi displosionem, sese promouere volando possunt. Piscatores neglecta omni tempestate bini & bini in nauicula piscatoria, vix quatuor vlnas longa & vnam lata, confident, & artem suam piscatoriam mira dexteritate exercent.

Pisces volantes.



PERACTA in ciuitate *Diu* mercatura sub vesperam 30. Octobris Anno 1580. nauem iterum conscenderunt, *Chiaul* ciuitatem petitori. Postero autem die, cum ad primum terminum peruenissent, qui nautis *Chugna* dicitur, curabant ibi tormenta sua ad alteram nauis partem traduci, quod nauem mercibus quibusdam in *Diu* exoneratam, in partem alteram propendere nimium cernerent. Occurrerunt autem ipsis paulo post tres naues armatae, quae plenae quidem velis ad eos contendebant, ut difficile non esset intelligere naues quidem piraticas, populumque ex piratarum genere esse, qui *Maluari* dicuntur. Appropinquantes autem ad nauem, cum sibi inferiores forte mercatoribus nostris viderentur, taciti praeterierunt, mercatores vero cursum suum continuantes breui temporis spacio eoque progressi sunt, ut 1. Nouemb. die terram amplius nullam conspicerent, quod ipsis quidem mirum videbatur, cum ex eo loco *Golfistius*, usque ad *Chiaul* ciuitatem non amplius 18. Lege numerarentur, ubi alias propugnaculum Lusitanicum *Daman* videri solet. Dirigebant igitur cursum suum versus meridiem, respicientesque ad sinistram, piscem aliquem cernebant, qui magnitudine sua ipsam nauem superans duo cornua in capite praeferebat, & modo dorsum modo ventrem oculis ipsorum obuertebat, quod mirum omnibus visum est.

Pisces cornuti.

Sub vesperam apparebat ipsis arx & ciuitas Lusitanica *Basait*, 30. Lege à *Diu*, & 10. à *Chiaul* distans, quam 2. Nouembris die assequentes paulo post ad oras *Bombain* veniebant, videntes ibi templum quoddam vetus Romanum, saxo incisum, supra quod *Tamarindi* crescebant, infra illud autem fluuius est, cuius profunditatem explorare haecenus nemo potuit. Templum hoc *Alephante* dictum, & multis imaginibus exornatum, vespertilionum iam domus & habitatio est, diciturque ab Alexandro Magno olim in testimonium, quod ad loca illa ipsemet peruenerit, extructum fuisse.

Templum ab Alexandro Magno extructum.

Progressi autem paulo post templum illud, propugnaculum & ciuitatem *Daman* conspexerunt. Haec sub potestate Regis Lusitanici sita lignis admodum abundat, itaque multae ibi naues & triremes subinde operae cuiusdam *Dominici de Castell* Veneti, artificii huius extruendi naues peritissimi, parantur. Post meridiem cernebant nouem armatas naues, quae ab invicem sese separantes, cursum ad nauem suam recta dirigebant, verum ut appropinquantes viderent piratae maiorem eam esse, quam quae à se expugnaretur, aliam viam ingressi sunt. Mercatores vero nostri paulo post Insulam *Mambonit*, turri admodum procera, quae *Mambaira* vocatur, conspicuam, & quatuor leucas in circumferentia habentem, assecuti sunt. Erat autem ibi rupes admodum eleuata, & ob nucum Indicarum copiam visu admodum delectabilis.

Ceterum cum non esset, quod in ciuitate ista perficerent, applicantes ibi ad littus nauiculam minorem, quam naui suae coniunctam ducebant, cum multis mercibus in urbem, 4. tantum leucis ab isto loco distantem, ablegabant, à piratis & praedonibus, quorum ibi passim aliqui cernebantur, ei non parum metuentes. Piratae hi *Maluari* dicti, ut eo audacius pugnent, solent, antequam pugnam aggrediantur, herba quadam vesci, ea enim inebriati & dementati quasi, posthabito omni periculo, aduersariis sese immiscunt,

ſcent, in nauem, quam ſpoliare eſt animus, descendunt, eamque modis omnibus laſam bonis exuunt, & igne interdum, vbi armis parum valent, perdunt. Depræhēdebant autem in regione iſta aliquot piſcatorum nauiculas; quatuor vlnas longas & vnam latas, quibus qui vtuntur piſcatores, nullam omnino tempeſtatem & periculum metuentes, ſecuri quocunque volunt nauigant, ligna enim duo tranſuerſim poſita ad paſſus longitudinem vtriusque prominentia nauiculas quaſi in æquilibrio continent, ne vel in hanc vel in illam nimium inclinantes partem, facile à fluctibus ſubuertantur & mergantur.

CAPVT XXI.

Deſcriptio ciuitatis Chiaul.



CIUITAS *Chiaul* in patenti campo, ſub 19. poli gradu ſita; Luſitanis ſubieſta eſt. Portum habet muro firmiſſimo concludum, quem Præſectus quidam Luſitanicus ab incurſu Æthiopici Regis *Zamalucco*, qui & ipſe ciuitatem aliquam vix ſeſqui leucarum itinere ab hac diſtantiā tenet, tuetur. Eſt autem in ciuitate *Chiaul* celebre pannorum ſericorum, aromatum, & aliarum mercium emporium, nauibus ex China & Malacca eo cum mercibus variis frequenter confluentibus.

Veſtigalis nomine vnum ſolummodo de centenis mercatores hic perſoluunt, idque cum in finem, vt inde ciuitas, quæ à Rege *Zamalucco* multis modis deſolata & deſormata ſuperioribus annis fuit, iterum reparetur. Rex enim ille, ex *Abdenegar* ciuitate, quæ 7. vel 8. dierum itinere à *Chiaul* diſtat, habitans, ingentem ducentorum millium exercitum contra ciuitatem hanc eduxerat, & tormentis eam ingentibus mirum in modum deformaue- rat, vnde paſſim globi ſaxeī horrendæ magnitudinis ex ædificiorum muris in belli huius cum *Zamalucco* geſti recordationem, & ſignum, quod ab eo expugnari ciuitas non potuerit, prominent.

Ingens autem 22. Nouēbris die tempeſtas extitit, ventis tanto impetu ſurentibus, vt turres paſſim deiicerentur, ædificia teſtis nudarentur; muri diſſiparentur, & multæ nauiculæ, quibus commeatus in ciuitatem deferretur, ſubmergerentur, panis enim, gallinarum, volucrum, carniūque aliarum ſatis eo tranſuehitur, ſed vini parum admodum, vnde etiam care nimis venit. Tempeſtas illa eadem adhuc vesp̄era ceſſabat, itaque mercatores noſtri cum merces ciuitati huic conuenientes vendidiſſent, & veſtigal viſitatum, nempe vnum de centenis, perſoluiffent, receptis in nauem, qui *Goam* cupiebat, quinque Franciſcanis Monachis ex portu ſoluentes abierunt. Tempus autem, quod ex *Diu* ad hunc uſque locum *Chiaul* nauigando conſumperant, 6. dies erant, quibus non parum periculi à piratis & prædonibus ipsis obtigerat. Cæterum, quod hoc in loco de ponderibus, menſuris & monetis hoc in loco viſitatis nihil dicam, cauſa ea eſt, quod iisdem ponderibus, monetis & menſuris, quarum in *Goa* uſus eſt, hic vtantur, de quibus quidem ſuo loco dicetur copioſius.

CAPVT XXII.

De itinere ex Chiaul ciuitate Goam uſque.



ONFECTIS in ciuitate *Chiaul* rebus omnibus ſub vesp̄era 4. Nouembr. Anno 1580. ex portu illo iterum ſoluentes curſum ſuum verſus austrum direxerunt, *Goam* ciuitatem petituri. Summo autem diluculo ſequentis diei ad propugnaculum

Dada

Dada.

Dada venientes, cogeantur ibi propter ventum aduersum vsque ad meridiem subsistere. Post meridiem, cum iterum progredierentur, in nauem aliquam *Goam* similiter petentem incidebant, cognoscentes ex ea Regem *Dialcan* ante duos menses mortuum esse, illum vero, qui *Chiaul* oppugnatum venerat, cum magno exercitu in mari submersum periisse. Poterant autem tum ex naui sua regionem *Daman Basait*, quæ Zingiberis ferax est, quam optimè cōtemplari. Vesper *Safardon* affecuti progrediebantur tanta dexterritate, vt sequenti diluculo à *Dabul* ciuitate, vbi Zingiber etiam magna copia prouenit, non abesse sese longius viderent. Ciuitas hæc regis sedes est, à Rege in *Bul* habitata, qui Regi in *Dialcan* tributum annuum persoluit, vt defensionem sui contra Lusitanos suscipiat: Lusitani enim odio eum hactenus maximo persecuti sunt, idq; propter eandem in eos perpetratam. Cum enim aliquando multos Lusitanos, qui tribus nauibus aduenerant, conuiuio exceperat, omnes trucidari iussit, vt præter nautas nemo effugerit.

Safardon.
*Dabul.**Mazagan.**Carafata.*

Sed vt ad iter nostrum reuertamur, mercatores nostri strenue progredientes peruenerant 7. Nouemb. ad oras *Sanhiser*, qui locus ab arboribus & herbis aliis aspectu pulcherrimus existit, occurrebant autem ei duæ naues, quæ ex *Goa* ciuitatem *Ormus* petiturae venerant. Circa vesperam autem cum non procul ab Insula *Mazagan* abessent, cernebant ibi vndecim piratarum nauigia, deliberantium inuicem de oppugnanda hac naui, sed cum à tormentis & sclopiis sibi metuerent, ab irruptione sibi temperabant. Interim mercatores sequenti die ad magnam *Æthiopum* ciuitatem *Carafata* appulerunt. Erant ibi adhuc quatuor naues piraticæ, itaque cum reliquæ vndecim etiam sequerentur, & cum hisce quatuor vires suas coniungerent, haud exiguum mercatoribus metum incusserunt. Sed cum tormentis & sclopiis sese bene instructos scirent, iuxta littus paulatim incedentes, angulum *Zambara* sub vesperam, sequenti vero die angulum alium *Dandabasi*, duodecim faxis eleganter quasi munitum, affecuti sunt, ac tandem 10. Nouemb. ad *Giapora*, inde ad portum ciuitatis *Goa*, cum sex dies in itinere fuissent, appulerunt.

CAPUT XXIII.

Descriptio ciuitatis Goa.



GOA ciuitas est, respectu Indicarum ciuitatum satis magna & pulchra, sub 6. poli gradu in Insula quadam sita, quæ in circumferentia sua 30. leucas continet, & pagis aliquot, hortisq; & arborib. pulcherrimis ornata cernitur. Est autem præcipua inter omnes, quas Lusitani per totam Indiam possident ciuitates, vnde & Vicerex seu Præfectus, qui locum Regis in Portugallia tenet, sedem ibi suam constituit. Regio autem ipsa, in qua ciuitas hæc sita est, *Æthiopum* Regem *Dialcan* Dominum agnoscit, qui sedem suam in vrbe *Bisapor*, quinque dierum itinere à *Goa* distante, tenet. Viribus hic Rex & potentia tanta pollet, vt aliquando bellum cum Lusitanis gerens, plus quam ducem millia armatorum aduersus ciuitatem hanc protulerit, & obsidione eam 14. mensibus firmissima cinxerit, quam etiam certissime expugnasset, si portus tanta profunditate esset, vt præsidiarias naues maiores admitteret. Munitur portus iste hodie fortissimo propugnaculo super collem ad latus eius extructo, estq; ab altera eius parte templum, quod *Remago* seu trium Regum vocant, itidem super collem siue monticulum aliquem extructum, quod monachi Franciscani hodie possident.

Multæ ibi negotiationes exercentur: *Æthiopes* enim cum quinque vel sex

sex onerariis nauibus ex Portugallia, ciuitatem *Cocchi* petentes, ad portum huius urbis primum applicant, & negotiationes suas per mensem integrum ibi exercent, reuersiq; postmodum ex vrbe ista itidē per aliquot dies ibi cōmorantur. Hyemē habent in Maio, Iunio, Iulio & Augusto, nullum tamen frigus aut gelu animaduertunt, sed hyemem vocant ob ventōrum & pluuiarum frequentiam, quibus æstus solis nimius inhihetur, & ita per diuinam prouidentiam moderatur, ne nimio feruore exsiccata terra hominibus pecoribusq; sustentationem suam deneget. Venti quidem toto isto tempore durant, & absque vlla intermissione dies noctesq; spirant, suntq; illi quos ex Portugallia in Indiam nauigaturi exoptant. Pluuia vero non continua est, sed remittens interdum, solis etiam radiis locum concedit, qui tum temporis tam vehementes & feruentes existunt, vt nemo eos perferre possēt, nī & venti eos moderarentur, & terra aerq; ipsemet pluuiā prius recreata & quodammodo refrigerata esset.

Habitant in hac Insula populi quidam, qui *Canarini* vocantur. Hi statuā quandam nudam, non quidē pro Deo sed pro idolo suo habent. Norunt enim Deum quendam esse, qui totum mundum & omnia, quę in eo sunt, gubernet, ideoq; hanc quidem statuam non vt Deum, sed vt idolum aliquod, eadem qua superstitiosi alii defunctos sanctos colunt & venerantur. Ex hisce populis, si quis filiam suam alicui in vxorem dare constituit, proficiscitur cum ea ad statuam hanc, quę octodecim leucis ab vrbe distat, vt pro felici matrimonii successu ei prius supplicet votumque faciat, quę peractis precibus, interfoemineum suum ad virgam statuę ferream applicat, fortiq; commotione perumpit, vt flos virginitatis idolo huic sacrificetur. Quod si puella tenerior dolorem reformidare videatur, ea applicare saltem membrum ad virgā statuę iubetur, quo facta mater puellam à tergo apprehendens, commouet truditq; donec virginitatem amisisse eam lentiat.

*Canarini populi
superstitiosi.*

C A P V T XXIV.

De ponderibus, mensuris, monetis & vectigalibus ciuitatis Goa.

PONDERA quibus in Goa vtuntur, & maxime *Cantara*, vocantur *Chintalli*. Habet autem *Chintal* vnum quinq; *Mano* & 8. *Rotoli*. Vnum *Mano* sunt 24. *Rotoli*, atque ita *Chintal* vnum sunt 128. *Rotoli*. Quodlibet autem *Rotolo* facit 16. vncias in Goa, vel 1½. libras Venetas, itaque *Chintal* vnum 192. libras Venetas minores constituit. Passim autem ad aromata & merces alias *Chintal* adhibent, præterquam in regno *Cinna* & *Galanga*, *Candil*. quibus in locis *Candili* in vsu sunt. Notandum autem est, in Goa duo *Candili* genera haberi, vnum enim 16. alterum vero 20. *Mano* constat, illud tria *Chintalli* facit, hoc autem tria *Chintalli* & tria *Rubbi*. Quodlibet autem *Chintal* quatuor *Rubbi* sunt, & quodlibet *Rubbi* sunt 32. *Rotoli*, vt ita *Chintal* integrum constituat 128. *Rotoli*.

Habent præterea adhuc aliud ponderis genus, quod *Marco* nominant, continetq; in Goa octo vncias, quę faciunt dimidium *Rotolo*, vel 9. vncias minores Venetas. Hoc pondus adhibent in emptione ambrę, coralliorum, argenti, auri, molchi, zibethi, & id genus aliarum mercium.

Pondus quod *Mangielino* vocant, & non plus quinque granis Venetis continet, solummodo ad adamantes adhibent. In vendendis autem pyropis pondere alio, quod *Manno* ipsis vocatur, & duos tantum *Carratos* Venetos continet, vtuntur. Notandum autem præcipue est, merces in hac ciuitate

Marco.

Mangielino.

Manno.

uitate nullo signo notari, & propterea diligenter attendendum esse, ne quis in emendo decipiatur, siquidem ne moschus quidem Tartaricus, quem bullis inclusum aduehant, signatus cernitur, sed cum bullis ad trutinam appenditur.

Cando.

Mensuram, qua in *Goa* vtuntur, *Cando* nominant, & ad omnis generis pannos & liteamina adhibent, tantumq; illam, cuius in *Babylonia* & *Balsara* usus est, superat, vt qui ibi centum mensuras emit, in *Goa* centum & septendecim cum septem octauis inueniat, exempli gratia, qui in praedictis locis tantum panni emit, vt centum ipsi *Pichi* sint, deprahendit in *Goa* se habere 117. *Covodi* cum septem octauis. Qui vero 100. *Covodi* ex *Ormus* *Goam* aduehit, non reperit ibi plus, quam 93½. *Covodi*, vt ita ex *Ormus* in *Goam* negotiationem exercentibus sex cum dimidio de centenis decedant. Sed & aliud mensurae genus habent, quod *Vare* nominant, estq; idem cum eo, quod in *Ormus* etiam & alibi reperitur.

Vare.

Basarucchi.
Ventinno.

Tangha.

Serafinno.

Pardai.

Nummi, quibus in *Goa* vtuntur ex stanno & plumbo, forma rotunda constant, ab vna facie sphaeram, ab altera vero duas sagittas representant, & nominantur *Basarucchi*. Horum 18. faciunt vnum *Ventinno* vulgaris monetae. Quinque vero *Ventinno* vulgaris monetae faciunt vnum *Tangha* monetae melioris, quae sunt monetae vulgaris 60. *Basarucchi*, & 75. melioris. Caeterum *Tangha* vnum, si ad monetam Venetam conferas, valet 18. solidos, & quinque *Tanghe* constituunt, vnum *Serafinno* argenteum, quod in mercatura sunt quinque *Tangha* melioris monetae. Qui vero in *Basarucchi* eam commutare vult, non plus reperiet, quam 5. *Tanghe*, & 16. *Basarucchi*, quod vocant *Serafagio*. Quando de *Pardai* aureis sermo habetur, intelliguntur 6. *Tanghe* monetae melioris. Verum ad nullas merces *Pardai* aurei adhibentur, praeterquam ad gemmas & equos: merces enim aliae, vt & aromata, omnia *Serafinis* argenteis venduntur.

Pagodi.

Habent vero & nummos alios, quos *Pagodi* vocant. Haec rotunda & crassa est, idolum aliquod exhibens. Huius monetae duplex genus est, vetus & nouum, illud octo, hoc septem cum dimidio *Tangha* valet.

Regales argentei.

Regales argentei siue dimidii Philippici constant de mandato Regis Portugalliae 400. *Reis*. Quodlibet autem *Reis* valet vnum *Basaruccho*, & vnam eius quartam, quae faciunt 6. *Tangha*. Quinquaginta autem *Basarucchi* constituunt vnum Regalem argenteum, cumque Regales hi ex optimo argento constent, per totam Indiam valent, maximè vero in *Malacca*, cum naues ex portu, quem *Monsonni* vocant, eo appellunt, tunc enim plus valent, quam alias, ita vt cum cetenis vel octodecim vel 20. vel 22. lucrari quis possit, quod ipsis *Serafagio* vocatur.

Serafinno.

Patachine.

Caeterum *Serafinno* vnum de mandato Regis valet 300. *Reis*. Habent vero non solum Regales integros, sed etiam quartas eorum, *Patachine* ipsis dictas. Regales hi cum residuo suo nempe octo ad centum, faciunt 86½. monetae Venetae vulgaris, alterius autem siue melioris, vnum *Tanghe*, & 56½. *Basarucchi*. Dimidium *Patachine* facit 65. *Basarucchi* & tres quartas, quae idem sunt quod Regalis. Non est autem Regalis moneta constans & perpetua, sed pro ratione temporis crescit atq; decrescit, pretium tamen eius constitutum est 400. *Reis*, vt supra dictum.

Zechin.

Venetorum & Sultanorum aureorum *Zechin* pretium constitutum & legitimum sunt 9½. *Tangha* melioris monetae, quae faciunt 8. libras, & 18½. solidos Venetos. Non sunt autem hi *Zechini* constantes & perpetui. Cum enim naues ex *Goa* versus *Cocchi* nauigant, valent 9. *Tangha* & tres quartas, vel etiam

etiam decem interdum, cum monetarum, quæ in *Cocchi* habentur, optima sit.

Pretium *Larini* est 93. *Basarucchi* cum tribus quartis. Itaque quatuor *Larini* *Larini.* faciunt vnum argenteum *Serafinno*, de 5. *Tanghe* monetæ melioris. Cumque naues versus *Chiaul*, *Diu*, *Cambagia*, *Bengala*, *Daman*, & *Bassain* nauigationem instituunt, de hac moneta sibi prospiciunt, plurimum enim lucrari ea illis in locis possunt, cum optima ibi habeatur. Aurei *Serafini* cuduntur in *Ormus* & in *Goa* quinque *Larini* redimuntur, cum auro optimo consent, & propterea aurifabris quamplurimum expetantur.

Præterea moneta adhuc alia rotunda argentea vtuntur, quæ in facie vna crucem, in altera vero coronam exhibet, & dimidium *Tanghe* melioris monetæ valet. Sed & eiusmodi typi alia, paulo minor ibi reperitur, cui *Rintinno* *Rintinno.* nomen est. Hæc monetis melioribus adnumerata 14. *Basarucchi* cum tribus quartis valet. Vbi notandum, quod cum in negotiationibus minorum mentio sit, *Tanghe* melioris monetæ intelligantur. Cum autem tantum *Tanghe* nominantur, & nihil præterea additur, moneta vulgaris intelligatur.

Qui ligna, carbones, cæmentum, & id genus res alias emunt, *Braganinis* *Braganini.* vtuntur, quorum vnus sunt 24. *Basarucchi*, cum alias *Braganini* moneta cula non sit. Postremo reperitur ibi adhuc aliud genus *Tanghe* vulgaris monetæ, quorum vnum valet 50. *Basarucchi*, & huius vsus est in emendis lignis. Quod si quis igitur pro 5. *Tanghe* ligna expetat, intelliguntur statim 250. *Basarucchi*, qui faciunt 3. *Tanghe* melioris monetæ, & 25. *Basarucchi*.

Vestigal huius ciuitatis, quod tam de emptis quam de venditis bonis, *Vestigal.* quemadmodum etiam de acceptis & expensis debetur, bes est, seu octo de centenis, vbi merces quidem ita taxantur, vt mercatores quod conquerantur nihil habeant. Naues quæ ex *Ormus* adueniunt, & equos nullos adferunt, de bonis omnibus bessem præstant, quæ à mercatoribus venum exponuntur, siue ea vendantur omnia siue ex parte tantum, quæ enim non venduntur, ea nauibus iterum inferre, & auhere licet. Idem vestigal præstatur etiam de bonis ibi coemptis, qui vero decem equorum onus naui suæ imponit, tantum de expensis, non vero de acceptis vestigal persolvere tenetur. Quod si quis præstito vestigali, dum merces suas venum exponit, animaduertat, minorari earum pretium, & tanti iam venire, quanti ipse eas vendere nec possit nec velit, ei permittitur, bona sua conuolare rursus, & alio quocunque velit nauigando transferre. Non enim tenetur de expensis quicquam præstare, quod alias fieri oporteret, si mercaturæ initium fecisset, & partem aliquam bonorum iam diuendisset. Quod, si quis aromatum vel eorum bonorum, quæ ex *Malacca*, *China*, &c. proueniunt, in *Goa* aliquid mercari expetit, is, vbi cum Domino, cuius merces illæ sunt, de pretio egerit, liberè eas ad naues deferre, & quocunque vult, transportare potest, nec quicquam vestigalis persolvere tenetur, nisi iterum eas diuendendi initium ibi fecerit.

Quod ad *Æthiopes* & *Ethnicos*, qui in *Goa* habitant, attinet, peregre quidem abire nemini eorum permittitur, nisi signum Lusitanicum in brachio impressum habeat, vt ex illo, vbi reuersus fuerit, agnoscatur. Hoc enim si quis negligat, pro incola ciuitatis amplius non habetur, nec in eam admittitur.

CAPVT XXV.

De itinere ex Goa in Cocchi.



Angiedina.

MERCATORES nostri, cum in *Goa* bona sua omnia diuendissent partim, partim cum coemptis aliis conuafata in nauem aliam, ad Alphonsum di Morais pertinentem, cui Sancto Sebastiano nomen erat, traduxissent, persoluto quod debebant vectigali 11. Aprilis die Anno 1582. ex portu illo soluentes abierunt; cursu igitur in austrum directo circa vespertinam ad locum quendam, cui *Angiedina* nomen est; sequenti vero die ad *Betacala* peruenerunt, qui locus in Insula quadam montem complectitur, in cuius iugo siue vertice fons est, aquam dulcissimam profundens.

Dedali.

Onor.

Cananor.

Progressi autem 14. Aprilis, non procul à *Dedali* Insula frequentibus populis habitata abesse se depræhendebant. Cumq; sequenti die, relicto post se propugnaculo *Onor*, quod in regione Regine *Betacala*, quæ Regi *Beneger* tributaria est, cernitur, ad ciuitatem *Cananor* appulissent, & iam dies pasceus Paschatos adesset, proiecta anchora signum incolis dispoitione tormenti dabant, qui audientes peregrinos adesse hospites, quatuor statim nauigia illos allatum ablegarunt. Descendens igitur in vnum *Ioannes Maria Daleffe* cum viginti millibus ducatis, quos in *Larinis* habebat, emptum piper in urbem nauigauit.

CAPVT XXVI.

Descriptio ciuitatis Cananor.



CIUITAS *Cananor* potentissimum Regem Dominum agnoscit, qui se ab hac ipsa ciuitate Regē *Cananor* vocat. Hostis est Lusitanorū iuratus, & in alia ciuitate vix ad bombardæ iactū ab hac distante habitat. Ciuitas multis palmis abundat, quæ arbores omnium quotquot in mūdo sunt vtilissimæ habentur. Fructus earū nuces sunt, lignū ipsum extruendis nauib. conuenientissimū est. Ex foliis carbasæ & vela nauium parantur. Nuces simul, saccharū, vinum & acetum præbent. Truncus si perforetur succum exhibet, in staraque tenuem & album, ex quo incolæ vuis passis admixtis potum suauissimum conficiunt. Nucum putamina oleum præbent, ex cortice vero arboris funes parantur, qui robore suo etiam cannabinos nostros superant. Rami parandis pulcherrimis cistulis; folia storeis siue mattis; cortex vero ramorum tenerior obturandis nauium rimulis conueniunt, vt ita nihil in tota arbore sit, quod vsum nullum præbeat, & abiici possit, præter radicem.

Cum Præfectus vel Nauarchus potius ad nauem reuersus esset, mercatores statim 16. Aprilis die portu soluentes progressi sunt. Postero autem die, cum *Calecutum* assequerentur, cuius loci Rex iuratus Lusitanorum hostis est, non parum ipsis periculi à piratis, quos *Æthiopes* ex *Canapuzza* vocant, imminebat. Post horam tamen vnam atque alteram liberati, angulum siue extremitatem propugnaculi *Cananor*, quod in regione Regis *Cra-negenor* situm, à Lusitanis possidetur, assequebantur. Propugnaculum hoc in littore maris excitatum, Regi istius loci valde infensum est, facitq; vt Lusitanis irascatur Rex, siue non, susque deq; ferant, siquidem dominium maris ad se iam pertraxerint, propugnaculum non solum, sed & portum ipsum tenentes, & ad Regem nihil nisi qd sibi videatur transmittentes. Ceterū non procul

procul à *Cocchi* abest, itaque statim à meridie portum eius affecuti sunt, inuenientes ibi minora aliquot populorum, qui *Balloni* vocantur, nauigia, quæ ex vnico excauato ligno parata, multis vtrinque foraminibus pertusa, vt pisces in eis viuere possint.

CAPVT XXVII.

Descriptio ciuitatis Cocchi.



CIVITAS *Cocchi* sub 10. poli gradu, Septentrionem versus sita, mare habet ad occidentem, versus austrum autem angulum quatuor leucarum facit, syluâ habet crassissimis arboribus consitam, ex quibus excauatis nauigia parant, ipsis *Almedie* dicta, quibus ad *Goam* vsque excurrere nauigando possunt. Portum habet saxi & latentibus offendiculis ad eò impeditum, vt naues vix admittat, vnde etiam hyberno tempore plane clauditur, ne peregrini nauibus suis intrare conantes perniciem sibi attrahant, cum venti eo tempore ab occasu furentes, fluctus ibi non solum maximos excitent, sed & nubes densissimas cogant, quæ postmodum in aquam resolutæ magno cum impetu ex montibus illis in portum prouunt, sabuli arenatumq; non parum secum vehentes.

Cæterum ciuitas hæc post *Goam* prima est, quam Lusitani in India tenent, magna aromatum & aliorum bonorum commercia exercet, & multum piperis in territorio suo producit, quod quidem certa pecuniæ summa Regi Portugalliæ, multo autem maiori precio *Æthiopibus* venditur. Sunt autem duæ in hoc regno ciuitates huius nominis, hæc, quæ Lusitanorum est, & altera, quæ ad Regem *Cocchi* fratrem nimirum Portugalliæ Regis pertinet, littori magni cuiusdam fluminis adiacet, qui quidem Rex tam potens est, vt breui temporis spatio centum millia peditum, cum innumera nobilium, (qui ipsis *Nairi* dicuntur) equis & Elephantibus vrentium multitudinē colligere & in acie producere possit. Incolæ huius loci tam fœminæ quam mares, à vertice ad vmbilicum vsq; quemadmodum & pedibus nudi incedunt, & viris quidem mos est, vt si fortè ad mulierem aliquâ ingrediantur, arma sua cum clypeo ad ianuam domus illius collocent, quamdiu enim ea ibi visuntur, nemini domum istam ingredi licet.

Vxorem ducturus, siue Rex siue alius quicumque ex subditis eius, primus cum ea nō dormit, sed virginitatem vxoris cuida ex Sacrificulis, qui *Bramini* ipsis dicuntur, largitur. Hi enim libertatem habent ædes quasque ingrediendi, & cum vxoribus tam Regis ipsius quam aliorum quorumcunq; prohibitu suo conuersandi, ita quidem, vt & mariti & fratres mulierum, aduenientibus Sacrificulis cedant, locumq; cum vxoribus colludēdi relinquunt, habentes eos pro viris sanctissimis, qui in lege vxores & filias suas erudire quam optimè possint. Vnde nō solum domo libenter sub eorum aduentum exeunt, sed etiam sibi de dignitate hac ex animo gratulantur, eamq; vicinis & amicis suis gaudio prædicant.

Mortuo Rege, neminem ex ipsius filiis honore successionis dignantur, sed sororis eius filium in Regem eligunt, propterea quod nemo certo scire queat, an, à quib. pater salutatur, verè filii sui sint. Cum autem sororem Regis ex Regia prosapia esse sciant, posse se errare statuunt, si filium eius, vtpote regia natum prosapia, in Regem assumant.

Mulieres magno sibi decori putant, si aures habeant turpiter perforatas. Nam in auricula infima, quam nostri etiam interdum perforare solent, timam siue fissuram faciunt, plumbumq; ei inserunt, quod pondere suo au-

riculam ita extendit, ut ad humeros usque promineat tanto foramine, ut vel brachium traicere possis, quæ quidem deformatio oculis ipsorum ita arridet, ut viri etiam eam adhibere vulgo cernantur. Nobiles autem, qui *Narini* dicuntur, ut præ aliis dignoscantur, armillas gestant & comas eleganter componunt, qui quidem ornatus ipsarum maximus est, cui in viris accedit, quod clypeum, euaginatumque in manu semper gladium teneant, eumque incedentes quasi concutiant vibrentque, quasi pugnam semper sitientes & expetentes.

CAPUT XXVIII.

De ponderibus, mensuris, monetis & vectigalibus, in ciuitate Cocchi usitatis.

Chintal. **P**ONDERA huius ciuitatis, quæ bonis omnibus adhibentur, *Chintal* sunt. Quodlibet autem *Chintal* continet 5. *Mano*, & 8. *Rotoli*. Quodlibet *Mano* sunt 24. *Rotoli*, itaque quodlibet *Chintal* valet 128. *Rotoli*, & *Rotolo* quodlibet 16. vncias. Pondera enim in *Cocchi* & *Goa* sunt vniufmodi.

Bari autem non sunt vniufmodi sed multorum generum, pro diuersitate bonorum, quibus adhibentur, solentque contrahentes nominatim exprimere, qualia *Baro* intelligant, cum quædam tribus, quædam tribus cum dimidio, quædam etiam quatuor *Cantaris* constent. Quodlibet autem *Cantaro* sunt 4. *Rubbi*, & quodlibet *Rubbo* valet 32. *Rotoli*, ut ita *Chintal* quodlibet præcisè 128. *Rotolis* constet.

Nummi huius ciuitatis sunt *Covodi* & *Vare*, illis quæ in *Goa* etiam reperiuntur per omnia similes. In vendendis coralliis & aliis id genus mercibus. *Marco* vtuntur. Gemmæ autem, margaritæ & adamantes, peculiararia sua pondera, quæ *Mangielini* ipsis dicuntur, habent, & in vendendis pyropis *Fanno* vtuntur. Sed & monetas alias cum illis, qui in *Goa* sunt, communes habent, suntque vtroque vnius valoris & pretii. Veneti vero *Zechini* valent 10. *Tanghe* melioris monetæ. *Serafinni* valent de mandato Regis Portugalliæ 300. *Reis*, quæ faciunt 5. *Tanghe* melioris monetæ. Regales argentei valent 400. *Reis*, quæ faciunt 6. *Tanghe* & 50. *Basarucchi*, quemadmodum & in *Goa*. *Vintinni* ipsorum argentei cuduntur in Lusitania, quemadmodum & *Sadini*, itaque signum Lusitanicum referunt. Valent autem 20. *Reis*, quæ faciunt 25. *Basarucchi*. Huiusmodi *Vintinni* quinque faciunt vnum *Teston* Lusitanicum, quorum singula vnum *Tangha* & 50. *Basarucehi* melioris monetæ valent, quæ in moneta Veneta 31. solidos constituunt. Tria *Teston* faciunt vnum *Serafinni* argenteum 5. *Tangha* melioris monetæ continentem, ut ita *Teston* de mandato Regis Portugalliæ 100. *Reis* valeat.

Aurei *Pagodi* recentiores valent 7½. *Tangha* melioris monetæ, veteres vero octo. *Larini* certum pretium non habent, quamuis quinque *Tangha* melioris monetæ ipsis initio assignata fuerint. Moneta illa maior aurea Lusitanica, vna facie crucem, altera vero insignia Portugallica referens, valebat ante hæc tempora 10. *Cruciatti*, iam autem raro conspicitur, & valet 14. *Cruciatti*, vel etiam amplius, *Cruciatto* autem vnus valet 7. *Tangha* melioris monetæ, quæ faciunt 19. *Serafinni*, & 3. *Tangha* monetæ melioris.

Vectigal bonorum acceptorum & expensorum, bes est. Octo enim de centenis omnes, qui in matrimonio non viuunt, persolvere coguntur. Qui vero matrimonium in *Cocchi* contraxerunt, primis tribus annis trientem tantum, siue quatuor de centenis vectigalis nomine præstant, quod vectigal qui-

gal quidem ad Regem in *Cocchi* pertinet, cui omnes, qui in *Cocchi* habitare & matrimonium contrahere cupiunt, *Serafinno* vnum pro corpore suo persolvere coguntur.

CAPVT XXIX.

De itinere ex Cocchi in Silon.



PERSOLVTO in *Cocchi* vestigali, 25. Aprilis Anno 1582. nauem iterum conscendentes, cursum suum versus austrum direxerunt, cumque ventis melioribus vterentur; sequenti statim die ad locum *Calacolon*, & sub vesperam in *Silon* perueniunt, vbi cum viros aliquot, equosq;, quos pro certa mercede ad hunc locum ex *Cocchi* deduxerant, exposuissent, continuata statim velificatione abierunt.

CAPVT XXX.

Descriptio ciuitatis Silon, & itineris continuatio.



IUITAS *Silon* sub Lusitanorum dominio in campo patenti & viridi sita est, austrum spectans, & portum habens elegantissimum. Nullam autem ibi moram necebant mercatores nostri, sed 27. statim die progredientes cursum suum versus Insulam *Seilan* dirigebant, regione *Camerino* in finibus Indiae extremis relicta. Insula haec in circumferentia sua 900. leucas complectitur, Septentrionem versus spectat, portumq; pulcherrimum habet, dominio Lusitanorum subdita. Rex enim eius legitimus & naturalis in ciuitatem *Columbo* secessit, quae licet ipsamet etiam Regem Portugalliae Dominum agnoscat, permittitur tamen ei, ut tanquam Praefectus sedem ibi suam habeat, cum baptismum admiserit, & ad Christianam religionem se conuerterit.

Crescit in hac Insula Cinnamum magna copia, idq; in arboribus tenerimis, quae non assurgunt à terra longius, & folia habent lauris similia. Coligitur autem cinnamum duobus tantum mensibus, nempe in Martio & Aprili, ita ut dissectus vndique in internodiis cortex à stipite & ramis magna dexteritate liberetur, & soli desiccandus exponatur; à quo postmodum ita contrahitur, ut studio quasi conuolutus videatur. Cæterum arbores etiam si cortice suo vndique nudentur & exuantur, non tamen propterea inarescunt & moriuntur, sed nouum statim corticem agere incipiunt, ut sequenti anno elegantiori cortice vestitæ cernantur. Quo enim sapius arbores istae putantur & cortice liberantur, eò corticem teneriorem & præstantiorem gignunt atque producant, quo vero corticem suum diutius retinent, eo crassiorem eum & viliorem suppeditant. Præter cinnamum vero etiam pipæris, zingiberis, nucum myristicarum & aliorum aromatum, ut de Crystallo, gemmis & metallis variis, utpote de auro, argento, ferro, chalybe, &c. nihil dicam, ferax hæc Insula est, & nihil, quod ad sustentationem animantium pertinet, deesse ei videtur.

Cæterum mercatores nostri ventis secundioribus vsi cursum suum in austrum direxerunt, & 28. Aprilis, quam primum sol oriretur, sese ad oras *Comerin* in finibus Indiae versari viderunt. Itaq; ut terram istam vitarent versus occasum non nihil nauem dirigentes triduum integrum nauigarunt, ut terra ipsis nulla appareret. Tandem primo Maii aperiebat sese ipsis angulus *di Galbo* transeuntibus nautis admodum periculosus, itaq; pro euitando eo ortum versus velificationem direxerunt. Secundo Maii cernebant terram,

*Cinnamum ubi
crescat, & quomodo
colligatur.*

ram, quam inferiorem *Seilan* vocant, vbi idolum aliquod seu statua cuprea, in loco quodam eminentiori erecta & ita disposita est, vt austrum versus respiciat, & ad 10. leucas videri possit. Locus hic sanctus vulgo habetur, itaq; vndiq; eo homines confluunt, & sacrificium statuae huic offerunt, aquam ex longè distitis locis afferentes, qua pedes eius lauent.

Sequenti octauo die, cum vento vfi vario Insulam *Seilan* superassent, ad aliam delati sunt Insulam, cui *Vacca* nomen est, viderunt autem ibi statuam aliam, *Pagoda de Chini* dictam, quam nautæ referebant ex *China* allatâ quondam, & hoc in loco erectam esse, quod quidem & nomē innuere videbatur. Inuocatur autem à nautis, vt terram eo citius eos contingere faciat. Itaque mercatores velificationem Septentrionem versus, vt angulum *Chiarmandello* assequerentur, direxerunt. Qui ad clauum sedebat, nunquam in his oris fuerat, nihilominus tamen nauem, habita tantum ad eleuationem loci ratione, ita gubernare poterat, vt nihil aberraret, sed vbi essent præcisè indicare mercatoribus posset. Accidit autem, vt cum aliqui de naui prospicientes, aquam albescere aliquo modo & herbas secum vehere viderent, itaque admonitus hac de re Nauarchus profunditatem statim tentare coepit, cumq; 12. primo, postea 10. & mox tantum sex orgyarum eam depræhendisset, proiecta statim anchora, cursum naui inhibuit, periculum aliquod subesse ratus, licet terram vndique nullam viderent. Substitērunt autem per noctem ibi, conuersaque postero die naui, eo quo aduenerant itinere regressi, cum 30. iam orgyarum profunditatem depræhendissent, Septentrionem versus velificationem instituerunt.

Sequenti die regionem humilem & depressam viderunt, quæ solo candido existens septem *Pagodi de Chini* vocabatur. *Chini* enim siue Chineses olim cum aliquot nauigiis navigationem hac fecerant, quæ ipsis *Chionchi* dicuntur, estque genus nauium eiusmodi, quod carbasis ex arundinibus contextis vitur, clauos duos in puppi, & vnum in prora nostratiū quidem clauis similes, sed ex eadem cum carbasis materia constantes habet, nihilque à tempestatibus periculi timet, solent enim Chineses cum nauigiis hūc vsque ad *Giappone* & *Molucca*, vbi caryophyllorum, itemque ad *Chiana*, vbi nucum myristicarum prouentus maximus est, excurrere, indeque magna copia ad Sanctum Thomam & loca alia merces & aromata ista transportare.

Cæterum locus hic, quem septem *Pagodi* vocant, à Chinesibus tali occasione excitatus est. Cum terram quādam humilē & depressam inter nauigandū inuenirent, q̄ ipsis adhuc incognita erat, *Pagodi* statim eo in loco seu templū aliquod statuentes tanta altitudine & proceritate excitabant, vt ad aliquot miliaria videretur, & nauigantes inde, quonam in loco versarentur, colligere commodè possent. Adhibuerunt autem ad structuram huiusmodi firmissimos quosq; lapides, qui duritie & firmitate sua vel ipsum marmor superant, & colore sunt cæruleo. Eos ex *China* longo admodum itinere nauigiis suis ad locum hunc detulerunt, vt non solum ex nautarum relatione, sed & inde constabat, quod nec in India, nec in regno *Pegu*, nec vllō alio in loco similes mercatoribus nostris visi sint. Et quidem ex populis ibi adhuc habitantib. cognitum est, Chineses olim loca illa omnia occupasse & tenuisse, donec belli, q̄ Rex in *China* ipse met excitari, iniuria, alterius potestati cesserint, Rege vt inferiorem se vidit in *Chinam* rursus cum suis concedente, & loca hæc aliis possidenda relinquente, in cuius rei memoriam templa ibi adhuc conseruata, nominis hoc acceperunt, quod *Pagodi de Chini*, hoc est, templa Chinesium vocentur. Cæterum ab hoc loco septem

Pagodi

Pagodi iterum progressi, nouem dies nauigando consumpserunt, donec ciuitatem *Negapatan* tandem assequerentur.

CAPVT XXXI.

Descriptio ciuitatis Negapatani.



NEGAPATAN ciuitas admodum populosa est, ad Lusitanos pertinens, sub 9. gradu & duabus tertiis versus meridiem sita. Incolas habet Lusitanos, Ethnicos & Aethiopes, nec ita pridem insigni propugnaculo, cui *Ragiu* nomen est, à Lusitanis munita, ad præuendam seditionem & tumultus à Rege *Negapatan* excitari solitos, qui in continenti eius regionis habitans, amicus quidem Lusitanorū videri vult, sed defectionē tamē ab illis haud raro molitus est. Nulla ibi præterquam pannorum gossypinorum commercia exercentur. Multa ibi templa, & inter alia etiam monasterium ordinis S. Francisci visitur. Hostem habet Dominum regionis cuiusdā, quā *Naiich* vocant, cuius experiri insidias haud raro solet. Regio hæc oryzā tātā copia profert, vt incolæ suis nauigiis eam ad alia etiam loca transportare soleant. Nauigia autem ista vocantur *Gatameroni*, similia sunt ratibus Venetis: ex septem enim rotundis lignis constant, quæ ita inter se colligata sunt, vt quinque media fundum constituent, & alterum altero semper longius existat, maximè vero intermedium, quod tam in anteriori quam in postèriori parte nonnihil incuruatum est & eleuatum, vt sedem gubernatori præbeat, qui lignum aliquod oblongum manu tenet, cuius extremitati asseris segmentum affixum est. Nautæ nudi incedunt, subligaculo pudenda tegentes, & pileolum stramineum, coni instar eleuatum margineq; carentem capiti imponentes. Nauiculæ vero, quæ deuehendis & reuehendis ad naues maiores mercibus inseruiunt, non sunt vniusmodi, sed variæ, ex rotundis tamen lignis compositæ & funiculis colligatæ, habentes ab utroque latere remos quatuor, quibus impellantur.

Ciuitas ipsa rebus necessariis omnibus abundat, pane tamen destituitur, cum frumentum, vnde ille conficiatur, regio ista nullū ferat, vt oryza contenti esse homines cogantur. Moneta vtuntur aurea, diciturque ipsis *Fanno*. Inter alia autem, quæ mercatores hoc in loco notatu digna viderunt, hoc est; quamprimum naui descendissent, foueam quandam viderunt, ardentibus prunis repletam, adueniebant autem quidam iuuenulam quandam mulierem in sella sedētem gestantes, quam longo ordine & magna festiuitate mulieres aliæ comitabantur. Iuuenula illa manu altera speculum, altera vero malum aureum tenebat, variisq; gesticationibus se oblectabat. Ad foueam autem vt peruentum, mulier illa confurgens, canendo & sal-

Mulieres sese in ignē precipitantes.

tando horam vnā atque alteram exegit, postmodo deposito vestitu & or-

M

facietas

facietas eas coepit, insidias struant, cum sciant mortuo marito sibi etiam necessario moriendum esse. Rege eius loci, vel viro praeter ceteris primario, morte extincto, omnes mulieres quotquot in aula eius reperiuntur, hac sibi ratione mortem consciscere solent.

Mira superstitio.

Est in hac ciuitate currus quidam octo rotis insistent, auro vndique obductus & mirum in modum eleuatus, in cuius summitate refidet idolum aliquod cupreum inauratum, quod incolae eius loci *Pagodo* vocant. Currus autem multis gradibus siue subselliis conspicuus est, in quibus viri quidem sedent, qui *Gioghi* ipsis dicuntur & Sacrificulorum loco habentur, quod idoli huius curam agant, vnde etiam sustentationem suam accipiunt. Sed & meretriculae aliquot currui huic insident, quae corpore suo quaestum facientes, quicquid praeter sustentationem suam lucrantur idolo huic offerunt, vnde meretrices *Pagodi* vulgo nominantur. Vtrique autem tam Sacrificuli quam meretriculae a parentibus suis ex nimio pietatis zelo a primis incunabulis idolo huic destinantur & sacrificantur, cumque adoleuerint non solum libidinibus sese impune polluant, sed & hominibus aliis incitamento sunt, ut sobolem suam idolo huic largiantur. Iuxta currum hunc primarii quique pedites incedunt, cumque a nullo iumento sed ab hominibus tantum protrahatur, quilibet ex nimio pietatis feruore funes apprehendere satagit, beatum sese praedicans, si vel currum protrahere vel funiculum saltem cingere sibi detur: nam quo festum solemnius est, eo praestantiores ad currum hunc protrahendum adhibentur, estque tum feruor in populo tantus, ut vel in viam sese prosternant, & currum hunc per corpus suum traduci patiantur.

Cultus hic idololatricus infinitis urbem hanc meretriculis impleuit: nam ut alias non dicam, locus in urbe hac peculiariter a conuersatione honesta discretus est, ubi plus quam quadringetas habitare meretrices videas, quae quaestus sui meretrici partem idolo huic largiuntur, edoctae nimirum ita a parentibus suis, & a puericia ita assuefactae, ut idolo huic gratissimum istum cultum praestent. Ceterum nobiles huius ciuitatis & dignitate diuitiisque praeter ceteris pollentes, Franciscanis monachis sustentationem suam praebent, quemadmodum etiam illis, qui ad Sanctum Thomam reperiuntur, idque ex amore, quo Lusitanos complectuntur maximo.

CAPVT XXXII.

De monetis & vectigalibus in ciuitate Negapatan usitatis.



MONETA qua in hac ciuitate vtuntur aurea est, ipsis *Fanno* dicta, forma rotunda & lata, literas aliquot, siue scripturam ex altera parte referens: cuduntur autem ex viliori auro, valentque decem solidos monetae Venetae, & eorum 17. cum vna quarta *Zechinum* Venetum constituunt. *Larin* vnus sunt 122. *Basarucchi*. Vnum vero *Fanno* sunt 45. *Basarucchi*, qui forma quidem rotunda ex cupro constant. *Pagodi* ex auro duplices sunt, veteres, quorum vnus valet 16. *Fanno*, & recentiores, qui 15. *Fanno* valent. *Zechinus* vero Venetus valet 17. *Fanno*, quae quidem praestantiores illis sunt, de quibus supra dixi: nam in utroque latere caput humanum cum humeris ad pectus usque resectum exhibent, latitudine sua solidum Venetum aequant, sed tanta crassitie, ut *Zechino* Veneto in pondere aequiparentur.

Pro mercibus & bonis, quae inferuntur in ciuitatem, vectigal nullum soluitur, pro illis vero, quae ciuitate efferuntur, triens, hoc est, quatuor de centenis praestare mercatores coguntur. Quod si autem quis merces suas extra ciuitatem distrahere & vendere possit, ab eo nihil omnino exigitur. Omnes autem

autem, qui aliquid ibi ementes ad alia loca transferre volunt, trientem siue quatuor de centenis persolvere tenentur, quod quidem vectigal pro Ethnicis, non vero pro Lusitanis colligitur.

CAPUT XXXIII.

De itinere ex Negapatan ad Sanctum Thomam.

REVVS in *Negapatan* perfectis omnibus, cum persoluto vectigali ad iter sese iam parassent, duplex adhuc periculum, antequam ex portu soluerent, experiri cogeantur. Principio enim ignis in nauem aliquam studio coniectus ita flagrare coepit, ut ingentem teintillarum vim hinc inde spargeret, ille vero à vento tanta vehementia ad nauem mercatorum nostrorum propellebantur, ut eam vix ab incendio conseruare possent. Mox vero, ut periculum hoc cessauit, ventorum & procellarum vis tanta in portum ingruit, ut aliter non putarent, quam & suam & reliquas naues omnes iam iam subuersum iri. Liberati igitur tandem hisce periculis, 19. Maii ex portu illo soluentes, pro euitandis, quibus tractus ille abundat, offendiculis cursum suum Septentrionem versus direxerunt. Habebant autem in itinere sibi obuios multos piscatores, qui capiendis piscibus, quibus cum oryza vulgo vescuntur, operam dabant. Postero die, cum totam noctem nauigando traduxissent, fines regionis, quam septem *Pagodi* vocant, assecuti sunt. Conspiciuntur ibi colles octo, qui non ultra 7. leucas à Sancto Thoma absunt, itaque ad ciuitatem hanc 30. Maii, cum trium tormentorum disposure eam primo salutassent, circa meridiem appulerunt.

CAPUT XXXIV.

Descriptio ciuitatis Sancta Thoma.

CIVITAS hæc nomen suum accepit à reliquiis Apostoli Thomæ, quæ à Pontificiis ibi magna cura & diligentia asseruari dicuntur. Sitæ est sub 13. gradu, anteriore sui parte Orientem respiciens, & tormentis super portas dispositis admodum munita est, quæ quidem portæ tam humiles sunt, ut vix equos, ne elephantes dicam, admittant.

Tribus primariis templis insignita ciuitas est. Primum vocatur ad S. Thomam, estque longe pulcherrimum, & à Capitularib. quibusdam, quorum superior Vicarius est ab Episcopo in *Goa* habitante, constitutus tenetur. Alterum ad Sanctum Franciscum vocatur, & à monachis Cappucinis possidetur. Tertium Sancti Ioannis Baptistæ, Paulini quidam & Iesuitæ obtinent. Ceterum templum hoc eo ipso, quo mercatores nostri ibi versabantur, tempore absolutum lacunari siue tigno carebat, & propterea tecto stramineo cooperiebatur. Accidit autem ut ingens lignum in formam tigni fabrefactum, à fluctibus maris mirabili modo in ipsum portum propelleretur: itaque cum ea longitudine & robore esset, ut à capite ad calcem tecti pertingeret, & quasi summo studio ad hunc usum destinatum videretur, eo secundum longitudinem aliquoties dissecto, & ad tectum adhibito, templum tandem absolutum est. Dum autem dissecando huic ligno operam darent, tantus fœtor, quem ab aqua marina lignum hoc contraxerat, naribus astantium est obiectus, ut moram ibi necesse diu nemo posset, quod ipsum quidem argumento erat, longo iam tempore lignum hoc in mari oberrasse & vel ex longinquis locis ad hunc portum à fluctibus delatum esse. Itaque multi etiam ex infidelibus veritate rei perspecta, Christianam religionem amplexi sunt & sese baptizari curarunt.

Cæterum qui ex ordine Paulinorū sunt, aliud adhuc in ciuitate ista templum habent, quod ad Sanctam Mariam vocant, vbi infideles, qui ad Christianam religionem accessuri sunt, erudire & baptizare solent. Extra ciuitatem templum adhuc aliud est Luciae sacrum, quod à Canonicis ordinis S. Thomæ possidetur, & aliud, quod ad Mariam de Monte vocant, itemque adhuc aliud ad Sanctam Crucem. Sed & in ciuitate monasterium est, quod à Misericordia nomen habet, & aliud ad Sanctum Lazarum, prætereaq; tria alia, quæ à monachis habitantur & frequentantur.

Ciuitas ipsa pulchritudine sua omnes eius regionis alias superat, habetque ædificia optimo ordine disposita, vt plateas pulcherrimas constituent. Dum mercatores nostri in ciuitate hac conuersarentur, tumultus quidam 20. Iunii die ab infidelibus excitatus est. Ethnici enim exteri conceptum suum aduersus ciuitatem odium in actum producere volentes de nocte surgebant, factoque ingenti concursu ignem hinc inde in ædificia proiciebant ciuitatem perdere omnino volentes. Erantque Ethnici hi alterius cuiusdam ciuitatis, quæ miliari integro ab hac distans firmissimo muro vndique cincta & munita est. Præfectus istius ciuitatis *Adicario* nomine, vir tantæ auctoritatis est, vt multis semper sclopetariis stipatus ingrediatur, qui toto quidem corpore, pudendis solum exceptis, nudi incedunt, & sclopos bombardasq; in humeris gestant. Hi igitur, vt dictum, 20. Iunii nocturno tempore ad ciuitatem Sancti Thomæ progressi, eam cum omnibus incolis subuertere nitentur. Ciues vero improviso hoc incendio viso, Lusitanorum statim auxiliū implorabant, quorum Præfectus, quem ipsi *Diegopusogna* vocant, campanas statim pulsari iussit, vt omnes per ciuitatem excitarentur. Expergefacti igitur hoc tumultu etiam mercatores nostri cum cateruatim ad forum properare incolas viderent, interrogabant, quid fieri in eiusmodi tumultu oporteret? Cumq; cognouissent, oportere quolibet audito campanæ sono, quem ipsi *Sino* vocāt, arma sua capere, & auxiliū periclitanti Reipubl. ferre, ni ab omnibus pro *Patifo* siue homine nihil & abiecto, haberi velit, ipsi apprehensis statim bombardis, clypeisq; & gladiis suis, (hæc enim arma sunt, quibus in India vti militantes solent) ad Misericordiæ templum, iuxta quod Præfectus habitabat, sese receperunt. Cumq; omnes Proceres Lusitanicos quotquot in ciuitate ista habitant, congregatos ibi viderent, obtulerunt ipsis promptissimam suam in defendenda ciuitate operam. Erat ipsis hæc mercatorum nostrorum promptitudo gratissima, nesciebantque quomodo eam prædicare satis deberent. Imprimis autem gratias ipsis agebant maximas, quod ad sonum campanæ tam cito armati comparuissent, & ciuitatem iuuare parati essent.

Cæterum hostes cum animaduertent, Lusitanos iam in procinctu stare, & ad persequendum sese paratos esse, arrepta statim fuga, significari Præfecto Lusitanorum curarunt, non venisse se, vt Lusitanis damnum inferrent, sed vt hostes suos subuerterent, itaq; si damni quid Lusitanis ab hoc incendio illatum sit, paratos sese esse illud reparare & restituere. Nam quos reditus Clerici in hac ciuitate habent, eos Ethnicis acceptos referre coguntur, qui licet infideles sint, in honorem tamen & recordationem Apostoli Thomæ, qui multis ibi miraculis paulo ante mortem suam inclaruisse legitur, fratres eius, Canonicos nempe, modis omnibus iuuant & promouent. Cum igitur incendio hoc multa loca & ædificia huius vrbs vastata proximo die depræhenderentur, ex quibus ad templum Sancti Thomæ non parum quotannis redire solebat, mittebant incendii huius auctores post paucos dies ingentem auri vim, qua damnum hoc compensaretur, sed & loca omnia

omnia incendio deformata reparabant, factum hoc sibi ignosci à *Diego-pusogna* petentes. Erat hic *Diego-pusogna* non ita pridem à Francisco Mascareni, primo Philippi Regis Portugalliae in his locis Praefecto, ad hanc dignitatem euectus. Cum enim Franciscus ille in Portugalliam redire cogeretur, & hunc *Diego-pusognam* naus illius, qua ex Portugallia superioribus annis huc delatus erat, Praefectum & moderatorem prudentem admodum & fidelem habuisset, Praefectum eum ciuitatis huius, utpote tanto munere non indignum, constituit.

Ciuitas haec multos pulcherrimos hortos habet, sed multis ventis exposita est, quibus mare subinde ita eleuatur, ut vel aedificia proximiora destruat & abducatur, alioquin illud tantam profunditatem non habet, ut ad litus appellere naues maiores possint; sed necesse est, ut minorum nauigiorum opera in deuehendis reuehendisque mercibus mercatores utantur, quae quidem regere & moderari nautae tanta dexteritate solent, ut inter medios fluctus quam celerrime litus assequantur, quo facto in arenam propelluntur, ut damnum à tempestate accipere nullum possint: nam & nautarum aliquis in puppi constitutus, si tempestatem solito maiorem ingruere videat, funiculum nautae adherentem corpori suo alligat, seque ita dimittens nauiculam retinet, ne subuersa fluctibus naufragium faciat. Quia autem exercitum aduehere & ad litus deponere non datur, eo magis munitam urbem eam esse vulgo praedicant.

Sed & praeter hanc primariam ciuitatem, ciuitas ibi alia cernitur, muro luteo circumdata, quae infidelibus militibus habitatur, quorum Praefectus *Aldicario* vocatur, habetque potestatem capitis supplicio sceleratos afficiendi. Hic eadem, qua in *Negipatam*, consuetudine mortuos suos comburendi utuntur. At vero non procul ab hac ciuitate urbs alia abest, quam *Cassam* vocant, huius incolae in more positum habent, ut, si forte maritus aliquis moriatur, sepulchrum ei satis amplum & profundum parent, cumque defunctum in foueam intulerint, collocant iuxta eum uxorem eius, moxque cognati eorum proximi foueam terra opplent, & pedibus super eam profiliunt, ne forte in viuis vxor maneat, sed una cum viro suo moriatur.

Vxorem ducentes similem quaerunt, ita ut faber fabri filiam, & sic consequenter ducat, preces suas ad imaginem Vaccae alicuius, vel etiam serpentis, cui *Bittia di Capella* nomen est, inuocant, cum venenatis suis moribus omnia ledat, & hominibus dies noctesque insidietur. Alii, qui *Bramini* dicuntur, finum vaccarum comburunt, cineribusque illis, si forte pugnam inire cum gentibus aliis decreuerunt, frontem & nares aspergunt, nec aqua eos ad vesperam usque abluunt. Qui idolo *Pagodo* sese sanctificauerunt & desponderunt, cum satis diu in voluptatibus sese & libidinibus quasi volutarunt, carnis suae particulas sagittis alligatas in auras eiaculantur, & varie discerpunt, donec tandem manus sibi violentas inferentes gulam praescindant, sequi ipsos *Pagodo* ita sacrificent.

Sunt praeterea populi quidam, qui *Amocchi* alias *Chiavi* dicuntur, ex *Chiava* oriundi. Hi cum animaduertunt, vitae suae terminum instare, apprehendentes arma sua, quae *Chisse* vocant, egrediuntur & obuiam quemque trucidant, donec & ipsi interficiantur, idque ex desperatione, cum de vita sua iam desperarint. Habent equidem infideles isti populi idola quae inuocant varia, quidam enim Deum in imagine hominis, quidam in vaccarum vel serpentum imagine colunt. Sunt qui solem & lunam inuocant, ut taceam quos arborem aliquam, vel flumen aliquod precibus suis compellere iuuat.

Intet festa alia, quorum multa per annum celebrant, vnum in autumnis maxime solemne habent. Tunc enim arborem in terram defodiunt instar mali in nauibus, cum antenna erectam, ab antenna harpagines siue retinacula duo ferrea dependent. Cumque, qui vel ægritudine vel aliis calamitatibus & miseriis diu vexati votum *Pagodi* siue idolo suo fecerunt, accedunt, admonentur primum à ministris ad hoc constitutis, vt si cupiant ex singulari pietatis zelo ad *Ganzam* ascendere, sacrificium prius offerant, postmodo retinacula ferrea dimitunt, apprahensoque in vtroque humero ad *Ganzam* in altum protrahunt, retinentes eum ita pendentem donec complicatis manibus ter pectus suum percusserit idolumque salutarit, & armis, quæ in manibus habet, ludum aliquem *Pagodo* exhibuerit. Hoc facto dimittitur, & sanguis ex vulneribus eius profluens ad arborem istam in honorem *Pagodo* aspergitur, postea funiculo ex *Ganza* parato eum in medio corpore colligatum, iterum ad *Pagodo* attrahunt, vt honorem idolo debitum exhibeat, gratitudinemque suam testetur, quo facto datur ei potestas vulnera sua obligandi, vt si fieri possit, cicatricem ducat, atque iterum conualescat. Hoc autem illi solum faciunt, qui vel amissam valetudinem recuperare, vel peculiare aliquid & magnum à *Pagodo* impetrare volunt. Sed & aliud festum habent, quod nocturno tantum tempore celebrant. Durat hoc festum octo continuis noctibus, vbi in longa quadam platea ciuitatis multæ candelæ ardentes cernuntur. Cumque cõuenerunt ad festi huius solemnitatem, tres vel quatuor manibus sese tenentes à capite ad calcem plateæ currunt, oryzamque & cibos alios post se spargentes insequentem sese Diabolo, quod comedat, offerre asserunt, nullo modo retrospectantes, ne ab ipso perimantur & interficiantur.

Sed hæc de superstitionibus populorum horum Ethnicis dicta sufficiant. Quod ad pondera, monetasque & mensuras, quemadmodum etiam ad vectigalia ciuitatis huius attinet, cum Rex in *Negapatan*, hic etiam dominium suum exerceat, omnia illa cum incolis in *Negapatan* communia huic ciuitati sunt, exceptis *Basarucchi*, qui ex cupro hic cuduntur, & minores longe sunt, quam illi quorum in *Negapatan* vsus est.

CAPVT XXXV.

De itinere ex Sancto Thoma vsque ad Pegu.



NEGOTIATIONE in hac ciuitate peracta, cum merces suas ad naues iterum detulissent, & quod vectigalis nomine debebant, persoluissent, solucentes iterum 13. Septembris velificationem Orientem versus direxerunt. Cum autem nauem dies integros hac velificatione cõsumpissent, cœperunt ipsis nouæ Insulæ *Allegata* apparere, quæ sic dicuntur, quod cum fluctibus vndique marinis antea obrutæ laterent, nuper emergere & prominere ex vndis cœperint. Cæterum cum ad 23. Septembris vsque nauigationem continuassent, deprehenderunt non procul à *Maccareo* se abesse, loco admodum mirabili; quod aquæ ibi magna celeritate crescere & decrescere videantur. Naues enim ex *Martavan* eò venientes, vel sagittas celeritate sua crescentibus vndis superant, illis autem iterum decrescantibus in fundo subsistunt. Aqua certe vbi in canali ad summum peruenerit, omnes arbores transcendit, itaque contraniti semper fluctibus inter nauigandum oportet, qui tanto cum impetu in canalem ruunt, vt sonum strepitumque maximum edant.

Conuertebant autem sese in austrum, & cum in *Bara di Negrais*, qui portus est in *Pegu* ducens, venissent, *Pegodo* ad sinistram cernebant inauratum, quod

quod quidem nauibus longissime adhuc remotis affulget, sole præsertim radios suos in illud coniiciente. Solent quidem pluuia aurum aliquando abluere & obfuscare, at vero incolæ illud subinde reparant renouantq; vt nauibus peregre aduentantibus signum sit, quo obseruato à portu non aberrerent. Et sane apud mercatores nostros *Pagodo* vel templum illud non parū etiam lætitiæ peperit, cum non ignorarent se ob ventorum vehemenciam, si post quatuor vel quinque dies venissent, portum assequi nequaquam potuisse. Subsistentes igitur, vt scopulos aliquos vitarent, recursum & accessum aquarum expectabant. Interea circumspicientes locum pulcherrimis arborib. confitū, & in eo templū aliquod, vbi *Talopi*, homines monachis nostratib. similes, habitant, viderunt. Locus iste sanctus incolis illis habetur, qui orare volentes eū frequentant, posthabito omni periculo, cū tigris infensissimis tā hominib. q̃ pecorib. bestiis alioq; locus iste abū dare dicatur.

Antequam autem hinc abirent, appropinquabat ad eos 24. Septembris die nauicula quædam, quam *Salangara* ipsi vocant, itaque ipsi misso ad eam Lusitano aliquo cum muneribus Regi offerendis, petierunt, vt Regem de aduentu suo certiores facerent. Ipsi autem progressi ad Insulam *Moschee*, multis piscibus abundantem, vt de piscibus sibi prospicerent, appulerunt. Cumque capiendis piscibus operam darent, venit ad eos dominus in *Cosmi*, multisq; gallinis & malis aureis, quorum magnus ibi prouentus est, Præfectum nauis donauit. Nauis, qua Dominus ille aduenerat, quoad longitudinem triremi similis erat, ita tamen vt in medio vix passum lata videretur, prora certe puppisq; ita coarctata erant, vt nauigia Veneta, quæ *Gondole* ipsis vocantur, referrent. Sedebant in naui hac centum fere remiges, remos habentes in furnibulo similes, quos ducentes, aquam quasi ad se trahebant, idq; ad sonum quatuor buccinarum, quibus signum remigib. dabatur, quando nimirum remos ducere deberent. Sedent autem remiges in media naui, estq; supra illos tabulatum aliquod mirum in modum exaltatum, & vt *Gondole* Venetum coopertum, vbi Dominus sedem suam habet, q̃ occludere & referare pro libitu suo potest, ne cui accessus ad eum pateat.

*Nauis cuiusdam
regia descriptio.*

Progrediebantur igitur vna simul vsq; ad ciuitatem *Cosmi*, cuius tractus multis arboribus vtrinq; confitus est, psittacis, tigribus, apris, simiis, & id genus animalibus aliis abundans. Ciuitas autem ipsa sub 16. gradu sita, ædificia habet ex arundinibus Indicis crassioribus extructa, & stramine contexta. Locus alioquin satis pulcher & amœnus est, sed tigribus multum infestatur, quæ interdum quidem in arundinetis & frutetis latitantes, noctu prodeuntes in homines & pecora grassantur. Mercatores nostri cum domū ibi conduxissent, merces suas naui prolatas sub porticum stramine contextam exponebant, vt à ministris Domini in *Cosmi*, quorum alter *Decacien*, alter *Ciricai* vocatur, perlustrari & signari possent. Horum enim officium est bona omnia annotare & consignare, ne quid in exigendo vectigali postmodum errent, sed & mercatores merces ita expositas diligenter annotare solent, quo facto transferunt eas in naues, alias ipsis *Arò* dictas, quæ supra remos & transtra aliam adhuc contignationem habent, tegmine obductam, vt mercatores ibi sedere possint.

Mercatores igitur cum bona & merces suas annotassent, & maiorib. nauigiis in *Pegu* deferri curassent, ipsi 26. Octob. die ex *Cosmi* soluentes, minorib. vtebantur nauigiis, quæ ipsis *Parò* dicuntur. Progressi aut iuxta litus, vespere ad promontorium quoddam, in sinistro latere *Pain Perlon* dictum, perueniebant, assequentes sequenti die circa meridiē quidem *Marma Mala*, circa vesperam vero oppidum *Iacubel*, & paulo post aliud *Tegiatden* nomine.

Postero

Postero die attigebant locum alium *Balatini* dictum, ubi pulcherrima vasa fictilia parari solent, conspicientes paulo post *Dian*, regionem magnam, & lignorum parandis nauibus conuenientium ditissimam, vnde multae etiam naues ibi parantur, quae triremibus similes, multis cellulis, quibus diuersae merces imponantur, distinctae sunt, medioque loco, ubi malus alias collocatur, porticum habent, sub qua moschi *Belzoin*, & variarum gemmarum excerci negotiationes solent.

Porro cum 29. die regionem *Bedogiamana*, *Lagapala* & *Purdabui* conspexissent, vesperi ad regionem *Gungiebudi* appulerunt, ubi non solum propter piratas & praedones, qui sub specie insignis beneficentiae & humanitatis opprimere aduentantes solent, sed & propter tigrum multitudinem, quae obuia quaeque discerpunt, multis periculis expositi erant. Etiam si enim in terram non descenderent, audiebant tamen ex aliis, bestias illas aquam etiam ingredi, & praedam inde capeffere solere. Postero die angustum admodum canalem ingressi sunt, qui a palmis magna frequentia ab utraque ripa crescentibus inumbratur. Conspexerunt autem ibi ciuitatem *Coilan*, quae in quadrata forma 12. leucarum circumferentiam continet. Paulo post ciuitatem aliam *Tuvagnedan*, multis templis & statuis conspicuam, & vesperi pulcherrimam ciuitatem *Leungon*, in patenti, multisque palmis decoro campo sitam. Cumque vtrinque multa aedificia vidissent, continuato itinere ciuitatem frequenti populo habitatam *Siluanfedi*, & circa vesperam urbem aliam, cui *Moggio* nomen est, assecuti sunt. Haerebant ibi in littore multae naues, quae cellulis aliquot distinctae & stramine a prora ad puppim usque contectae, vel aedificiorum usum hominibus praestare poterant. Homines hi aquam ex oryza parare extrahunt, quae cum aqua vitae vel vino igni eliquato certare sua virtute & efficacia potest, reperiturque in toto hoc tractu commeatuum satis, ita ut nauigantes non necesse habeant cibos, quos secum habent, ibi consumere, possintque eos, donec in mare iterum perueniant reseruare, & quae ad sustentationem pertinent, tolerabili sibi pretio ibi comparare.

Secundo Nouemb. ad *Dala* ciuitatem appulerunt, ubi praeter alia decem stabula elephantum cernuntur, qui in gratiam Regis *Pegu* a ministris varie exercentur & instituuntur. Postero die pulcherrimam ciuitatem *Dogon* assecuti sunt, ad quam ex portu viginti gradibus ascendendum est: nam propter accessum & recessum aquarum, ex faucibus *Sirian* prorumpentium, fieri solet, ut fluctus ad supremum usque gradum ascendunt, & mox ad infimum usque recedentes, litus omne deferant. Facti sunt gradus isti ex firmissimo ligno insignis longitudinis, constitutaque est ab utraque infimi gradus extremitate tigris eximiae magnitudinis ex ligno fabrefacta, & viuis suis coloribus ita illuminata, ut bestiam viuam repraesentet, similiter vero & in medio gradus illius duae constitutae sunt, quae deductis faucibus interitum hominibus minantur, dicuntque incolae positas ibi esse in tutelam idoli *Pagodo*, ut nimirum absterreant homines, ne idolo isti vim aliquam inferant.

Hanc ciuitatem visuri mercatores nostri nauigiis egressi sunt, cumque in terram descendissent, viam ingressi sunt ad dextram, ferè 500. passus latam, inuenientes in ea aliquot aedificia lignea inaurata, & pulchris hortulis ornata, quibus *Talapoi*, qui monachi horum populorum sunt, *Pagodo* ministrantes, habitant. Sinistrum latus multis porticis exornatum est, sub quibus merces variae expositae venales habentur, estque via haec satis longa, ita ut leucam integram eundo quis conficiat, antequam ad *Pagodo* siue idolum in *Dogon* pertingat. Ut vero ad locum istius idoli peruentum est, cernitur ibi

scala 90. graduum, & tantæ longitudinis, quantæ canalís *Rialdo* est Venetiis. In fundamento ante primum gradum positæ sunt duæ tigres, altera ad sinistram, altera vero ad dextram, ex saxo, eadem qua priores littore forma sculptæ, ita ut sese inuicem intueantur. Gradus autem scalarum tribus interstitiis distinguuntur, quorum primum est 40. alterum 30. tertium vero 20. graduum, consistuntq; in gradu infimo duo lapidei angeli, quilibet tribus coronis, altera alteram magnitudine superantibus, insigniti. Hi duos dexteræ manus digitos in aduentantes intendunt, quasi benedictionem ipsis impertientes, sinistram manum is, qui ascendentibus à dextris est, in caput pueri, alter vero qui à sinistris est, in caput simiæ reclinatam habet, suntque statuæ istæ omnes lapideæ. In summitate ad dextram quidem *Varella* lapideum est, auro vndique obductum, rotundæ formæ, tantæque magnitudinis, ut circumferentia quidem sua aream palatii Veneti, altitudine vero turrim campanariam templi, quod Venetiis ad diuum Marcum vocatur, usque ad columnas æquet. Ad sinistram aula cernitur magnæ capacitatis, auro vndique obducta, & hic quidem locus est, ubi preces suas peragere, & conciones *Talapoi* siue monachorum suorum homines isti audire solent. Locus certè hic sanctissimus ipsis habetur, itaque ex longinquis locis homines ad eum quotannis terra mariq; confluere videntur, ut superstitiones suas ethnicas ibi peragant. Cum verò festum aliquod anniuersarium celebrandum est, Rex ipsemet cum coniuge liberisq; suis, & proceribus regni aliis, indulgentias allatum aduenit, hunc multitudo subditorum & peregrinorum sequitur. Peracto autem hoc festo nundinæ celebrantur, quibus omnis generis merces venales habentur, licitumq; est omnibus etiam Christianis, quicquid voluerint emere. Cæterum multæ in gradibus hisce simiæ discunt. Mercatores autem nostri inter descendendum ad sinistram primi interstitii scalarum, in turri quadam campanam viderunt, eiusq; circumferentiam septem passuum & trium palmorum depræhenderunt. Est hæc elegantissima scriptura, à vertice ad calcem usque vndique conscripta, litteras exhibens pulcherrimè sculptas & incisas, sed quæ neq; à peregrinorum aduentantium, neq; ab incolarum quoquam in *Pegu* legi possunt. Quin imo non reperitur ibi quisquam, cui, vel qua ratione, vel quo tempore, vel quibus ex locis campana ista eò delata sit, quicquam constet.

Ex hoc porro loco cum sub vesperam soluissent, nocte illa reti piscatorum sese ita implicarunt, ut parum abesset, quin, quod vni ex nauigiis illis, quæ simul nauigabant, accidit, naufragium fecissent. Culpa vero piscatorum erat, qui cum retia laxare volunt, ignem in cymba sua piscatoria per totam noctem fouere tenentur, ut aduentantes nautæ, eo admoniti, sibi cauere facilius & periculum declinare possint. Progressi igitur primo diluculo imminere sese faucibus *Sirian* videbant, ubi cum fluctus rapidissimi eos in *Maccareo* abripere vellent, vix magno tandem labore eluctati ad portum *Sirian* applicarunt.

C A P V T XXXVI.

Descriptio ciuitatis Sirian, & itineris continuatio.



SIRIAN Cæsarea quondam ciuitas fuit, in qua Cæsar quidam sedem suam habuit. Muros habet desolatos, sed ex quibus appareat tamen, inuictam eam quasi & insuperabilem quondam fuisse. Anno 1567. in potestatem Regis *Pegu* peruenit. Cum enim is sesquimilliones armatorum contra hanc ciuitatem in aciem produxisset, ob-

N

sidionemq;

fidionemq; integro biennio, quo quidem tempore ultra dimidium millia-
nem vel quingenta millia militum amisit, continuasset, per prodicionem ea-
tandem potitus est. Caesar igitur cognita expugnatione, hausto veneno sibi
mortem conscivit, aulici vero eius cum multis Elephantibus, auro & gem-
mis onustis, in *Pegu* abducti sunt.

Cæterum relicta hac ciuitate *Sirian*, in cæpta nauigatione pergentes.
habitata hinc inde ab hominibus oppidula & pagos viderunt, donec tan-
dem ad locum quendam *Maccao* dictum peruenirent, vbi nauigiis descen-
dentes, leucas superstites duodecim eundo cõficere, omnes, qui in *Pegu* iter
suscipere volunt, coguntur. E regione huius loci multa pulcherrima ædi-
ficia cernuntur pro Rege in *Pegu* extructa, vt ad illa diuertere & inde nauig-
gia sua auro pulcherrime exornata conscendere pro libitu possit. Tempus
autem, quod in hoc itinere ex *Cosmi* vsque ad hunc locum *Maccao* consum-
pserunt, vndecim dies sunt, quibus in hisce dulcium aquarum fluminibus
nauigarunt, quæ quidem certis temporibus accedere & recedere maris in-
star videntur. Ab vtraque ripa ædificia multa cernuntur, quæ trabibus in
terram defixis insistant, vt homines à tigris tuti in illis esse possint, a-
scendentes enim ad ædificia sua scalis leuioribus vtuntur. Cumque vesperi
omnes domum sese receperunt, remotas à terra attrahunt, ne fortè belua
etiam quædam ascensum paret. Sunt qui bubalos in ædibus suis nutriant,
dicantque odorem horum animalium tantopere tigris infestum esse, vt
ad locum, vbi bubalos esse sentiant, nullo modo appropinquent.

Qui ex Sancto Thoma versus *Pegu* iter facere instituit, melius sibi
consulere non poterit, quam si in ciuitate Sancti Thomæ armillas ali-
quot vitreas, quæ ibi parantur, coemat, & secum ad hæc loca transportet,
pro illis enim cibum sibi melius quam pro præsentī pecunia in itinere com-
parare poterit. Non ausim hic recensere numerum *Pagodi* siue idolorum,
quæ toto hoc tractu cernuntur. Sunt enim multa & varia, atque vt sal-
tem duorum mentionem faciam, quæ in littore ciuitatis *Dogon* constitu-
ta sunt, illa à capite ad pedes vsque formam adolescentum referunt, vultu
vero diabolū repræsentant, & in tergo alas duas habent. Reperiuntur
præterea ibi aliquot *Varelle* in locis amœnioribus extructa, & auro vndique
obducta, quibus quidem multum auri & aliarum rerum quotidie offer-
tur, vt subinde, deformata à pluuiis crebrioribus, iterum renouentur.
Circum *Varelle* hæc simiæ reperiuntur magna copia alligatæ, quarum in-
colæ quidam curâ diligentem agunt. Cum enim manib. pedibusq; vt homi-
nes donatæ sint, pro eiusmodi habentur animalibus, quæ Deo præ cæteris
grata & accepta sint, & hinc omnes quidem syluæ & fruteta, quæ ibi repe-
riuntur, simiis abundare cernuntur, cum à nemine, nisi fortè in vsum ho-
rum *Varelle*, capiantur.

Vt autem ad iter mercatorum nostrorum reuertamur, ipsi 6. Octobris
die in *Maccao* venientes, bona sua omnia ex nauibus prolata duobus curri-
bus imposuerunt, illisq; *Pegu* versus præmissis, ipsi cum Præfecto manserunt,
vt ei consueto more ministrarent. Vocatur Præfectus iste *Mureno Mor*, quod
Præfectum omnium Lusitanicarum nauium, quæ vel *Pegu* versus, vel ad loca
alia quæcunq; sub imperio & iurisdictione Regis *Pegu* sita, denotat. Huic
officio præerat tum *Antonijs di Suosa*, qui nauem præsidiariam cum 30.
armatis satellitibus ducere solet, mercatores vero ei similiter, vt & suo
Præfecto in itinere ministrare cogebantur. Miserat autem Rex in *Pegu* ad
Præfectum istum per *Chiricai* suum duos Elephantes, cum mandato vt ad se
veniret; quare cum *Chiricai* iste, nauem ingressus, Præfectum Regis nomine
salutaf.

salutasset, ipse tormentorum omnium dispendio facta, in terram descendit, collocatoque in Elephantem alterum satellite suo, peluim argenteam elegantissima scriptura exornatam, quam *Olle* vocant, Regi dono misit. Cumq; *Delingo* accepisset, vnà cum mercatoribus *Pegu* versus profectus est. Cæterum *Delingo* pannus est gossypinus crassior, variis coloribus ornatus, tanta & latitudine & longitudine, quanta tapetia sunt siue aulae, quæ ad parietes suspenduntur, in extremitatibus annulos ferreos habent, per quos arundo crassior traiecta est, cuius beneficio à quatuor viris sustinetur atque gestatur. Imminet vero ei tegmen aliquod, quod à pluuiis & solis æstu eum, qui panno eiusmodi velut lectica vititur, defendat: cum enim eo vti quis expetit, necesse est vt eum explicet, impositoq; in eum puluinari, sese super illud collocet, & tunc à quatuor baiulis tam molliter gestatur, vt commotionem nullam sentiat, nec aliter quam in lecto sese recumbere existimet. Baiuli hi ad laborem hunc assuefacti totum diem (quod mireris) currendo exigunt, & non nisi semel in eo quiescunt. Itaque eiusmodi equis ad *Pegu* ciuitatem aduecti mercatores, magna cum lætitia ab incolis accepti sunt; cum quadriennio integro nulla ibi nauis Lusitanica appulerit, idque propter bellum, quod propter nauem Æthiopicam igne à Lusitanis exustam extiterat, iam vero morte senioris in *Pegu* Regis compositum fuerat. Itaque Præfectus quidem ad consuetum hospitium cum suis proficiscebatur, mercatores vero nostri ab Armeno quodam, cui Emanueli nomen erat, in domum aliquam deducebantur, vbi expectarent, donec merces eorum aduenirent, quæ & ipsæ nono eiusdem mensis die in ciuitatem allatæ & ipsis restitutæ sunt.

CAPVT XXXVII.

Descriptio ciuitatis & bellorum Pegu.



IUITATES *Pegu* duæ sunt, *Pegu* vetus & *Pegu* noua, in quibus quidem exteri cum indigenis mercatoribus, quorum multi ibi reperiuntur, habitationem suam habent. Noua à moderni Regis patre non ita pridem eleganti ordine excitata, & multis fortificationibus propugnaculisque munita est. Altera autem vetusta admodum est, & multis ædificiis ex arundinibus crassioribus extructis constans. Verum, vt de noua, quæ propter sedem Regiam præcipua est, dicam, ea quidem iucundissimo, & amœnissimo loco sub 16. gradu sita est, forma quadrata & muro firmissimo vndique cincta atque circumdata, portas habet quatuor, & fossas aliquot aqua repletas, in quibus multi crocodili eo fine sustentantur, ne quis tranando eas superare conetur. In muro ciuitatis castella passim lignea excitata sunt, in quibus armati quidam excubias agunt, qui nullum quidem ordinem seruant, sed satis tamen diligentes in officio suo sunt, vt dato forte signo, respondere absque mora possint. Milites hi *Brama* vocantur, suntque viginti numero, qui interdum quidem excubare ad portas ciuitatis solent, ita distributi, vt quini ad portas singulas constituti totius lateris curam agant, sunt enim latera quælibet secundum rectam lineam ita producta, vt ab angulo vno ad alterum prospicere commodè possis, estque via tam lata, vt quinque vel sex equites simul equitantes admittat.

Ædificia huius ciuitatis ex crassiorib. lignis extructa, & muro lapideo illis in locis, vbi ignem extruunt, munita. Incolæ autem tæde admodum viuunt,

sues plerunque in ædibus nutriunt, & quasi ex singulari pietatis zelo potu-
ferè nullo alio præterquam aqua ex fossis ciuitatis hausta vtuntur, licet cro-
codilis, vt paulo ante dictum, scateat plurimis, quorum vel 30. pedes lon-
gitudine sua aliqui excedunt, & diem præterire non sinunt, quo non homi-
nes aliquos abducant & deuorent. Hoc tamen non obstante, hæc ipsæ bestię,
quemadmodum & simiæ, tam sanctæ habentur, vt certo certius saluari di-
cant, quotquot à bestiis illis deuorètur, quæ tantæ sunt astutiæ, vt inter den-
fissimas herbas occultatæ lateant, dum ad hauriendum aquam vrbe quidam
egrediantur, tum enim profiliantes manibus pedibusve appræhensos in a-
quam præcipitant, secumque in speluncam suam abducunt & deuorant.
Accidit hoc, spectantibus mercatoribus nostris, mulierculæ cuidam, quæ
manibus in cælum protensis, opem hominum frustra implorabat. Rex igitur
de crudelitate & sæuitia harum bestiarum edoctus, iussit vnā ex illis,
& quidem illā, quæ plurimum damni hominibus inferre dicebatur, inter-
fici, erat enim ingentis magnitudinis, quo facto deuoratos quosdam esse ra-
tius auditum est.

Egressuri ciuitate, vallum siue aggerem, qui supra fossas ciuitatis, ex por-
tis ad campum vsque protenditur, transcendere coguntur, ad ripam autem
fossarum variæ arbores consistæ delectationis haud parū præbent. Elephan-
tes, qui quotidie lauatum fossas illas ingrediuntur, nihil à crocodilis illis da-
mini accipiunt, quod magnitudinem eorum bestię illæ exhorrescant.

In ciuitate ad dextram intermedio inter duas portas loco, *Varella* siue
templum inauratum cernitur, eiusdem cum illo in *Dogo* magnitudinis. Hoc
templum Rex aliquando frequentare solet, qui preces suas peracturus sca-
lam quandam ascendit, ad cuius gradum infimum tigres duæ, quæ diductis
faucibus vias repræsentant, collocatæ sunt. In Palatio Regis tympanum
est, quod pulsatum sonum edit tam horrendum, vt quis sibi tormenti ali-
cuius lōgiusculè à seremoti dispoſitionem audire videatur. Situm est autem
Regis palatium loco ciuitatis medio, estque quasi propugnaculum aliquod
fossis vndique cinctum, & duabus portis ita munitum, vt vna ante aliam
posita cernatur. In parte propugnaculi siue palatii huius exteriore, porti-
cus est, sub qua nobiles & alii primarii viri Regi ministrantes domicilia &
stationem suam habent, Rex enim quotidie horam vnā atque alteram
audiendis causis attribuit, antequam autem palatio suo exeat, duodecim
buccinis argenteis signum suis nobilibus & toti populo dari curat, vt ante-
quam prodeat, parare sese in eius occursum possint. Rex modernus ad de-
clarandam potentiam suam, duas columnas lapideas, ab vtroque ingressus
in arcem latere erigi curauit, quibus inscriptum est, accessum patere omni-
bus, vt sine venia ingredi possint.

Non possum intermittere, quin cōmemorationem hic instituam eorum,
quæ vni ex mercatoribus nostris, Casparo Balbio, ex cuius cōsignatione hæc
scribo, coram Rege hoc acciderunt. Erat hic Gemmarius, & cum ad San-
ctum Thomam esset, mōstrauerat alicui ex ministris Regis in *Pegu* pulcher-
rimos aliquot smaragdos, qui Regi suo eos gratos futuros dixerat. Cum igitur
in ciuitatem Pegu venisset, & quidem ea ipsa hora, qua causas auditum
Rex in publicum prodibat, accurreret, vt Regem videret, accidit, vt ad
Regem venire & smaragdos suos secum afferre iuberetur. Properans igitur
ad domicilium suum Gemmarius, smaragdos attulit, assumptoq; Interpre-
te per primam palatii portam ingressus, vt Regem cum ingenti pompa
(omnium enim quotquot in mundo sunt Regum potentissimus haberi, &
vnius quasi Deus videri vult,) progressum vidit, in genua statim cum

Inter.

Interprete suo procidens, manus instar rogantiū aliquid eleuabant. Cumq; facie sua terram ter attigissent, eandemq; deuotionem semel adhuc antequam ad thronum maiestatis suæ pertingerent, repetiissent, exhibebat Interpreti smaragdos suos, qui dictum iam honorem repetens, protensa supra caput manu, eos spectatum eleuabat. Rex visis gemmis illis, innuebat *Naigira* seu Oratori suo, qui honore eodem Regi præstito, acceptos ex manibus interpretis smaragdos Regi offerebat, longo statim interuallo inde recedens.

Rex acceptis smaragdis illis, quærebat ex Gemmario nostro, cuias esset, quamdiu domo abfuisset, quid nominis haberet, & ubi locorum gemmas istas accepisset? Gemmarius per Interpretem, cum singulari reuerentia, quam ad singula verba præstare oportet, respondebat: Patriam suam Venetias esse, vocari sese Casparum Balbium, domo iam quatuor annos abfuisse, & gemmas istas Venetiis secum nullam aliam ob causam attulisse, q̃ vt Regiæ maiestati, quæ per totum mundum innotuisset, & cum qua nullius Regis potentia comparari posset, donaret. Hoc responsum Gemmarii ordine consignatum, & per Oratorem Regi expositum est, qui porro interrogabat, in qua mundi plaga vrbs Venetiæ sita esset, & quem Regem haberet? Cumq; intelligeret in Italia urbem hanc sitam esse, nullum vero Regem agnoscere, sed à Senatu & populo gubernari, miratus admodū, & vehementi risu concussus, vix verbum facere amplius potuit. Quærebat tamen tandem, postquam sese iterum collegisset, an etiam Portugalliæ Rex alicuius potentia esset, & quid de Venetorum potentia statuere deberet? Respondebat igitur Gemmarius, Regem Philippum, cui Portugallia subiecta, in Christiano quidem orbe potentissimum esse, & Venetis optimè cupere, qui licet ea sint potentia, vt non necesse habeant aliquem metuere, colere eos tamen cum omnibus Principibus amicitiam, vtque argumentum aliquod potentia Venetorum proferret, damnum illud, quod Imperatori Turcico, dissipata & submersa classe ipsius, non ita pridem intulerant, commemorabat.

Finito hoc colloquio curabat Gemmario offerri phialam auream, & quinque pannos Damascenos ex *China*, variorum colorum, dicebatq; Regem non dare hoc ei loco solutionis pro smaragdis, sed *Terrecà* siue æstimatori suo mandatum dedisse, vt smaragdos illos æstimaret, & pretium ipsi conueniens persolueret, quod ipsum quidem omnes mirabatur, cum in more positum non haberet cuiquam aliquid donare. Ipse autem præterea etiam imperabat, ne quicquam vestigialis nomine *Decacini* à Gemmario exigerent, cui alioqui plus 1600. *Bize*, vel 800. ducatis soluendum fuisset. Gemmæ vero istæ adeo ei placebant, vt continere se non posset, quin filio suo & reliquis regni proceribus eas continuo monstraret. Filius autem eius *Mari-pasaglia* nomine, à dextris Regis in sella deaurata sedebat, semperq; cum Rege loquens, manus more rogantium aliquid complicabat.

Sequenti die Rex missis ad Gemmarium tribunis ærariis suis, interrogauit, nunquid auro vel *Ganza* solutionem smaragdorum fieri vellet? Qui respondit: Cum Rex liberum sibi faceret, solutionem eo modo petere, qui sibi conuenientissimus videretur, petere se, vt dimidiam pretii partem vnionibus siue margaritis, & alteram dimidiam *Ganza* sibi præstarent. *Ganza* autem moneta est ex cupro & stanno constans, cuiq; cudere permissa, dummodo debitum suum Regi persoluat. Annuebant statim tribuni. Gemmarius vero cum gemmarum etiam aliquid appeteret, rogabat tribunum, vt vnicam saltem ex præstantissimis, quas Rex haberet gemmis sibi venderet,

qui se quidem id libenter facturū dicebat, sed necesse tamen esse, ut veniam prius à Rege impetraret, quo cōsentiente petitioni Gēmarii abunde satisfactū est. Post dies 5. reuersus ad Gemmarium tribunus ærarius, gēmas preciosissimas attulit, easq; lōgè minoris q̃ priores Gemmario vendidit, cumq; nō ignoraret eum duas bombardas pulcherrimas habere, monuit ut iuniori Principi Regis nimirum filio alteram donaret, quod ab ipso quidem statim factum, licet remunerationem nullam acciperet.

Cæterum cum solutio smaragdorum de die in diem differretur, & de margaritis quidem in solutionem accipiendis Gemmarius fermè iam desperaret, constituit, omisiss illis, totam solutionem in *Ganza* accipere. Erant enim qui suaderent, ut veniam à Rege peteret in ciuitatem *Avua*, pyropos & alias gemmas ibi coemptū proficiscendi, cum sine venia Regis ad ciuitatem istā appropinquare nemini liceret. Gēmarius igitur iuniorē Principem cōueniens rogabat, ut causam hanc suo nomine apud Regem ageret, quod ipse quidē non solum libenter sese facturum, sed & nauem suam ei in hunc vsum permissurum pollicebatur. Accidit autem ut eadem hora nuncium Rex acciperet, quod legatus, quem ad Regem in *Avua* eam ob causam miserat, ut officii sui eum moneret, qui iam integro triennio tributum Regi non persoluisset, interfectus esset. Itaque hoc cognito, per legatum alium bellum ei indixit. Cum igitur ad bellum sese tota ciuitas *Pegu* pararet, metū inde haud exiguū Gēmarius percepit, merces n. suas diuenderat ita, ut triū mensium spatio pretium pro illis solueretur. Erantq; omnes in *Pegu* eius sententiæ, quod putarent Regem in *Avua* superiorem futurum, præsertim cum Præfecti in *Pegu* constituissent inter pugnandum ad Regem in *Avua* deficere. At vero Rex hac ipso malitia cognita, conuocatis omnibus, cuiuslibet in specie sententiā de bello hoc recte instituendo auditurum sese simulabat, & sub hoc prætextu quemlibet vinciri curabat & seorsim conseruari, ita ut nemo quid de eo factum cognosceret. Post viros conuocabat & vxores & liberos eorum, ita ut numerus captiuorum quatuor millia excedere diceretur, quos omnes vno inclusos ergastulo vno simul incendio perdidit.

Dum hæc ibi agerentur, transierunt dies quindecim, ut suæ quælibet mercatoribus merces, quæ hætenus in spatiosa quadam camera asseruata fuerant, restituerentur. Omnes enim peregrinæ merces ibi deponuntur, & si aliquid perire contingat, culpa quidem, quibus cura domus illius deman data, imputatur, & ipsi restitutionem damni facere coguntur. Post dies autem decem vel quindecim, necesse est, ut dominus mercium istarum cum munere aliquo ad Regem se cōferat, & permitti sibi petat, post solutionem vectigalis eas ad se iterum recipere. Sine munere autem Regem accedere nemini permittitur, qui cum animaduertit, petitionem hanc æquam & iustam esse, accepto munere ei consentit, quod si consentire non possit, ne munus quidem etiam accipit. Persoluto autem vectigali, ministri coria vaccarum, quibus merces inuolutæ sunt, per sortem inter se distribuunt, & in cibum sibi preparāt. Vectigal autem, quod à mercatorib. hoc in loco persoluitur, dextrans est siue decem pro centenis, & quadrans præterea siue tria pro centenis, in vsum & sustentationem Scribarum siue librariorum. Nauium Præfecto in itinere ex Sancto Thoma ad Pegu vsque semissis, siue sex pro centenis debentur. Panni autem, qui ex ciuitate Sancti Thomæ afferuntur, in *Paggiavellon* venduntur, estque *Paggiavellon* fasciculus quatuor pannis constans. Transferuntur autem in *Pegu* panni varii, quorum aliqui *Topiti*, aliqui *Corpi Pintadi*, &c. nominantur. Sunt enim colore vario infecti, & tanto arti-

tdartificio contexti, vt Regis *Lagia* vocentur, & 50. 60. 70. & 80. *Bize* veneant. *Bize* autem moneta est dimidium ducatum valens, quamuis etiam minoris precii, nempe quæ 15. 20. 30. & 40. *Bize* veneant, inueniantur. Sed & ex *Muselipatan* panni in ciuitatem *Pegu* transferuntur, sed longe minoris precii sunt, vtpote illis, qui ad Sanctum Thomam parantur, longè inferiores, hi enim quo sæpius lauantur, eo præstantiores & pulchriores euadunt, idque propter coloris præstantiam, & succum herbæ alicuius, quæ ex propugnaculo *Maana* ad Sanctum Thomam perfertur, quamuis etiam ex *Petopoli* eam accipere possint. Cæterum & panni gossypini ad Sanctum Thomam colore vario inficiuntur & tinguntur; sed qui 16. *Coudi* & non minus in longitudine, quatuor verò in latitudine contineant oportet, alias in *Pegu* diuendi non possunt.

Eiusmodi igitur pannos coloratos homines in *Pegu* ab vmbilico ad genua vsque demissos gèstant, reliquo corpore nudi incedentes. Qui bonorum aliquid vendunt, necesse est, vt solutionem tribus mensibus expectent, tanto enim tempore naues ad perficiendum iter ex Sancto Thoma in *Pegu* vsque opus habent. Finito hoc tempore solutionem mercatores accipiunt, & quidem in auro habita ratione valoris & præstantiæ ipsius, optimum enim, quod auro Venetorum *Zechin* simile est, & *Novellan* ipsi nominant, in solutionem accipere consultum non est. Siquidem in ciuitate Sancti Thomæ lucrari ex hoc auro nemo quicquam potest. Quod si finito hoc tempore quis vel ex ciuitate cedat, vel alibi sese occultet, vt conueniri non possit, tunc *Tarrecæ* pro eo solutionem præstari cogitur. Si vero præsentem quidem se exhibeat, verum non soluendo sit, tradite eum *Tarrecæ* in domum creditoris, vt ibi captiuus teneatur, donec satisfaciât, quod raro tamen fieri solet: nam vt dedecus hoc & infamiam vitent, mutuâtur potius pecuniam, & vsuram ad certum tempus pro ea persolunt. Quod si per hyemem ibi subsistere quis velit, etiam *Ganza* in solutionem accipere potest. Cum pro illa gemmas, aurum, argentum & quascunque res alias accipere & emerè possit. Huius autem pecuniæ 1200. *Bize* integrum assem faciunt auri præstantissimi, quod ipsi *Novellan* vocant. Pondus in auro superat illud in *Ganza*, sed decem partibus. *Bize* vnum in pondere continet 40. vncias Venetas & centum *Teccali*. Vnum vero *Gito* facit 25. *Teccali*. Sic *Abucco* vnum sunt 12½. *Teccali*. Æstimatori bonorum siue *Terrecæ* debetur vnum cum dimidio de centenariis, vel vnum tantum, si auro fiat solutio. Atque hi homines muneri huic à Rege præficiuntur, & neminem defraudare vel circumuenire possunt.

Interea temporis dum mercatores nostri solutionem mercium suarum expectarent, ciuitas tota propter bellum inquieta & turbata erat, quamuis bona spes aliquos haberet, fore, vt Rex in *Auua* culpam deprecaretur, & Regi in *Pegu* sese vt antea submitteret, quod quidem etiam fecisset, nisi seditio quædam inter milites per prodicionem excitata fuisset. Peperit hæc res varias Gemmario nostro cogitationes, nec parum sollicitudinem eius auxit, quod videret, Regem ipsummet in bellum proficisci, & omnes *Magazeni* siue cameras & gazophylacia eius obserari vsq; ad reditum eius. Reliquerat ille quidè Principem filium suum cum magno *Broma* siue Cancellario in *Pegu*, qui vices eius interea ibi agerent; verum solutionem ab illis accipere Gemmarius non poterat, nec dies quidem transibat, quo non sinistri aliquid nuncii ex castris ad ciuitatem deferretur, Rege præsertim ex variolis in castris grauissimè & periculissimè decumbente, qui morbus apud illos contagiosus & periculosissimus habetur. Sed conualuit tandem Rex & conse-

consecuta victoria, domum reuersus est, quo facto solutionem suam pro voto Gemmarius accepit.

Cæterum Rex hic in *Pegu* splendidam admodum vitam agit, habetque aliquot hinc inde constitutas excubias, maxime in ipsa aula siue area arcis interiori, eo ipso loco, quo exire & redire solet, ibi enim ab utroque latere sedentes cernuntur excubitores siue vigiles plurimi, armis suis instructi, qui *Brama* ipsis vocantur. Antequam excubias hæc quis assequatur, stabulum ei prætereundum est, longè pulcherrimum, in quo quatuor Elephantes albi & vnus niger, admirandæ magnitudinis, nutriuntur, quib. Rex ad negotia varia vtitur, in reliquis autem vilioribus stabulis detinentur Elephantes alii, quibus in bello Rex vti solet, reliquis variè per ciuitatem & extra eam distributis. Tribunal Regium seu locus causis cognoscendis destinatus supra modum elegans & splendidus apparet, colore enim cæruleo illuminatus, & auro obductus est. Sedens autem pro tribunali, ipse quidem *Ventolo* siue flabellum in manu tener, à tergo autem astant ei quatuor satellitum filii, quibus ad explendam libidinem abutitur. Ante ipsum sunt quasi procuratores, qui causas & petitionem subditorum Regi exponunt, responsumque eius ipsis referunt. A sinistris astant ei Tribuni ærarii, à dextris autem iuniorum Principem filium suum in deaurata sella sedentem habet. Ad pedes eius siue in loco paulo inferiori cernuntur primarii, quos in aula sua habet proceres, quales apud nos Duces sunt, Marchiones, Comites, Equites, Præfecti & alii, quilibet suo loco consistentes. In capite diademagestat aureum quadruplex, cuius pars quælibet peculiari quodam fulcro innititur, ita, ut quam altissimè eleuetur & consurgat. Est autem partim argenteum, partim aureum, & multis aureis bullis hinc inde dependentibus conspiciuntur.

Cum Rex pro tribunali sedet, Elephantes primum albi & post illos omnes alii suis stabulis per ministros, quibus cura horum animalium demandata est, producuntur, qui ut in conspectum Regis veniunt, honorem ei exhibituri, promuscides erigunt, aperroque ore sonum ter edunt, postmodo in genua concidunt, & surgentes iterum stabula sua repetunt, ubi, quod mercatores nostri suis sese oculis vidisse asserunt, ex vasis aureis cibantur, & ex argenteis aqua repletis lauantur, quod quidem singulis diebus bis fieri solet, non in stabulo sed sub regmine, quod octo arundinibus innititur, & à totidem ministris gestatur, ne solis ardore forsitan lædantur. Cum producuntur Elephantes, præcedunt buccinatores quidam buccinis clangentes, eosque Elephantes postmodum tanta grauitate sequuntur, ut intelligere eos instrumentorum sonum iurares. Si quid ipsis imperes, diligenter statim omnia exequuntur, & sese ita exhibent, ut præter sermonem ipsis deesse parum ad perfectionem dicas. Quod si vero quid intermittant, non eò fit quasi quid imperatum fuerit ignorent, sed quod pertinaces aliquando, obstinato animo imperium negligant.

Rex singulis fere diebus sese conspiciendum præbet, cumque arce sua in ciuitatem egreditur, non patitur quemquam aduentum eius fugere, libenter enim & subditos suos videt, & se ipsis videndum præbet, quod quidem à consuetudine parentis sui prorsus alienum esse perhibent. Erat tum temporis, cum mercatores nostri eum viderunt, 50. plus minus annorum, filius vero eius annum 25. agebat, quamuis ex vultu de ætate eorum iudicari, cum barbas non alant, facile non possit. Area arcis, quam Rex inhabitat, tantæ est capacitatis, ut maximam quamque Venetiis bis superet. Portas præter illam de qua supra dictum adhuc duas alias habet, ponte versatili

& firmo

& firmo armorum præsidio munitas. Ad dextram aulae istius, vbi stabula elephantum præterieris, sacellum est, auro vndique obductum, & tanto opere eleuatum, vt ascensus ad illud decem gradibus fiat. Sacelli huius pars anterior, qua ortum respicit, annexum quasi altare habet, cui statua quædam ex solido auro constans imposita est, hæc coronam in capite gestat, à qua ad frontem statuae vsque pyropus siue carbunculus dependet, magnitudine sua vel prunum superans, ad tempora autem nitentes saphiri demittuntur, reliquum coronæ pretiosissimis gemmis ita oppletum est, vt vix aliud quid præter gemmas in ea conspiciatur, statua ipsa virum magnitudine æquat, & palleo aureo, ab humero dextro ad femur vsque sinistruum demisso, multisque saphiris & carbunculis micante ornata est. Præterea in sacello hoc tres adhuc aliae statuae ex argento fusæ, longitudine duorum palmorum autem illam superantes, & coronis aureis, multisque gemmis exornatæ cernuntur. Sed & statua alia argentea excauata alio in loco, miri artificii, & alia ex *Ganza*, cupro nimirum & stanno, quæ pecuniæ vulgaris materia est, reperiuntur, quas omnes Regis huius pater eo quidem tempore parari, & in sacellum hoc collocari iussit, quo imperium in *Sirian*, expugnata nempe ciuitate *Sirian* nactus est, à quo quidem tempore Rex alborum, Elephantium vocari coepit, cum bellum illud propter istas beluas exortum fuerit. Antequam ad sacellum hoc pertingas, vaccae quædam cernuntur, ex *Ganza* artificiose admòdum fusæ, quæ similiter ex superata ciuitate *Sirian* eo translatae sunt.

Rex hic plures sub se Reges habet, qui si forte eum venire & alloqui volunt, in genua concidere, & ipsis etiam albis elephantibus honorem exhibere coguntur. Multos autem in aula sua æstimatores & tribunos ærarios habet, cum varias habeat cameras, auro, argento, cupro, stanno, gemmis, pannis, moscho, *Benzoin*, sandalio & ligno Paradisi, repletas. Auri enim, argentiq; & gemmarum ditissimus totius orbis terrarum, Chinenfi tamen excepto, qui huic nihil quicquam concedit, vulgo existimatur. Si forte bellum eum gerere contingat, nihil quidem de suo expendit, impensas enim & sumptus omnes vasalli & proceres regni præstare & perferre coguntur, quicquid enim semel vel auri, vel argenti, vel gemmarum in gazophylacium & thesaurum Regis illatum est, inde non dimouetur amplius. Sanè quod ad arma attinet, quæ sunt tormenta & bombardæ, lanceæ siue hastæ, gladiiq; & clypei, illa procurare & suppeditare in bellum profecturis cogitur, sed sumptuum præterea nihil.

Tormenta & bombardæ ipsorum sua & pulchritudine & præstantia nostris nihil concedunt, lanceæ siue hastæ ex validissimis arundinibus & acuminato ferro constant, gladios habent non acuminatos & ex vna tantum parte acutos, longitudine trium quartarum vlnæ Venetæ. Clypei ex duplici corio constant, quod mixtura quædam nigra fulgida, quam *Achiran* vocant, induratum & obductum est. Eiusdem vero materiae etiam galeæ sunt, & si forsitan necessitas ita postulet, breui temporis spacio millies mille & quingenta millia militum in aciem producere Regi difficile non est. Elephantibus semper ferè ultra octingentos ad bellum assuefactos alit. Sed & eorum magna ibi frequentia est, qui licet non vsque adeo generosi & feroces sint, vsibus tamen quotidianis, quemadmodum & illi, quos in *China* habent, satisfaciunt. Bubuli coloris sunt cæruleo, Elephantibus ferè magnitudine pares. Aliorum vero animalium commemoratione supersedendum cenfeo, cum nullum eorum, quæ apud eos quidem reperiuntur, deesse ipsis videatur. Tormenta quidem maiora & minora multa habet, sed nemo

est, qui ea tractare possit, similiter & triremes, nauesq; praesidiarias plurimas parare posset. Verum cum eas regendi & gubernandi peritos nullos habeat, ne parandas quidem censet, & si forte in bellum abeundum sit, praeter sclopos manuales, tormentorum nihil secum ducit, illos vero Aethiopibus quibusdam ex *Bendala* oriundis committit, licet ipsis, tanquam peregrinis, non usque adeo multum fidere dicatur.

Ut autem de bello inter Regem *Pegu* & Regem in *Avua* gesto, prolixius aliquid commemorem, sciendum est, Regem in *Avua* defuncti Regis in *Pegu*, qui moderni Regis pater fuit, fratrem quidem germanum, sed nihilominus tamen ei subiectum & tributarium fuisse. Hic, defuncto Rege fratre suo, conabatur eius filium regno pellere, illudq; ad se transferre, existimans sibi tanquam seniori Regnum illud praeter ceteris deberi. Recusabat igitur ad investituram & coronationem moderni Regis comparere, & ei cum reliquis Regibus Principibusque fidelitatis iuramentum praestare. Praeterea tributum etiam gemmarum, quod fratri quotannis persoluerat, huic Regi denegabat, & quod omnium maximum erat, commercia mercatoribus intercludebat, gemmasque diuendere nemini permittebat. Ceterum ut Regem *Pegu* superare facilius posset, amicitiam cum aulicis & precipuis proceribus eius, iureiurando eos sibi obligans, contrahebat, quod licet Rex non ignoraret, dissimulabat tamen, memor sermonis illius, quo a patre suo iam iam morituro admonitus fuerat, ut Regem in *Avua* patrum suum sibi commendatum praeter aliis haberet, tandem tamen per Legatum ei significabat, se contemptum & contumaciam hanc egre ferre, nolle tamen aliquid grauius in eum statuere, si ad officium reuersus faceret in posterum, quae viuentis patre suo fecisset. At vero Rex ut causam belli daret, Legatum hunc trucidari curabat, fretus beneuolentia aulicorum Regis, qui in medio pugnae feruore a domino suo deficere, & suis accedere partibus iureiurando confirmauerant. Rex igitur iratus apertum ei bellum denunciat, postmodo conuocatos proceres, Praefectosque militum & omnes quos in confederatione cum Rege in *Avua* esse sciebat, quasi seorsim in causa belli huius auditurus, ergastulo includi, & uno die omnes viuos cremari curat. Ne autem videretur tyrannice agere, sed iustitiam in sceleratos exercere, denunciat *Degagini*, qui proceres illos cremauerat, uti, donec nouum mandatum aureis literis sua manu exaratum acciperet, nihil inceptaret & moliretur amplius. Interea liberos etiam & uxores iam interfectorum procerum, inter quas multae grauidae & partui vicinae erant, cum vniuersa eorum familia, conquiri & ergastulo includi, missisque ad *Degagini* literis, eodem supplicio affici curabat, quae quidem etiam eodem in loco, ubi mariti & viri eorum perierant, posthabito omni earum eiulatu & ploratu, igne misere crematae & interfectae sunt. Dicebatur autem numerus eorum, qui hoc supplicio affecti fuerant, quatuor millium esse, eratque omnibus tam in veteri, quam in noua ciuitate existentibus peculiariter per ministerium Regis iniunctum, ut ad locum supplicio destinatum accedentes, executioni iudicii huius interessent, quod quidem miserabile admodum & triste aspectu erat, praesertim cum ne infantibus quidem & facinoris huius per aetatem nulla ratione conscis parceretur.

Peractis hisce omnibus Praefectos & proceres reliquos, qui coniurationis huius socii non fuerant conuocans, ita Rex allocutus est: vidistis, inquit, quid de proditoribus nostris factum, vestrarum igitur partium fuerit, officio vestro fideliter posthac praesse, & exercitum quam potestis maximum primo quoque tempore colligere: nam & ego ipsemet in bellum vobiscum proficisci, & non nisi superato perfido hoste & patruo meo, redire omnino constitui. His auditis Praefecti officio suo diligentissime fungentes, breui tempore ex una
atque

Atque altera ciuitate plus quam trecenta millia virorum in aciem producebant, Rex vero gladio, nostris simili, quem à *Vice Re* seu *Præfeto* Regio in *Gaa*, cui nomen *Luigi di Taida* est, dono non ita pridem acceperat, armatus post dies aliquot in Elephante auro gemmisq; ornato sedens, sese in ciuitate passim conspiciendum exhibebat. Cæterum ciuitate cum exercitu egressus, albis tamen Elephantibus domi relictis, puerili paulo post variolorum siue morbillorum, vt vocant, morbo correptus, dies aliquot decubuit, postmodo conualescens ad monomachiam siue duellum Regem in *Avua* prouocabat, exercitu vtrinque quiescente, exceptis vtriusque partis satellitibus, quorum quilibet suum sibi etiam virum, quo cum cõcertaret, eligebant, donec ad pugnam plenariam & perfectam vtrinque veniretur. Congressi igitur Reges, licet sclopis primum, postmodo sagittis & gladiis tandẽ inuicem certassent, & omnem quilibet pro superando alrero diligentiam adhibuissent, nihil tamen proficere poterant, donec Elephas Regis *Pegu* indente læderetur, quem alter ipsi perfregerat, dolorẽ enim inde percipiens, quasi cestro percitus, magno impetu in alterũ ferebatur, Rexq; in *Pegu* occasione hac obseruata, gladium in Regem *Avua* tanta fortitudine vibrauit, vt percussus animam statim exhalaret. Concidebat autem simul Elephas Regis in *Pegu*. Rex igitur, in brachio altero nonnihil vulneratus, elephantem Regis in *Avua* modo trucidati conscendit, & victorem se palam ostendit.

Cum igitur copix Regis in *Avua* viderent Regem & Dominum suum in prælio succubuisse, remittentes statim à pugna, sese in potestatem Regis *Pegu* tradiderunt, qui hilari eos vultu accipiens, ciuitatem *Avua* desolari, & omnes quotquot in ea reperirentur in captiuitatem abduci præcepit, inter quos quidem & Regina erat, quæ licet ægre casum hunc ferret, solabatur tamen sese eo, quod Regem *Pegu* fratrem suum sciret, & propterea conditionem tolerabiliorem aliquanto speraret. Sed nihilominus tamen ad perpetuam custodiam damnata, & postmodo in palatio quodam Regio splendide semper habita est. Quicumque fuga elapsi captiuitatem euitauerant, in syluis & desolatis postmodum locis inter feras bestias vitam agere coacti sunt, propterea, quod Rex patrui sui, trucidati nempe Regis in *Avua* thesaurum, quem magnum admodum habere dicebatur, exquirere & inuenire non potuerat.

Factum est hoc bellum sub initium Aprilis, eo ipso tempore, quo illis quidem in regionib; hyems & multiplices pluuiæ ingruere solent. Emanfit autem Rex ad 14. vsq; Iulii, quo cum nemine id cogitãte domũ rediret, & excubias nõ eo quo perceperat modo constitutas inueniret, Principẽ filium suum ad se accersuit, causam negligentix huius cogniturus, qui eum facile reconciliauit, significans ei, quod Imperatoris in *Silon* filius, cum quinquaginta elephantibus, octingentis equis, & multis militibus, absente Rege in veterem ciuitatem *Pegu* aduenisset, auxilium Regi contra hostem suum laturus, & quod ei quosdam adiunxisset, qui eum ad *Avua* vsq; comitarentur, cognouisset vero postmodum ex reuersis comitibus, eum ex ciuitate egressum, mutato consilio, domum iterum reuersum esse.

Interea adducebatur Elephas Regis in *Avua*, qui mortem sui domini ægrè admodum ferens, totum diem eiulando & lachrymando consume-
bat, & vix persuaderi poterat, vt vel parum cibi gustaret. Viderunt equidem mercatores nostri ipsimet eum lachrymantem. Et licet in locum elephantis Regii, qui in acie occubuerat, constitutos duos sibi astantes haberet ministros, qui eum consolarentur, & monerent, vt deposito tandem luctu ci-

bum caperet & lætaretur, quod longe potentiorē iam Dominum nactus fuisset, parum tamen proficere apud eum poterāt, finem enim lachrymandi facere nolebat, & in signum luctus sui promuscidem semper in terram propendentem habebat. Tandem tamen cum 15. dies in luctu fuisset, appposito iterū cibo vesci cœpit, quod Regem quidem non parum exhilarauit, qui dentes demortui sui Elephantis ad statuas idololatricas adhibuit, quarum quinque ex *Ganza* mirabili aspectu parari curauerat, sedebant enim cruribus in formam crucis dispositis, & nihilominus tamen tanta altitudine erant, quantum vix iactu lapidis assequi potuisses, digitis pedum viri alicuius staturam superantibus. Has statuas auro vndique obduci & in patenti loco ante arcem suam collocari iussit.

Cæterum bello hoc finito Rex in *Silon*, missa ad hunc Regem, cui subiectus erat, legatione, non parum se dolere significat, filii sui, quem in auxilium ei miserat nullam in *Pegu* rationem habitam, & à mancipio quasi exceptum esse, nolle igitur posthac ipsum superiorem & Dominum suum agnoscere. Rex itaque in *Pegu* Præfectum quendam cum parte exercitus oppugnatum Regem in *Silon* misit, qui cum non paucos in obsidione ab æstu nimio amisisset, videretq; ciuitatem *Silon* ferè expugnati impossibilem esse, obtinere quidem amplius nihil potuit, quam quod promitteret, se honorem quidem Regi in *Pegu* exhibiturum, pro Domino autem suo, & qui se maior esset, nequaquam eum habiturum. Non parcebat quidem Præfectus vllis laboribus, sed nihil tamen proficere poterat, ciuibus magna alacritate repugnantibus: ædificia enim eorum ex ligno constant, & cum mare hyberno tempore valde crescere soleat, supra modum eleuata sunt, scapham sibi adiunctam habentia, vt ex vna domo in aliam traicere possint, sed & lignis mobilibus quædam insistant, vt necessitas tempore ex loco vno in alium transferri possint, & eiusmodi domibus, quas nauigia potius dixeris, vtuntur commercia exercentes mulieres maximè, quæ cum naues quædam adueniunt, illas quidem exonerari non sinunt, sed cum suis nauigiis statim aduectæ commercia emendo & vendendo exercent. Populus in *Silon* nobilis admodum est & fortis, albi coloris, qui potentiam Regis in *Pegu* nihil veretur, licet huius Regis in *Pegu* pater ciuitatem eam cum octingentis millibus armatis sibi subiugarit: nam omnis illa militum vis longe minor fuisset, quam vt ciuitas hæc expugnari potuisset, nisi per prodicionem in ciuitate aliqui portam alteram Regi aperuissent, tunc enim ea expugnata & multi Lusitani captiui abducti sunt, quos Rex tamen postmodo omnes iterum dimisit, aliter eos facere non posse affirmans, quæ à Rege in *Silon* iussi essent.

Ingens interea incendium in ciuitate *Pegu* ex domo quadam Lusitanica initium sumens, vi ventorum ita excitatum & inflatum est, vt quatuor mille plus minus ædificia, quemadmodum etiā sacella quædam idololatræ, in quibus superstitiosas conciones suas habere consueuerant, igne deformata perierint. Rex igitur, more solito, diligenter in eos inquiri curabat, à quibus incendium hoc exortum esset, cumque in nauarchi istius Lusitanici ædibus initium illud cepisse constaret, qui mercatores nostros in *Pegu* traduxerat, non exiguo in metu omnes erant, verentes fore vt igne simul omnes cremarentur. Sed Rex nihil seuerius in eos statuens, dixit, bonum istum virum studio quidem & data opera incendium hoc nequaquam excitasse, & propterea causæ se nihil inuenire, cur pœnam de eo seueriorem fumeret. Metum alioqui mercatoribus nostris etiam harioli cuiusdam consilium auxerat, qui non posse Regem ciuitatem *Silon* expugnare, nisi ciuita-

ciuitatem aliquam, quod & à parente eius olim factum fuerat, igne vastaret atque deleteret. Sed persuaderi Rex, vt hoc faceret, nullo modo poterat, filio præsertim eius id ipsum etiam dissuadente, qui singulari est humanitate, & bombardis, sclopiisque maximè delectatur, cumque per plateam exire vult, ab aliquibus ministris in throno quodam Regio sedens gestatur, quod ipsum quidem etiam tres eius fratres minores in more habent, vt in sella vndique cooperta per plateas gestentur. Atque hæc de ciuitate Pegu, & aliis in ea memorabilibus, dicta sufficiant.

CAPVT XXXVIII.

De venationibus Elephantum in Pegu.

SOLET interdum Rex in Pegu venationes Elephantum instituere, quæ quidem visu omnium sunt iucundissimæ. Sunt autem carceres in ciuitate ad hunc vsum destinati, qui ex columnis ligneis tanto interuallo à se inuicem distantibus cōstant, vt homines quidem transmittant, beluæ autem istæ transitum inuenire nō possint. Cum igitur venationes instituere Rex cupit, dimittuntur fœmellæ quædam Elephantæ in syluam, quæ ad hanc rem assuefactæ sunt, & linguâ hominū istorum intelligunt. Antequam autem exeant fœmellæ istæ, peculiari quodam oleo partes obscœnas inungunt, cuius odorem percipientes Elephantæ tanto amore erga fœmellas accenduntur, vt neglecta omni astantium multitudine, eas in ciuitatem & ipsos carceres sequantur. Cæterum ingressis illis adsunt statim, qui pessulum obiiciant, & exitum ipsis præcludant. Hoc facto fœmellæ quidem stabula sua quælibet repetunt, quæ præter bestiam vnā non admittunt, & à venatoribus statim occluduntur. Remotis autem fœmellis tandem sentiunt Elephantæ se captiuos & libertate sua priuatos esse, moxque in furorem quasi versi, totis viribus sese liberare conantur, exhibentque astantibus spectaculum visu admodum iucundum, gemunt enim & lachrymantur, currentes ex vno loco in alium, & in homines magno cum impetu irruentes, donec cursu nimio defatigati sudorem toto corpore emittant, tunc enim promuscidem in terram inferunt, tantamque aquarum copiam ex corpore suo prouocant, vt astantes omnes madescant. Cum autem stabulis illos includere volunt, fœmellas iterum producunt, quæ præcedentes eos ad stationem destinatam siue stabulum traducunt, quod quidem tam angustum est, vt præter bestiam vnā non admittat, itaque fœmella progrediens stabulo emittitur, ipse vero Elephas ad columnam alligatus ibi detinetur, donec mœrore & inedia confectus (cibum enim potumve aliquot diebus non admittit) cicuretur, quod quidem octo dierum spacio fieri solet, quo facto ministri ei adduntur, qui curam eius agant & ad bellum aliaque officia eos assuefaciant: magnus enim eorum in bellis vsus est, si quidem quatuor viri vni elephanti simul & semel insistere, & sese contra hostem, bombardis, lanceis, arcubus gladiisque tueri quam rectissimè possunt, cum non solum ingenti sint magnitudine & robore, sed & pellem habeant tam crassam, vt dispiersioni scloporum præterquam iuxta tempora & oculos nequaquam cedat.

De festis & solemnitatibus in regno Pegu vſitatis.



ABET Rex in *Pegu* naues aliquot auro vndiq; obductas, quibus nemo præter ipsum vehitur. Inter alias autem vna est, quam Regis huius pater in suum vsum parauerat, hæc in *Maccao*, loco quodam concluso, à militibus quibusdam custoditur. Similem enim in toto mundo non haberi dicunt; auro enim non solum interius sed exterius obducta est; sed & tam pulchra & artificio calatura constat, vt sine magna admiratione eam intueri nemo possit. Eximia est lōgitudine, sed angustior quam pro ratione longitudinis esse debebat, habetq; remos ab vtraque parte centum & quinquaginta, auro ad inferiorem vsque partem, quæ vndis inhæret, obductos, quos remiges totidem tanta æqualitate ducunt, vt instar sagittæ alicuius auolare videatur. In medio huius nauis domus est occlusa, & fenestris vndique conspicua, clauus vterque, vt nauis ipsa, totus inauratus est.

In more autem positum habet Rex, vt domum ex itinere reuersus, sese palam videndum exhibeat: itaque cum ex bello, de quo supra dixi, reuenteretur, in loco publico sese sistens, proclamari curabat, vt qui se conuentum vellent, accederent & causam suam proponerent. Hoc facto accedens primo Princeps, Regis nimirum filius natu maximus, cum honorem ei exhibuisset, munera sua, quatuor Elephantes & res alias, obtulit. Hunc sequebatur *Brama* maior, offerens Elephantes duos. Veniebant post eum, quos ipsi *Bagio* nominant, hoc est Duces, Comites, Equites, Nobiles & Præfecti alii, offerentes singuli munera sua. Tandem & mercatores nostri cum Lusitanis aliis munera & honorem ei deferentes accedebant. Declarabat autem sese Rex admodum benignum, & munera illa sereno vultu accipiebat, nihil enim est quod ipsi magis placeat, quam subiectio & obedientia, quod aulici quidem eius non ignorant. Itaque cum media hyeme canalem forte quendam parari curaret, accederetq; subinde cum aulicis suis, visum quid operarii facerent, præcipui quique palas & ligones apprehendentes, neglecta pluuia operarios iuuabant, vt opus eo citius perficeretur, Regi officium gratissimum hoc modo facientes.

Populus alioqui ceremoniarum & legis suæ obseruantissimus est, & inter alia festa annua quinque admodum solemnia habet, quorum primum, *Sapan Giachîè*, secundum *Sapan Catena*, tertium *Sapan Giainosegienon*, quarum *Sapan Daichè*, & postremum *Sapan Donon* vocant. Primum, nempe *Sapan Giachîè*, itinere duodecim leucarum à ciuitate *Pegu* celebratur, quare vt Rex tempestiue satis eò pertingat, die Parasceues siue festum præcedente, iter ingreditur. Cumque festum iam celebrandum est, ipse quidem currum triumphalem, auro vndique obductum, & quatuor rotis insistentem, tegmine superimposito, conscendit, Reginamque suam pretiosissimè exornatam, à dextris sibi assidentem habet, ipse vero caput multis margaritis, inæstimabilis precii ornatus est, inter quas duo carbunculi, quorum quilibet duos dactylos magnitudine sua excedunt, ad aures vtrinque propendent, præterea linea pretiosissimarum gemmarum à dextro humero ad umbilicum vsque demittitur, & inde sub alam siue axillam sinistram ascendit, tanto fulgore intuentium oculos perstringens, vt visum hebetare videatur, taceo iam annulos aureos, quos digitis suis gestat, carbunculis, adamantib. & smaragdis fulgentissimis conspicuos. Circum currum triumphalem gynæceum constitit, ex Regum aliorum, procerumq; filiabus collectum, quæ omnes

*Festum Sapan
Giachîè.*

Omnes flexis genibus, & complicatis manibus, Regem coniugemque eius honorant. Currus autem ipse octo generosissimis vnus coloris equis, auro & gemmis nitentibus, protrahitur, incedentibus iuxta eos Præfectis aliquot, qui funiculos manibus tenentes, equos sese in protrahendo curru iuuare simulant.

Cæterum ordo, quem Rex arce sua egressurus seruat, is est, principio Principis, filii nempe Regis natu maioris ministri aulici, tribus ordinibus distincti. Primo enim lancearii, secundo sclopetarii, & tertio qui gladios clypeosque gestant, incedunt, in medio agmine Elephantes eius armati conspiciuntur, ipse vero omnes hos ordines equo præstantissimo insidens sequitur. His autem præmissis, nouum iam agmen intermedii filii, *Naidu* dicti, ministri inchoant, qui & ipse equo insidens incedit. Sequitur postmodo filius tertius *Naimor*, & post eum ministri Regis aulici, quatuor ordinibus distincti. Primo enim lancearii magno numero, postmodo sclopetarii, mox sagittarii, & tandem qui gladios clypeosque gestant, incedunt, mixtis hinc inde Elephantibus, eodem quo in bellum abeunt modo ornatis. Vbi totum hoc agmen præterit, sequuntur postmodo Duces belli cum Præfectis & aliis aulæ proceribus, post illos duo Elephantes rubri, panno Attalico instrati, & quatuor Elephantes albi, auro & gemmis pulcherrimè exornati procedunt, theca siue capsula quadam dentibus singulis imposita, quæ carbunculis tota referta est, vnde non parum ipsis gratiæ & decoris, quemadmodum etiam ex umbraculo, quod solem à corporibus eorum prohibet, conciliatur. Interea currus triumphalis, cui Rex insidet, aduehitur, sequentibus præcipuis & primariis aulæ proceribus, qui omnes, quemadmodum etiam præcipuæ quædam ex gynæceo mulieres, equis generosissimis insident.

Alterum festum *Sapan Catena* in vrbe *Pegu* celebratur. Quilibet autem procerum, utpote Duces & Præfecti alii peculiates pyramides siue columnas parant, alia atque alia forma: nam ante festum hoc nemini columnam alterius videre permittitur, artificibus se in secretiorem quendam locum concludentibus, & ab aliorum dum in opere sunt conuersatione sese subducentibus. Adhibent autem crassas arundines Indicas, & adhibita cælatura varia, auro obductas curribus imponunt. Cumque Rex arce sua egressus est, protrahuntur à plus quam trecentis ministris, & coram Rege sistuntur, ut iudicium de singulis suum exponat, & laudem cuique suam attribuat. Postquam igitur Rex vnamquamque diligenter intuitus est, & artificiosissimam sua laude ornauit, singulæ ad Dominum suum reuertuntur. Per totam autem noctem ingentes cerei in plateis hinc inde dispositi ardent, ne qui magnam illam statuam seu idolum inuisere experiant, in tenebris fortè offendant, portæ enim ciuitatis nouæ per noctem istam non clauduntur, vetus vero ciuitas portas nullas habet, atque ita ad idolum istud liber omnibus accessus patet. Accedentes autem vacui non apparent, sed munusculum aliquod siue magnum siue paruum, prout fert fortuna cuiuscunque, afferunt.

Tertium festum *Sapan Giainosegienon*, peculiare quoque idolum habet, coram quo Rex curru triumphali insidens, certo & definito tempore, eodem quo supra dixi ordine, aduectus comparet, alio tamen, quemadmodum & Regina & Principes filii eius, vestitu indutus.

Quartum *Sapan Daichè*, festum aquarum est, quod in veteri ciuitate loco quodam auro vndique exornato celebratur. Rex igitur curru suo aduectus, locum istum cum Regina & Principibus filiis suis ingreditur, sequi aquarum rosarum

rosarum quemadmodum & proceres aulicique alii omnes inspergunt. Extra enim locum hunc Regi destinatum, in patenti campo Duces belli, Praefectique & ministri alii longo ordine consistentes singuli vascula aqua rosarum repleta manibus tenent, seq; mutuis aspersioibus tam madidos reddunt, ut fluuio quasi egressi videantur. Pater quidem moderni Regis defunctus in more positum habuisse dicitur, ut, dum populus aqua sese ita perfunderet, Elephantiem ipse interea admodum formidabilem emitteret, qui multos furore quasi percitus prosterneret & trucidaret, unde ipse quidem ad risum, populus vero ad lachrymas & eiulatum commotus est. Diebus autem huic festo destinatis, nemo per plateas veteris nouaeque ciuitatis incedere potest, quin per fenestras (ita enim moris apud eos est) aqua perfundatur.

Sapan Donon.

Quinto festo, quod *Sapan Donon* vocant, Rex cum Regina nauem suam, auro pulcherrime exornatam ingressus, in ciuitatem *Meccao* cum tribus suis filiis, qui singuli peculiares naues habent, traiecit, comitantib. eos proceribus & aulicis omnibus, ita ut centum & amplius nauigia ibi congregentur. Portum autem assecuti in terram descendunt, domumque Regiam intus & exterius auro obductam, & pulcherrimo horto circumdatam ingrediuntur, ut prospicere de fenestris Regina cum Gynaeceo suo possit. Nobiles enim proceresque inito certamine cum nauigiis suis ad domum istam Regiam velificationem instituunt, quique primus metam assequitur, praeter laudem & gloriam statua aurea potitur, quae in hunc finem ad metam exposita est, qui secundus metam attingit, statua argentea donatur, reliqui ludibrio habentur, & qui postremus omnium accedit linteum a Gynaeceo ignominiae notam accipit. Nauigia autem singula duos tantum remos habent, itaque singuli summo studio ad metam contendunt, ut laudem inde reportet. Durat enim festum hoc mensem integrum, licet non singulis diebus, sed post alterum plerumque diem celebretur.

Ceterum quamuis plura alia festa a Rege subinde instituantur, haec tamen praecipua sunt, & certis per annum temporibus celebrantur. Solet interdum Rex idola quaedam curribus aliquot inauratis imponere, & locum aliquem, ad quem traducantur, constituere, eleemosynas inter eos, qui currus protraxere, quorum 300. saepenumero ad currum vnum numerantur, distributurus. Sed & per plateas aliqui incedere, & flores omnis generis in reti gestantes, & eleemosynam colligentes subinde cernuntur.

Porro in more positum habent, ut corpora eorum, qui *Talapoi* ipsis vocantur, semel in anno lauent, aquamque eam tam sanctam habeant, ut in potum eam assumant. Rege aliquo demortuo naues duas cum tegmine aureo vtrique naui conueniente, & eleuato in medio theatro aureo, parant, postmodo corpus defuncti Regis theatro imponunt, adhibitis fragrantissimis lignis moschoque & rebus aliis, theatrum accendunt, & fluctibus maris committunt, adhibitis in naui altera *Talapois* quibusdam, qui nauem comitentur, ipsi vero canendo tempus transigunt, donec in cinerem corpus redactum esse cognoscant. Tunc enim ex cinere hoc, affuso lacte, massam faciunt, eamque in faucibus portus *Sirian* aquae, per aestum maris recedenti, committunt, ossa vero residua ad locum alium traducunt, extructoque sacello quodam rotundo in terram sepeliunt. Hoc facto ad arcem regiam reuersi, Regis defuncti filium, adhibitis certis ritibus, Regem faciunt & in thronum defuncti patris collocant. Ossa quidem defuncti senioris Regis, qui moderni huius pater fuit, in *Dogon* sepulta sunt, qui vero ante ipsum fuerunt, eorum ossa ad illam, quae sibi quilibet paulo ante mortem

rem elegerunt, loca translata sunt, quæ quidem omnia templo aliquo donata cernuntur, sed longè tamen à postremo hoc, quod *Dagon* vocatur, præstantia & splendore superantur.

Talapoi siue monachi & sacrificuli in *Pegu* per totam ciuitatem mendicantes incedunt, appensa olla ad cingulum, in quam cibum colligant, qui ipsis abundè communicatur. Habēt enim vulgo sanctissimi homines, utpote, qui singulis Lunæ diebus conciones habere, & legem horum populorum explicare solent. Illis enim diebus summo mane surgentes, per omnes ciuitatis plateas cum pelui incedunt, & pulsando populum excitant, ut cibum sibi parent & ad conciones accedant, quibus finitis canere incipiunt, & populum iterum dimittunt. Nihil autem in concionibus suis præter particulam aliquam secundæ Tabulæ tractant, monentes populum ne furentur, ne occidant, ne scortentur, & ne iniuria aliquem afficiant. Omnes enim in ea sunt sententia, eos, qui neminem lædunt, proximumq; suum beneficiis afficiunt, cuiuscunq; sint religionis, ad locum beatitudinis post mortē suam peruenire, itaq; si fortè aliqui ad Christianam religionem accedētes baptismum admittant, egrè id nequaquam ferunt. Tamen si vero elato animo sint, licet aliis longe inferiores existant, mansueti tamen sunt, benefici & liberales, quod illi maxime experiuntur, qui peregrinantes, vnde viuant nihil habeant, illis enim victum abunde suppeditant, quemadmodum etiam *Talapoi* siue monachi ipsorum, tam apud Regem, quam apud populum alium, in magna existimatione habentur.

Ædificia sua hi *Talapoi* in syluis habent admodum à terra eleuata, ut tuti à tigribus esse possint, semel tantum in die cibum capiunt, tunica oblonga mixti ex rubro & nigro coloris vtuntur, pedibus autem nudis & aperto capite incedunt, crines nec in barba nec in vlla corporis parte alentes; tunicam cingulo coreaceo quatuor digitos lato colligunt, & stolam ex dextro humero ad latus sinistrum demittunt. Pro auertendo solis æstu umbraculum gestant ex gossypio eiusdem cum vestitu coloris factum. Vitam autem pudicam agunt, & honestatem in incessu eximiam præferūt. Mortuo ex ipsis aliquo, festum per aliquot dies agitur multis ei assistentibus, & corpus eius tandem, Sandalii & Paradisi, aliisq; odoriferis lignis adhibitis, magna cum solemnitate comburentibus, quo facto cineres quidem in aquam proiciunt, ossa vero reliqua in terra iuxta ædificium eius sepeliunt.

In morbo vel calamitatibus aliis constitutus votum Diabolo facit, ne plus miseriarum sibi immittatur. Quemadmodum enim Deum causam omnis boni; sic vice versa Diabolum malorum omnium auctorem statuunt. Itaque votum aliquod fecerunt: magno cum apparatu aram quasi quādam admodum eleuatam extruunt, mappam insternunt, & variis floribus exornant, apponētes simul cibos omnis generis, quib. saturatus Diabolus, cesset imposterum eos affligere. Quin & instrumenta musicalia & cantiunculas varias pro oblectando Diabolo adhibent. Virum enim quendam huic solemnitati & festiuitati præfectum habent, quem Diaboli patrem vocant. Is, quæ ad festum hoc necessaria sunt, comportat, & musicam, qua Diabolum maximè delectari nouit, adhibet. *Talapoi* quidē siue monachi ipsorū pro abrogando hoc festo admodum laborant, & conciones suas contra illud subinde dirigunt; sed nihil apud populum proficere & obtinere valentes, vel inuiti illud tolerare coguntur. Quin & aliqui reperiuntur, qui quamprimū cubitu surgunt, sportam oryza & cibus aliis repletam arripientes, & tædas ardentes manibus gestantes hinc inde per plateas currant, & Diabolo sese alimentum afferre apertè profiteātur, ut per diem istum tuti ab iniuriis eius

esse possint, addentes & hoc, si canes fortè sese sequi cernant, Diabolum eos instigare & cogere, vt cibos istos colligant & suo nomine deuorent. Reperias etiam aliquos, qui cibum non capiant, nisi primum totum post tergum abiectum Diabolo obtulerint. Ditissimi quiq; in terra *Tavaé*, quæ & ipsa ad Regnum *Pegu* pertinens huic Regi subiecta est, tres menses quotannis in pagis habitant, domosq; suas omni alimentorū genere repletas Dæmonibus interea habitandas relinquunt, idq; eam, vti dicunt, ob causam, vt reliquis nouem mensib. eò benigniores eos experiantur, & tyrannidem eorum metuere non cogantur.

In vniuerso hoc regno nihil præter oryzam crescit, gallinis autem, capris, anatibus, anseribus, columbis, & suibus, regio admodum abundans est, sed columbas peregrinis haud facillè vendunt, cum delicatissimus ipsoꝝ cibis sint, quo ipsi libentissimè vescuntur. Vespertilionibus loca omnia repleta sunt, & multum damni hominibus ab illis infertur. Cæterum incolæ pisciculos quosdam minutos magna copîa in massam contundere, & soli postmodum exponere solent, vt cōputrescant & fœtorē contrahant. Hanc massam ad oryzam & cibos alios loco butyri vel olei adhibent, & licet fœtore suo vel demortui canis cadauer superet, tanti tamen faciunt, vt vel Rex ipsemet omnib. eam deliciis præferat, & cibos hac massa non conditos repudiet. Gallos habent collo & cruribus tam crassis, vt similes nusquam reperiantur. Mulieres in cibum eos parare volentes collo ipsoꝝ insident, vt suffocentur & nihil sanguinis amittant. Sed & aliud gallinarum genus habent, quod *Lorine* vocant, magnitudine turtures non excedunt, sed pulchritudine sua omnes aues reliquas longè superant. Inter edendum autem foliis vtuntur, hederam nostram referentibus, quæ *Betel* vocant, & viua calce aspersa in cibum assument.

Ementes & vendentes verbū nullum faciunt, sed datis inuicem manib. cū linteolo quodam, quid factū opus sit intelligūt. A *Masçaratis* siue laruatis hominib. admodum sibi metuunt, itaq; cum mercatorum nostrorum famulus quidam alligato in pectore & in tergo puluinari tunicam oblōgam siue cucullum indueret, atq; ita laruatus in publicum procederet, tantum ipsis metum & timorem incussit, vt etiam fortissimi quiq; equis insidentes fugam arriperent.

Cæterum populus hic Sodomiticis olim peccatis & libidinib. totus deditus fuit, hoc vero Regina quædam tali ratione correxit. Mandatum promulgauit, quo omnes masculi excauatos aureos vel argēteos globulos, put cuiusq; ferret conditio, inter carnem & cutem virgæ insertos gestarent, capitis pœna secus facientib. imperata. Cum autem dolorē quisq; metueret, rationem, qua huic mādato satisfacere, talē excogitarunt. Adolescentes, cū eam assecuti sunt ætatē, vt mulieres iam appetāt, ad impudicas mulieres ducunt, iubentq; quamcunq; velint eligere, vt expleuerunt autem libidinē, poculum eis soporiferū præbent, & profundissimo eos somno immergunt. Cæterū dormientibus cultello cutē penis vndiq; à carne liberant, insertoq; ab vtraq; parte globulo, vnguentum siue emplastrū efficacissimum adhibēt, vt paucis diebus cicatricem ducere & coalescere iterum possit. Hoc factū virgæ in viris ita intumescabant, vt inutiles omnino ad Sodomiam redderentur, & pueri dolorem metuentes virum nullum impoſterum admitterent. Cæterum nullas omnino in hoc regno virgines reperire licet. Puellæ enim omnes statim à pueritia sua medicamentum quoddam vsurpant, quo muliebria distenduntur, & aperta continentur, idq; propter globulos, quos in virgis viri gestant: illis enim admittendis virgines arctiores nullo modo suffice-

sufficerent. Vt autem ad amorem mulierum viri eò magis inuitarentur, cōstituit Regina illa, vt brachiis totoq; pectore ad vmbilicum vsq; nudæ mulieres incederēt, & præter femorale siue linteum tenuissimum nihil induerent, quo partes pudendæ ita quidem tegerentur, vt ventus eas leuissimus omnium exponere oculis posset, & hoc quidem habitu etiamnum vtuntur. Pueri cæruleo colore ab humeris ad crura vsque se inficiunt, qui nullis quidem lotionibus cedit, sed & cutem tam deformem reddit, vt horrorem incutiat viris potius, quam ad libidinem eos inuitet. Id enim hoc fine faciunt, vt illicitum virorum amorem euitare commodius, & tuti esse à sollicitationibus eorum possint.

Vtraq; ciuitas crebris subiecta est incendiis, vix enim septimana transire potest, qua non incendium aliquod ibi exoriat, vnde singulis dieb. per præconem Rex proclamari curat, vt ignis quilibet diligentem in edibus suis curam agat. Cum autem frumentum præter oryzam ibi non habeant, placentis ex oryza pistis loco panis vti, tam Lusitani quam Christiani alii coguntur, loco autem vini potum ex *Anippa* arbore paratum adhibent, qui sapore quidem bono est, sed nō omnibus conducit. Inter equitandum materiam aliquam in ore cōtinent, vnde buccæ eorum intumescant, & dentes habent nigro colore infectos. Vxorem ducere expetens, eam præsentī pecunia à parentibus vel cognatis eius redimere cogitur, vbi vero satietas eius eum cepit, remittere eam quolibet tēpore ad parentes eius potest, retentis tamen liberis quos ex ea suscepit. Sed & parētes cognatiq; vxoris eam repetere à viro possunt, sed pecuniam tamen prius refundere, quam pro ea acciperant, coguntur. Si quem sine liberis & heredibus decedere moriq; contingat, bona eius omnia ad Regem transeunt, quod si vero liberos habeat, inter ipsos quidem duæ tertiæ bonorum paternorum partes distribuuntur, reliquum vero Regi cedit.

Merces quas quis in ciuitatem *Pegu* transportare maximo cum lucro potest, sunt panni, qui ad Sanctum Thomam in *Mesilipatan*, *Bengala*, & *Ausson* parantur, quemadmodum etiam piper, cinnamum, nuces myristicæ, Sandalum & Paradisi lignum: nam præstantissimi zingiberis magna ibi copia est. Ex *Pegu* nullæ merces maiori cum lucro *Bengalam* versus transportari possunt, quam argentum: plumbum enim stannum & chalybem eo transuehere non licet propter inimicitiam, quæ Regi cum ciuitate ista intercedit, *Malaccam* vero versus oryza plerunq; aduehitur. Lusitani equidem in regno *Pegu* chari & accepti sunt, Rexq; illis bene admodum cupit, licet defuncto eius patri odio fuerint. Incolæ vero huius regni si forte pecunia opus habeant, non solū bona sua, sed & vxores liberosq; oppignorare creditorib. solent, sed si forte creditor vxori vel filiæ debitoris vitiū aliq; offerat, & debitor id resciscat, pignus suum repetere potest nulla solutione præstita. Creditor enim tunc debitum omne amittit, nec quicquam amplius exigere à debitore potest. Numerantes aliquid, sequentibus vtuntur vocibus: *Moi, ba, pi, pon, masun, trao, dapo, daciā, dacin, ciio*, qui sunt numeri cardinales vsque ad decem. Pro viginti dicunt *Baciu*, pro triginta, *Piciu*, pro quadraginta *ponciu*, pro quinquaginta *Masunciu*, pro sexaginta *traociu*, pro septuaginta, *dapociu*, pro octuaginta *daciānciu*, pro nonaginta *dacinciu*, pro centum *Colon*, pro mille *gnia*, & pro decem millibus *sunim*. Plura hic de moribus populorum in *Pegu* annotare non libet.

CAPVT XL.

De ponderibus & mensuris ciuitatis & regni Pegu.



MNES merces, quæ sub commercia ciuitatis & totius regni *Pegu* veniunt, eadem balance, qua & monetæ libruntur & ponderantur, vocatur autem pondus, quo vtuntur, *Biza*, estque vnum & idem cum *Ganza*, & valet *Biza* quodlibet centum *Ticcali*. Sed & pondere minore alio vtuntur, quod tantum $12\frac{1}{2}$. *Ticcali* valet, quæ faciunt vnum *Abocco*. Duo *Abocchi* faciunt vnum *Agito*, duo *Agiti* dimidium *Biza*, & quatuor *Agiti* integrum *Biza* faciunt. Quodlibet autem *Biza* Venetiis, duas libras & quinque vncias, grauioris ponderis, vel tres libras cum vnciiis nouem, ponderis minoris constituit, nec vllum præterea pondus aliud in toto regno *Pegu* nouerunt.

CAPVT XLI.

De itinere ex Pegu versus Martaban.



ONFECTIS rebus omnibus in *Pegu*, mercatores nocte 5. Ianuarii die, Anno 1586. *Delengo* siue currum conscendentes, iter versus *Martaban* terra ingressi sunt. Sub vesperam ad vicum quendam peruenientes, per noctem illam cum multis aliis, qui simul aduenerant, sub arundine to quiescebant, non parum sibi à tigribus & feris bestiis aliis metuētes, & propterea bombardas & sclopeta manib. perpetuo tenentes. Postero die continuato itinere ad vicum alium multis hominibus habitatum, vbi exhibitis salui conductus literis, vterius progrediendi licentiam impetrare peregrinatores coguntur, peruenerunt. Cum autem fluuium ibi traicere eos oporteret, & is tantæ profunditatis tunc non esset, vt nauem admitteret, expectandū paulisper ipsis erat, donec aqua ex æstu maris iterum accresceret. Postquam igitur traiecissent, & postmodo montem aliquem excelsum superassent, in pago ad radices montis pernoctarunt. Sequenti die fluuium alium traicere cogebantur priori non dissimilem, cumque pagum in ripa fluminis inuenirent, & iam syluam admodum magnam præ se haberent, quiescendum in pago isto per noctem censebant. Vt dies autem illuxit iterum, syluam illam ingressi sunt, quæ tam horrida & prolixa est, vt tribus diebus eam trāsire & superare vix possent. Erant autem in sylua ista structuræ passim à terra nonnihil eleuatæ, in quibus à tigribus & latronibus etiam tuti pernoctare poterant: has enim structuras in exilium à Rege missi, siue ob facinora & delicta enormia proscripti, sibi parauerant, quorum multi in sylua ista tum reperiiebantur. Tandem igitur sylua hac superata, in pulchrum & apertum campum delati sunt, cui insistentes, iter ad duodecimum vsque Ianuarii diem protraxerunt, quo ciuitatem *Martaban* accesserunt.

CAPVT XLII.

Descriptio ciuitatis Martaban, & de moribus populorum in Regno Dacin.



C I V I T A S *Martaban* anteriori sua parte austrum respicit, extenditurque secundum longitudinem suam Orientem & Occidentem versus. Pertinet ad filium Regis, natu maiorem, Principem nempe *Manparagia*, qui prouentus omnes ibi percipit, & per Præfectum siue Vicarium suum colligi curat. Est autem ciuitas pulchra & admodum populosa. Quamuis enim per pestem, quæ paulo ante quam mercatores nostri aduenerant, grassari cessauerat, ferè tertia pars ciuitatis sublata & extincta diceretur, ita tamen omnes plateæ adhuc hominibus abundabant, vt iacturam nullam fecisse videretur. Portum habet nauibus nunquam vacuum. Itaque cum mercatores nostri aduenirent, septem ibi naues depræhendebant, quarum duæ sandalii, Paradisique ligno, nucibus item myristicis, & caryophyllis onustæ, ex *Malacca* aduenerant. Cognoscebant autem mercatores nostri ex nautis aliisq; qui in nauibus istis erant, quod, si quando Rex in *Dagin* amore puellæ cuiusdam accendatur, parentem eius compellere & interrogare soleat, nunquid eam sibi in vxorem dare velit? Eo enim consentiente reliquos puellæ cognatos nihil moratur. Raro autem, dicebant, reperiri aliquem, qui filiã suam Regi permittat, propterea quod Rex sumptus nullos faciat, & pater filiam suam, etiam si Regi nupserit, nutrire tamen & sustentare semper cogatur, itaq; ei etiam Rex, si alteri cuidam nubat, parum succensere deprehenditur.

Reperiuntur in quibusdam locis regni *Dacin* homines Anthropophagi, qui humana carne vescuntur, & *Batacchi* nominantur. Liberi eorum vbi parentes suos senio confectos vident, eos mactare, & in cibum parare solent, inuitantes conuiuas aliquot & suauiter de parentibus suis epulantes. Rex si quando de scelerato quodam supplicium sumere vult, conuocatis aliquot ex hisce populis, condemnatum donat, qui præsentem Rege eum occisum, capite, manibusque & pedibus truncant, & adhibito salis piperisque paululo, carne eius cruda vescuntur. Rex istius loci vocatur Rex ab *Assi*, qui locus est piperis admodum abundans, estque magnæ potentia, qui breui tempore classem multarum triremium nauiumque comparare & in bellum extruere potest. Iuratus autem hostis est Lusitanorum, & ciuitati eorum *Malacca* semper insidiatur. Moris in hoc regno est, vt si forte filius patrem suum delinquere videat, eum vita priuare possit, sed rationem tamen Regi postmodum reddere cogitur, qui si causam eum sufficientem habuisse animaduertat, filium absoluit, & heredem paternorum bonorum pronunciat. Idem & in filium pater iuris habet. Est in *Bengala* fluuius nomine *Cange*, & in eo locus, quem *Gongasagie*, hoc est, fauces maris nominant, multis piscibus, quos canes marinos dicunt, abundans. His piscibus homines, qui miseriarum huius vitæ pertæsi Paradisum quamprimum ingredi desiderant, se ipsos deuorandos obijciunt, persuasum sibi omnino habentes, fore vt anima eiusmodi à beluis marinis deuoratorum hominum rectà in Paradisum commigret.

*De ponderibus, mensuris, nummis & vectigalibus in Malacca
usitatis.*



Domnes merces, quæ in *Malacca* venduntur, pondus adhibetur, quod ipsi *Baro* vocant. Estque notandum non vniufmodi illud, sed pro mercium varietate varium & multiplex esse. Per *Baro* illud, quod vendendis caryophyllis adhibetur, tria *Cantara*, duo *Rubbi*, & decem *Rutoli* intelliguntur. *Cantaro* autem quodlibet, sunt 4. *Rubbi*. Vnum *Rubbi* sunt 32. *Rutoli*, atque ita *Cantaro* quodlibet sunt 128. *Rutoli*, vnde apparet quod *Baro* vnum caryophyllorum in *Malacca* faciat 687. libras minores Venetas. Sed & aliud genus ponderis in hac ciuitate habent, quod *Marco* vocant, estque æquale *Marco* illi, quo in *Goa* vtuntur, continens dimidium *Rutolo* & octo vncias, seu nouem vncias minores Venetas, atque hoc genere, qui corallia & id genus alias res preciosiores vendunt, vtuntur.

Mensuræ in *Pegu* similes sunt illis in *Goa*, nempe *Covodi* & *Vare*, illas ad res preciosiores, has ad viliores adhibent.

Nummos habent pro ratione *Sacchi* & *Fardi*, & discrimine mercium varios. Minimi qui in vsu apud illos sunt, ex stanno constant, forma rotunda, in altera facie duas sagittas & quinque vulnera, in altera vero insignia Lusitanica referentes, vocantur *Dannari*, & decem huiusmodi nummi constituunt vnum *Cazza*, quod duos *Pagadin* cum dimidio continet, *Pagadini* autem 70. vix quatuor cruciatos faciunt. *Cazza* itidem moneta est ex stanno cusa, sed paulo maior quam *Danari*, licet eundem cum illis typum habeat. Duo autem *Cazza* faciunt vnum *Calain*, quæ itidem stannea moneta est, eiusdem cum præcedentibus typi, valetque quinque *Pagadin* cum quinque octauis. Quadringenta *Calain* faciunt vnum *Tangha*, quamquam in hac ciuitate quidem *Tangha* non cuditur, sed ad numerandum talem adhibetur, valetq; 18. solidos Venetos. Hæ igitur monetae *Danari*, *Cazza*, *Calain* & *Tangha*, omnes ex stanno constant. Præter illas autem etiam argenteam monetam habent, similem illi, quæ in *Goa* vocatur *Seraffini*. Hæc in altera quidem facie duas literas, nempe S. T. quæ Sanctæ Thomæ nomen denotant, in altera vero insignia Lusitanica exhibet, vocatur *Pataccone*, valetque sex *Tangha* monetae melioris, quæ Venetiis faciunt 5. libras, & 12. solidos, apud nos florenum vnum & octo cruciatos, Lusitanis 360. *Reis*, quæ 6. *Tangha* constituunt. Sed & moneta aurea vtuntur, quæ paulo minor est quam *Zechin*, & non ita pridem inuenta, tempore nimirum eo, quo *Don Francesco di Costa* cum imperio ibi fuit. In vna quidem facie diadema cum duabus sagittis diuaticatim positis, in altera vero insignia Lusitanica exhibet, vocaturq; *Crociato*, & valet 6. *Tangha* monetae melioris, quemadmodum moneta illa præcedens argentea. *Larini* noui valent duo *Crociato*, quæ faciunt 12. *Tangha* monetae melioris, idque tam in *Goa*, quam in *Malacca*, si autem ad monetam Venetam eos conferas, *Larini* eiusmodi 25. solidos valent. Hi *Larini* in *Balsara* & *Ormus* cuduntur, eiusdem sunt per totam Indiam valoris, nec quicquam ex illis lucri quis percipere potest, quemadmodum etiam Reales, quos ipsi *Pardao di Reales* vocant, eorum enim valor vbique idem est, 7. nimirum *Tangha*, melioris monetae, qui nec augetur nec minuitur.

Quod attinet ad vectigal huius ciuitatis, tam de exceptis, quam de expensis dextrans siue decem de centenis soluuntur. Qui autem merces aliquot ex vrbe alio traducit, intra annum quidem vectigalis nomine nihil debet.

bet, finito autem tempore isto dextantem præstare, quemadmodum etiam mercatores exteri & peregrini alii, tenetur. Pondera, quibus in ponderandis mercibus vtuntur, *Fusfo* vocant, suntque alia ferrea, alia ænea, alia lignea, quemadmodum etiam balances siue trutinæ omnes ex asserum segmentis constant.

C A P V T XLIV.

De itinere ex Martaban versus Cocchi.

REVVS in *Martaban* confectis, 10. Februarii die Anno 1586. nauem mercatores nostri iterum ingressi sunt, quæ pridie eius diei ad discessum sese parauerat. Soluentes autem inde, cum quatuor dies nauigassent, appulerunt 14. ad vicum quendam *Cadaperpain*, quod caput marinarum faucium sonat, ibi enim maris initium cernitur, estque locus propter saxa & latentes scopulos admodum periculosus. Postero igitur die mare ingressi, quod lingua Lusitanica *Mare di Serpe*, hoc est, mare serpentum vocatur, cum ad 25. huius nauigassent, ad Insulam *Carnalcubar* appulerunt, feris admodum hominibus habitatam, qui humanis maxime carnibus delectantur, & ppter ea aduentantibus peregrinis hominib. insidias semper struunt, ex vna Insula ad aliam trāicientes, & subinde ex insulanis aliquos capientes & secū abducentes, ab illis tamē, qui in hac Insula prognati sunt, abstinentes. Vescuntur quidem etiam piscibus quorum magna ibi copia est. Toti autem nudi incedunt, & nec religionem nec legem villam nouerūt. Ceterum cum naus illa multum aquę hauisset, & vento etiam ipsi contrario vterentur, non exiguo in periculo naufragii erant, itaque nauarchus cessante paululum vento in aquam descendens, infra nauem serpendo, rimam quærebat, per quam aqua in nauem irrumperet, inuentamq; massa quadam ex pice & calce facta obturabat, reliquis aquam ex naui haurientibus & periculo sese ita liberantibus.

Vento postmodum conuenienti exorto progrediebantur, licet ventorum iniuria fluctus subinde maximi excitarentur, à quibus non parum periculi pertimescendum erat, præsertim cum naus illa, præterquam quod rebus necessariis parum instructa erat, mirum in modum iam etiam deformata esset. Tandem cum 17. dies ab Insula *Carnalcubar*, à ciuitate *Martaban* vero 22. consumpsissent, ad Insulam *Seilan* delati sunt. Iam igitur 1. Martii die iuxta illam nauigantes in littore sese continebant, non ausi nimirum aperto mari sese committere, ne versus Insulam *Maldauan* locum periculosissimum abriperentur. Superato autem hoc periculo, & angulo Sancti Galli in *Seilan* post tergum reiecto, aperto sese mari commiserunt, ne præsidariis nauibus, ad propugnaculum *Columbo* pertinentibus, præda fierent. Directo igitur versus *Comerin*, locum à captura margaritarum celebrem, cursu, sub vesperam profunditatem explorantes, 18. eam orgyarum depræhenderūt. Rati itaque non abesse se à *Comerin* iam longius, sequenti statim die templum conspexerunt à nobili quadam fœmina non ita pridem extructum, quæ votum pro filio à Christianorum Deo obtinendo fecerat, cuius cum compos facta esset, se cum viro & vniuersa familia sua baptizari curauerat, templo hoc pro Paulinorum ordine excitato.

Cæterum 4. Martii ad *Comerin* aduecti, cum non procul à propugnaculo *Coilan*, quod Lusitanos dominos agnoscit, abessent, constituebant quidem ibi appellere, verum cum ventum sibi fauere cernerent, totum adhuc diem noctemq; nauigando consumentes, sequenti die ad portum *Cocchi* delati, anchoras

anchors duas ex ligno, quod eiusdem est cum ferro ponderis, & à Lusitanis *Pao di ferro*, hoc est, lignum ferreum vocatur, constantes, proiciebant. Ceterum naues ibi quidem multas inueniebant, nulla autem erat, qua mercatores nostri in *Ormus* reuerterentur, itaque cum 39. dies in itinere ex *Martaban* ad hunc usque portum in perpetuo piratarum, qui *Salaniporhafi* dicuntur, periculo fuissent, cogebantur bona sua in *Cocchi* transportare, & septem menses ibi, donec occasio in *Ormus* nauigandi sese ipsis offerret, subsistere.

Interea dum mercatores nostri in hac ciuitate hærent, accidit, ut duo Reges ethnici, Rex nempe de *Cocchi*, & Rex de *Paruta* ibi aduenirent, pacem & confederationem cum Paulinis monachis facturi. Non progrediebantur quidem monachi Regibus istis obuiam, sed in vestibulo templi sui eos expectantes duo puluinaria ex holoserico parata certis locis, ubi Reges isti sederent, disposuerant. Venientes igitur ad monasterium, excipiebantur ab Antonio, monasterii Rectore, & aliis quibusdam, quorum templum Rex de *Paruta* igne accensum nuper deleuerat. Promittebat autem ipsis, se nouum templum, nouumque monasterium extructurum, idque non quidem quale antea habuissent, sed ex lapidibus. utque viderent, serio sese hæc dicere, tradebat eorum potestati oēs, qui auctores istius incendii & subuersionis fuissent, quos monachi quidem non exigua pecunie summa multabant. Faciebat autem hæc omnia Rex, ne monachi de vindicta cogitantes rem eo perducerent, ut ipse regno suo priuaretur: nam Lusitanorum quidem potentiam iam ante expertus erat, nec ignorabat multos ex subditis suis Christianorum religionem amplexos & baptizatos esse, quos à partibus monachorum futuros non dubitaret: pendebant nam ab ore Iesuitæ cuiusdam, qui ex Genua oriundus, regionem istam armatus pererrabat, & multos quotidie ab impietate Ethnicam ad Christianam religionem conuertebat, qui eum quocumque sese verteret sequebantur. Venerat paulo ante quam mercatores nostri ad portum in *Cocchi* appellerent, naus quædam ex *China*, retulerantque qui in ea fuerant, Regem eius loci, Iesuitam quendam ex *Neapoli* accersitum, in Chinesiorum lingua erudiri curasse, quæ lingua quidem 60000. literas habet, & propterea omnium difficilima est. Iesuitam igitur illum, cum linguam didicisset, fidem Christianorum prædicare coepisse, & ingentem hominum multitudinem conuertisse, iamque propter moderatam suam vitam, potestatem accepisse Christianam doctrinam per vniuersum regnum istud propagandi, ut spes sit, Regem cum vniuersa sua familia Christianorum sese numero breui aggregaturum.

Lusitani quidem in *Cocchi* propugnaculum præter domum quandam aqua vndique cinctam habent, ad quam non nisi per pontem accessus patet. Hæc domus Regis permisso non ita pridem artificiosè admodum extructa, & tormentis illis, quæ in littore maris olim cernebatur, munita est, ut propugnaculi cuiusdam vicem supplere faciliè possit. Sunt autem in ciuitate hac sacerdotes qui *Bramini* ipsis dicuntur, hi potestatem habent conuersandi cum omnibus mulieribus virginibusque & eas cognoscendi, ne Regina quidem & filiarum eius exceptis, quæ causa est, quod Regi defuncto filius succedere in regno non possit, sed ex sorore Regis natus in locum eius surrogetur. Subditorum in *Cocchi* aliqui *Nairi* dicuntur, suntque nobiles, alii *Pulia*, suntque vulgares & plebei. Hi nobilibus in via cedunt, & honorem tantum deferunt, ut indignos sese putent, qui eos prætereant. Si vero accidat, ut plebeius aduentantem nobilem non videat, inclamatur ab illo, & via cedere iubetur. Incedunt autem *Nairi* nudo corpore, pudendis solum partibus occultatis, manu altera euaginatum

tum gladium, altera clypeum gestantes, quidam rotundo pileolo caput regunt, plerique vero capillos mirificè exornatos ostentant. Rex in *Cocchi* pileum ex holoserico rubro more Lusitanico factum gestat.

Non procul à *Cocchi* vèrsus *Calocutum* fluuius quidam est, quem *Panani* vocant, piratis quibusdam, qui *Malauari* dicuntur, admodum infestus. Hi magno numero naues inter *Comerin* & *Cambagia* insultantes, Lusitanis mercatoribus haud parum damni superioribus annis intulerunt, sed pace postmodum inter Lusitanos & *Calocutum* facta, permissum Lusitanis est propugnaculū aliquod ad ostium fluminis excitare, vnde tribus piratarū & prædonū generibus, nempe *Malauaris*, *Sangiseris*, & *Sanganis* cum maximo ipsorum detrimento hodiè resistunt: Cinnamo & Cassia omnes sylæ abundant, permissumque cuilibet est, afferre & colligere quantum velit, dummodo illis, penes quos custodia linguarum est, munusculum aliquod offerant. Arbores alioqui habent parandis nauibus admodum cōuenientes: lignum enim earum tam firmum est, vt vix clauis ferreis cedat, eosque progressu temporis penitus consumat.

C A P V T XLV.

De itinere ex *Cocchi* vèrsus ciuitatem *Ormus*.

DE octauo Octobris, Anni 1586. nauem Præfecti in *Cocchi* ingressi, quæ magna ex parte Cassia aliisque aromatibus onerata erat, carbasa austro commiserunt. Quinque autem diebus *Chianul* affecuti, cum nec in *Goa*, nec alibi in terram descendissent, 19. dieb. ibi cōmorati sunt, mercibus quibusdam distrahendis operam dantes. Postmodo iterum inde soluentes, septem dierum spatio ad *Diu* applicarunt, vbi cum noctem diemque dimidium conuehendis aquis traduxissent, constituerūt iter suum *Ormus* vèrsus dirigere, sed vento contrario, vèrsus *Insegiada Segiet*, periculosissimum locum reiecti, tantis exponebantur periculis, vt naufragium singulis momentis metuerent. Proiectis igitur anchoris, expectandum ibi censebant, donec venti & tempestates nonnihil remitterent. Cæterum cum duodecim diebus ab anchoris hærentes, magna potabilis aquæ inopia laborare iam inciperent, propterea quod 500. fere personæ in nauī illa numerarentur, tempestate nonnihil remittente, ventus commodior exortus est. Progressi igitur iterum, post dies quinque, terram tractus Persici, à piratis, qui *Nutechi* dicuntur, & Lusitanorum iurati hostes sunt, habitatam, conspexerunt. Quare licet aquam haurire & dolia sua implere iterum adniterentur, non poterant tamen illud propter congregatam in littore armatorum multitudinem perficere. Postero tamen die aliquibus cum scapha ablegatis, ex torrente quodam vasculum vnum atque alterum aqua impleuerunt, moxque iterum soluentes inter varia pericula progressi sunt, donec tandem 24. Decembris die, qui Parasceues natalis Christi erat, ad *Ormus* feliciter appellerent, vbi postmodum ad 11. vsq; Iulii sequentis anni ipsi commorandum fuit.

Cæterum, cum prima vice Indiam petentes ad *Ormus* venissent, vestigalis nomine præter dextantem, hoc est, decem de centenis, nihil persoluerunt, quod Lusitanis similes haberentur, iam autem reuersi legem inueniunt, qua qui nō prognati Lusitani, sed vel Itali, vel Galli, vel Æthiopes, vel Ethnici, vel Armenii, vel Iudæi essent, præter dextantem illum, adhuc *Caida*, hoc est, quadrantem, siue tria de centenis præstare vestigalis nomine cogerentur. Franciscus quidē Mascareni Comes *di Villa d'Orta*, vrbis eo tempore Præfectus, quemadmodum & *Consalve di Minaxi* Capitaneus, non pa-

rum pro abrogando hoc nouo vectigali, & vt Itali Lusitanis similes haberentur, laborabāt. Et licet literis suis à Præfecto vrbis in *Goa* id facile obtinerent, attamen cum lex illa à quatuor iudicibus in *Goa*, quorum decreta Præfectus infirmare non potest, lata & confirmata esset, frustra omnia suscipiebantur, nec poterant mercatores nostri noui huius vectigalis onere subleuari, sed cogebantur præter dextantem adhuc quadrantem, atq; ita 13. de centenis persolvere, telonariis præsertim & publicanis, quadrantem hunc non pro Portugalliæ, sed pro Æthiopum de *Ormus* Rege colligi, dicentibus.

Interea cum adhuc in *Ormus* essent, aduenit 11. Iunii die Anno 1587. classis ex *Goa*, quinq; *Caleonis*, quatuor triremibus & 30. præsidariis nauibus aliis constans, quæ sub Præfecto Martino Alphonso di Mel, ad fauces in *Mecca* petere constituerat. Protrahebant autē ad littus secum nauem quandam, quæ in itinere ex *Cocchi* Portugalliam versus suscepto, vi ventorum & procellarum versus Insulam S. Laurentii proiecta deerrauerat, & malum amiserat. Nomen huic naui *Saluator* erat, homines vero in ea existentes, periculo hoc coacti, tantum bonorum in mare abiecerant, vt iactura ista trecentorum millium ducatorum æstimaretur, afferebant tamen nihilominus adhuc secum, quater vel quinquies mille *Cantara* piperis, quingenta *Cantara* cassiæ, centum *Cantara* zingiberis, ducenta *Cantara* nucum myristicarū, & ingentis precii bona alia, quæ omnia classis huius beneficio conseruata fuerant. Dicebatur autē naus quædā alia *Giaga* nomine multis bonis onerata in portu *Cocchi* submersa periisse, hominibus tamen aliorum opera conseruatis. Sed & naus alia, quæ Principes Giappanici uehebantur, vi ventorum in *Masanbich* delata, nauem quandam in arena & breuius harentem liberaasse, & in Lusitaniam peruenisse dicebatur, cum vulgo, vnā cum Principibus, Regis nempe in *Giappan* filiis, & multis variorum ordinum monachis periisse putaretur.

Caterum persoluto in *Ormus* vectigali, nauem quādam mercatores nostri conducebant, qua dum classis illa ex *Goa* in mari adhuc esset, & iter ipsi à piratis tutum præstaret, *Balsaram* versus nauigarent. Accidit autem decimo, postquam ex *Ormus* egressi essent, die, vt ventorum fluctuumq; uehementia ad Insulam quandam abrepti, tantis periculis exponerentur, vt aliter iudicare non possent, quam factō naufragio, vitam & bona omnia sese amissuros. Erat enim locus ille scopulorum in aqua abditorum multitudine admodum formidabilis, itaq; proiecta statim anchora, alter alterum iuuabant, vt nauem à terra iterum dimouerent, quo factō ventus iterum aspirauit secundior, cuius beneficio Insulam *Cargi* assecuti, hauriendis aquis diem vnum atque alterum impendebant, tamen si non sine magno prædonum eius loci, qui *Naichilo* & *Abbuseri* dicuntur, periculo, vnde iterum progressi *Balsaram* tandem, cum 22. dies in itinere fuissent, peruenierunt.

CAPVT XLVI.

De itinere ex *Balsara* in flumine *Tigri* ad *Babyloniam* vsque.

MERCATORES nostri, cum in *Balsara* per dies duodecim commorati vectigal & tributum omne persoluissent, itineri sese iterum commiserunt, quia autem multas habebant naues socias, Capitaneum quēdam siue generalem Præfectum eligendum censebant, quem populi isti sua lingua *Caravanbassi* vocant, eratq; vir prudens, & locorum istorum admodum peritus, vt vbi prædones & piratæ sese continerent, eum non lateret. Cum autem ad *Corno* propugnaculum appu-

appulissent, persoluto vectigali, quod erant pro singulis nauibus duo *Saie*, literas sibi dari petebant, quibus præstitisse quod debuerant perhiberentur, easque vbiunque postmodum tributum & vectigal soluendum erat, subsignari curabant. Nam in *Zazchie* soluendi ipsis erant de qualibet nauibus 5. *Saie* & 2. *Maedini*, de adiuncta autem scapha vel cymba septem *Maedini*. In *Chert* persona quælibet octo Venetos pro se, pro nauibus autem qualibet 4. *Saie* & 2. *Maedinos*, pro scapha vero adiuncta 17. *Maedinos* præstare cogitur. In *Mira* pro falciculis mercatoriis singulis tres *Saie*, & pro scapha adiuncta 22. *Maedini* soluuntur. In *Giedido* vero pro singulis nauibus mercatores quidem, ad quos bona pertinent, 9. Patronus vero nauis octo *Saie* numerare vectigalis nomine coguntur. Singulis autem in locis apocham mercatores & nauis petebant, qua sibi satisfactum esse publicani & teloniorum curatores testabantur, hanc enim exhibere non valentes vectigal, quod hoc vel illo soluerunt loco, denuo persolvere coguntur.

Cæterum iter hoc ex *Balsara*, Babyloniam vsque 38. dierum spatio transigerunt, mille interim ob prædones, piratas & latentes sub aquis scopulos, expositi periculis, quibus tandem exantlatis 23. Nouembr. die Anno 1587. Babyloniam assecuti sunt. Donabant autem *Sinani Bassæ*, qui *Cicalæ* Siciliae Præfecti filius erat, & à Sultano Turcico ciuitatis præfecturam obtinuerat, quem quandam, cui nomen erat *Hori*. Genus enim hoc auium ob colorum multiplicium varietatem admodum delectabile, sermones hominum more psittacorum facile imitatur, originem ducit ex *Malucche*, & in Indiam primo, postea vero ad loca alia transfertur. Cum igitur naues omnes, more hoc loco visitato, in ordinem redeissent, alteramque post alteram disposuissent, veniebant *Temagagi*, & post illos *Bassæ* illius *Cacagia* atque *Destardar*, curabantque alteram post alteram exonerari, vt vectigal debitum acciperent, & à nemine defraudarentur, quod dum fieret, 20. dies elapsi sunt.

CAPITULUM XLVII.

De varietate temporum, quam obseruare reditum ex India parantes coguntur, quæ quidem varietas ipsis Monsonne vocatur.



IN *Goa* præcipua Orientalis Indiae ciuitate hyems initium suum 11. Maii, cum multa pluuiarum & imbrum frequentia sumit, ad 1. vsque Augusti durans, quo quidem tempore omnis cessat nauigatio, propterea quod multum arenae fabulique ex *Ogatte* monte ab imbris in portum colligatur & ita acumuletur, vt omnes gradus in portu, exitum nempe nullum, propter ventorum ab occasu spirantium vehementiam, quibus maris accessus prohibetur, & impeditur, inueniens obruat. Ita igitur portus hic conclusus per hyemem cernitur, vt ne minimam quidem admittere nauiculam possit. Post primum autem Augusti cessantibus ventis, pluuiisq; remittentibus, mare suo accessu transitum parat, cumulosq; illos perrumpens abducit, vt circa 24. huius mensis diem portum iterum apertum & arena fabuloque omni liberatum cernas. Tunc igitur instaurata iterum nauigatione, naues septentrionem versus excurrere, & *Chiauul*, *Diu*, *Cambagia*, *Bengala*, *Daman*, *Bassaino*, locaque alia petere, & nauigationem per omne reliquum tempus, vsque ad 11. Maii sequentis anni, continuare cernuntur.

Q 2

Quor.

Quotquot igitur iam ex latere septentrionali *Goam* petere naues volunt, soluentes ex suis locis circiter octauum Ianuarii, sub finem Februarii ad portum in *Goa* appellant. Ex Diu 15. Ianuarii soluentes, per fretum *Meccha* versus proficiscuntur, & sub finem Augusti reuertuntur, quod primum quidem *Monsonne* est. Qui vero à 25. Augusti, ad 1. Septembris usque per fretum illud nauigationem suscipiunt, intra 1. & 15. Maii domum reuertuntur. Ex *Seccutra* nauigationem in *Ormus* susipientes, circiter 10. Augusti inde solunt, quamuis Insula hæc nauigiis non ita multis frequenteretur. Sub 5. Septembris *Æthiopes* incipiunt *Goam* versus terra iter facere, idque ex variis locis, nempe ex *Ballagatte*, *Bezzenegar*, *Hidalcán*, & aliis, omnes intra decimum & decimum quintum Nouembr. inde iterum discedentes. Septentrionis autem voce iter ex *Goa* versus *Chiaul*, *Diu*, *Bengala*, *Daman*, *Bassain*, *Gassain* & loca alia usque ad oras *Meccha* intelligitur, voce austri venit iter ex *Goa* versus *Cocchi*, & loca alia ad *Camorin* usque susceptum.

Cæterum primum *Monsonne* ex *Goa* versus *Ormus* nauigandi, à primo Octobris ad finem eius durat, quo tempore quidem naues ex *Goa* soluentes, secundo vento ex Oriente per latus Persicum transeunt. *Monsonne* ex *Goa* versus *Ormus* nauigandi alterum, 20. Ianuarii incipit, quo tempore naues quidem soluentes, eodem quo dictum est tramite decurrunt, nominaturque hoc tempus à Lusitanis & Indianis *Anire* & *Monsonne*. Tertium *Monsonne* ex *Goa* versus *Ormus* nauigandi, integro Martio durat, quo naues quidem ex *Goa* soluentes, cum vento, quem nos Eurum, ipsi *Leste* vocant, *Seccutram* versus proficiscuntur, inde cum vento contrario *Loeste* siue Aquilone, iuxta oras Arabiæ, ad fretum in *Ormus* progredientes, quod quidem *Monsonne* siue tempus, omnium periculosissimum & difficilimum est, cum duæ distinctæ nauigationes eo perficiendæ sint, secundum vero *Monsonne* siue tempus omnium est optimum & commodissimum.

Primum *Monsonne* ex *Ormus* versus *Chiaul* & in Indiam nauigandi, per Septembrem, ab initio nempe eius usque ad finem durat, quo tempore naues ex *Ormus* soluentes, vento Septentrionali vtuntur. Alterum *Monsonne* ex *Ormus*, versus *Chiaul*, *Goam*, & totam Indiam nauigandi, à 25. Decembris ad eius finem durat, quo tempore plerunque ventum septentrionalem naues experiuntur. Tertium ex *Ormus* versus *Chiaul* & *Goam* nauigandi tempus, à 15. Aprilis usque ad finem eius durat, Zephyrum & Circium inducens. Naues autem hoc *Monsonne* in freto *Monsandon*, iuxta oras Arabiæ, usque ad *Rossalgatte* proficiscuntur, postmodo mari sese committentes, cum Euro in *Chiaul* & *Goam*, pertingunt. Quod si naues quædam, quæ ex *Ormus* in Indiam nauigare constituunt, 15. April. diem prætermittant & negligant, ante hyemem quidem, propter ingentem ex Oriente ventorum atque procellarum vim, qua naues vel subuertuntur, vel ad Insulam *Seccutram* propelluntur, ad oras Indiæ pertingere non possunt, sed si forte itineri sese commiserint, in freto ad *Meccham* hybernare coguntur. Naues quæ ex *Ormus* cursum suum *Sindi* versus dirigunt, intra 15. & vltimum Aprilis diem nauigationem inire coguntur, hoc enim primum ipsorum est *Monsonne*. Alterum à 15. Octobr. ad finem eius durat. Qui vero ex *Ormus* per fretum maris rubri nauigationem instituere volunt, in Ianuario uti iter ingrediuntur, necesse est.

Haftenus quo tempore naues ex *Goa* per Septentrionem nauigationem instituere soleant, explicatum est, restat vt, quo tempore per meridiem ex *Goa* soluentes nauigationem instituunt, similiter annotemus. Intra primum autem & decimum quintum Augusti diem, naues ex *Goa* versus *Seilan*, *Cocchi* & *Calicu-*

& *Calicutum* excurrere solent, ad quæ quidem loca per totum annum nauibus pertingere quis ex *Goa* potest, hyeme tamen excepta, quæ à 15. Maii ad 10. usque Augusti diem navigationes nullas admittit, subinde igitur naues ad *Goam* applicant, sed hyberno tempore nullam aduentare videris, optimum autem tempus *Goam* versus nauigandi illud est, quod nos Nouembrem, Decembrem & Ianuarium dicimus.

Primum *Monsonne* ex *Goa* in *Pegu* nauigandi, à quinto ad vigesimum Aprilis durat, quo quidem tempore naues ex *Goa* soluentes cursum suum versus *S. Thomæ* ciuitatem dirigunt, ubi cum ad 12. usque Septembris, per hyemem nempe substiterunt, reliquum postmodo iter absoluunt. Alterum *Monsonne* pro illis, qui ex *Goa* in *Pegu* traicere volunt, cum octauo Augusti initium sumens, ad vigesimum quartum eius mensis durat. Eo enim tempore ex *Goa* soluentes naues rectè versus *Pegu* & *Martaban* nauigationem dirigunt. Quod si quis ultra 24. huius mensis diem in *Goa* commoretur, eo quidem anno ad ciuitatem *Pegu* peruenire non potest, propterea quod *Monsonne* aliud toto anno non habeant, ubi notandum, quod qui lucri aliquid facere in *Pegu* expetit, operam dare debeat, ut nummos ex Sancti Thomæ ciuitate, ut sunt Regales, *Pataconni* ex argento in *Malacca* cusi, & *Larini*, & pannos omnis generis ad Sanctum Thomam paratos, eò transuehat. Reliquarum enim mercium, quemadmodum etiam argenti, auri & carbunculorum, magna satis in *Pegu* copia reperitur. A decimo quinto, ad finem usque Ianuarii, naues ex *Pegu* soluentes, versus *Cocchi* ciuitatem nauigationem suscipiunt, ut naues Lusitanicas ibi offendat, quæ circa hoc tempus eo appellere, & inde *Goam* petere consueuerunt, idque à 25. Martii per totum Aprilem. Nam quæ naues ante decimum Maii diem, ad *Cocchi* vel *Goa* non applicant, loca illa postmodo contingere non possunt, & quæ eo quidem tempore Indiæ oras nondum superarunt, magno cum periculo & detrimento redire ad *S. Thomæ* ciuitatem coguntur.

Primum *Monsonne* ex *Goa* versus *Malaccam* à decimo quinto ad finem usque Septembris durat. Eo enim tempore soluentes ex *Goa* naues sub finem Octobris ad *Malaccam* applicant. *Monsonne* alterum quinto Maii in *Goa* initium capit, & ad decimum quintum usque Iunii in *Malacca* durat. Primum autem *Monsonne* ex *Malacca* versus *Goam* initium sumit 10. Februarii, quo naues ex *Malacca* versus *Cocchi* & *Goam* nauigationem instituere solent, & per totum Martium extenditur. Quod si vero ad decimum usque Maii naues in *Malacca* cessent, *Goam* quidem assequi non possunt, quin imò nisi ad *Cocchi* interea temporis peruenerint, redire *Malaccam* vi ventorum hybernorum coguntur. Naues omnes, quæ ex *Goa* & *Cocchi* nauigationem *Chinam* versus instituere volunt, iter suum in Aprili ingrediuntur, & ex *Goa* quidem circa 15. Maii ibi appellant. Quæ autem tempus illud negligunt, *Chinam* postmodum assequi non possunt; sed magna cum difficultate, cum neque ad portum in *Cocchi* appellere possint, *Malaccam* re infecta redire coguntur. Naues ex *Malacca* nauigationem *Goam* versus instituentes, intra decimum & decimum quintum Maii, mari se committunt, si enim tempus hoc negligant, iter suum absolueri eo anno non possunt.

Naues, quæ ex Lusitania in Indiam nauigare quotannis solent, intra octauum & decimum quintum Martii ex portu suo soluentes, mense Iulio ad oras *Malindi* & *Mosambicchi* perueniunt, ut circa decimum quintum Septembris, ad *Goam* appellere possint. Quæ enim tempus illud negligunt,

navigationem frustra suscipiunt: nam nisi ad oras *Malindi* in Iulio pertinent, in Indiam quidem eo anno peruenire non possunt, sed ad *S. Helena* Insulam redire coguntur, dummodo etiam eam inuenire possint: exigua enim admodum est, & in medio mari sita, facileque fieri potest, ut, nocturno praesertim tempore, naues eam praetereant, & ex conspectu suo amittant, quo facto ad oras *Chinea* cursum suum dirigere coguntur. Caeterum naues Lusitanicae, domum rediturae, à decimo quinto Ianuarii usque ad eius finem ex *Cocchi* soluere coguntur, ut portum Insulae ad *S. Helenam*, medium nempe itineris sui, assequantur. Insula haec exigua quidem est, ut dixi, sed rebus omnibus, quae ad sustentationem pertinent, supra modum referta. Cum ante paucos annos forte fortuna inueniretur, & ab inuentoribus suis *S. Helena* nomen obtineret, Portugalliae Rex ea de re edoctus tempore eam donauit, illudque *S. Helena* factum esse voluit, duobus Eremitis monachis eo translatis, qui sacra ibi peragerent. Apparet autem ex multis circumstantiis, eam singulari prouidentia Dei inuentam esse, omnes enim naues, ubi ad eam peruenerint, inopia potabilis aquae & aliarum necessariatum rerum laborare deprehenduntur, cui quidem ibi certissimum paratum est remedium. Cum non solum aqua dulci, sed & volucribus, pecoribus, fructibusque variis Insula ita abundet, ut prospicere sibi nauae de rebus necessariis satis superque possint. Atque haec quidem de hac materia, & tota navigatione dicta in praesentia sufficiant.

F I N I S

ICONES,

Hoc est:

VERÆ VARIORVM
POPVLORVM ET REGVM,
CEREMONIARVM ITEM, SVPERSTITIO-
SORVM RITVVM ET RERVM ALIARVM, HOC
TOMO SEPTIMO commemoratarum, effigies
& imagines,

QVIBVS TAM

Georgii Spilbergii, quam Caspari Balbii
nauigationes illustrantur.

Studio & opera

IOANNIS-THEODORI, ET IOANNIS-ISRAELIS
DE BRY, FRATRVM, IN ÆS PVLCHERRIME
INCISÆ.



FRANCOFORTI,
In Officina Typographica WOLFGANGI RICHTERI.
M. DC. VI.

DELINEATIO CIVITATIS VERE, IN SELANDIA
sitæ, vna cum tribus nauibus ad nauigationem
primam destinatis.



HAbes hic, Lector, expressam imaginem ciuitatis VERE, qua portus est sue statio nauium in Selandia, sub Principis Mauritiij iurisdictione & potestate sita, qui Marchionem sese eius profitetur. Apposuimus autem etiam effigiem trium nauium; quæ ad hanc nauigationem destinatæ fuerunt à Simone Parduinio, ciuitatis Mittelburgensis consule seniore; Balthasaro Moucherone, & Petro ab Heckenmercatoribus, tanquam principalibus huius nauigationis autoribus; sub Navarcho siue Admirali quodam Georgio à Spielberg, cuius crebra per historiam facta est mentio. Nomina vero nauium fuerunt Ouis, Aries, & Agnus.

THE HISTORY OF THE
CITY OF LONDON
FROM THE FOUNDATION
TO THE PRESENT TIME

By WILKINSON GIBBS
Author of the History of the
City of London, &c.
Vol. II. Part II.
LONDON: Printed by J. B. L. & Co. 1794.

DELINEATIO EORVM, QVÆ NAVARCHO IN
Porto Dale & Refrisco acciderunt.



NAVARCHVS cum ad Capo Verita venisset, Celocem ingressus navigationem ad Porto Dale suscepit, ubi cum tres Lusitanicas naues, quas Carauelle vocant, inuenisset, Lusitanique tormentis eum à littore arcerent, coactus est defensionem sui suscipere. Impetu ergo in vnā harum nauium facto, Num. 1. tanto cum ea seruire pugnare cepit, vt reliquæ duæ Lusitanicæ naues auxilio ei venirent, quo viso Nauarchus fuga sibi consulendum censuit. Cum autem non procul à Refrisco abesset, & Celocem ad naues alias præmisisset, Num. 2. Æthiopes quidam cum Canois aliquot, Num. 3. in eum insultantes, vestibus spoliarunt, ita vt nudatus vestibus, & vtrāque in super manu vulneratus ad naues suas redierit, quas in Porto Dale postmodum adducens, cum vnicā saltem nauem ibi inueniret, Num. 5. eam nullo labore superauit.

RPJ

III.

DELINEATIO SINVS ILLIVS, QVEM HOLLANDI
mensalem, sua lingua *Taffel Baje*, nominarunt.



HXpresimus hic sinum illum, quem Hollandi mensalem, sua lingua *Taffel Baje*, nominarunt, idq; à monte quodam excelsò, qui ad decem leucas in mari cernitur, & in cacumine tabulam siue mensam aliquam quadratam refert. Situs hic sinus est sub 34. gradu & 4. scrupulis, 15. ferè miliaribus septentrionem versus à Capite bonae spei. Ne quid autem quis ab eo aberret, loca quaedam certis numeris consignata adicere volumus, Num. 1. est ipse sinus mensalis, Num. 2. est mons mensalis, Num. 3. Insulam Elisabethæ, Num. 4. Insulam Corneliam, Num. 5. Caput bonae spei denotant. Num. 6. ostendit homines huius loci incolas, qui loquentes sonum instar gallinarum Indicarum emittunt. Locus alioqui multis cervis & capreis abundat.

RPJCB


DELINEATIO EORVM, QVÆ GALLIS QVIBVS-
dam in regione Annabon acciderunt.



VM Galli quidam ad regionem Annabon nauibus suis delati, viderent in littore sacrificulum quendam Missæ sacrificium peragentem, ex singulari zelo religionis, vt sacris interessent, in terram descenderunt. Videntes autem hoc ipsum Lusitani, vndique confluentes, partem trucidarunt, reliquis in captiuitatem abductis, qui lytrum persolvere & sese magna pecunia redimere coacti sunt, etiamsi eiusdem cum Lusitanis religionis essent. Numeros adiectos sic intellige. Num. 1. Sacerdotem coram Altari. 2. Gallos. 3. Lusitanos. 4. & 5. Schaphas Gallorum. 6. 7. Naues eorum. 8. Canoas incolarum eius loci. 9. 10. 11. & c. Rates quibus inter piscandum incolæ vtuntur. 15. Arborem quæ Bonannas, fructum nempe Cucumeres representantem fert, & folia tantæ magnitudinis habet, vt virum aliquem cooperire possint. 16. Arborem Gossypii. 17. Arborem mala aurea ferentem, denotant.

RPJCB

ICON CIVITATIS MATECALO, VNA CVM
aliis circumstantiis.



*C*ivitas Matecalo haec est, regia sedes in Celon, ubi à Rege potentissimo, Dermuts landagare nomine, Hollandi splendide accepti sunt, quemadmodum illud numeris adiectis hic expressum est, Num. 1. Regem in vestibulo arcis suae constitutum, & strictum gladium manu tenentem. 2. Admiralem Spilbergium, honorem Regi exhibentem. 3. Tubicines, & instrumenta musicalia alia percutientes. 4. Arcem regiam. 5. Monasterium aliquod. 6. Elephantes, varios ludos praebentes. 7. Satellites regios, Admiralem ad Regem ducentes. 8. Venationem ferarum, denotant.

THE NEW YORK PUBLIC LIBRARY
ASTOR LENOX TILDEN FOUNDATION
1900

PCB

VI.
DELINEATIO CIVITATIS VINTANE,
in Celon sitæ.



CIVITAS Vintane ad fluuium Trinquamale sita est, ad Regem in Candus, qui præcipuus in Celon Rex est, pertinens. Curat in hac ciuitate Rex in Candy naues suas parari, vt ex Num. 1. 2. 3. patet. Est in Ciuitate hac Pagode siue templum ingentis magnitudinis, ita vt circumferentia eius 130. passus complectatur, Num. 4. indicatum. Incolæ sunt admodum superstitiosi, & crebras processiones instituunt, Monachi ipsorum vestitu flauo vtuntur, & capite raso incedunt, præmissis multis instrumentis musicalibus, Abbas ipsorum Elephanti insidet, auro & argento pulcherrimè ornatus, sceptrumque in manu gerens, vt ex Num. 5. videre est. Num. 6. Monachos, Abbatem præcedentes & sequentes; Num. 7. tibicines & choragos; Num. vero 8. Monasterium Monachorum denotant.

RPJCB

VII.

DELINEATIO EORVM, QVÆ NAVARCHO SPILBERGIO, dum ad *Matecalo* hæreret, acciderunt.



DV M Nauarchus Spilbergius cum nauibus suis ad Matecalo subsisteret, accidit, ut è longinquo nauem aliquam videret, ablegata igitur cum 14. classiariis Scapha sua, navi ista, quæ triremis erat 46. viris instructa, potitus est. Paulò post alia navi Champaigne, Et iterum alia potitus est, quæ omnia numeris certis hic expressa oculis tuis subiiciuntur. Num. 1. Naues ad Matecalo hærentes. 2. Fluvium, ad Matecalo. 3. Nauem Admiralis Spilbergii. 4. Celocem siue agnum: 5. Scapham Admiralis, qua in expugnandis illis tribus nauibus usus est. 6. Pugnam cum triremi Lusitanica. 7. Expugnationem secunda navi Champaigne. 8. Fugam Lusitanorum cum Scaphis suis, denotant.

RPJCB

DELINEATIO REGIÆ CIVITATIS CANDT,
& eorum, quæ Admiralibî acciderunt.



Candt ciuitas est in Regno Celon, metropolis potentissimi Regis Fimala Darma Suriada, alias Don Ioan de Austria dicti. In ea Admiralis quidem splendide admodum à Rege exceptus est, quemadmodum ex adiectis numeris apparet. Num. 1. lecticam, qua Admiralis gestatur. 2. Triremem, qua fluvium traiciunt. 3. Accessum eius ad Regem, & quomodo ab eo acceptus sit. 4. Satellites Regis, omnis generis ludos Admirali exhibentes. 5. 6. Portas duas, per quas ad diuersorium suum Admiralis ducebatur. 7. Diuersorium Admiralis. 8. Palatium seu Arcem Regiam. 9. Aulam Regis interiorem. 10. 11. Tempia duo in arce constituta. 12. Canalem, quo aqua pluuia ex monte in stagnum quoddam deriuatur. 13. Domum regiam, in stagno, ubi multas gemmas colligunt, excitatam. 14. Modeliarem seu Capitaneum Regis. 15. & 16. Ciuem aliquem cum uxore sua. 17. Mancipium siue seruum ex iis, quib. aures plerumq; diffecantur, ut præ aliis cognosci possint. 18. & 19. Tentoria, ubi primores urbis interdum ab aestu solis tuti quiescere solent, denotant.






o.
m
i-
m
ese
x-
it,
e-
ed
in
o-

IS

1710

TABVLA COSMOGRAPHICA, REGIONIS SIVE
Insulae Celon delineationem exhibens.

Insula Celon in India Orientali sita in circuitu suo 360.
leucas continet, & multis Regibus habitat, quorum
potentissimus est Rex in Candy, qui iugum Lusitani-
cum excussit, ceteris omnibus sub tributo Lusitanorum
adhuc constitutis, qui in propugnaculo Columbo sese
maxima ex parte continent, & totam inde Insulam, hoc solum regno ex-
cepto, sibi subiectam reddiderunt. Cassia plurimum in hac Insula crescit,
quamuis & piperis & multarum gemmarum ferax sit. Est in parte se-
ptentrionali ciuitatis Candy piscina quaedam, margaritarum ferax, sed
& auro & argento, ferroq; & metallis aliis abundat. At vero Rex in
Candy non patitur ea inquirere, ne thesauros ex Regno suo amittat. Ho-
mines admodum superstitiosi & idololatri sunt, unde in
omnibus fere angulis statua quaedam humanam
partim, partim aliorum monstrorum
formam referentes cernun-
tur.





RPJCB

X.
REGIS IN CANDT ET ADMIRALIS
effigies.



VERA hac est effigies & imago potentissimi Regis, qui Fil-
mala Dermafurada, alio vero nomine, quod, cum in iu-
uentute sua à Lusitanis in propugnaculo Columbo bapti-
zaretur, obtinuit, Don Ioan de Austria vocatur. Rex
hic illustri familia natus, bellis ab ineunte atate operam
dedit, & in Goa aliquanto tempore vixit. Cum Admirale familia-
rissimè conuersatus est, & omnem ei beneuolentiam
exhibuit, ut ex historia prolixè
patet.

RPJCB

INSIGNIA ET SIGILLA REGVM IN CELON,
vnde Idololatria eorum patet.



H I duo annuli insignia Regum in Celon exhibent. Adie-
cimus vero etiam idololatrici cultus Regis in Matecalo
delineationem. Nam in regno isto idolum habent, ea
quam hic expressimus forma preditum. Coram eo in ge-
nua procidunt, cuiuscunque sexus, etatis aut dignitatis
sint, sapientiamque, diuitias, bonam valetudinem, & o-
mnia ad vitam necessaria ab eo expetunt, vnde quantis in
tenebris miseri isti homines etiamnum ver-
sentur, facile apparet.

KPJCB

NAVIS QVÆDAM LVSITANICA AB ANGLIS
& Hollandis expugnatur.



Nauem hanc ad sancti Thomæ ciuitatem pertinentem, Angli & Hollandi, 14. Octob. Anno 1602. deuictis Lusitanis, in freto Malaccæ expugnarunt. Numerabantur autem in ea 600. plus minus utriusque sexus homines. Eratq; nauis ipsa 1400. onerū capax, multis Indicarum mercium opibus onerata, quas cum inde ad suas naues Angli Hollandique traduxissent, restitutam iterum Lusitanis nauem cum omni populo dimiserunt. Numeros quos adiecimus sic intellige. 1. Admiralem Anglum, Gems Lancaster nomine; 2. Admiralem Hollandum, Georgium à Spielberg nomine; 3. Viceadmiralem Anglum, Midelthon nomine; 4. Nauem Selandicam, Agnum nomine; 5. Celocem Anglicam, 6. vero Admiralis Spielbergii Scapham denotant.

RPJCB

SEQVNTVR IAM ICONES AD AL-
TERAM HVIVS OPERIS NAVIGATIO-
nem pertinentes.

XIII.

QVA RATIONE POPVLI AD EVPHRATEM HABI-
tantes agros suos humectare soleant.



ROPVLI ad Euphratem, maxime vero in tractu Caraguol habitantes, cum per totam aestatem pluuiam non experiantur, mirabili quadam ratione agros suos humectare solent. Rotam enim molendini in medio flumine constituunt, eiq; circumquaque vtres ex pellibus Tigrium consutos appedunt. Hi, dum rota mouetur, aquam hauriunt & in vas aliquod appositum effundunt, unde per Canales hinc inde dispositos ea in vicinos agros deriuatur. Rotam vero istam boues circumagunt, ut ex capite 4. historię patet. Ceterum 13. cap. mirabilis artificii literas ab vno loco in alium transferendi fit mentio. Mercatores enim in Babylonia & Balsara columbas in obscuris locis nutriunt, quas hi quidem ex Babylonia, illi vero ex Balsara sibi afferri, ita vt lumen diei non aspiciant curant. Quando igitur quid accidit, quod socios suos scire volunt, literas pedibus columbarum alligant, atq; ita a se dimittunt, quę tam diu volant, donec ad pristinum hospitium vel columbarium perueniant, itaq; mercatores illis comprehensis, literas statim inueniunt, & quę scire expetunt, nullo negotio cognoscunt.

XIV. FES-

RPJCS

FESTVM POENITENTIÆ APVD POPVLOS, QVI
Amocchi & Chiaui dicuntur.



MORIS est apud illos, qui in Casta habitant, ut, cum maritus aliquis moritur, mortuum illum in foveam collocet, cruribus brachiisque in formam crucis dispositis, postmodo uxorem ex opposito eius eodem modo disponunt, & viam cum marito suo sepeliunt. Apud illos autem, qui Amocchi dicuntur, festum peculiare in usu est: cum enim reperitur aliquis, qui Pagodi siue idolo, quod populi isti colunt, votum aliquod fecit, vel in necessitate constitutus auxilium ab eo impetrare expetit, ad locum idolo sacrum sese confert, ubi ingens arbor quaedam instar mali alicuius in nauis cum antenna in terram defossa est, ab antenna autem illa siue ligno transuerso, retinacula duo ferrea dependent. Sacerdotes igitur idololatrae, post admonitionem ad poenitentiam, retinacula illa dimittunt, apprehensumque poenitentiarium in utroque humero ad Pagodo siue idolum attrahunt, ubi dependens ita à retinaculis ferreis ter idolum salutare, pectus suum percutere, & alia peragere cogitur, donec iterum remittatur, ut in cap. 34. prolixius annotatum est.

RPJCB

XV.
RATIO HOMINES EX VNO LOCO IN
alium gestandi.



HAC ratione Peguani utuntur, si quando aliquem ex vno loco in alium gestare volunt. Linteum enim habent ex Gossypio vari coloris paratum, cui in extremitatibus ferramenta adherent, quodq; tegmine siue umbella pro arcendo solis aestu & pluuia etiam ab hominibus deriuanda instructum est. Hanc lecticulam ipsi Delingo vocant; gestatur vero à duobus baiulis, duarum hastarum quibus adheret beneficio, & quae ea utitur, quasi dormiens recumbit, reclinato in puluinari capite, ut commotionem nullam sentiat.

Adiecimus hic etiam delineationem nauis, qua Dominus de Casmi uti solet, quae multis remis instructa est, qui trahuntur ad sonum siue clangorem tubarum aliquot, Domino in eleuata quadam sella sedente, & ministros suos in minoribus nauigiis secum habente. Expressimus etiam effigiem nauis mercatoriae, duplici fundo, & tabulato praetera alio, ubi mercatores sedeant, constantis.

RPJCB

XVI.
MAGNIFICENTIAE REGIS IN PEGU, ET QVO-
modo ille pro tribunali sedeat, delineatio.



REx in Pegu splendidam admodum & magnificam vitam agit: potentissimus enim est omnium Regum, & auri, argenti, gemmarum-
que per totam Orientalem Indiam (Rege in China excepto) ditissi-
mus. Singulis autem diebus bis causas audit, in throno sedens ma-
gnificè eleuatus & auro argentoq; indutus, Coronam in capite tripli-
cem gestat gemmis & auro nitentem, satellitibus vndiq; cinctus est,
qui humi sedentes arma in peculiari scamno disposita ad manus semper habent: iuxta
eum Principes, Comitesq; & Consiliarii eius consistunt. Vt consedit autem causis cogno-
scendis operam daturus, producuntur primo in conspectum eius quatuor Elephantes al-
bi, incedentes sub vmbraculo siue tegmine, quod octo hastis impositum ab octo ministris
gestatur, præcedentibus qui tympanum pulsent & tubis canant. Elephantes hi in con-
spectum Regis venientes, honorem ei exhibent, in genua concidunt, promuscidem ele-
uant, editoq; ter ingenti sono, quasi salutato Rege recedunt. Lauantur Elephantes hi
quotidie ex vasis argenteis, vasa autem, ex quibus cibum capiunt, dolia referunt, cadi
vnius capacia, & ex solido auro constant.

RPJCB

XVII.
PRODITORVM IN PEGV SVPPPLICIVM.



DATRIVM habebat Rex in Pegu Regem in Avua, sibi subiectum. Is aliquando contra eum consurgens, debitum & consuetum suum tributum Regi persolvere nolebat, fretus benevolentia Praefectorum & Aulicorum, qui Regi in Pegu ministrantes cum Rege in Avua foedus inierant, seque iureiurando ei obligarant, quod, ubi ad arma ventum esset, partibus eius, deserto suo Rege & Domino, accedere vellent. Rex igitur in Pegu cognita conspiratione ista, de bello Regi in Avua inferendo cum Praefectis suis deliberaturus, singulos convocavit, nihilq; tale metuentes, carceri inclusit, & cum vxoribus liberisque, & vniuersis eorum familiis, ita ut quatuor millium fere personarum numerum excederent, igni adiudicatos, in foro publico, spectantibus omnibus incolis, cremari curauit.

XVIII. PVGNA

117

117

RPJCE

XVIII.
PVGNA INTER REGEM IN PEGV ET
Regem in Auua.



SUPTO de proditoribus hisce supplicio; belloque Regi in Auua indicto, Rex in Pegu trecentorum millium armatorum exercitu breui tempore collecto, aduersus Regem in Auua profectus est, cumq; in aperto & longè lateq; patenti campo uterque exercitus conuenisset, Reges Elephantibus insidentes duelli initium fecerunt, sclopetis primo, mox sagittis & tandem strictis gladiis congressi, postmodo alter alterum prouocando, milites etiam congressi sunt, donec res ad perfectam tandem pugnam perueniret, in qua Rex in Pegu, interfecto patruo suo, victoriam obtinuit, omni eius terra ad se postmoaum translata.

RPJCR

XIX.
VENATIO ELEPHANTVM IN PEGV.



Delectatur Rex in Pegu maxime venatione Elephantum, quibus regio hæc admodum abundans est. Perficitur autem tali ratione: Sunt in ciuitate carceres aliqui crassioribus columnis ligneis cōstantes, & extra eos stabula quedam Elephantum, quæ præter unum capere non possunt. Iam cum venationem Rex instituere expetit, fœmelle quedam Elephantæ, ad hanc rem assuescētæ, in syluam emittuntur, oleo quodam in parte pudenda inunctæ, cuius odore Elephantæ admodum delectantur. Hoc odore percepto Elephantæ feri ad fœmellas hæc congregantur, easq; præ amore quasi furentes, ad ciuitatem & in ipsos carceres vsq; posthabito omni astante populo, comitantur, ubi fœmelle quidem ad stationes siue stabula sua properant, carceres vero statim occluduntur, vt exitus bestis illis nullus pateat. Quo factō captiuas sese videntes, sœuire admodum incipiunt, exitum vi summa querentes, donec defatigato tandem corpore subsistant, atque ita stabulis sese includi patiantur, ubi per dies octo cibi potus ve nihil gustantes, cicures tandem redduntur.

RPJC

XX.
FESTVM REGIS IN PEGV SOLENNE.



Abent in Pegu multa festa, inter alia vero unum maxime solenne & celebre, quod Sapan Giachie vocant. Hoc cum instat, Rex & Regina in curru triumphali, auro undiq; obducto, confidentes ad locum huic festo destinatum, qui 12. leucas ab urbe distat, tali pompa & ordine profisciscuntur. Præcedunt initio multi hastati, sequuntur deinde Sclopetarii, mox sagittarii, & tandem gladios gestantes aliqui. Post illos aulici Regis incedunt, & cum illis mixti Elephantes aliqui. Currum Regis proxime præcedunt duo rubri & quatuor albi Elephantes, ipsum vero currum octo Equi generosissimi protrahunt, comitanturq; eum nobilitatis pars potissima, viri nimirum & mulieres, equis elegantissimis insidentes.

RPJCB

XXI.
FESTORVM QVORVNDAM ALIORVM
in Pegu adumbratio.



PRæter festum supra adumbratum adhuc aliud habent Sapan Daiche dictum festum nēpe aquarum. Hoc enim festo Rex cum familia sua regia, ad certum locum magnificè delatus, curru descendit, & aqua rosarum suos aspergit, atq; rursus à suis aspergitur. In primis vero aulici & præfecti Regii sese inuicem aqua rosarum ita aspergunt, vt quasi flumine mersi, toto corpore madidi appareant. Festo quodam alio, quod Sapan Donon vocant, naui vndiq; inaurata Rex cum Regina, & aulicis nobilibusq; suis præcipuis ad vrberem Menao traicit, vbi domum regiam habet elegantissimè exornatam, vnde ludos contemplari possunt, quos nobiles aulici centenis saepe nauigis in mari congregati Gynaceo exhibere solent. Duobus enim singuli remigibus vtentes, ad certam aliquam metam velocissimo cursu feruntur, quam qui primus assequitur, Pagodo siue idolo quodam aureo; secundus argenteo donatur. Vltimus vero linteum à Gynaceo dedecoris notam accipit, quo partes pudendas contegat. Præterea etiam dies quosdam habent lauandis sacerdotibus monachisq; suis destinatos, quibus quidem diebus congregati incolæ aquam illam, qua sacerdotes sese abluerunt, colligunt & ex summa deuotione in potum postmodum adhibent.

XXII. SE-

RPJCB

XXII.
SEPVLTVRÆ REGVM ET SACERDOTVM IN
Pegu delineatio.

XXII





REGE aliquo in Pegu defuncto, parantur ab amicis eius due preciosissimæ naues, ita vt sibi inuicem cohæreant, has inaurato tegmine contegunt, & in altera earum tabulatum quoddam siue rogam auro obductum construunt, huic postmodum rogo corpus defuncti Regis imponunt, igne ex odoriferis lignis excitato, comburendum. Permittuntur autem naues flumini, additis quibusdam sacerdotibus siue monachis, qui cinerem postmodo adhibito lacte in massam redigant, & in aquam demittant. Quod si vero Sacerdotum siue monachorum, qui Talapoi ipsis dicuntur, aliquem mori contingat, reliqui post multas solennitates corpus eius rogo impositum ad littus maris deferunt, adhibitis lignis odoriferis comburunt, cineremq; inde collectum in aquam abiiciunt, ossibus, quæ forte supersunt, iuxta ædificium defuncti monachi in terram defossis atque sepultis.

F I N I S.

26936

RPJCB





I
DeBry

SV
pt. 6

1604

1
Let.

cop. 1





